


EAST-ASIAN LIB. UNIVERSITY OF TORONTO



3 1761 03024 3141





白隱和尚全集（全八卷）總目次

第一卷

龍澤開祖神機獨妙禪師年譜。獨妙禪師年譜補註。荊棘叢談。壁生草。寶鑑貽照。東嶺和尚年譜。至道無難菴主禪師行錄。正受老人崇行錄、偈頌。

第二卷

荊叢毒藥。荊叢毒藥拾遺。息耕錄開筵普說。

第三卷

槐安國語。槐安國語骨董稿。

第四卷

寒山詩闍提記聞。寒林貽寶。隻手音聲。

第五卷

布鼓、再鞞布鼓。假名因緣法語。遠羅天釜、同續集、寶鏡窟之記。於仁安佐美。藪柑子、夜船閑話。夜船閑話下卷。邊比以知吾。さし藻草。

第六卷

八重葎。兎專使稿。福來進女。壁訴訟。假名葎。おたふく女郎粉引歌。主心お婆々粉引歌。施行歌。安心法興利多々記。大道ちよぼくれ。子守唄、草取唄。善惡種蒔鏡和讃。坐禪和讃。孝道和讃。寢惚之眼覺。毒爪牙。杖山百韻。四智辨。藻鹽集。讃語。雜纂。鵲林尺牘。

第七卷

退養雜毒海。宗門無盡燈論。願力辨。五家參詳要路門。快馬鞭。自笑錄。

第八卷

圓桂和尚語錄。九峰和尚語錄。靈源一滴。寶藏萬藏塙。爛枯柴。斯經和尚語錄。願心道場旨趣。拾遺。

昭和九年六月二十五日印刷

白隱和尚全集 第二卷

昭和九年六月三十日發行

【奥 附】

編纂代表者

後 藤 光 村

東京市赤坂區田町七丁目三番地

發行兼
印刷者

草 村 松 雄

京都市右京區花園妙心寺正法輪社內

編纂所

白隱和尚全集編纂會

東京市赤坂區田町七丁目三番地

發行所

龍 吟 社

電話赤坂⁴³⁰三四〇番
振替東京七〇〇〇番

(第二回配本)

祥光射斗。群妖悲走。閑鬼驚潛。乍落野人奴隸手。則刈柴劈篋。霜刃折碎。
終不及菜刀。是寔世無知劍人之謂乎。者箇三箇問頭。其峻過九虎關。若
恁麼透過爲有分。跛鼃望禹門者也。恐有關吏抱腹大笑乎。我今非輕忽
諸方。只恨此文喪盡。參玄上士請顧焉。

息耕錄評唱剩語終

白隱和尚全集第二卷終

行。虞子兮虞子兮如爾何。

息耕錄續輯。龍杪第八。師在靈隱鷲峰塔。杜絕世諦。衲子請益。遂立三問。示之各令着語。

一者。己眼未明底。依甚將虛空。作布袴着。

二者。劃地爲牢底。因甚透者箇不過。

三者。入海算沙底。因甚針鋒頭上翹足。

鶴林曰。息耕老師末後吐出三行毒涎。以待負命底兒孫。恰似武侯豫敷八陣。以護巴蜀。可謂親切也。右問三章。每章二句。余一見彼錄中。各於章左邊類下語者三十字。朱字以書之。附後生者在。或曰。是近世何某宗匠講錄之次所註解者也。江湖瞻撥龍象。記寫以秘重之。予於此。不覺大息曰。嗟已哉。息耕東海日多兒孫。既今拂土滅絕。譬如龍泉太阿。冷焰照膽。

傍若無人。知他是凡乎。是聖乎。掣風掣顛。有盤山風標。有普化體裁。甚痛快也。所悲者到尅期取證。言薦賞勞之日。俄低首窄肩。平生高笑濶論。毫釐不能使得。戰戰栗栗。無半點氣力。懔懔憧憧。如暗中取物矣。於息耕纔下得四字葛藤。摸寫一箇輕薄衲子。束拋出諸人面前。寔不妙哉。息耕面前不取。偏縱橫不羈。不要偏綿綿密密。只求真正透過底漢子。是故舉此一段嶮處。時人錯看過底甚多。既是屠兒廣額放下屠刀云。我是千佛一數。又作麼生。莫謂此是說不涉修證。不假悟明。人人本具實成久遠道理來。若果而者般見解。屠兒且置。刀子亦不能見。何故。臍堂自養千均弩。枉恐虞人鼻孔長。

息耕錄第六。黃檗啗酒糟漢。鵠林云。黃檗大師綴五羊皮。以擬千狐腋。雖者僧有信越才。如何兩處不見功。將何爲驗。力拔山氣蓋世。雖不行。雖不

屠兒放下屠刀。云我是千佛一數。又作麼生。出來下得一轉語。管取別飯炊香。

呼風嘯指之四字。諸鈔及古今註解雖紛然。各不諦當。是故。古來爲息耕錄中最後難處。宜哉。先軍不碎後陣可知。上頭莽鹵故。下文轉莽鹵也。予讀到此。苦吟者一夜。爆然而見徹。恰如劈竹三節節節待刃。下面數行難處。煥乎而似見掌上。不堪歡喜。書以授諸子。是無佗。從前諸老被欺誑國字板點。不能見得透。所謂呼風嘯指者。呼喚風詠。嘯歌指揮之義也。言諸方叢林有一員宗匠。建法幢行眞施之日。百數成群。萬指聚頭。其初入保社時。肅容規步。如擎油。似蹈水。齊眞正參禪。以生死爲念。以究明爲懷者。旣而纔向月餘。少知寮舍廣陝鍋釜大小則。乍敖放瞥脫。縱橫不羈。涉庭階呼喚。遶廟塔風詠。傍松根嘯歌。立廊廡指揮。不循規。不守矩。不屬王化。

陽註解者數十字每句令履穿之者。看來似可與龍杪一狀領過者。顧是汾陽和尚。未見首山以前註者乎。將又後人謾竊註。假名於汾陽者乎。原夫汾陽善昭禪師者。首山鍾愛。石霜恃怙。智鑑高明。識量寬大。時稱西河獅子。豈容易哉。師若握首山三指註。星夜炷香望西。大展九拜以謝罪。師若握首山兩指註。長沙道底。息耕云。首山自謂得臨濟正傳。却作野干鳴。致令天下兒孫箇箇拖泥帶水。予一見。不覺寒毛卓豎。是大似子房遙目送沛公了。歸來竊燒却棧道者。雖然。夢曾得見首山哉。何故。首山是黃檗第六世。

息耕錄第八。解夏小參云。呼風嘯指。傍若無人。百數成群。不屬王化。及乎言薦賞勞。便如暗中取物。其間有一箇半箇。知因識果底。頂在額角頭上。不敢妄有走作。驀然蹉却。踏殺一箇蟻子。便乃話頭不圓。只如西天廣額。

息耕錄評唱剩語

息耕錄第一。報恩光孝禪寺語錄冬至小參云。舉五祖演和尚示衆云。但只喫菓子。誰管樹曲。衆云。師云。者無厭生老翁。得與麼不知來處。報恩菓子貴賤。價數高低。也要諸人一一知得。鵲林曰。兩箇惡情。一箇知。碧瞳胡闕板齒。不會黃面老臨母胎。一箇似巖頭笑底。不如玄沙道底。點檢看來。共是不致騰俎於大夫。

息耕錄第二。寶林錄中曰。首山省念禪師綱宗偈云。咄哉巧女兒。攬梭不解織。看佗鬪鷄人。水牛也不識。咄哉拙郎君。巧妙無人識。打破鳳林關。着靴水上立。今時諸方異解紛紛。或執五位配合。引賓主粘着。一箇不足把。大瞎却後人智眼。就中有稱龍杪者。恣運出自家盲解。書之梓之。甚妨人悟門。予從頭一筆勾下。不欲使後人隻字照顧。且又有大可怪者。有稱汾

息耕錄開筵普說終

了時也。雖命十方波旬障礙。不能窺。豈不快乎。若如彼樵者。纔下一二刀。憂其不倒。問張三。纔下三四刀。憂不倒。尋李四。何日見彼木倒哉。學道亦不異乎。吾今非誇已見。遲人我三十年前。正受老人所嗟悼。慨念件件也。每開示此事。無不老淚數行。滴衣襟。吾今追憶其附託丁寧。如無身所置。傾盡心肝。告報諸君者。願努力再挽回祖庭孤危眞風。永隆興禪門最上宗趣。莫慣待老來。予說滿地一場愁。久立大衆。伏惟珍重。

元文第五庚申歲孟正下浣。

有賊機。此語極難透難入。可貴兩尊慈。留此換骨祕要。以待有力兒孫。寔真正法窟爪牙也。若人參窮。一回白汗流。許爾稱息耕東海日多孫。若又擬議不來。莫言我是華塢國師兒孫焉。今時諸方徃徃道。言句是奴子婢子事。我不要被奴子婢子事錯錯。二大老若其奴子婢子乎。我亦奴子婢子而已。我不把爾貴介公子。不嫌爾奴子婢子。既是二大老兒孫。若不透過二大老說話。有何憑據。得稱正法海裏片鱗。未透底土莫管而得力不得力。純一非純一。唯單單舉揚話頭。要無間斷。譬如伐十圍之樹。非所以一斧斤而倒者。刀刀不怠則不。欲其倒。俄然而倒。當其倒時也。雖備其近遠子弟。勦力欲拒之。不可立。如棄六尺身。非所以一不善而亡者。行行不休則不好其亡。卒爾而亡。當其亡時也。雖禱上下神祇含淚而救。不可及。如窮一則話。非所以一舉起而了者。參參不廢則不要其了。忽爾了。當其

初宗師被說破。被授與。被許可。被印定時。自謂志願成辦。大事了畢。雖佛祖不足羨。如何。日往月深。見處偏枯。動靜矛盾。雖暗頭似明。明頭不得半點力。鐵枷金鎖。狐窠鬼窟。正眼看來。滿地一場愁。而祖師門下事。驢年曾夢見哉。不覺爲彼焦芽敗種部屬。是寔非死狗華鬘。何哉。走雖遠。一四天下。徒增長臭穢而已。何時脫下去。爲之如何。若人欲到從上諸老所證田地。豈其難哉。先須參狗子佛性話。重歲月。不墜跟者。必有得力之處。捨了見箇難透話頭。必定見得古人受用處。不在悟解了知之間。息耕老師初了悟古帆未掛話。以不爲足。看壽塔話四年。初成就大器。留住大地載不起底見地。茫茫死水裏。鴉亦不顧底一塊臭爛屍。誰請爲十刹大宗匠哉。茲有最後向上祕訣。從上錯會底甚多。胡亂去底不少。宗峯妙超大師云。朝結眉。夕交肩。我何似生。此語極難信難解。大定聖應國師云。柏樹子話。

示衆。如貴介公子。聞田夫說話。卽作嘔吐聲。初以香嚴爲此中有人。爲師資約。纔及知宗旨。大異舊時。須知吾祖州門下。參禪有換骨靈驗。彼若初非攀懶安葛藤。何得成大器。昔龍牙見臨濟打着卽言。打則任打。要且無祖師西來意。見翠微打着又言。打則任打。要且無祖師西來意。是他見處。上無諸佛。下無衆生。頭不戴天。脚不蹈地。盡乾坤大地。一箇無孔鐵鎚。是故明覺名之爲能所共泯底。一枚瞎龍。所恨夢曾不能見臨濟。是卽佛祖難醫底大病。往往得此一塊屎丸。則爲祖師面目。爲衣內寶珠。可惜許。殊不知。是此韶陽平生爲人拔却底。不淨釘楔。縱雖覺知釘楔。漫欲除去之。如彼波旬。被毬多挂着底。死狗華鬘。波旬初被毬多挂着時。自謂莊嚴光明。梵釋亦不足羨。載歡喜。載踊躍。歸來入天宮。時宮妃嬪御掩鼻走。皺額避。於此初了知人。狗蛇三屍。臭爛穢惡。氣索魂蕩。憤悶憂惱。學人亦如此。

涯際哉。予謂是則是。可惜許。眞淨瞑眩眞藥被寂音點出。其能恐不及敗鼓皮在乎。嗚呼如居士者間出君子。而官登宰輔。壽近百齡。君信臣貴。士敬民懷。智鑑高明。識量寬大。實王佐才也。寂音行見。妙喜遙尋。有何不足處。聞眞淨垢罵惡發之音。星夜望歸宗。炷香禮拜悔謝。何哉。須知我祖宗門下有。大可怪事焉。百丈大師見馬祖捏住鼻端。乍失安身立命處。濟北藥嶠見打着。家國喪亡。風穴見南院折挫。打失面門。象骨見巖頭一喝。膽魂驚落。雲門見逼折左脚。魂飛魄散。香巖片瓦觸竹根。石霜見汾陽掩却口頭。翠巖見瓦片壓倒。佛果讀艷詩淚落。大原聞笛聲心死。妙喜觸南風毒熱。此各打失調御在。雪山見惡星照殺底消息。其得力處。魔外不能窺疎山和尚初聞香巖道言發非聲色前非物。自謂徹底了當。及辭約待師兄有住處。來見薪水。一旦明招見觸破。初知有祖師門下事。歸來聞香巖

之見解試吐露看。悅卽具陳。素曰。只可入佛。不可入魔。須知古德謂。後末一句始到牢關。悅擬對。又遽問。以無爲如何說。悅又擬對。而素忽高笑。悅恍然有得。後數月而素乃印可。仍戒之曰。文示子者皆正知正見。然離文太早。不能盡其妙。吾今爲子點破。使子受用得大自在。佗日切勿嗣吾師。後嗣眞淨。後來無盡見兜率。舉末後句事。逮罷相。過歸宗。夜話及此。眞淨輒怒曰。是何嘔血禿丁。脫空謾語。豈可信受。遂不終語。逮崇寧三禩。寂音尊者謁無盡峽州荆溪。語曰。惜乎眞淨不知之也。音曰。相公只知清素末後句。及眞淨眞藥現前而不能覺。盡驚曰。果有此耶。曰。疑則參。盡於言下。頓見師用處。遂炷香望歸宗悔謝。卽取家藏眞淨肖像。展拜題讚於其上。以授寂音。噫。悅能扣素而不能忘其轍跡。致無盡從墮其中。非寂音發眞淨瞑眩之藥。何能愈無盡膏肓之疾耶。信宗師爲人。各有慧利。豈易測其。

其二物不識於大海。不識於叢林。人趨乎小道。其義亦然。此可謂久功中止不達如理。捨大求小。半路依止。以小安而自安。不及大安而安。所謂大者何哉。真正見性徹底大法淵源底透過道流。小者何哉。認得見聞覺知底相似禪徒也。於乎如肇公。誠真正大乘法器也。姚秦時祖師未西來。禪道未東漸。獨立渺茫教海中流。立至大至正高論。比今時禪徒。非金鑰奴郎遙殊者歟。寔可敬矣。石霜清素侍者閩古田人也。晚遁湘西鹿苑。以閑淡自牧。兜率悅公時未出世。與之隣室。有客惠生荔支。悅命素曰。此乃老人鄉菓。可同餉也。素慨然曰。自先師去世。不見之矣。悅從而問之。師爲誰耶。對以慈明。悅乃乘閑致客款其緒餘。素因問。子曾見何人。悅以眞淨文和尚告之。素曰。文又見誰耶。悅曰。黃龍南禪師。素曰。南匾頭在石霜不久。其道盛如此。悅益駭異。尋袖香咨扣。素曰。吾福鮮緣寡。豈可爲人師。但子

悟入。須知斯人非眞正導師。斯人從本是非參究底人。縱汝有鶩子智。具滿慈辯才。從上宗師。父子不傳妙。如何得下觜。古如慶喜尊者。佛親戚而自髻鬣。隨佛出家。爲如來常侍者。其親近薰炙者。大凡幾許年。其開示教諭。豈淺近哉。雖然。終不能打發。世尊入滅後。在大龜師兄所。初喪身失命。願其上古大難。近世大易。何哉。蓋道上古者。根鈍人薄。而近世者。人利根熟乎。將復爲其提携。教示巧妙。不及近世乎。神光叉其臂。石霜錐其股。有脇不着席。有足不越閭。何其難耶。若其近世之易。是則上古之難。非也。上古之難。是則近世之易。非也。大丈夫兒。不透過則已。若其開大口。道透過者。縱雖艱辛。刻苦經三四十年。須要必定決定。到古人所證田地。何容易。持汝如拾芥底。輕薄凡解。一生錯半醒半醉去耶。是非齊人走播間。計速飽底窮兒麼。是故。寶藏論云。夫進道之由。中有萬途。困魚止瀝。病鳥棲蘆。

哉。昔香嚴智間禪師參_二潑山_一。山問。我聞汝在百丈先師處。問一答十。問十答百。此是汝聰明靈利。意解識想生死根本。父母未生時。試道一句看。師被一問。直得茫然。歸寮將平日看過底文字。從頭要尋一句酬對。竟不能得。乃自歎曰。畫餅不可充饑。屢乞潑山說破。山曰。我若說似汝。汝已後罵我去。我說底是我底。終不干汝事。師遂將平昔看過底文字。燒却曰。此生不學佛法也。且作箇長行粥飯僧。免役心神。乃泣辭潑山。直過南陽。覲忠國師遺跡。遂憩止焉。一日芟除草木。偶拋瓦礫。擊竹作聲。忽然省悟。遽歸沐浴。焚香遙禮潑山。讚曰。和尚大慈。恩逾父母。當時若爲我說破。何有今日之事。爾看從上宗師。點滴亦不施。是非惜法。其實惜人也。與今時往往捉頑賤無智一縷香不堪底癡鈍漢子。提携教示。按牛頭喫草。鑽腋出翼。打許多屎尿畢。印定許可底。非霄壤遙異者耶。若有人言我能說法使人

喪氣。顧是大丈夫兒。傑出萬夫者之所懷。而庸才情弱之士。所以斷望於其際者也。昔大禹雖掃除四百州患難於洪水。三五載費役多少人力。普漢高雖隆興四百年洪基於草昧。四十年傷害許多生命。彼有漏世間功業。此無漏出世勳果。非天淵杳殊者乎。有般底杜撰。集七八輩部屬。僑眸如虎。抗鼻如象。公公乎而告曰。如何某長老者寔佳。詩入李于鱗。文效袁中郎。且常住豐饒。當時無雙也。二時粥飯。三時點茶。點心席未卷。藥石板又鳴。其所授與宗旨。專直指法。而令人悟入寔如拾芥。張三亦立悟去。李四亦直會歸。于士。于農。于工。于商。及屠沽負販人。纔入門闥來。不打徹半箇無。不知天壤之間。那箇叢林勝之。行脚若不入此門。一生錯廢參學事矣。嗟汝是何處蟠間乞兒耶。汝所謂直示誰家曲調耶。如拾芥胡爲其易耶。嶺南秘訣乎。濟北宗要乎。此事若說得足。教得成者。豈道佛祖不傳妙。

三頓棒話。有過人處。必能了畢大事。師潛然。禮辭到白雲。於戲大哉。圓鑑無私照。寔可敬。今時授與一片死法。一印印殺曰。汝亦如是。我亦如是。至死護持。必莫教移易。學者亦禮拜頂受。堅守橫守。空過一生了。是何顏哉。彼指教見白雲者。不好門庭鬧熱。偏欲真風不墜地也。演祖始在磨院日。有僧見磨轉。遽指以問師云。此神通耶。此法爾耶。師蹇衣旋磨一匝。僧無語。未幾白雲到來。語師云。有數禪客自廬山來。皆有悟入處。教伊說。亦說得有來繇。舉因緣問伊。亦明得。教伊下語。亦下語得。祇是未在。師於是大疑。私自計曰。既悟了。說亦說得。明亦明得。如何却未在。遂參究累日。忽然省悟。從前寶惜一時放下。走見白雲。雲爲手舞足蹈。師亦一笑而已。師後云。吾因茲出一身白汗。便明得下載清風。可貴。演祖纔累日苦吟。乍超三賢四果階漸。徹四七二三玄蹟。其樂說無碍辯。答則出人意表。問則學者

育王一千來衆。長老日逐接陪不暇。豈有工夫着實爲汝輩發機。傑下淚曰。若如此。某今往何處。老宿云。此去衢州。明果有華匾頭。雖後生見識超卓。汝宜見之。傑依教往華。四年而窮盡千聖命脉。今時與逐粥飯濃厚。尋寮舍穩便。生死不掛懷。參玄不爲念。如磨行。如蟻聚者。天地懸隔。五祖演和尚示衆云。某十有餘年。海上參尋。見數人尊宿。自謂了當。及到浮山圓鑑會下。直是開口不得。後到白雲門下。咬破一箇鐵酸齏。直得百味具足。且道。驟子一句作麼生道。乃道。華發鷄冠媚早秋。誰人能染紫絲頭。有時風動頻相倚。似向堦前鬪不休。不聞言。自謂既了當。佗若爲自了當。不入圓鑑室內。侍白雲膝下。殆誤一生了。可貴。明眼宗師人天大寶聚也。今時爲自了當。誤了一生。亦未可知。五祖初參浮山遠禪師。遠一日語師云。吾老矣。恐虛度子光陰。可往依白雲。此老雖後生。吾未識面。但見其頽臨濟。

肯時。瀉山靈祐禪師爲典座。則問。祐。踢倒淨瓶。師笑曰。第一座輸却山子也。祐遂往。若令今時擇一員長老。道姓氏如何。出生如何。負擔重輕如何。親族貧富如何。詩如何。文如何。何某面具好。長少低。何某長高。面具不宜。彼筆墨佳。此辯才不足。長許多無明。而不打如上屎尿。直下見一句子。寔可貴。時勝首座曰。猛虎當路坐。黃龍終令去住黃檗。順不覺曰。勝首座下得一轉語。便得黃蘗住。佛法未夢見在。師於言下大悟。方知黃龍用處。古參玄衲子。不逐寺門繁興。不尋多衆圍繞。只以此大事爲懷。今時奴郎不辨。玉石不分。何某和尚憐衆如赤子。何某長老以禮佛爲眼目。彼日中一食。此長坐不臥。寔肉身古佛也。可惜許。昔密菴咸傑禪師閩人也。初出嶺至務州智者。偶負暄次。有老宿問云。上座此行何處去。云。四明育王見佛智和尚去。老宿曰。世衰。後生家行脚。例帶耳不帶眼。傑曰。何謂。老宿云。今

汗下。不知答。慙慙趨出。明日又遭垢罵。師慚見左右。卽曰。政以不解求決耳。罵豈慈悲哉。法施之式哉。慈明笑。於是悟旨失聲曰。泐潭果是死語。則獻頌。傑出叢林。是趙州。老婆勘破有來由。四海如今清如鏡。行人以道莫爲讎。時南三十五。汝看。古人參禪甚辛苦。恰如踏破鴟鴞臭卵。玉鳳乍躍出。於是楊岐黃龍二派如燕尾別。眞淨和尚初往香城。見上藍順和尚。顧問甚處來。師云。黃龍來。曰。黃龍近日有何言句。汝看。若似今時。合問黃龍近日守幾炷香。誦幾卷經。禮何佛。持何戒。打頭有何言句者何哉。師曰。黃龍近日州府委請黃蘗長老。垂語曰。鐘樓上念讚。牀脚下種菜。下得語契。便往住持。又不見。古百丈大師。因司馬頭陀自湖南來。見師曰。瀉山奇絕。可聚千五百衆。師曰。吾衆中下得一轉語出格。當與住持。卽指淨瓶問曰。不得喚作淨瓶。汝喚作甚麼。時華林爲第一座。則曰。不可喚作木楔。師不

岩。而使_三我見_三石霜。見_レ之有得。於悅何有哉。卽日辨裝。汝看。古人毫釐不相欺矣。如今時。恃師承。執舊見。張氣飾非。強自欺。何時有了日。後見慈明。聞其論。多貶剝諸方。而件件數以邪解者。皆渤潭密付旨訣。氣索而歸。而念悅平日語。翻然改曰。大丈夫心膺間。其可自爲疑礙乎。趨詣明之室。曰。慧南以暗短望道未見。頃聞夜參如迷行得指南車。然唯大慈更行法施。使盡餘疑。慈明笑曰。書記領徒遊方。名聞叢林。若有疑不以衰老卑棄。坐而商畧。顧不可哉。呼侍者。進榻且使坐。公固辭。哀懇愈切。明日。書記學雲門禪。必善其旨。如洞山三頓棒。合喫不可喫。師曰。可喫。明色莊而言。聞棒聲。便言合喫。從旦到暮。聞鴉鳴鵲噪鐘魚鼓板聲。亦應喫棒。何時當已哉。南墜而却。慈明云。吾始疑不堪汝師。今可矣。使拜。南拜起。慈明理前語曰。脫汝會雲門意旨。則趙州嘗言。臺山婆子被我勘破。試指其可勘處。公面熱。

擔數十桶白飯來。放幾百枚無眼茄瓠。使伊狼貪蠶食了。雖警伊策伊教。伊六時行道長坐不臥。若其一箇無抱道衲子。昭覺必言。枯淡也。艱辛也。縱雖一箇。雖半箇。雖在陰僻陋巷上漏下濕底三間老屋裡。縮頸屈膝坐。專一究明宗旨。昭覺必言。富貴也。盛大也。然則非古人爲寂寥者。今人盛事。而今人爲盛事者。古人之寂寥哉。何至此極哉。黃龍慧南禪師嗣慈明。初受潞潭靈澄印證。領徒遊方。以氣自負。偶會雲峯悅。同遊西山。夜話問。潞潭所授之旨。師言其要。悅曰。澄公雖雲門後。然法道異耳。師問所以異。悅曰。雲門如九轉透餅丹。點鐵作金。澄公藥汞銀。徒可玩。入鍛卽流去。師怒以枕投之。明日悅謝過。又曰。雲門氣宇如玉。甘死語下乎。澄公有法。授人死語也。死語其能活人哉。卽背去。師挽之曰。誰可汝意者。悅曰。石霜楚圓。手段出諸方。子欲見之不可後也。師默計曰。此實行脚大事也。悅師翠

爲什麼却向楊州出現。師曰。君子愛財。取之有道。後僧舉示蓮華峯祥菴主。菴主大驚云。雲門兒孫猶在。中夜燒香。望雲居拜之。吾聞菴主者祖雲門。父奉先。其機鋒卓絕。而二十年試人。終無契其機者。縱六方恒沙刹土。調御師。同時出頭來。放無量大光明。現無量大神變。逞四辯。恣八音。而說法如雨。總不顧底惡習老骨槌也。然只今纔聞五七言閑語。燒香望雲居禮拜者何哉。將是何意哉。此孔夫子語。而載魯論中。彼豈從初不知此語耶。今俄聞聰公舉大驚喜。將爲狂興。將爲癡興。將又有所大可貴興。寔可怪矣。佛眼遠禪師住龍門。時一僧被蛇咬。室中舉云。既是龍門僧。因甚被蛇咬。衆下語不契。高菴悟曰。果然現大人相。師領之。圓悟在昭覺。聞得乃歎曰。龍門有此子。東山道未寂寥。試問。昭覺指以爲寂寥者。胡爲事哉。將其艱辛枯淡之謂乎。將其多衆鬧熱之謂乎。吾聞佛法在正不在盛。然則

語言宏妙。眞法窟爪牙。乾道始。瞎堂住國清。因見或菴讚圓通像。曰。不依本分。惱亂衆生。瞻之仰之。有眼如盲。長安風月貫今昔。那箇男兒模壁行。瞎堂驚喜曰。不謂此菴有此兒。卽遍索之。遂得於江心。固於稠人中。請充第一座。吾聞見人寔難。聖賢其猶病諸。而瞎堂見五七行讚辭。請來爲第一座。將容易耶。將暴卒耶。將又有所見耶。寔可怪。淨慈水菴師一禪師。室中垂語云。西天胡子沒鬚髭。僧傳至或菴處。菴云。餓狗喫絳纒。僧回舉示水菴。水菴云。此是五百人善知識語也。如舒州投子和尙。聞大隋隨佗去之語。炷香禮拜云。西蜀有古佛出世。君看明眼宗師一見。不殘毫釐如秦鏡照肺腑。洞山曉聰禪師。初見文殊眞禪師。師示衆曰。直鉤釣驪龍。曲鉤釣蝦蟆蚯蚓。還有龍麼。良久云。勞而無功。龜毛寸寸長。師卽有省。後在雲居作燈頭。見僧說泗州大聖近在楊州出現。有設問者曰。既是泗州大聖。

橫機捷出。迎鋒取勝。一日破菴開堂。寶上座至。破菴垂語曰。乾坤之內。宇宙之間。中有寶擬議。被打出。其時寶待破菴舉語盡。乃進語。既於中有處被打出。以謂被菴故摧我。歸衣單下脫去。火後鄉人收舍利呈破菴。破菴拈起云。寶上座。饒爾有舍利八斛四斗。置之一壁。還我生前一轉語來。擲地。惟見膿血。古人云。傳燈一千七百善知識。有設利者十四人而已。僧寶傳中八十一人。有設利者數人而已。且吾宗所重者。惟在宗通說通。有向上爪牙。爲人解粘去縛。謂傳法度生。餘皆末事也。吾祖宗門下。有難信難解難透難入底一着子。使學者心死意消。凜然變勃然興。是謂法窟爪牙。譬如老虎長嘯出林。狐兔狸貉之輩。膽冷股戰。不能正立。不得全視。屎尿俱下何哉。彼具鐵爪金牙如劍影也。若無此物。將狐兔亦不得異。所以古德曰。予建中靖國之初。故人處獲洞山初禪師語一編。福嚴良雅所集。其

來。香煙斷處。若去得。卽會先師意。若去不得。卽不會。虔遂焚香。香煙未斷。首座遂脫去。虔以手打首座背云。坐脫立亡。卽不無。先師意未夢見在。徃辨道純工人。以年窮臘逼。孤燈獨照時。爲最後嶮難重關。既是香煙絕處。恬然化。此外更何言哉。而撫其背云。先師之意未在大可怪矣。洪州雲居道膺禪師。曾令侍者送袴一腰。與一住庵道者。道者曰。有孃生袴。竟不受。師再令侍者問。孃未生時。著箇甚麼。道者無語。後遷化。有舍利。持似于師。師曰。直饒死得八石五斗。不如當時下得一轉語好。吾聞舍利自定慧薰果出。所以火浴頃。如粟粒芥顆。纔見一點。則老幼奔波。縑素競湊。瞻禮尊重。讚歎恭敬。而不言乎。自得八石五斗。不如生前一句。怪哉。生前一句者。胡爲物哉。超過舍利。如是尊貴哉。吾怪之久焉。破菴和尚退資福。赴徑山蒙菴招。委以立僧首座職。有寶上座者。具大知見。遇住持首座開堂。必

尺竿頭須進步。十方世界是全身。後來長沙岑禪師。因三聖令秀上座問云。南泉遷化向甚麼處去。師云。石頭爲沙彌時。見六祖。秀云。不問爲沙彌時。南泉遷化向甚麼處去。師云。教伊尋思去。秀云。和尚雖有千尺寒松。且無抽條石筍。師默然。秀云。謝和尚答話。師亦默然。秀回舉示三聖。聖云。若恁麼。勝臨濟七步。汝看。臨濟乎。長沙乎。寔佛海蛟龍。祖庭鳳麟。絕類離倫。遙出物表。其應緣步驟之間。如大火聚。如熱鐵橛。鬼神無窺其跡。魔外不能辦其用。誰測其涯際。誰人別其錙銖。然三聖嗣臨濟者。而却有此言。豈其容易。須知。汝所謂葛藤窩裡有少妙處矣。石霜諸禪師遷化。衆請首座住持。時九峰虔禪師爲侍者。白衆問首座云。先師道休去歇去。冷湫湫地去。一條白練去。古廟裡香爐去。一念萬年去。明甚麼邊事。會得卽住持。會不得不可。首座對云。明一色邊事。虔云。與麼不會。先師意在。座云。但裝香

身臂指。無分報佛恩十分之一。而古詩一聯斷葛藤。立報佛恩何哉。是寔非輕薄論。妙喜一代龍門。而一千七百衆之蔭涼樹也。豈吐荒唐詞哉。昔巴陵三轉語在。雲門大師云。我沒後莫設齋筵。只舉此三轉語。祖師豈好汝所謂枝葉邊事。充茶果珍饈者哉。已下百三十九字碧巖評古德曰。者中忽有箇出來

道本來無。向上向下。用參作什麼。只向伊道。我也知。爾向鬼窟裡作活計。悲哉。後人多作道理會云。麤言細語皆歸第一義。若恁麼會。且去作座主。一生贏得多智多解。而今徃徃道。本無悟處。作箇悟門。建立此事。若恁麼見解。如獅子身中蟲。自食獅子肉。不見。古人道。源不深者流不長。智不大者見不遠。若用作建立會。佛法豈到今日哉。僧問長沙同參會和尚。和尚見南泉後如何。會默然。僧又問。和尚未見南泉以前作麼生。會云。更別不可有。僧回舉示長沙。沙卽示偈云。百尺竿頭不動人。雖然得入未爲真。百

諸方。以我爲是。我著無禪論。汝秘重底根本上事。且豈不識破哉。若鑽之仰之。淘之汰之。錯了一生了。見甚好罵天。果被自南毒風吹滅命根。前後際斷。佛果曰。也不易。爾但死了不能活。不疑言句。是爲大病。豈不見道。嶮崖撒手。絕後再甦。須要信有此些道理。向來聞樹倒藤枯時。如何相隨來也。釋然大悟。悟則舉數段因緣詰之。酌對無滯。端居徑山最上層。千僧閣上。指令龍象。如饑鵬視群兔。可貴祖宗門下有者。般靈驗。遮莫人呼爲枝葉邊事。爾珍藏底根本上事。添得萬兩黃金擔來。亦不可貨。佛果曰。古人得道後。茅茨石室。折脚鑊兒。內煮野菜根。喫過日。且不求名利。放曠垂一轉語。要報佛祖深恩。已菴顏和尚頌南泉上山作務因緣云。珊瑚枕上兩行淚。半是思君半恨君。大慧聞得。令侍者收牌曰。只者一轉語足報佛恩矣。多少人自張香燈。點茶湯。羅列供具。排布華果。多拜多禮。六時行道。雖鍊

深。悲哉。有棟梁質。具超逸才底英靈漢子。被此弊風吹倒。半醒半醉。終一生作擬議。不來底鈍漢去焉。叢林乏人。亦不宜耶。若其執着爲根本上事。恐不覺。墮焦牙敗種部屬乎。古南岳祖師在馬師菴前。把輒磨者。欲教大寂了。知此意也。古人留下一句難透話頭。教兒孫剝落許多精神者。要教汝蹈鸛者。箇窠臼也。所以古人云。三十年餘吾亦住。宜哉多錯舊狐穴。寔知參禪甚不容易。五祖禪師暮年喜遊東西廡。見旦過僧持一編閱之。祖觀之。至於今人多。是得个身心寂滅。現前前後際斷。一念萬年。休去歇去。古廟裡香爐去。冷啾啾地去。爲究竟。殊不知。被此勝妙境界障蔽自己。正知正見。不能現前。神通光明。不能發露。卽掩卷以手擲揄曰。奇哉導師。善說法要。徑往首座寮呼曰。有奇特事。奇特中奇特。卽付圓悟。悟讀之。父子相與鼓舞嘉嘆。不能自己。大慧禪師初見圓悟。且自計云。當終九夏。若同

拍手驅碩鼠。竄此現彼。陰陰而常譏刺。祖師不傳眞風。悲哉。我日域二十四流賢聖。承久嘉禎嘉曆。建武間。擲軀命於鯨海。投身心於虎穴。傳此難信秘訣。欲懸慧日於扶桑。萬年高枝。留寶炬於螭洲。累劫暗衢。誰知被訾害。此默照部屬相似禪徒。纔未經二三百歲。拂土泯沒如死灰去。最可深悲者。此澆末衰頹也。或有眞正辨道上士。密參功積。純工力充。則平生心意識情。總不行。癡癡呆呆。理盡詞窮。和參究底心。一時打失。氣息亦將絕。殊不知。是則龜紋將爆底時節。鸞殼將脫底時節。佛法將得人底好消息矣。可惜大好善知識。乍超婆禪心。縱婦仁情。說種種道理。拽情量窟宅。推知解窠臼。以冬瓜印子。一印印定曰。爾亦如是。我亦如是。善護持。吁嗟護持任。爾護持。爭奈祖庭猶隔天涯。是甚如憐之。其實害之。學人不知毒掉頭歡喜。搖尾踊躍。自謂祖師西來秘訣全入手畢。豈知祖關不透。棘林猶

事作麼生。恐一片虛凝不動不搖底繫驢橛乎。將湛湛黑暗深坑乎。寔可
 怖畏。謂之墮見地。是卽賺世間多少癡人來。活埋底舊鬼窟老狸窠。縱汝
 保護秘重。歷僧祇劫數。依然一枝舊棺木。此名爲八識賴耶暗窟。古人行
 脚喫盡多少艱嶮者。爲超過此老屋。若人眞參純工去。得一回打破者箇
 舊窠。乍見大圓鏡智。四智俄煥發。五眼直豁開。若又見今時魔黨欺誑。坐
 在者裡爲家舍。爲寶所。磨礱去。拂拭來。堪爲何用。元是一片含藏識。入驢
 胎去亦是彼。入馬腹去亦是彼。勸君努力要下一刀。昔大覺世尊成道日。
 三七日中演方廣華嚴本懷。謂之珍御寶聚衣。徒衆如蟬似啞。於此爲攝
 取中下機。假且構此暗宅。道之化城。後來爲破此窠窟。調御在內提携。淨
 名在外彈呵。雖以二乘人比疥癩野干身。終不能拔其本根。養息竊蕃滋。
 遍月支。滿神州。雖石霜眞淨佛果妙喜之諸老張臂切齒強力攘斥。恰如

巧者。令其保護家事。倉廩府庫逐日衰減。於此捉家眷怪者幾箇。令彼賊兒日夜點檢。糾問。雖妻孥爲之憂愁。室家爲之窮困。資產依舊隱沒。是但錯認賊附托故也。須知彼擬空却底心。卽是生死大兆也。楞嚴經曰。由汝無始至今生。認賊爲子。失汝元常。故受輪轉。疏云。功德法財由之喪失。名之爲賊。迷不識認爲眞常。將謂嫡生。欲期嗣世。反遭破喪。歷劫貧窮。眞正欲空却生滅心。參箇渾剛打就底。難透話頭。忽然和命根打失時。始了畢永嘉所謂不除妄想。不求眞底玄旨。妙喜曰。近世魔強法弱。以湛入合湛。爲究竟者。不可勝數。又云。近年以來。有一種邪禪。以閉目藏睛。背虛都地作妄想。謂之不思議事。亦謂之威音那畔空却以前事。纔開口便喚作落今時。亦謂之根本上事。以悟爲枝葉邊事。蓋渠初發步時。便大錯了。以上大慧語。今時亦者。般魔黨不爲少。試問。枝葉邊事且置。汝秘重珍藏底根本上

實所。有什麼所欠少。噫似則甚似。如何途路都無半點力。如蝸牛逢物頭角總縮却。似跛鼃觸途六處盡隱藏。出氣亦不得。或見真正衲子撈著。如彼羊公鶴。回首亦不得。似彼鮮魚在刀俎上。一生萬死纖膾亦任佗。天爵亦任佗。泣亦無力。怎麼而稱祖師門下客可乎。怎麼而言無所欠少。有快于心乎。如古真正辨道衲子。活爐鞴上擲身財。忘命根。纔一回撥轉。則似彼東鯉振精神。透過龍門了。千態萬狀脫洒自在。豈不痛快乎。寧爲此。勿爲彼也。神龍者何謂哉。古真參純工底真正活祖也。嗟其可以人而不如魚乎。不死何爲。又有一般邪魔種族。率其部屬教曰。欲成辨佛道。先須空生滅心。心生故有生死。有涅槃。天堂地獄無不依心所生。是故汝輩單單唯空却心。於茲各定步。欲空其心。如何雖豎空橫空重歲月。如掉長竿掃煙霞。似伸隻手遮河流。徒增迷悶而已。譬有一箇豪家。錯揚賤兒姦謀尤

禹門擺尾進發。君不見。禹門者。杳自崑崙山頂落。百千丈狂浪漲飛。二三級嶮處側激。丘山崩落。迅雷怒吼。回飈咽捲毒霧。閃電苦驅臭煙。巨靈爲之失氣。海若爲之膽落。纔觸著一滴則。巨鼇裂背。長鯨骨碎。於是鯉魚張錦鱗。鼓鐵牙。一氣直衝。嗚呼鯉魚乎。鯉魚乎。渺茫海中片鱗。而得小鮮救饑腸足而已。胡爲其如斯猛利哉。上頭何所有。迅雷裂巖。雷火焦天。鱗甲爲之被打。而尾爲之被燒。乍大死一回。一回起來。鱗峻一枚神龍。雷神爲先軀。火帝爲殿後。右雨師。左風伯。擎雲騰霧。救焦芽於荒旱。護正法於濁世。各儔彼跛鼈。隨彼盲龜。拾蜨食蝦。過一生以爲足則。和修吉救不得。摩那志亦不得如何。豈有此盛事歟。盲龜者何謂乎。今時話頭爲枝葉。參禪爲施設。底杜撰瞎流也。彼非無些了解。徒認門頭戶底言。自性天淨心源海深。無生。死可捨。無涅槃可求。湛然寂默。空廓虛凝。是則人人本具底大。

尋要用底物。見佛祖言教。須如生冤家。禪門以不疑話頭。爲自棄無賴賤人。所以言。大疑下有。大悟。疑有十分。證悟有十分。莫謂。塵務繁絮。無暇疑。疑團。思念紛飛。乏力。下純工。譬於鬧鄺。騷市間。稠人廣衆中。有人錯遺落。二三兩黃金。爲鬧處。不顧。爲塵中棄置底。半箇亦無。推排多少人。打翻許多塵土。含淚尋逐。不再入手則。心頭不能平穩。然則。髻中無價大寶。自己本有妙道。可不如彼二三片黃金乎。胡爲其容易也。東海有波臣。名道赤梢鯉。大具氣槩。鱗中大丈夫也。平生慨念曰。我此鱗屬。知幾千萬種。歟。雖誇滄溟廣大。恃銀浪洪渺。沈浮波間。汨沒藻裡。多爲釣餌。獲爲網羅。拽而終懼刀俎。膾炙人口。骨交塵土。頭餉野犬。爲山市脯。爲店舍備。一箇不見全其終者。寔可悲。於此大憤發誓言。我願透過彼龍門。觸著彼雷火。出凡鱗聚隊。列神龍班次。永脫此患難。永雪此垢辱。旣而待三月桃浪節。直望

底宗旨是也。縱是雖信。不疑。著難透話頭。則不能透底徹了。縱是雖疑團凝結。不憤志以相續。則疑團不破。是故言。爲懈怠衆生。涅槃亘三祇。爲勇猛衆生。成佛在一念。只須切著精彩矣。如參禪鑽燧取火。唯以一氣進。爲賢。纔見暖氣生。卽休去。少見煙氣浮。乍休來。鑽經盡三祇劫數。終不能見星火。吾鄉近海濱。纔數百步。譬有一人。以未曾知海水甘酸爲憂。欲自行嘗之。纔百步而歸來。十步而却回。何時辨得彼苦鹹。縱雖信甲飛濃人。一氣進不退。則不日到海濱。纔染一指端。舐之則月支眞丹。南濱北溟。世間所有海水甘酸。一時頓了知焉。參玄上士亦如此。向自心上參究。一氣進不退。則自性。佗性。衆生性。煩惱性。菩提性。佛性。神性。菩薩性。有情性。非情性。餓鬼性。修羅性。畜生性。乍於一念子間。一見見徹不留毫芒。了畢大事。透脫生死。豈不快乎。謹勸參玄上士。究明己事。須如救頭然。求透過須如

益。佛陀此云覺。覺則自心卽是佛。若離心別求有相佛。是名爲癡人。譬如求魚人。先須見水。魚是水所成。而水外更無魚故。若人欲覓佛。先須見心。佛是心所成。而心外更無佛故。問。既是心外無佛。如何覺了自心。得徹底去。曰。恁麼問著底。是心麼。是性麼。爲鬼歟。道神歟。在內外中間麼。青黃赤白麼。自家須究明。立時究明。坐時究明。喫飯喫茶。語時默時。但單單窮將去。切忌向經教文字中求覓。向善知識口頭尋討。只到心機盡情量窮處。如貓兒捉鼠去。如鷄母暖卵來。豁然而有。鳳離金網。鶴脫籠底。時節縱到死。不能打發。三二十年徒爾送却光陰去。誓莫認諸方死郎。當老漢老婆說話來。以爲得力處。著骨粘皮。終不能打脫。況於祖師最後因緣。是故古人云。參禪須具三要。一者有大信根。二者有大疑情。三者有大憤志。若欠此一。如折足鼎。信根者何言哉。只是信人人有。可見得底自性。有可徹了。

爲當家種草。謹告蓮池大師。向僻地裏。搯蓮實念珠。傾頭收目。稱名念佛。求蓮華國裏生。是吾子分之宜也。張朦朧瞎眼。玩弄胡亂文章。判斷傳燈過量大聖人。且請束之高閣。何故。神龍行雲雨。非螺蚌可測度。古人曰。夫西方者。衆生心地也。過十萬億佛土者。止衆生十惡念。超過菩薩十地階級也。阿彌陀此云無量壽。是乃衆生佛性也。觀音勢至等聖衆者。是自性妙用也。衆生者。無明煩惱。慮智分別多心也。臨命終時者。識情寂滅時也。識陰情念寂滅則。心地清淨。名之道。西方淨土。西方日月星辰所收。而衆生一切慮智分別心。收一心地則。一心不亂。而彌陀如來現在故。悟自性時。而八萬四千煩惱轉成。八萬四千妙義。這妙用名觀音勢至等也。迷則安心名穢土。悟則其心淨。名之淨土也。所以血脈論云。過去諸聖所修念佛。皆是非外說。只推心內。若要求佛。先須見性。若不見性。念佛誦經有何

則雖顯密品殊。罪犯將一般乎。是非宏罪。是宏未見真正之導師。無參玄眼所致。而不見性靈驗也。人呼稱過現未來善知識之樣子。禪教律部大和尚之標題。將是何心歟。熟顧。今時諸方禪林。徃徃此黨太多。死守寂默枯坐。以爲道底。嫌違自家所證。見佛經如寇讎。不容令人看讀。恰似野鬼畏桃符。癡執見聞覺知。以爲禪底。嫉違自家所見。見祖錄如冤家。不許令人披閱。恰如跛兔避惡虎。淨人嫌譏刺。禪人憎謗倒。佛道危嶮。正此時也。雖然。是亦非道。廣窮經史。徧探墳典。玩弄詩偈。耽嚼文字。培人我列岳。樹勝佗幔幢。縱雖爾辯才等滿。慈智力過鶩子。乏菩提資糧。無見性正眼。終憍慢邪見。入肺腑間。乍斷滅佛種性。永成泥梨獄中衆生。真正道流。卽不然。先須見性。如見掌上。去間亦把佛祖言教。看過來。以心照古教。且見真正導師。誓參決祖師。最後因緣。末期打出一箇半箇。以報答佛祖深恩。是

機。於此披閱聖教。隨順師友。了畢大事。成就大器。具大辯才。行大法施。挑慧日於常夜。留慧命於澆季。名之爲眞正報恩底佛子。而彼亦爲初機。強壓令其念佛。此亦爲初機。強壓令其念佛。少室所謂。此土大乘根器具神俊才。有棟梁質。佗後可德山臨濟去馬祖石頭去底。可畏後生。隨半死老爺。伴半生阿孃。水邊林下。白晝收目。低頭念佛。傭誰家子。令續佛慧命。作末代蔭涼樹耶。眞風乍墜地。佛種永斷滅。男兒大丈夫請其擇之。當此之時。三部經典外。畢波窟中爲初機後學結集底。諸大乘經。三藏金文。盡歸無事甲中。空葬蠹魚腹中。無異深山古廟裏。纍纍舊紙錢。堪爲何用。寔可悲。經中所謂上品上生。大乘經讀誦人亦拂土無之。以反自家所執。譏害廢之。株宏疏抄非始皇焚書坑耶。秦昔恣苛政。大違聖經賢典。妬其違坑儒焚書。其亦庶乎其凶也。願三武顯廢佛教。株宏密廢佛教。不亦然乎。然

外別有淨土。妄想心外別有佛。不能徹了諸佛無土。前街後巷總是諸佛刹土。諸佛無身。南隣北舍全是諸佛全身。聞十惡八邪。隔西方等真正說話。惡違自家所望。強排斥欲塞。佗聞見。若任宏意樂。壇經不可初機。不容讀。華嚴方等法華涅槃。其餘了義諸經。皆盡不可初機。何故。大師既透徹佛心玄微。窮決教海源底。與諸佛同一舌演。與諸佛同一口唱。故且華嚴合論曰。一念佛力修戒。發願力生淨土。是化佛淨土。非眞淨土。爲非見性及不了無明。是一切如來根本智。是有爲故。如阿彌陀經是也。宏若一見。必定爲不可初機。筆之於書。合論何幸哉。免得觸蓮池之瞎眼。不聞投之非器。墮狂魔等批判。棗柏大士大寂定中多少慶幸乎。大凡老幼尊卑。緇素賢愚。正眼看來。具有如來智慧德相。分毫不欠少。爲初機。可棄廢底半箇亦無。雖然其最初發足日。不知辨道利害。不辨進修急緩。且假名爲初

人本具自性。曹溪大師亦然。雖設行由疑問。定慧懺悔等法門。畢竟不出
一乘見性法門。四七二三賢聖。及五家七宗諸老。各傳此見性法。代佛揚
化。專演諸佛出世本志。終不隻字談西方事。不片言說往生事。後學初機。
間又竊把壇經讀。終墮狂魔底一箇亦無。却各成就大器。請宏休嘆惜。是
故大元南海宗寶曰。壇經非文字也。達磨單傳直指之指也。南嶽青原諸
大老嘗因是指。以明其心。後以之明馬祖石頭諸子之心。今之禪宗流布
天下。皆本是指。而今而後。豈無因是指。而明心見性者耶。是亦叢社公論。
而與宏公僻地裏一人私言。實霄壤也。蓋根有利鈍。機有大小。故說亦千
般百種。譬如世良醫。雖胸中初不貯一方。病者多種。故方劑亦多般。夫如
願生淨土一門者。大醫王救苦者。爲救羣提希獄中患難。令其歸唯心自
性淨土。假且施設底善巧。暫時一方也。如宏不達諸佛善巧眞理。死執心

壇經錯以五天竺爲極樂。良有據耳。是何閑妄想乎。嗟肯竅良按得好。試言大禹以來。那箇地理志說五天竺國隔十惡八邪來麼。可惜許。何廻按地志底暇日來。不謹熟讀壇經子細觀察佛意耶。觀去觀來。忽然而撞著佛意。以爲據。不覺拍手大笑。大笑底是什麼。宏公無眼。妄判著聖言。寔可笑矣。肯竅亦同是葛藤窠裏人。恰如矮子見戲。隨佗上下。譬如兩箇瞎波斯拾一枚梵文貝葉來。向背地裡相共盡力判斷。暗翻昏譯一字子亦不諦當。却取笑於傍觀也。雖勾下不足論。恐害多少行人。所以許多葛藤。疏中又曰。壇經者慎勿示之初機。苟投非器。便墮狂魔。可嘆惜。是又甚不愼之麤言也。我說如壇經者。慎勿妄判斷。苟以暗鈍無智小見妄判之。便墮狂魔。可嘆惜。原夫。番番出世如來爲令衆生開佛知見道故。出現於世。是諸佛本志。中間雖有頓漸半滿顯密始終等經卷。畢竟收歸唯有一乘人。

典。頑陋無智。實無異彼牧漁奴隸輩。縱其雖牧漁奴隸輩。豈有淨刹與竺土不辨得底耶。今雖三歲孩兒。尊信有淨邦。況難遭難遇。間出聖智大導師。可尊曹溪大師。應諸聖。懸識優鉢華。真正十力聖者。乘願輪來者。而唱出從上佛祖。未曾說及底秘訣。恰如神龍入阿盧大海。換轉苦鹹海水。來作清涼甘露膏雨。橫灑豎灑。無礙自在。蘇枯荒於洪旱。又似世大饒長者。入大寶藏庫裡。世間希有雜寶。任手撮來。救凍餒賑枯急。不涉意度。不容情解。與今時攀緣閑葛藤。爛咬臭糟粕。情卜意解。胡亂說出底。不可同日語矣。佛說十萬億土。祖道十萬八千里。大威神力大智力。寔龍象蹴踏獅子哮吼。擬議野干腦裂。然宏公公然判曰。壇經錯以五天竺爲極樂國土。又曰蓋壇經皆學人記錄。何保無訛。依稀于救。彷彿于謗。肯竅曰。按地志所謂自長安西門。至西天迦毘羅城東門。凡十萬八千里也。雲棲疏中曰。

網。泉下鐵網。直是羅綺千重衣。淨刹美供。地獄洋銅。全是百味具足食。盡乾坤大地更無第二月。此非庸常下劣士所以可了知。祖師門下參玄上士。嶮崖撒手絕後再甦。始入得此三昧。此時理與智冥。心與境泯。謂之真正古佛來迎。參玄上士往生。名之爲上品上生。最上機。宏若不一回入得者。般淨刹。縱爾抹過十萬億刹土。歷盡八千度往生。總是夢中幻事。而邯鄲枕上一炊榮耀也而已。祖師分明道。西方隔十惡八邪。是至公至正論。而六方恒沙刹土如來。同時出頭來。一字子亦不能移易也。我且向爾說。西方去此十八里。西方去此十八時。西方去此一寸八分。是又至公至正論也。如何著手脚。言指那處村里。擬議壁間有七尺折朱杖。妬違自家所見。捉願輪不朽導師。擬淨邦與竺土。辨別不得底癡人可哉。是無佗。株宏之意竊謂。如大師寔雖悟得甚好。所悲元是南方樵人。不知文字。不讀經。

聖言果是聖者乎。實可敬焉。原夫。曹溪大師者。傳燈過量大導師。黃梅七百衆中更無第二人。其兒孫綿亘四海。碁布星列。如宏公。故紙堆中臆覺情解一布衲。不可並轡驅。爾不識乎。曹溪古鏡中。天堂地獄淨刹穢土。總是沙門一隻眼。輪鎚不開吹毛不入。無去無來無生無死。五須彌山白毫光。四大海青蓮目。七重寶樹八功德池。煥爛于心上。的歷于目前。黑繩衆合叫喚無間。總是無量壽尊紫磨金全身也。或喚作東方瑠璃光土亦得。或喚道東方無垢世界亦得。元是一箇大圓覺海。人人本具性。隨其業感強弱福力多少。所見總不同。地獄見之爲鏊湯爐炭。餓鬼見之爲火聚膿血。修羅見之爲刀兵戈戟。凡夫見之爲娑婆穢土。專見荆棘瓦石。厭之求淨土。諸天見之爲瑠璃玻璃。二乘見之爲方便有餘土。菩薩見之爲實報莊嚴土。諸佛見之爲常寂光土。不知衲僧見之還作什麼耶。須知天上珠

墮狂魔。可嘆惜。嗟雲棲者胡爲者乎。偏固儒生歟。小乘教人歟。且淨家者流。不知觀經深理。不具看經眼。妄自判譏聖經者歟。將又魔羅波旬部屬現圓頂方袍容。著文字般若衣來。欲訾害難遭微妙聖言者歟。大可怪。或人云。不然。熟顧宏公無見性眼。乏入理力。故進無宿昔般若正因。退有來生流轉患難。是故專念稱名。欲感得聖衆迎攝。以成佛果。偶披覽真正直指金文。大違懷素。俄失所望。是故憤然而綴彼疏鈔。以欲救鄙執者也。非儒非教。非魔羅波旬部類。只是少解文字底無眼一僧而已。宋明末此黨如麻。何足怪矣。若果然。雲棲此舉甚非良策。幸惟有大師慈訓。盡恭敬尊信。思惟熟讀。欲入佗聖域乎。妄自恃文字小伎。欲謗倒佗高明至聖者何哉。自錯了是可也。筆之於書。教壞多少後人。悲夫。大凡以反凡意爲之聖言。以違聖言爲之凡愚。聖言若無反凡意。是凡語耳。何足貴。凡愚若無違

人。湛問。爾是何處人。愚云。山城。湛問。修習何宗。愚云。淨業。湛曰。無量壽尊
年多少。愚曰。與某甲同年。湛曰。卽今在何處。愚卽握右手少舉。湛曰。爾是
眞淨家人也。是卽予向所謂。淨家若專唱得三昧發得。必入禪門。是其證
也。所恨淨而入禪底。如日裏尋星斗。禪而歸淨底。似晴夜數星斗。近聞遠
境禪林動張礲盤。居伏鐘。高聲稱名驚四境底。間又有之。嗟向所謂三百
年後懸識。寔可恐。自非江西濟北諸聖再出頭來。不能輒救。予常爲之牙
戰膽震。忠勇參玄上士。伏薪嘗膽。宜自策進。法寶壇經疑問第三曰。若論
相說。西方去此十萬八千里者。卽身中十惡八邪。近代大明萬曆之間有
杭州雲棲株宏者。撰彌陀經疏鈔。疏中曰。壇經錯以五天竺爲極樂國土。
五天震旦同是爲娑婆穢土。何須分別願東願西。極樂去此娑婆十萬億
土。蓋壇經皆學人記錄。何保無訛。如壇經者。慎勿示之初機。苟投非器。便

折指於僻地。數兩箇三箇左遷配流官人。稱官途無賴仕路蹈危。輕賤彼
狀元甲科君子者。是非不能舉鉢孟道自不饑者麼。或云禪而兼淨土者。
虎而挾翼者也。是何掠虛妄談哉。嗚呼。禪乎禪乎。爾輩夢曾度量及哉。纔
撥轉則三賢四果驚落心肝。賢聖失氣。佛祖乞命。非所以恁麼添佗假物
而後爲弼者矣。近世浪華岸畔。一睡一千年。不逢如來出世底老螺蛤。睡
中纔聞著此語。憤然而起來。吹毒漚萬斛。開大口曰。禪而兼淨土。如猫兒
失眼。淨土而兼禪。似牛背張帆。雖暫時譖語亦是也大奇。二十年前或曰。
向後經二三百歲禪徒盡入淨家。予曰。禪家者若不參禪純工。其人必入
淨家。淨家者若專念稱名得三昧發得。其人必歸禪矣。或大德曰。三四十
年前有二上人。一云圓恕。一云圓愚。圓愚不知何許人。姓氏亦不詳。平生
稱名專修如救頭然。一日乍三昧現前。圓解煥發。直登遠初山。見獨湛老

哉。佛眼亦不能量。實是不可數數。不可量量。此義經中難解玄旨。無量壽尊黃金骨髓。若強論者。六十恒河沙是指色聲等六塵者也。大凡世間所有一切諸法。超出六塵底一箇亦無。覺了彼所有六塵諸法全是無量壽佛黃金全身。立地超過生死苦域。立地成無上正覺。當此時。東方亦蓮華刹土。南方亦蓮華刹土。盡大千界八表四維卓錫地亦無別處。是爲遍一切處毘盧大寂定軀。貫通萬法。銷融群有。長劫不變者是也。又經以大乘經讀誦人。爲上品上生最上機。大乘經者何哉。非黃卷赤軸。謂必定決定指自家本具底佛心者也。而亂道參禪無益可哉。雖然大慈弘誓賢聖。爲攝中下機。乘願輪來。自修淨業。使伊決定願生心。三心四修勳果。成辨者閣不論。唯在禪門。懶純工。疎進修。而後稱參禪無益純工無驗者。不可不點檢。是只如及第進士射策無功。郎當流落餬口於四方。事鄙陋資業者。

生。不證菩提。其斯之謂與。黃蘗大師曰。法身說法。不可以言語音聲形相文字而求。無所說。無所證。只自性虛通而已。故曰無法可說是名說法。報身化身皆隨機應現說法。皆非眞法。寔哉報化非眞佛。又非說法者。須知諸佛縱雖有無量千萬億隨類變現大小形量。畢竟不出此三身中。金光明最勝王經云。如此三身具足成阿耨菩提。報化二身假名。而法身是眞實常住。爲前二身作根本。然經中分明說。佛身長六十恒河沙俱胝那由多由旬。試道如是廣大身量爲報身乎。爲化身乎。將又謂法身乎。旣言報化二身應機利生。不知現那處廣博世界。化那箇大身衆生耶。莫謂如彼淨刹衆生大身故佛亦現大身。若果然彼世界大菩薩衆。及四部衆等爲有幾恒河沙身量耶。如彼恒河周匝四十里。其沙細密而如微塵。縱雖一恒河沙。半恒河沙。乃至方方丈裏沙數。鬼神亦不能數盡。況六十恒河沙。

見性無上菩提道而何。慧心院僧都曰。大信者見大佛。參禪者則了了分明見徹這箇古佛者也。此外別求佛。總是邪魔種族也。故經曰。若以色見我。以音聲求我。是人行邪道。不能見如來。大凡一切如來有三種身。法身毘盧遮那。此云徧一切處。報身盧舍那。此云淨滿。化身釋迦牟尼。此云能忍寂默。在衆生身中卽寂智用三也。寂是法身。智是報身。用是化身。達磨大師云。若衆生常修善根。卽化身佛現。修智慧報身佛現。修無爲法身佛現。飛騰十方。隨宜救濟者化身佛。斷惡修善雪山成道者報身佛。無言無說湛然常住者法身佛。若論至理一佛尙無。何得有三。此言三身者。但據人智有上中下。下智人妄興福力。妄見化身佛。中智人妄斷煩惱。妄見報身佛。上智人妄證菩提。妄見法身佛。上上智人內照圓寂。明心卽佛。不待心而得佛。此知三身與萬法總是不可取不可說。經云。佛不說法。不度衆

切求淨利託生。參究心乍廢。辨道心俄罷。宋明末此黨大興。多是庸才情弱禪徒也。欲飾自點額。補自敗露。動引五祖戒公。眞如喆公。斷崖義公。再生事。以參禪爲無益。殊不知戒公之輩。專稱名念佛人也。嗟欲主張自家。一旦凡解。拾一箇兩箇志願不厚。見地不瞥。底再生老禿兵。欲謗倒從上多少傳燈賢聖。刺害父子不傳秘訣。五逆亦不足比。瀾漫罪累無所容懺悔。夫禪外無淨利。禪外無心。禪外無佛。曹溪者八十度善知識。南岳三生藏老僧。大寂滅海大虛絕痕。有再生。有託生。有化生。有不生。天堂地獄穢土淨土。一顆和盤托出底眞如意寶。毫釐繫念則癡人汲夜塘。若其以願生事爲佛法極則。祖師只贈二三行書於漢土足而已。曰專念稱名往生淨利。何用喫許多艱嶮。凌十萬里波濤。傳此見性法。爾不知乎。觀無量壽經曰。佛身長六十恒河沙俱胝那由多由旬。爾子細諦觀看。是則非直心。

長嘯也。退行雲者黃龍苦吟也。曇華咸傑。崇岳普岩。皆擊節極衆妙者也。四明有老圃。名言息耕老夫。常扣鐵鋤歌。一日見太嶺古光照壽塔。妙旨入指端。響動二林。聲周十刹。餘音飛落扶桑。金雞驚報。玉鰲悲咽。迴陽春於橫岳。舞白雪於紫野。瑞鹿奔閃電。鈍眞珠轉寰海。昏傳到華圃。八音乍啞。如鼉鼓塗毒。聞者皆喪。於此四柱乍分。有大絃爽爽者。有小絃數數者。周宇宙徹海外。悲哉大雅枯桑間。涌古曲啞鄭衛震。君看從上俊傑祖師。那箇似今時哉。往往爲祖關不透。宗旨不徹。心火熒熒。到死休罷不得。如隔日瘡疾。五日坐來棄了。禮幾箇佛。五日禮來棄了。誦幾卷經。五日誦來棄了。一食卯齋。恰如重病。人臥亦不果。坐亦不果。似盲驢任足行。是只爲最初莽鹵而入。處不痛快也。有一般。三五年辨道參禪。而工夫不純。精神不一。故終不打發。雖重歲月。進無寂滅樂。退有生死怖。於此專念稱名。

錯放出一頭瞎死駒。腕促蹄高。三百六十骨節毒乳漲飛。八萬四千毛竅血汗爭湧。踏碎大千。嘶裂長空。百億須彌走倒立。六方刹土碎爲隣虎。傳到南泉山下。天鼓自然鳴。長沙趙州。妙指各和甚吐祕調。向來大義渡口老渡。好敲牌鼓。單于調。大奪雅樂。象骨續餘韻。萬舞亂行。羅疎二山古曲入神。格律高雅。首山石霜和以黃鐘大呂音。其調微而嚴。野鬼駭走。閑神遁潛。最苦吹到廣南光奉院裏。毒鼓倒掛。魂飛膽裂。伏屍八十餘驅。其餘口啞耳聾者。知幾許哉。聰縮絃入洞山。顯抱瑟據雪竇。其音大震。鐵獅吼西河。木人腸落。菟狗叫子胡。泥牛汗流。有真人鄧氏子而綿州巴西人也。此道東山老人。昔在破頭山頭清苦。中來白雲堆裏隱。一朝入磨院。褰衣遶破碓一匝。布鼓噴吼。洋洋焉。殷殷乎。如傭雷神打毒鼓。三佛爲之失氣。一靜爲之裂膽。妙喜唱聲滿衡陽浦。佛鑑嘯響徹龍淵底。震林樹者虎丘。

聞南岳大師云。譬牛駕車。車若不行。打車卽是。打牛卽是。惡毒言句。則縱情解云。車是形骸底。牛是中間底。噫。是實解得好。聞言馬師日面佛。月面佛。卽言。此是衆病不到底自家一團靈光。怪哉。今時胡爲如是俊利。取和飯裡。曝林下。千日。鴉亦不顧底。凡解也。昔有甘蔗氏之子。後道金仙氏。初入雪山深處。隱密抱無絃古瑟。白盲撫彈者。大凡六白強。一朝見惡星之照柱。乍魂飛魄散。絃絕琴碎。少焉天環吐奇聲。地軸發妙音。於茲纔按一指。則響兼衆妙。音度四生。初在鹿苑。撫四柱古絃。吐十二雅韻。中在鷺嶺。發一乘圓音。後入鶴林。有遺教哀韻。其樂府大凡得五千四十軸。有纔動絃。乍分曲者。謂之大龜氏。龜紋一爆續。四七大絃。末後見碧目紫髯樂神。偉哉獅筋一掃。六音吞響。鸞膠八轉。神絃密續。其先香至人。而元王家子也。來依熊耳林巒。好吹無孔鐵笛。不能絕人腸胃。却分自家髓皮。七步而

人平生受用。及了知大覺世尊舌根欠兩莖筋。和臨濟好與三十棒。昔阿難問迦葉尊者。世尊傳金襴衣外更傳何法。迦葉曰。阿難倒却門前刹竿著。此語極難透難解。恰如怒雷劈石壁。三賢魂蕩。四果眼眩。而今時無眼秃奴輩。公然注解曰。刹竿中間底物也。中間掃盡則大事成辦。是名情識凡解。恰似瞽者調五彩。初祖大師言。外息諸緣。內心無喘。是語亦往往隨情注解。第六代祖師末後門人問云。從此去早晚可回。師曰。葉落歸根。來時無口。可恐萬里無底黑火坑。鬼神亦不能全性命。徧界一隻青蓮目。切忌撒驚沙。而今時多少伶俐癡人。抗抗而註解曰。根者是新州底。無口者無來無去。無內無外。底本分閑田地。咄。瞎註脚。死邪解。每聞見胸間常生嘔吐氣。又問何人得師法。祖云。大庾嶺頭以網取之。鳩羽狼膽。貓頭狐涎。一釜鍊來拋向面前。如何得下觜。莫言祖師無些毒氣。就中有大可笑者。

此義。唯有諸大菩薩。乃解此義。佛何不恐怖。却有此言也。其將爲未知雜毒歟。熟量佛心。非欲使帝釋了知此義。頓越四果三賢漸次。到大菩薩衆階位者哉。佛言。我有正法眼藏涅槃妙心實相無相法。付囑摩訶大迦葉。此語亦大錯會者多。我昔日見正受老人逼拶。雖答得喫痛棒。實未徹頭。如在船上見遠樹矣。山野初十五歲而出家。十六歲時自嗟悼。雖隨師染衣剃髮。未見涓埃佛法靈驗。我聞法華諸佛本志。而一代經王。於是把而看讀一返。一返了。掩卷大息曰。此經大半談因緣。中間雖有唯有一乘諸法寂滅等語。是彼臨濟所謂。濟世醫方而表顯說也。寔不足把。既而大失力久矣。後來住院正比及不惑。挑孤燈再讀之。讀到第三譬喻品。從上疑惑撲然解。經王之所以爲王。粲乎滿目前。淚痕連飛。如豆囊穿漏。不覺放聲涕泣。初知從前所悟得證得多少因緣。大錯了矣。於是初徹見正受老

染衣。錯被邪師惑亂。一生錯爲胡亂道人。合眼卽是黃泉人。不懲生生春磨苦患。再歸三塗舊里。掛袈裟。深沈泥梨底。見永劫苦輪。最可恐邪師誑惑也。古有七賢女。遊尸陀林。一女指屍謂諸姊曰。屍在這裡。人向甚處去。中有一姊云。作麼作麼。諸姊諦觀各各契悟。感帝釋散花云。唯願聖姊有何所須。我當終身供給。汝看今時之回避是則。古之諦觀非也。古之諦觀非則。帝釋豈有此言哉。女曰。我家四事七珍悉皆具足。唯要三般物。一無根樹子一株。二無陰陽地一片。三叫不響山谷一所。帝釋云。一切所須我悉有之。若三般物我實無得。女曰。汝若無此物。爭解濟人。帝釋遂同往白佛。君不見賢女曰。汝若無此物。如何得濟人。今時者爲雜毒恐怖非天冠地履杳殊者哉。汝等瞻撥喫霜辛。參玄嘗雪苦。非欲佗後大利濟人者哉。將其無此物。則有少所欠少歟。佛言。憍尸迦我諸弟子阿羅漢。悉皆不解。

尙淨和語

晦堂和尚謂學者曰。爾去廬山無事。甲裏坐地去。而今子孫如死

灰。良可歎也。南堂靜禪師曰。見性須如見掌上。了了分明。一一田地穩密。

勸爾參玄上士。大丈夫兒。要猛著精彩。一回見性。纔得見性分明。捨去參

決箇難透話頭。必定了知涅槃經所謂諸佛世尊。眼見佛性。如觀掌上阿

摩勒果。剝徹見祖師最後因緣。於此初挾法窟爪牙。懸奪命神符。入佛界。

遊魔界。拔釘奪楔。敷大慈雲。行大法施。大利濟方來衲子。依舊眼橫鼻直。

無事高閑底一老僧。是爲真正佛祖兒孫報恩底人。許爾逢茶喫茶。逢飯

喫飯。恬如過日。無事亦得。有事亦得。佛祖亦挾手不得。萬兩黃金亦消得。

若効今時。認得八識無智暗窟。自爲得。自謂悟。而亂受佗別人禮拜供養。

是爲未證。謂證未得。謂得。增上慢人。可恐。施主一粒米。粒粒鐵丸。熱沙。施

主一滴水。滴滴洋銅沸屎。施者一縷袍。縷縷鐵網熱鎖。嗟爲求出離剃髮。

山河大地皆是妙明眞心中所現物。爲膈上語亦是建立。以古人談玄說妙爲禪。誣罔先聖。聾瞽後昆。眼裡無筋。皮下無血之流。隨例顛倒。恬然不覺。眞可憐憫。圓覺經曰。末世衆生。希望成道。無令求悟。唯益多聞。增長我見。又云。末世衆生。雖求善友。遇邪見者。未得正悟。是則名爲外道種性。邪師過謬。非衆生咎。豈虛語哉。所以眞淨和尚小參云。今時有一般漢。執箇平常心是道。以爲極則。天是天。地是地。山是山。水是水。僧是僧。俗是俗。大盡三十日。小盡二十九。並是依草附木。不知不覺。一向迷將去。忽若問他。我手何似佛手。便道是和尙手。我脚何似驢脚。便道是和尙脚。人人有箇生緣。那箇是上座生緣。便道某是某州人事。是何言歟。且莫錯會。凡百施爲。祇要平生一路子。以爲穩當。定將去。合將去。更不敢別移一步。怕墮落坑塹。長時一似生盲底人行路。一條杖子寸步拋不得。緊把著憑將去。上

念無作去。不修不證去。無念無作。頓證之直路。不修不證。實相之眞理。是故十力調御稱之爲無上正等正覺矣。於是徒侶盡妨意除情念。誓欲成無作。殊不知。此是多小造作。若人不見性。探經卷。訪師友。作種種行業。總是妄情所爲。生死大兆也。終日學無作。而終日打造作。終日求無爲。而終日打有爲。若又一回見性去。終日行有爲。卽是無爲。終日打造作。直是無作。如蛇牛喫一器水。乳毒遙殊。是故血脈論曰。若不見性。一切時中擬作無作想。是大罪人。是大癡人。落無記空中。昏昏如醉人。不辨好惡。若擬修無作法。先須見性。息緣慮。若不見性。欲成無爲。無有是處。東林常總昭覺禪師嗣黃龍。尋常垂語曰。晦堂眞淨同門諸老。祇參得先師禪。不得先師道。大慧曰。蓋昭覺以平常無事。立知見解會爲道。更不求妙悟。却將諸佛諸祖。德山臨濟。曹洞雲門。眞實頓悟見性法門。爲建立。楞嚴經中所說。

頭堆堆而列眠。以爲高蹈風標。而睨視佛祖。並吞諸方也。鸞鳳飢彷徨。鴟鴞飽腴腴焉。爾若無見性眼。點滴亦不消。盡是地獄衆生。所以道。爲僧不通理。反身還信施。汝不知。五千四十八卷。一字字雜毒海岸。四七二三賢聖。一箇箇雜毒全身也。其毒浪浸天。雖日月亦吞輝。星宿亦失光。昭昭目前。而汝輩不了知。覺得如鴟鴞畫出。瞋目不見大山。大山豈惡鴟鴞隱身者哉。罪在鴟鴞而已。汝縱掩耳鎖眼。避此毒焰。行雲流水。墜葉飛花。如何得迴避。縱汝傭彼捷疾夜叉。恣喫飯與錢。跨彼背後。遠盡天下兩三匝。寸土無藏身處矣。所願者有一箇半箇宿狹靈骨底癡鈍漢子。憤然歸來。向彼毒焰裡。放身投入。乍大死一回焉。一回起來。擔過量大杓頭。遠四天下。見真正衲子時。張臂唾手。展大杓頭。酌將毒焰來。驀頭卽洒。洒使伊放身捨命。則豈不痛快哉。有一般平生垂語曰。諸子莫錯向外馳求。但一向無

不出。此語爲此等人設乎。今時諸方被一片湛寂死水裡浸殺。卽言莫看話頭。話頭是埋沒自性泥土。莫顧文字。文字是縛殺己靈葛藤也。怪哉。汝所謂自性。胡爲物哉。既是被縛殺。將是類狐兔者歟。怪哉。汝所謂己靈。胡爲物哉。既是被埋沒。將是似芋栗者歟。不知誰家滯貨。何處舊肆上求得者般奇怪物來哉。顧是將爲長沙所謂認得識神底窮鬼子乎。將應菴所謂爲深山古廟裏無轉知大王乎。有佗日不顧危亡底衲子。把一句子話頭。拋向面前云。是甚麼道理。此時汝作泥土得麼。作葛藤得麼。只恐瞋亦不瞋果。泣亦不泣果矣。今時有一般世智辯聰種族。教其部屬曰。從上佛祖。大恐言句何哉。浸殺汝慧命底。瀰漫雜毒海岸也。彼參決話頭。究明宗旨。五葉分離後。七花開數頃。權施設底門庭說話也。實非佛祖堂奧玄蹟矣。於此頑陋無智無賴禿奴族。大開嘉運。奴郎不辨。玉石不分。碌碌而聚。

寔可_レ悲也。古不落兩字。五百生墮在野狐窟裡。若以_二一句子話_一。錯註解了。瞎却參玄衲子眼目。罪過勝出十方諸佛身血。吾今非_レ逞人我恣胸臆。所恨多少情識邪解。展轉流行。妨碍_レ佗後昆悟門。染汚古人真正宗旨。叢林衰弊祖庭荒涼。一依此等邪說。是何心哉。吾聞大明國裡禪苑敗蕪。眞風滅絕。信哉。吾日域宗門頹朽。既亦至此極。寔可_レ恐矣。謹白參玄上士。乾峯示衆。大難大難。不生容易見。不_レ舐如上狐涎。但單單參究。一旦不合咬著。通身白汗流。爆然見乾峯說得徹困。覺雲門和得高古。了息耕頌得諦當。知永覺解得妄誕。頡鶻林判得親切。豈不快哉。古人云。舊參宿將。發足超方。爲打頭不_レ遇惡辣手段。底宗匠。坐在見地。縱雖甘心枯志忘形。鑽之仰之。淘之汰之。但裝重已見而已。不能脫去鶻臭布衫。一旦時緣成稔。出來爲人。取與之間應機未妙。蓋從殊勝境界中得。被人蓋覆將來。便乃辨佗

恐。恁麼瞎註脚。爲註解得諦當。雲門大師曰。菴內人爲甚麼不知菴外事。是又說甚麼道理。如何註解去。莫謂。乾峯底透過著。雲門底會不得。二大老說話。一雙倚天長劍。如惡虎牙。如鳩鳥尾。如象王鼻。如獅子乳。如塗毒鼓。如大火聚。纔擬議。則觸體遍野。是名法窟爪牙。是道奪命神符。須知萬古叢林榜樣也。吾聞永覺大師者。壽昌無明和尚的嗣。洞上英豪。而大興新豐宗旨。專扶起曹溪真風。今人聞其名。則正襟改容。寔一代龍門也。何圖。其說話如是醜陋。如是麤野焉。若內集果而出。永覺手。永覺得處可怪矣。顧夫。杜撰禪和。亂自鈔錄胸臆。凡解。借名於永覺。欲取信於後昆。竊添入彼錄中者乎。嗟其以者般情識妄解。爲參學事了畢者。夢曾見乾峯老人及雲門大師哉。恁麼而稱善知識可乎。莫謂不消一捏。千捏萬捏。千百億捏。亦空勞力而已。悲哉。把祖師血滴滴示衆。令不及教家初心談論。

過乾峯。却屈辱雲門。諸方講錄阿師。捏合息耕頌中。以爲盡書。以授諸子。江湖瞎眼諸子。是不知埋沒己靈泥土。傷害慧命戈戟。爭傳寫藏秘。不使人見。或記寫此於小箋。粘著彼錄中。以爲情解助。寔可笑。予偶得彼小箋。一見禪餘內集第四。臘八普說云。乾峯云。法身有三種病。二種光。更須知有向上一竅。老僧今日不惜眉毛。爲諸人註破。凡山河大地。明暗色空。一切萬象。窒礙眼光。皆爲法身之障。是謂一種病。或見諸法空。隱隱地見有法身理。是謂法執不忘。亦是一種病。或雖透得法身。簡點將來。或覺無可依靠處。或覺無可主張處。或覺無可指示處。亦是法執不忘。是謂最後一種病。前一種病。是一種光不透脫。後二種病。亦是一種光不透脫。學者若能透向上一竅。則三種病。二種光。不消一捏而破。始謂之參學事畢也。鵠林云。嗟吁。是何閑學解哉。是何妄分別哉。讀到此。不覺掩卷驚疑。閉眼悲。

日聞日釀酒萬斛。有一老人曰。已哉。富家其不久乎。是不祥兆也。內衰則外必張。穀肆亦設乎。藥店亦開乎。不久而其賣乎。師聞慘然云。噫有其事乎。宋明末。祖宗衰禪徒成衆態。今其似何歟。言畢淚痕落。平生怒罵呵咄。其餘所嗟悼慨念。數段回緣。憶持記持者。大畧記之。乾峯和尚示衆云。法身有三種病二種光。汝等諸人還委悉麼。時雲門出衆曰。菴內人爲甚麼不知菴外事。峯呵呵大笑。門云。猶是學人疑處。峰曰。汝是甚麼心行。門云。和尚亦要委悉。峯曰。汝恁麼而可始得穩坐地。若人欲見息耕錄。先須參此話。二大老說話。見徹分曉。許汝親見息耕老人。許汝稱參玄柄子。若不然。縱汝諳得五派七流秘訣。透過千七百箇玄旨。閑妄想。死學解。堪爲何用。況取諸方死郎當老漢之妄談臆解。而抄錄記寫。及塗糊彼錄中。逞口辯。恣胸臆哉。近歲大明崇禎間。有鼓山元賢永覺大師杜撰判斷。但非蹉

者。被問作麼生。是諸佛頂上禪。目瞪口呆。茫然柴立。只見兩腋汗。於是爲胡亂賊奴。終爲關外窮鬼。寔可悲矣。又云。汝輩佗時爲一員長老。赴請於檀家。領衆隨徒。重幾枚團蒲。列幾種珍膳。公公然而坐。抗抗乎而食了。高談朗笑。有一箇把衲僧皺眉底話頭。輕輕拶著時。如何祇對去。恐胸喘肌汗。見滿地一場愁。然則在禪門不參禪苦學。非種耻辱於暗地裡者哉。何時逢此患難。未可知。寔可恐矣。又云。近世衲子把狗子佛性話。實參純工者。一箇半箇。無不得透過。纔少透過。則爲自得。爲自悟。高談大口。是只生死大兆。而栽培已見。增長我見。如何祖庭猶隔天涯。欲到真正安樂田地。轉悟轉舉。轉了轉參。果見祖師最後因緣。如見掌上。何故。燈下不剪爪。又信陽有富家。累代富壓國司。鐘鳴鼎食。時時見貴賓高客來往而已。常寥寥而不知胡爲家業。近日添奴增婢。水磨列鳴。穀車轟過。其繁興十倍前

何所患。若復依舊參諸君輔翼。全一夏惟可也。是又不足強爲喜。評唱亦非吾願。高牀亦非吾願。所欲諸方碩德同參諸老。不被卑棄。予放懶得兩箇三箇見影向。相俱捨薪煎茶。偷閒靜打舊話。一月二月共樂枯淡而已。且又對江湖參玄衲子。有可告報事一兩件。吾始瞻撥時。見魑魅引見魑魅導入飯顚山頭。薈澤深林。見一箇破菴主。號道正受老人。老人諱祖端。祖大圓。父無難。真正惡毒瞎老漢也。平生垂語云。我此禪宗。南宋末衰廢。傳到大明。拂底滅絕。餘毒殘雖在日域。纔如日裏見斗。汝輩臭瞎禿破凡夫。夢曾知之哉。又云。汝等相似漢。似禪禪亦不會。似教教亦不果。似律律亦不成。似儒儒亦不得。總似箇什麼。衣架飯囊。又云。茲有一箇重關。關吏列坐。各試其所能。而後令其透過。有稱輪扁者。斲輪推出卽去。有稱畫工者。拂戲畫一紙。推出卽去。妓兒高歌一聲去。淨家高聲念佛去。特稱禪徒一

裂食者般惡賊。縱日打殺七八箇。有何過。是只爲祖庭荒蕪。法苑凋枯。我祖宗門下有可透過重關。有可超出棘林。夢曾不知也。諸方高德諸老。罷參宗師。領數百衆。不屑晦跡韜光。自臘扇去。自菟狗去。縱有真正辨道衲子。極百端懇禱哀求。不容甘枯淡。忘饑寒。徒爾而過一生了。衰朽丘壑寔宜也。蠹害法幢。戕賊眞風者。此等部類也。予亦惡之不顧久矣。頃遇方碩德近鄰諸老。同志定籌。辱見責予緩怠。於此四垂龍象。大得力蜂起蟻攻。或有如赤子求母者。或有似黑吏劫民者。辭之無策。拒之失力。舉措無決。進退維谷。熟顧予平生。無可惜聲名。無可貴操履。詩亦不知。禪亦不會。百懶千懶。放蕩磊苴。恣瞢眠。起來亦春睡。一箇無似宗師態。一滴無擬後昆範。雖予亦知之。常甚憎之。無手脚可著。這般醜惡破瞎禿。見今時魔黨障礙。七支八離。破夏分散了。傭人掃除其迹了。關罷講齋。依舊瞢眠而已。有

籍將謂行無遮法施。隆興古佛遺教。誰知聚不祥凶徒。傷害乃祖古風。寔可悲矣。千態萬狀。如在亂軍場。似見群鹿野。飛廉爲之膽冷。惡來爲之牙戰。七橋慢八狂亂。輕蔑先輩。凌奪後昆。蹈倒法幢。分離清衆。而後如飽足者。是名剃頭闡提。是稱方袍外道。謂肉身魔羅乎。爲地行波旬乎。縱汝死得。墮叫喚衆。合黑繩無間中。受盡無量苦楚。終無所容懺悔。汝師長父母。與許多鞋錢。放汝行脚。若見汝今醜態。將喜乎。將悲乎。屬者予同火兄弟。七八輩。爲成辦法會。拽石搬土。水薪菜蔬。經盡饑寒。喫盡艱險。拂霧出。戴星入。寮舍井竈。浴室東司。幾千辛歟。幾萬苦歟。見者肌汗。聞者淚浮。願夫何處叢林。無此勞倦。豈其容易哉。而汝輩不沾手脚。入來打多小狼藉。是什麼心行。龍天悲哭。地祇嗔恨。古來見者般流類。無一個全終者。不有人禍。必有天刑。三叉路口。豈其遠哉。寔可恐矣。我平生憎此等輩。欲捉得必

西際肥筑誰則不知。復恐近世道微法衰。不羈晚進。無賴後生。其始到時。閑雅態度寔可愛。善順志氣寔可貴。將謂念生死。求透過底真正衲子也。旣而未經一月。泥視龜鏡。塊看鴻規。引伴結黨。橫放縱逸。涉庭階喚呼。立廊廡諷詠。宗師不能伏。耆舊制不得。或截斬井索。推落鐘鼓。窺虎關出。穿狗竇入。環列堂前。野舞村歌。蟻聚山後。雷同浪拍。栽菜刀於暗路。積水瓶於步廊。鋸厠上之板。令人陷墜屎坑。洒竈下之柴。令人困苦晨爨。逞醜態於茶店。盡鄙陋於酒肆。在叢社中。精鍊刻苦者。雖千百人。九旬不越門閭。故人無見其光儀。趨街市外。縱逸醜惡者。雖兩三輩。多日在露地。故誰不知其黑業。噫。恣麤放者七八箇。而蒙瑕玷者幾萬箇哉。玉石共燒。金鐵皆爛。於此善信男女。賤沙門如泥猪。蔑僧儀如癩狗。罹行人詞鋒。銘處士口碑。悲哉。佛道嚴威乍落。法門德輝俄滅。八千夜叉拂汝迹。多少諸天削汝

息耕錄開筵普說

侍者 東胡錄

參學 原譯校

昔佛果和尚。南宋建炎初。住澧州夾山靈泉禪院時。把明覺大師百則葛藤。評唱者數次。佛鑑責以書。其苦諫辛爭。實過骨肉。佛果領而休。寔可貴矣。山野今復舐息耕十刹狐涎。張厚面皮。設高廣座。公然而秉塵拂。輕忽滿堂諸老者何哉。予享保初被業風吹。住此破院。單丁者二十年。其中間江西雲衲。湖南海衆。于經于錄。請評唱。覓講議。或裁數百衆名簿。或綴數十行請疏。妨予瞋眠者。大凡向三十度。其中間有志氣憤然者。訟西東諸老。報近遠檀信。欲強力折之。欲隨命塞需。常住枯白。庫間艱酸。東極奧羽。

未_レ成。譏刺將_二競起_一。吾子盍_二記其始末_一以救_レ之。軾曰。不_レ願_二軀命_一。實_二護師_一者是侍者任也。我豈辭之哉。終記之。記以備解嘲云爾。

寬保第三曆癸亥杪冬

佛成道齋後侍者玄軾炷拜記焉

侍者大庾謹書

瞬。而後塞諸君需矣。於此諸子大得力。東胡再筆記之。澄譯竊訂正之。挾忠菴主訪遠野氏行袖。野氏隨喜而激之。遂去扣濃東桂林丈室。展拜悉演所求。丈室固辭讓不可。三止四請。果而得序辭。與正繫恰似。鸛驪珠於領下。又走逝京師。中路而奇遇隣驛書肆。紀藤子精告終始。藤大隨喜。而拋資財扶之。不日板印成。忠卽放羽翰。東告我同火。諸子各焚香。杳望濃東合掌。嗚呼忠微藤。廻京師縱百千匝。不能成此光義。藤微忠。徒逐聲色。尋花柳。不能結此正因。忠藤兩箇縱有多少丹悃。不歷明師高鑑。不能懷此編。走京師。寔四美並者歟。師遙聞知此事。驚怖者累日。欲遣使去制之。我輩相議云。京洛數日程。況長安十萬家風煙。指何處爲忠所在制之哉。於師命令。似初不聞者。師慨然而歎曰。悔昔日客中錯且止航啼。今其爲咬臍。嗟知我罪我者。其唯普說乎。是軾在師傍。所聞見大畧也。客曰。此編

者若干次。師總不顧者。蓋三年于茲矣。今歲寬保癸亥秋。忠譯二上座入室曰。如普說者。梓之則師有二患矣。不梓之。則道有一害。蓋試論之。夫抱道士者。愛道所存。而不見有文字。文字人者。點檢文字刁刀。總不知道所存。必惹魚魯譏。是向所謂所以爲師患一也。吾聞樹秀于林。則風必擊之。行高于人。衆必憎之。今若梓之。師其抽一頭地於衆者也。衆必接背切齒妬害之。是向所謂所以爲師患二也。若夫不梓之。則後生晚輩。爭傳寫之。製不休。各舐筆墨。遂棄廢道業。是向所謂所以道有害一也。上頭二者。師且忍受則是可也。後頭一者。疲役多少。後昆戕賊許多道情。必惹譏於識者。自初不說止矣。我輩爲師大所嘆惜之大故也。譬如輓推於車。刻之功還孰若妙喜一炬焉。師曰。予亦知之。難然。睡後暫時破謔語。有諳記失。有焉馬謬。必見笑於大方。是亦所予不忍也。待佗日歷博達高明師電眸一

既向月餘。其中間趣請接客之外。喚枕甘睡。鼻雷囂囂。屋壁振搖。梁塵飛迴。恰如巴蛇飽肉偃臥時。來客皆驚異矣。純航二子患之。哀求曰。忠兄有附託。大師願爲策進後學。唱普說一編。書而歸。示同火。以慰此間勞倦。師微笑領之。雖領不果。二子更懇求。而如赤子責於此。師恬如而收目。唱者或五行。或十行。隨唱。航筆記之。純訂正之。師任心所浮唱之。不顧次序。航又隨唱。書而不倦。師資共忘合殺。卷到石氏隱處。終得五十來紙。居士曰。我聞萬菴法語。妙喜長書。佛眼普說。爲天下三絕。不知從上諸老。有添枝率蔓如此。叨叨繩繩底麼。萬菴法語乎。妙喜長書乎。相俱拍手大笑而已。既而中冬書雲前一日。師卽歸院。開茶筵慰勞。諸子羅圍。茶話怡悅。純航二子並坐。燈下讀之。諸子信受歡踊。忘蹈舞者累日。海會正向散筵頃。闍衆羅拜請梓之。師急呼丙丁童。諸子恐畏。卷而懷矣。向後每得閒暇。慙慙

息耕錄開筵普說印施解

寬保第三癸亥臘八之齋後。有客告軾曰。鶴林近有普說印施。諸方往往以師爲釣利名者。謗焰妬火將炙師。果而然乎。將又別有端由乎。盍作說救此蹇焉。軾曰。嗟有其事。遭世罔極。師獨離此咎矣。師若有者般醜態。豈其住菴八十箇燕頤虎頭。仰望遺世者哉。孰爲敬事執饑寒矣。是從頭軾所識破者也。居吾語爾。師元文第五庚申之春。依江湖諄請。擊節息耕。擊壤古曲者一場。其前年己未冬十月。少林忌齋後。四顧住菴數十肩破袈裟。剡力定籌。預營辦一會備。老屋傾側者扶起。古井填渴者鑿開。戶牖敗落者釘釘著。梁棟朽頽者懸掛著。澤徹沙嵩諸子。振精神困苦。休走遐方。化菽麥。忠廻近里。乞菜蔬。其餘更憩。而互相輔翼。晝間夜陰。作務紛絮。師且避之。携純輿航。走遁白水。淹留者旬餘。次轉藤臯。入石氏之隱處。留滯

皆寬保癸亥八月二十九日

濃東桂林嗣祖沙門禪祚天敬焚香拜書

斯篇也。師直截爲人。激厲呵罵。不假文華。而力根實。則知皆是師之苦心熱腸也。請爲吾曹參禪警語。以公同好者。則報恩足矣。縱世雖十百其喙。何嫌之有哉。師不獲已而應焉。今請校閱。而加之一語云。予確辭曰。禪師掣電之機。奔雷之舌。大發古今未發口。而普說佛祖不說法。雖片言隻字。斯咸超佛越祖談也。豈世之絺句繪章。抽黃對白之比哉。通篇一任其本色而可也。何況加之拙語。予恐埋沒光彩去。客曰。高論難容議。只書其論於簡首。諄諄請意。自再至三也。於是乎。予肅然應之曰。然者請各先參意。而後參句也。晝參夜參。由是參焉。而弗懈。疾覩堯於羹牆也必矣。當其時也。果知意句俱不相干。則一任糊窓縵岳也。且謂普說也者。不說也。一句子。千佛萬祖說不說。千人萬人會不會。若有箇漢。向未繙斯卷以前。會取不會底。則不辜負禪師不說說徹困之恩也乎哉。否之則劍去久矣。

息耕錄開筵普說序

夫普說也者。根據乎大覺世尊在華嚴會上。日而肇始於眞淨祖師居洞山歸宗時也。爾來宋元明。暨本邦禪林。徃徃而在焉。大意廣說古人直截爲人處。而切要俾學者痛自省發爾。是以息耕夫子告香普說。深有所警。學者不可不知焉。茲有駿陽松蔭白隱老禪師。早參正受老人。徧深玄蹟。多歲行脚。到處叢林。無如他何矣。後來一夜。不合徹見正受老人直截爲人用處。而接人常用。向上鉗鎚也。是故。胡攢亂撞。而輕受諸方許可者。每望崖而退矣。先是元文庚申春夏之交。迫于輿請。評唱息耕十會語要。四遠毳侶。爭先至者。不知其幾枚也。丁子開筵日也。提誨學者。有普說一篇。頃禪師輪下禪客。遠持斯卷來曰。吾曹二三子。將命剗闕氏布于京師也。然而師不曾許而言。這般陳爛葛藤。盍早投一炬乎。二三子曰。吁否。如

荆叢毒藥拾遺 終

辛苦鍊磨三十歲。到今自慙未十成。人言我今何愁在。滿頭銀髮百千莖。
聞君子終身愁在。此愁徹骨不輕輕。南無不可思議劫。願與群生護法城。
純航二子久弼我。辛酉秋。純者歸寧西雲。航者遊東野。我懷忽寂
寞。作詩送之。

各向西東逐野雲。天令良佐忽兮離。伴曾嘗甲陽水雪。歸共入寒山頌詩。
漢得良平成鴻業。秦恃趙李碎洪基。已哉今既失雙翼。俊鶻從斯泥上龜。

蕎透絹篩白粉輕。爲賓供給作料營。卷來打著雷聲轟。舒得摩挲鏡面平。
疊下斬刀絲漸細。煮移銀碗雪猶清。蘿蔔辛辣好知己。飽喫西風腹膨脝。

示衆

初聞無相心地戒。渴望如慕母孩嬰。何幸。寶永戊子夏。見吾正受老力生。
或時。炷香禮三拜。平生所求盡底呈。老人親切教諭曰。可貴無相心地名。
心外更無有戒體。直是佛祖雙眼睛。含容十界無痕迹。開閉四時沒衰盛。
圓若大虛無背面。明齊十日懸太清。泥牛驟過張婆牖。木馬嘶入李母楹。
四重十重和根拔。三百五百適心平。三四威儀於玉潔。十二時辰自鏡澄。
若人欲得此真定。須使心頭常快晴。其燭隨剪常增爍。又心隨向必添明。
靜處閑中能保護。清淨持戒万人英。護無越不忘念智。守歸涅槃嬰兒行。
縱爾行三界秘密。離心依艸附木精。初學時如郊外鹿。撫養不馴恣野情。

燒香默坐松濤快。搜履閒行狐兔惶。釋胤瓜分被支竺。神威鼎沸甲扶桑。
深林乍吐寶鈴響。樊院俄成選佛場。此處正斯采真地。一思壽算不可量。

和明上座韻并引

僕此間百懶千懶。眼不歷隻字。徒日日春睡。而雙眸腫爛不悔而已。偶
有逸韻在案頭。格律高古。而換轉有力。拭目吟翫。宜哉。明上座之所作
也。不覺附韻尾。

滅除諸佛種。吐洒活機關。支頤窮相臂。落眼半窻山。蕩蕩無意智。呆呆缺
高閒。或似三冬扇。毀譽不入顏。

謝惠華氈與苒荇

林家乍見百華氈。中有蒼龍眠九淵。況又苒荇佳寂寞。吹看坐上起雲煙。

謝饗蕎麥

偶成

豆北一千束把茅。駿東七顛倒窮廬。盡情蓋覆何甚急。近聽故人在海隅。
台巖老師者。叢林之楚緇田之穎也。余在泉之蔭涼日。有勝因厚領法
愛。翌春。師潛居春日深林。一日卻來而誘余。余亦隨去。淹留十日。林巒
高古。泉石幽邃。誠出塵鄉也。久雖廢文字。偶爾及詩。

德人攜我入微茫。樵徑纔斜華表傍。眺望先嘆煙樹白。逸遊始見出塵鄉。
狂猿蹈散帶雲菜。鳴鳥飛昇愁雨牆。谿水如迎聲點點。澗松有悅勢蒼蒼。
洋洋移步鮮苔滑。肅肅整衣入草堂。遲日殊佳春日里。閒花幽草各芬芳。
清泉特覺和泉土。折鼎淡茶自淒涼。卒爾一新獅子窟。卽斯前日舊蜂房。
蜂房曾入定中夢。其卜竊知妙吉祥。逸隱敢非求豹變。退居唯爲竄龍章。
梢燈七社七星廊。萍水兩池兩鏡彰。窻近受風誦經燭。屋疎容月靜慮牀。

偈頌

示徒

活埋自性葛藤窟。刺殺己靈荆棘林。青菜黃菌白蘿蔔。紅爐猶泣止啼金。

紙鳳

春風影裡一絲功。乍使鳳鸞舞碧空。巧妙依誰君須見。林禽擇朶暮煙中。

示耽文章僧

百千諸佛以心師。護惜身心如影隨。韓柳文章縱駭世。奈何生死到來時。

藤四者。苗而欲秀之士也。元文丙辰夏。忽乎而去。老悲幼悲矣。哉。

道者有哀韻。予亦哀吟而和

佳人去後各望洋。數里變成慟哭場。兄特傷悲修冥福。魂歸來疾上吾堂。
齋筵供具誠正力。諷呪誦經忘日長。魂厥歸來享此奠。何須屋上倒衣裳。

生又善處榮辱及否泰。總在兩箇間。縱無量大黑。勝黑鼠不得。槌子爲何用。故擲下不顧。專學團扇子。祈彼白鼠勝。若制黑頭賊。福壽無量人。可悲澆末時。黑底有大力。上下交相奪。貪瞋焦腸胃。白其胡爲物。仁慈忠恕志。黑又言何哉。貪欲聚斂心。賊菩提苗稼。咬般若種子。誰寫此妙畫。大田準川齋。

題蟻遶磨圖

間蟻遶鐵磨。遶遶無休歇。似六趣衆生輪轉無出期。生此兮死彼。成鬼兮成畜。欲免此患難。須聞隻手聲。

自贊

千佛場中爲千佛嫌。群魔隊裡爲群魔憎。性今時默照邪黨。塵近代斷無瞎僧。這般醜惡破老禿。醜上添醜又一層。

四睡圖

四睡一睡。鼻息如雷。聞得分曉。寒拾再來。

張果老

丹竈功成脫蓋纏。瓢中放出鐵連錢。奇哉伏見甚處士。筆下方推張果仙。

芭蕉翁

連歌宗匠。俳諧達人。聞蛙投井。打失心身。

獅子

竺乾有大獸。稱爲獸中王。人有信心力。誰不三界王。

二鼠相撲圖

人人胸屋裡。各有黑白鼠。尋常互相撲。勝敗不相定。黑底若得勝。吉事爲凶事。豈其今世已。永劫墮惡趣。白底若得勝。凶事爲吉事。非只利今生。來

爲天地大祖。又是萬物親。大言無邊際。黑佛性正因。此斯眞秘訣。卽大黑天神。

福祿壽

卓彼南方美人。形模一一天眞。天地折腰稱祖。虛空束手言親。福壽倍君無數。生滅尋渠迷津。汝若一回相見。滿面慚一場新。

役小角

拽大木履。著僧伽梨。深通佛理。常交神祇。使役鬼類。誘引虎兒。千如百界。七道五畿。肩上金環。十二手中。貝葉一枝。非凡非聖。非神佛。葛城小角。姓役氏。

定家

傳自庶人及至尊。千年美譽口碑存。今聞袖打拂三字。童僕還言雪夕昏。

名棄擲不顧久。法諱稱了徹。道字爲慈雲。願發不退誓。行菩薩大行。與法界有情。同共圓種智。

柴屋仙首座

俊機穎脫。面目冷嚴。癡坐小島小蝸廬。飽喫卻通玄。瞋拳可貴。他精鍊苦修。勝策進中數十肩。常惜昔年知音少。徹骨寒壓倒先賢。

大黑

熟觀世福壽。夢幻總不真。縱雖秦楚富。桃李暫時春。好修神仙術。誰是唐時人。倚頓陶朱族。夏日推冰輪。張果費長輩。終惟林下塵。夜摩忉利樂。淚落五衰晨。果墮三途底。永如鎮庫銀。茲有一大事。福壽無比倫。我今爲君說。信受先書紳。端坐收情念。福壽無量身。況觀彼實相。成佛在一瞬。歷劫不生滅。立地過要津。神仙不足執。何富貴不臻。非只利今世。永拔他苦辛。

祖山帶公。裁書諄請老夫贊字。武臣梅田傳二。擎眞蹈入鵝林草廬。展開面目嚴冷。渠是阿誰。自性開山定圓正覺梅心宗鐵禪師大和尚。

澤水禪師

駿陽庵原住山梨氏治重。不看教誦經。況參禪工夫。專修陰德行。蓋六年于茲。常愛育老病。勤救人患難。或時訪親友。聞客讀草書。若人成佛道。火急須見性。見性在一氣。一氣進必得。爲勇猛衆生。成佛在一念。爲懈怠衆生。涅槃互三祇。聞得大歡喜。勃如憤發曰。學道若如此。豈不加一鞭。歸來閉一室。凝然切齒坐。思魔戰不屈。通身皆白汗。夜未至五更。果大死一番。到曉漸蘇息。直來扣予室。舉數段因緣。詰之無凝滯。古來僧史裏。如彼亦復希。先所讀草書。彼澤水法語。彼感他法恩。投武慈源菴。擇得他頂相。親裱裝持來。苦乞予贊辭。予隨喜不辭。遂記其大略。書以當贊辭。向數需安。

駕得蘆葉。擬瞞誰人。喫茶去也。怪力亂神。

布袋

作嬰兒態。效猴子癡。這鈍漫漫。祖師須疑。

布袋指月

天地元一指。萬物缺兩楹。莫道標月指。指頭是月明。閻浮兜率太孤絕。風送斷雲載笑聲。

栽松道者

再爲五祖山主。由種十里清風。惱害他家兒孫。今有暗號密令。

定圓正覺禪師

寬大如海。高重如山。金剛峯頂。新鑿開東山千尺黑火坑。景川渡頭。常舒捲南浦萬頃毒波浪。偷奪希菴玄密破家產。驚落天祥開祖臭膽肝。芳孫

贊

蛤蜊觀音

螺螄蚌蛤類。一睡一千年。不逢佛出生。補陀古老仙。

地藏

人人本具底物。大功德聚無量。譬如地生萬物。故道願王地藏。

達磨

眼似銅鈴。渠是阿誰。初祖菩提達磨大師。

達磨閒達磨。隻履腳蹉跎。從是西天路。半文錢有麼。

半身達磨

全體體露。錯見半身。半身全體。八兩半斤。

蘆葉達磨

得小爲足。轉悟轉舉。轉了轉參。轉有最後重關。踈山壽塔因緣五祖牛過
窻。樸乾峯三種病。南泉遷化話。如上數段惡醜。因緣逐一透過來自見。是
凡哉。是聖哉。只恨就中最後有一重黑暗關。作麼生是一重黑暗關。鶻花
雨過泣紅頰。燕麥風回戰綠鬚。汲。

拈香

百年三萬六千日。直是一枚大寶鑑。照處虛空失。渾身佛魔同時喪。肝膽。

拋撒櫻桃。中對元和帝玉龍牀。鳳凰臺上滿朝文武。傾側冠蓋。可謂佛法
不思議對坐王法。不見上士必嗣寃。中士嗣恩。動吐奇怪狼毒涎。惱殺五
湖破衲僧。膺雲居每攢額。曾豎窮相熱瞋拳。掃退一隊賊軍馬。築大愚感
低頭。尋常悲慟曰。已哉。歷向後百年。吾禪家者流。盡到張礮盤。居木鉦。高
聲念佛去。今果然。其初以無爲無事爲向上禪。不參禪不見性之所致也。
可謂智人之明鑑。佛法之至論。中興大仙選佛場。尋常爛嚼法窟爪牙。默
照邪流。膽裂心碎。接出永源守一絲。器重越衆。寵遇異他。可惜不久罹顏
鯉患。誰言關山幸是有愚堂在。可貴五百年間出大宗師。如鵲林緇田稗
穉。禪苑草芥。雖謁師的孫。薈澤正受老人。奪奪命符來。可恨掃土知音少。
因慕東海鼻祖紹明大士。常恐眞風已墜。只愁乏本色稼苗。卻愧雖得得
遠來陪齋筵。無力舉宗猷。大圓有一條暗號密令。欲到眞正穩密田地。莫

示衆

明月山碧巖錄開筵。示衆曰。惟時寶曆戊寅春。當大圓寶鑑國師百年遠辰。法孫濃西明月山主定水和尙。欲請予評唱勤寶經。以充齋會諷呪行大法施。以報答深恩。隣刹妙樂主人鰲潭和尚二尊共來見催促。熟顧。予衰邁。命日既逼。嶮巖。沉百里嶮峻焉。越究百端辭讓。不聽矣。且亦憶正受舊因。予亦國師之玄孫也。進退惟谷。憤然而發越。不顧長途之勞。喫盡千辛。遙來上此座。恰似井蛙而學龍吟者。慚汗與惶汗。竝洒滿肌。茲綴俚語一編。以添一穗兜樓雲。莫道醜拙上更添醜拙。何故。霜天月落夜將半。與孰澄潭照影寒。以何爲驗。南容三復白圭。孔子以其兄子妻之。相似涅槃滿世間。眞風墜地百年辰。大圓幸有沙羅樹。苦葉毒華惱害人。夫以大圓寶鑑國師儉泰翁爺。庸庸山子。初舐庸聖澤。狼毒乳。修篁叢裏蚊虻無數。

行之。名之爲至善。大錯了。予一見且恐且悲。何故。匪營以鄙俗凡解。誑惑世人。而文之梓之。以欲貽遠大也。悲哉。今非禪門衰。儒門亦然也。胡爲其到此極哉。畢竟如何。夫人性之上。不可加於一物也。

萬象森羅。醢雞蟻蠊。草芥人畜。同時發。無比靈光。今如此。卵樞轉。亦全不假琢磨之力。乍發一段大光明。照破三千界。是故言。價直三千界。諸佛衆生。天堂地獄。全無痕跡。可惜。一切衆生。不知此大事。故終身就佛求就法求。求求終流轉六趣。是故言。向外成工夫。總是癡頑漢。謹白滿堂大衆。自此誓憤起大精進。單單向自己參究。不假三日之功。忽然見無價寶珠。以何爲驗。卵樞轉。

知止窟記

戊寅春。應藤氏需。書茶亭額。爲知止窟。或曰。知止之字義。可得聞哉。曰。是無他。本知止而後有定之語也。可貴。至善之兩字。貫通三教之間。最尊最妙也。若人密密精修。卽得必到聖賢之階位也。近武陵之儒士。自註彼兩字。曰。夫至善者。日用行住坐臥。千態萬狀。談笑應話之間。擇尤善者而後

吾國稱曰卯樞轉。勤琢磨必見美玉。於是鄉人甚秘重焉。予在寶山日。華學山主孝禪和尚親持來示予。予一見乃大驚。山主曰。願聞師之高論。予法施之次。告滿堂雲水及四來聽衆。昔般若多羅尊者行化偶到香至國。王出無價寶珠布施。尊者賞翫之次。王有三子。尊者欲試其辨慧。以所施珠問三王子。曰。此珠圓明有能及此者不。時初祖大師爲第三王子。年僅八歲。卽曰。此珠未足爲寶。於諸法中法寶爲勝。師有其道。其實卽現。尊者歎其辨慧。改號菩提達磨。然此珠今現華學。華學主人有其道之謂耶。熟謂珠有千般。趙璧隋珠實爲其長。各其初爲奇石見好。賴琢磨功次第吐奇光。有人雖入數十里廣澤。探百千萬顆奇石。含美玉底一箇難得。希有哉。人人本具法寶。凡有心者。無有一箇不具有。正因種底。若人向自己單單參究。不假三日之功。忽然見自己靈光。可貴。自己靈光所到。山河大地。

窮。如落萬丈鬼窟。如入千重鐵圈。進不得退不得。只四面昏昏地。而無所著手腳。此時不生恐怖。單單舉揚。忽然十方法界如一片層氷盤。如一團瑠璃顆。理盡詞窮。心行所滅。此時不生情解。轉悟轉舉。轉了轉參。爆然和舉起底心。一時打失。有絕後再蘇底大歡喜。當此時。佛祖無所挾手。緩緩回首來。翠巖眉毛。乾峯三種。未舉了得。而後見真正導師。把手一笑。鵲林從上說話。只是一場慚惶而已。

卯樞轉記

寶曆戊寅之冬。予寓遠之高塚護法山裏。應同門并雲水之所望。講息耕錄。以充法施。小野田五郎兵衛久繁。傾資財。來成辦一會。近頃隣刹西鴨江華學院。現希有一奇璞。形模如鴨卵。重二三斤。見者盡賞翫不息。近頃阿蘭陀商胡來宿隣驛濱松。有人持往而示之。胡一見驚異曰。是奇璞也。

行而老死。卽休而已。是又何閒妄想哉。若恁麼而卽可。祖師自西天送二三行書足而已。豈凌十萬里鯨波傳箇見性法哉。嗚呼。見性如塗毒鼓。見性如大火聚。豈庸人惰夫能事哉。有般底云。佛法自淺到深。自近到遠者也。聚許多話頭語言。次第授與之云。解此了解彼。解彼了又解此。令學人種種妄覺邪解。宛如解謎人。是何邪魔部類乎。蠹害佛法。殘賊祖門者。是等惡知識也。豈謂特林氏輩哉。予常爲之膽冷牙戰。謹白參玄上士。莫墮如上魔壘。參一句真正話頭。僧問趙州。狗子還有佛性麼也。否。州曰無。是卽碎魔壘之寶輪。截情解之利刀也。但單單舉揚。州曰無。鬧處靜處。行住坐臥。豎舉橫舉。出息入息。寤時寐時。束爲一則無字。單單舉揚。其始進修時。妄念紛飛。邪境競起。鬧鬧騷騷。如入亂軍裏。如陪歌舞筵。心猿馳散。意馬亂踏。如遙劣平日者。此時不打退鼓。單單進修。則妄情力盡。邪解技

上諸聖。乘願輪來。捨身財。忘性命。凌苦寒艱辛。忍煩暑患難。終徹佛理淵源。心量容江海。不爲狹。智鑑竝日月。無慚德高戒清。鎮護法城。覆蔭後昆。寔爲萬世龜鏡者也。近世其有誰哉。若夫儒人道士及神家者流。共計勦力。來屈辱吾門。如凍雀向鵬爪。病狗觸獅牙。如何張陣子。寔可恐法門衰敗。緇田荒蕪。胡爲其到此極也。今其搜索真正參禪衲子。一掃四海。一箇亦無。往往耽嚼華藻文章。吟玩無賴詩偈。似狂狗咬古塊。或有一般魔黨。教壞多少好人。云。此事初無許多般事。自性本來清淨。非假悟而後喫飯者。非待悟而後打禰者。從頭圓明。從頭自在。呼鴉不爲鷺。呼火不爲水。喫飯喫茶無事過日。名之爲真正衲子矣。嗟是何死見解。是何惡種族哉。認賊爲子。何曾夢知衲衣下事哉。似則似。如何脫體似展長鎗剝爪皮。有般底云。生死悠遠。業障深重。日誦幾品經卷。禮幾箇佛陀。彼亦行。此亦行。行

滅。暫增光輝者歟。蓋夫道得人則行。人得道則尊。譬如龍泉大阿寒光照膽腑。冷焰透寶匣。不得其人。則無施斬蛟用。不逢其才。則無發截鐵能矣。東漢永平間。佛光始照震旦。五嶽道士費叔牙猪善信輩。各挾左道。以欲拒。當此時。騰蘭帶十力餘烈。有二九神變。如象王臨羊群。諸道怖伏。遂剗染矣。唐代宗大曆間。道士史華設刃梯訟官。欲辱我門。時沙門崇慧不勞力而挫之。唐憲宗元和間。刑部侍郎韓愈作佛骨表。以殺佛。終貶潮州。大顛通禪師談笑降之。魏太平眞君時。崔浩從史大武。大誅沙門。沙門曇始有神異。佩刀折暴虎伏。大武驚悔謝歸仰。後浩夷五族。正平十四年。大武亦見弑矣。宋嘉祐間。歐陽修李泰伯等壯韓刑部排佛。明教大師契嵩作輔教編。諸儒嘆伏。宋淳熙間。朱晦菴博涉獵釋典。竊偷以爲己力。明正統間。隆空谷作尙直編。以正之。博達才。至正論寔可貴。晦菴恐無所藏身。從

安道德仁義上。神家亦收排佛志。究神理玄奧。惟德日高。垂法於後昆。貽祥於兒孫。豈不快哉。何煩懷婦姑之狼戾。貯婢妾之妬害哉。胡爲其賤矣。儒佛於神明。其同異親疎。先有神官尙舍者。詳判之。哲人一言。寔天下公論者也。吾足之。何煩言之哉。顧夫浮圖氏亦宜自計保護之。荷擔眞乘。鎮護法城者。浮圖之任也。而誇法門盛大。恃國恩寬厚。耽著兒戲文章。吟弄薄技詩偈。如長安豪家富人子弟恣輕肥。玩華柳。禮法未曾修。資產未曾顧。而稱三界慈父兒孫。受十方檀信財施可哉。叢社秋深。法苑霜寒。聲色寒蟬抱葉。財利牝雞護卵。儒門諸士。見吾如冤讎。見吾如土塊。亦宜哉。豈特儒士妬忌而已哉。若夫到法城有變覺王受屈。吾輩有何力保任之。有何策支拄之。寔可愼恐之時也。近來處處有善巧慈愍宗匠。爲勸勵鞭策。間有探道上士。法苑將少回春。願乘此嘉運。各宜愼起精神。常恐青燈欲

基於白鬚。桓舜於日吉。常觀於吉野。性蓮於熱田。典籍所載。何不見之。獨信堯信雲景狂夢。爲知哉。是豈達人量。陂才士淵識歟。若好信狂言者。何不信南都瑋圓春日神異。若好信睡夢。何不信證眞十禪師示現三井焰燒日赤山示寺僧乎。顧夫我六十州扶桑。有八萬區鎮座。各抱高明德。靈驗妙應如在。佛法入日域以來。千有餘歲。豈八萬軀佛像哉。豈千萬軸梵經哉。非是本迹眞身不二神佛水波同體者乎。神若爲有害國家不利生民。豈容片木佛像。豈留半片梵經。土是神之國也。人是神之民也。何有所愼坐見之哉。若爲神初不知之。是暗神者也。若爲雖神忌不能制之。蔑神者也。且道雖神忌不能拒之。千載下待汝輩傭以妬害之乎。寔可笑矣。嗟。欲敗佗人達己身者。亂臣賊士心也。何日有足。百乘而竊窺千乘家。必不晚。今神家者與儒人。如漢家愛莽魏室寵達。寔可恐。若夫儒人束排佛志。

之哉。人若有道德仁義。天豈棄之哉。刻剝善人。譏疵高德。終身不知本於己。非大失計者哉。近世有神家者流。不知神理如何。不察佛乘如何。亂自效步於寒儒徒。以排佛爲急務。蓋夫佛者。三世貫通大聖也。神亦三世洞明。與佛無異。是內祕同體故。獨孔子不說三世。是故諸儒常疑之。譬有一瞽者。爲其父不說教。日月明。終身以日月爲妄談。爲誑惑。將是爲智乎。將是爲不智乎。今背洞明神智。與暗小凡愚。寔可惜矣。惟佛身周遍法界。劫火燒不及。毘嵐吹不入。燦乎事物表裏。煥乎群有心上。讚之無增。謗之無減。豈恐庸流妬忌。所悲。諸君智眼不高明。識見不遠大。執寡陋小見。常添阿鼻泥犁熾焰。或教壞朴實純善男女。古豐聰皇子法道神仙丞相菅公役氏小角聖明神智通顯徹冥。非凡愚可測。且神佛竝信。瞻禮無怠矣。原夫神明不忌佛乘。增賀於伊勢。解脫於八幡。明慧於春日。泰澄於白山。行

祿展眉褒賞得志者。穀石終無過一百。韓愈屈強。且歎曰。冬暖而兒號寒。年登而妻啼飢。況其餘碌碌者哉。於是妬火竊起。謗又俄磨。自謂願上天勳力。人君同心。摧擲佛像。焚棄經卷。謗殺其人。譏敗其居。剝落其田園。竝吞其山林。興列庠序。張宏學黌。寥寥宇宙間。儒教獨行。則其功齊大禹。其勳同益稷。當此時。恣尊貴於人世。傳榮耀於兒孫者。非吾輩而其誰哉。所恨瞿曇夷狄德。廓於日月。浮屠異端行。潔於冰雪。譬如猪忌金山。如何彌磨彌朗。轉觸轉輝焉。是故心憤憤不快。口悱悱不樂。心火熠熠。老死而休者也。顧夫韓氏如疫熱。纔涉三四脛。不久卽治者也。晦菴疫毒逼內。其表少似平穩者也。林氏表裏共病也。各有譖語。道三世妄談死後斷滅浮圖氏浮圖氏。顛狂悶亂。寔可憐之心疾也。治之如何。尊貴榮耀勢位利達也。各要等分。而此四物者。庸才情弱之士不易得者也。況上天賦之神鬼惜

有四智正因。彼豈不能察三。世明明於左右。明極至教。顯佐政治。省刑法。密及幽冥。摧苦輪芻蕘者知。雉兔者知。彼豈不信之。唯起一念妬忌。計暫時利達。強力謗排矣。原夫排佛病遠起乎韓氏。熾乎朱子。餘毒流及林氏者也。蓋有病源。甚隱微而漏越人華陀神鑑。如空谷尙理鐔津輔教商英。護法天樂金湯。雖方書各究其神。終不能拔其本根。吾能知病因所根蟠。邪氣所屈托。非膏非肓。見徵不失毫芒。蓋試論之。自佛日照寰區以來。釋梵常歸仰。龍天鎮保護。王侯戴足。士庶傾心。稱其徒者。世緣不掛懷。塵務無役形。四種清供無乏。三學眞修無怠。道果內秋收。戒光外淵發。涌樓飛殿。極宇宙壯觀。準繩矩矱盡。人天高貴。人主不能稱臣。考妣不能稱子。純善至教。大扶生民。定慧勳果。密及神鬼。親握法王印。誠爲人中寶。見世稱儒生者。侵苦寒。忘煩暑。舌耕教授而終歲。努力竟不能飽十口家。偶有爵

清淨持戒比丘爲不慎口業故。今受此苦報。又有一比丘爲維那時。因罵老比丘。多劫墮泥犁。最後生旃陀羅家。受賤小鄙醜形。田夫罵比丘。乍受毒龍身。老婦出麤言。雷震殺之。微妙比丘尼口業善星比丘口過。慧眇受苦。宋尉醜報。不暇盡枚舉。吾聞之。作五無間業者。一聰明凡夫也。若如諸君高談。人死後魂飛魄散。寥而全不留纖塵。則止矣。若又果然有泉府。有冥官。則罪簿無地隱。口過無暇掩。然則叫喚泥犁苦聚可恐。今日高談雄辯。必作來生悲泣號叫。是我爲諸君。所以大悲傷者也。古張公無盡見佛。閣嚴麗僧舍高廣。妬忌竊起。欲作無佛論以摧之。依賢婦諫。見淨名經一返。妬火俄消。謗焰乍滅。終作護法高論。寔千載美談也。官到宰臣。壽過八旬。作法城金湯也。哲人改過不吝。可見與排佛輩身陷坎軻。貽笑於千載者。可同日而語哉。人各具一靈眞性。彼豈不能知因果昭昭於目前。人各

潔。天神護之。地祇愼之。遺風餘烈。傳記所載。口碑所銘。亮亮焉昭昭乎。而汝一束束來爲魍魎。天狗之部類。予讀到此。不覺傷淚下滿腮。其遠孫末流。千載下看此書者。誰不切齒恨汝。是仁人心哉。是君子志哉。春汝執堯信狂言。雲景妖夢。以爲排佛先鋒。嗚呼。好箇名教老儒。何如此醜拙。汝所謂堯信雲景何爲者哉。彼縱不狂不寢。無賴賤人語何足取。況狂言哉。況睡夢矣。古來曉事物無實。以夢幻空華爲譬喻。今欲破實德純善諸老。恃無實狂夢而主張。是豈大丈夫志氣歟。夫狂者。不祥大者也。夢者。不信甚者也。若其不祥狂言爲珍。不信睡夢爲美。其人必狂人乎。其人必夢中人也。汝輩常以死後斷滅爲懷。今又俄以死後異生爲論者何哉。何言之混亂矣。寔可笑而已。宜哉。雲石老人唾手點檢矣。嗟。君子所愼者言行也。衆聖所誠者口業也。古有金色鬼。猪頭口出臭蟲數萬。衆苦不可演。佛言。是

馳哉。人各具高明智鑑。懷寥廓心珠。唯在琢磨功精。麤如何而已。然則不
惡其力不足。其志不確。卻妬佛法盛大。惡德人高。閒何哉。古聖君賢輔佐
皇化。恤生民者。則雖婦人小子。語收隸樵漁行。俱收竝蓄。以備政治佐。只
恐其聞晚得少矣。況十力調御三界慈父。微妙遣教哉。王侯士庶。蒙其益
者。知幾多矣。輕觚排之可哉。君子於人。當於有過中求無過。詎可於無過
中求有過。譏毀一無辜。雖得天下。而君子所不爲也。況萬邦歸仰。法王三
界無比大聖乎。汝等羝羊眼狐狸智。妄謗辱而可得哉。此乃蜺蝦而妬蒼
海。蜉蝣而冤碧虛者也。空勞力而已。動以三世因果理。強撥無爲。浮屠氏
之妄談。嗟。江海可盡。因果理不能奪。目前昭昭者。因果也。左右明明者。三
世也。而不能自察。爲野狐誑惑。想夫佛於汝何害在。汝於佛何冤在。是余
所以大怪者也。且夫八宗始祖。列嶽諸師。各懷間世才。智鑑日照。戒珠月

佛場乎。予常謂。豈其緇徒而已哉。儒門亦必有其人。如林氏必其人矣。其尤者焉。今夜及讀社考。平生心所以愛者。俄然解。索爾卒至無悅。何計如此醜陋。如此強暴焉。是我所以大驚歎者也。悔昔日不見佗學術當否。不究言行精麤。妄輕許可焉。是又與林氏無窺佛教之淵奧。不能究妙道之玄微。妄攘斥者。一肩擔取。擔子亦可折而已。古原憲顏子俊秀且名利既拋去。聲色既捨了。尙足破屋。安陋巷。道德惟勤。今稱學士者。纔讀七五卷書冊。聞三四月賣講。則妬火乍發。嫉焰俄熾。以排佛爲急務。至彼正心誠意至教。如越人見楚人。間有老成士。口唱道德仁義者。亦外伺候權勢門。蠹害妻孥愛。至彼孔夫子一貫孟軻氏浩然。終爲無事甲上舊器。宜哉得其道稀。出其人難也。責鳳鳴於鳶鶩。求豹斑於猪背者也。與擲富貴忘世緣。毘尼其身。禪寂其心。谷飲巖栖。專求無上妙道。精鍊苦修者。可竝駕而

雜文

讀神社考辯疑

癸丑杪秋夜。禪餘凭机睡。牧侍者袖一小冊來。曰。師常以羅山爲日域中興鴻儒。文雅名臣。我輩非無少疑。昨過光嚴道場。有林氏書。持來以妨師春睡。看之。題曰神社考辯疑。夫神社考。林氏選之。而辯疑。南紀雲石堂述之矣。予聞林氏美名多時。聞此書行亦久。於是及讀三四枚。林氏優才。雲石博達。寔一時佳會也。正襟吟弄。拭目幽賞。如二客有高論同席而聞。直讀至終卷。或驚或怪。且悲且恐。初我以林氏爲文雅名臣。非無其端由。蓋其我日域雖粟散邊少之境。實祚遠長。人物高貴。勝殊方異域遠。況緇田濃膏。台教碩德。密乘英豪。淨家淵才。禪門英伶。有律虎。有義龍。星列碁布。出其賢聖。何如此衆多哉。勝彼赤縣神州。杳遠矣。云清淨神國乎。云圓頓

護法諸天龍夜叉。

扶桑國裏諸神祇。

願我住庵諸兄弟。

道情勇健如金剛。

向上玄關速透過。

心性戒珠常圓明。

諸魔撓盡掃除去。

利益群生無休期。

心經頌畢

大丈夫願忘軀命。

回轉一花五葉榮。

揭諦揭諦波羅揭諦波羅僧揭諦菩提娑婆訶

君子易事而難說也。落霞與孤鶩齊飛。秋水共長天一色。南村北村雨
一犁。新婦餉姑翁哺兒。

延享甲子改元冬。

諸子合心造活字。

一字應放十孔方。

總數既垂二千字。

其志留我睡餘言。

我心匪石豈不喜。

於此予還述此偈。

欲謝諸子親切情。

願終合掌祈祝曰。

虛空盡我願無窮。

稱讚般若功德聚。

普回向眞如法界。

歸命三世諸佛陀。

及十方賢聖祖師。

此道今人棄如土。

懸絲慧命誰相庾。

我今非老好文術。

勸發諸方傑出英。

上士一見知落處。

庸流還論他韻聲。

宋朝司馬文正子。

可惜斯人眼未明。

每見祖師難透話。

道成隱語惱後生。

五無間業應懺悔。

謗法罪障甚不輕。

世上今多此邪黨。

禪園荒落寔可驚。

若君了佛祖心地。

於佛祖言豈如盲。

辨自家得力眞僞。

祖師言教似鏡清。

今時學道盡莽鹵。

或以口傳或識情。

紙授口傳以爲足。

祖庭遙隔萬里程。

卽說呪曰

第二重亦在。漁唱薪歌著何處。鸛吟燕語作麼生。莫入海擇浮漚。

七字荒唐二十四。又添四首五字城。

不是呈高明諸老。慰住庵飢寒弟兄。

君若無轉身一路。葛藤無底大深坑。

莫言吾偈甚難解。須知自家無眼睛。

者裏若看難會處。爛咬急切著神精。

一回白汗親咬著。和千七百拔根莖。

吾曾辛苦窺涯際。折此無星等子秤。

無星秤子若拗折。宛如獅子長威鬚。

禪門幸有此靈驗。何不參究盡至誠。

假雞聲避虎。

賣狗肉懸羊。

指鹿見人伏。

著蜂斷父望。

陶朱攜越女。

紀信降楚王。

吞炭伏橋下。

投簪泣井傍。

載主屍兼魴。

折父齒咬耳。

明中修棧道。

暗裏度陳倉。

若是親見徹。

匣中三尺霜。

故說般若波羅蜜多呪。

前頭是什麼。如憎醉進酒。酒濃元不在多盃。十年歸不得。忘卻來時道。

一回舉了又一回。

積雪堆頭積雪堆。

只是更無迴避處。

爲誰醉後添多盃。

喫困寒多少。

可貴百卉魁

能除一切苦

劈百合求中心。削圓方竹杖。輓卻紫茸氈。九九元來八十一。一九與二九。相逢不出手。

倘若心空及第來。

五陰四大一時灰。

天堂地獄閒家具。

佛界魔宮百雜摧。

黃鳥張聲和白雪。

烏龜帶劍上燈臺。

若人欲得此三昧。

白汗通身須一回。

眞實不虛

者箇是大小大虛妄。箭過新羅終日交肩。我何似生。

齊晏殺三士。

蜀維敗兩將。

是無上呪

腳跟下又作麼生。爲我拈將最下底來。墜葉雖憐疎雨感。黃梁爭似暮雲親。

最上最尊最第一。

釋迦彌勒猶伊奴。

此是人人本具物。

唯要當人絕後蘇。

是無等等呪

話作兩橛。那一橛著何處。誰道上下四維無等匹。七花八裂德雲閒古鏡。幾下妙峯頂。傭他癡聖人。擔雪共填井。

舊年寒苦梅。

得雨一時開。

疎影月移去。

暗香風送來。

昨是埋雪樹。

今復帶花枝。

道如來有一法得。

如道應眞各有妻。

故知般若波羅蜜多是大神呪

擔水河頭賣。何樓漆器莫拈出。字經三寫。烏焉成馬。又是小賣弄。夜行莫蹈白。非水多是石。

可貴自性大神呪。

轉熱鐵丸作醍醐。

地獄閻浮天上界。

雪花一片落紅爐。

是大明呪

莫謂大明呪。拗折山形拄杖子。從來大地黑漫漫。乾坤失色。日月吞輝。

黑漆桶裏盛墨汁。

本有圓成大明呪。

光明寂照盡山河。

無量曠劫罪障海。

水上浮漚眼裏花。

一切衆生生滅心。

直維諸佛大涅槃。

木雞含卵立棺木。

瓦馬逐風歸本貫。

三世諸佛依般若波羅蜜多故

壓良爲賤。大抵還他肌骨好。不塗紅粉自風流。鑊湯無冷處。

般若生三世諸佛。

三世諸佛演般若。

主伴無盡唵蘇魯。

舊巢受風鳴宿鶴。

得阿耨多羅三藐三菩提

不可向虛空裏釘樞去。犢牛縱可生兒。諸佛終不依般若得菩提。何故。

般若菩提體無二故。若又更有一法可得。卽非如來。譬如大火聚。近傍

則佛祖亦喪身失命。

白獺可緣木得魚。

佛不依法得菩提。

非_レ心非_レ性非_ニ涅槃_一

非_レ佛非_レ祖非_ニ般若_一

十界無孔熱鐵鎚。

虛空擊碎常寥廓。

纔開_レ口獅子嘯呻。

狐兔狸貉盡驚懼。

應_レ物現身如_ニ幻師_一。

隨_レ機轉變無_ニ造作_一。

見_ニ他李母患_ニ左肩_一

數壯灸_ニ張婆右腳_一。

顛倒夢想恐懼憂。

宛如_ニ一滴投_ニ巨壑_一。

亦使_レ齊時被_ニ輕裘_一。

鯉逝時有棺無_レ椁。

喚_ニ起庵中午眠僧_一

告_ニ山童折_レ離偷_ニ擲_一。

究竟涅槃

陷人坑子年年滿。又是鬼家活計。充_ニ什麼臭皮鞭_一。吾黨之直者異於是。

父爲_レ子隱。子爲_レ父隱。

入_二三途_一代衆生苦。

遊戲十方不待請。

誓不取偏眞小果。

上求菩提化有情。

虛空直饒消殞盡。

永鞭願輪利群氓。

依般若波羅蜜多故

苦屈苦屈。若見一法可依怙。驀地須吐卻。幽州猶自可。最苦是江南。

可談羅漢有貪瞋。

莫說菩薩依般若。

若見一法有所依。

非無罣礙卽繫縛。

菩薩般若體無殊。

如珠走盤瀟洒落。

非愚非智非聖凡。

只恨畫蛇添雙腳。

心無罣礙無罣礙。故無有恐怖。遠離一切顛倒夢想。

不是分外事。神通竝妙用。荷水也搬柴。舉頭殘照在。元是住居西。

陳如跋提及拘利。

不覺自燎卻面門。

莫謂鹿園攬蝦蟇。

金仙密待大乘根。

無智亦無得

又是鬼家活計。此語錯會底甚多。棺木裏瞠眼。分明紙上張公子。盡力

高聲喚不膺。

黑火洞然黑暗光。

茫茫天地失玄黃。

山河不在鏡中觀。

百億須彌空斷腸。

以無所得故菩提薩埵

放下著。抱賊叫屈。隨緣赴感。靡不周。而常處此菩提座。不明三八九對

境多所思。

菩提薩埵摩訶薩。

唐翻道大心衆生。

紫羅帳裏撒眞珠。破布囊裏眞珠。知者正知是寶。牛飲水成乳。蛇飲水成毒。五雲常擁人不到。蕭索仙家十二樓。

十二緣生十二滅。生名凡夫滅聖人。

此維獨覺所觀境。空裏浮飛眼裏塵。

眼裏飛塵誰見得。可貴圓頓大法輪。

法輪影裏親薦取。超過疥癩野干身。

無苦集滅道

夜明簾外珠。癡人按劒立。水中鹽味。色裏膠青。白鷺下田千點雪。黃鸝上樹一枝花。

通紅四箇鐵崑崙。夜半著鞋雲外奔。

集諦苦諦道滅諦。非終非始非圓頓。

編茅包贈自然菰。封圀寄來養老糖。

無色無受想行識。

夢幻空花何勞把捉。得失是非須放過。事起叮嚀。用空無去爲什麼。

寥廓虛凝寂滅場。山河大地只是名。

開心爲四合色一。心色從來空谷聲。

無眼耳鼻舌身意。無色聲香味觸法。無眼界乃至無意識界。

有眼耳鼻舌身意。有色聲香味觸法。秋天曠野行人斷。馬首西來知是誰。

六識纔生六境浮。意根休處六塵休。

根境識爲十八界。譬如滄溟發一漚。

無無明亦無無明盡。乃至無老死亦無老死盡。

不生不滅不垢不淨不增不減

可煞新鮮果恁麼否。何計諸法不生不滅。無謾人好。手臂不向外曲。

眼裏童子期客出。

谷神不死待人呼。

衆生界畔不污染。

諸佛土中淨相無。

分八萬門何欠少。

容三千刹若隣虛。

邯鄲枕上新尊貴。

又入南柯納稅租。

是故空中

狐窠鬼窟陷墜多少行人。湛湛黑暗深坑。誠可怖畏。

凍餒百餘僧鳳凰。

各展臘扇賀新陽。

壁懸碧目紫髯老。

瓶入冰肌玉骨芳。

寒鎖琴唇黃鳥舌。

暖浮禪榻赤鱗育。

黃鳥風微希鼓瑟。

紅桃日暖薄籠煙。

蛾眉螭首一群女。

各戴花枝錦繡肩。

受想行識亦復如是。

荒草裏橫身。見怪不怪。其怪自壞。雪佛日出後。一場懨懨。我者裏不見者般奇怪物。

地風火水飛禽跡。

色受想行眼裏花。

石女擲梭張瘦臂。

泥牛蹴浪鼓瞋牙。

舍利子是諸法空相。

捏目强生花。從來無諸法。何求空相。淨地上撒廁。

山河大地蜃樓涌。

地獄天堂海市開。

淨邦穢土龜毛筆。

生死涅槃兔角枚。

舍利子

咄。小果尊者。有什麼長處者。裏佛祖乞命。內秘外現。著何處。淨名室內。不能轉女身。七狂八顛。忘卻麼。

智是祇園第一枝。

驚奔長爪托胎時。

親參大士留此典。

羅睺教師驚女兒。

色不異空空。不異色。

好一釜羹。被兩顆鼠糞汚卻。美食不當飽人喫。拂波求水。波是水。

色不遮空空體色。

空非破色。色身空。

色空不二法門裏。

跛鼈拂眉立晚風。

色卽是空空卽是色。

是何閒家具。毋教猿升木。又是二千年滯貨。釣絲絞水謝郎舟。

蟪蛄眼裏蟻旋磨。

蟻蝨耳中蛛結羅。

兜率閻浮泥犂獄。

分明掌上庵摩羅。

五蘊皆空。

靈龜拽尾。爭免得其蹤。色蘊如鐵圍山。受想如金剛劍。行識如如意寶。只知途路遠。不覺又黃昏。

認他色受想行識。

執作自家娟媿躬。

譬似浮漚留水上。

或如閃電拂長空。

度一切苦厄。

客盃弓影元非蛇。夢裏明明三世有。覺來空空大千無。

後鬼推局前鬼拄。

兩頭奮力汗通身。

終宵爭拒漸天曉。

堪笑元惟相識人。

咄。剗好肉生瘡。怪哉。所謂般若其何爲物哉。既是有淺深。將其似河水者乎。試道。作麼生是有淺深底般若。恐有認楚雞去。

求空破色之言淺。

全色見空此曰深。

若把色空談般若。

麀中跛鼃逐飛禽。

時

又是剗好肉了。去却已前來却後。吹毛匣裏靈光寒。和盤托出夜明珠。

昨晨掃卻舊年煤。

今夜鍊磨新歲飴。

帶根松矣葉加橘。

還著新衣待客來。

照見

爍迦羅眼絕纖埃。莫向石灰籬裏眨眼者。裏是何所在。盡大地是沙門一隻眼。只是玄沙道底。

菩薩

簡異二乘與十號。暫時假設菩薩名。在途中不離家舍。離家舍不在途中。爲君奪卻四弘願行。卻是君子可入。

超出我空無相窠。

沈浮業海生死波。

南無救苦大悲者

百億分身無際涯。

行

道什麼。事生也。夜眠晝走。放尿屙屎。行雲流水。墜葉飛花。擬議三途地獄。雖然恁麼地。非一回白汗流親見徹。大有事在。

手捉腳運惟什麼。

飢餐渴飲作麼生。

箇中若著一毫相。

復爲渾沌剜眼睛。

深般若波羅蜜多。

畢波羅窟裏

未結集此經

童壽譯無語

阿難豈得聽

北風窻紙隙

南鴈雪蘆汀

山月苦如瘦

寒雲凍欲零

千佛縱出世

不添減一丁

觀自在

補陀巖薩埵。人人具大士。盡大地一箇不見。不自在底人。咳唾掉臂。終不假別人力。誰繫縛爾著。伸左手搔佛首。卽非無。屈右手觸狗頭。何日免得。

執捉運奔不假他。

唯因情念積多罪。

是非憎愛總拈拋。

許汝生身觀自在。

大地誰是此岸人。甚憐錯立洪波津。

參究若未命根斷。修歷三祇枉苦辛。

心

歷劫無名錯安著名字。金屑眼中翳衣珠。法上塵是什麼。多錯認驢鞍橋。學道之人不識真。唯爲從前認識神。無量劫來生死本。癡人喚爲本來人。

分明三世不可得。一掃長空絕點埃。

禪榻夜闌如鐵冷。半窻明月帶梅來。

經

如是我聞。一時佛在。咄。誰舒卷。多向故紙堆中。求黃卷赤軸。又百合一片。

有道爲我過小底般若來。

百億須彌毫末露。三千世界海中漚。

螭螟眼裏雙童子。玩弄閻浮爭未休。

般若

唐飜云智慧。人人具箇箇圓。弄泥團。漢有何限。不嶮崖撒手。未曾見在。

何故。燈下不截爪。可令尺蠖辨長短。莫使蝸牛耕石田。

雙耳如聾眼如盲。虛空夜半失全身。

不容令鶩子親見。戾腳波斯過別津。

波羅蜜多

唐飜云到彼岸。者裏是什麼所在。掘土求青天。蝦跳不出斗。寶所在近。更進一步。釣絲絞水。謝郎舟。明眼衲僧暗結愁。

荊叢毒藥拾遺

心經著語

侍者 禪恕集

心經著語并頌

葛藤窟裏瞎老漢。無_レ棍卻歸草裏坐。可_レ憐傳大士處處失樓閣。莫言冷淡無滋味。一飽能消萬劫飢。

撥轉參天爛葛藤。
絆纏四海五湖僧。

願君認得出身路。
藕線孔中弄快鷹。

摩訶

唐翻云大。是什麼。四維上下無等匹。多錯作廣博會了。君子愛財。取之

荆叢毒藥拾遺目錄

—

荆叢毒藥拾遺

目錄

心經著語頌

雜文

示衆

贊

偈頌

目錄終

浪花 木田種重謹誌

荆叢毒藥（大尾）

寶曆六年丙子之冬。僕遊東奧。遂過駿州。參謁鵠林老禪師。師時病甚矣。得少閒。屢請益。侍者寮中有伯州恕公所集師之語九卷。題曰荆叢毒藥。逐卷取而讀之。語句辛辣。機鋒峭峻。罵於執相之婆禪。如獅王哮吼。呵於滯空之頑徒。似迅雷霹靂。聞者孰不喪魂失膽乎。或指示夾山評中之錯謬。又發揮洞上五位之玄旨。覽者孰不捨邪從正乎。誠非凡情之可度量哉。參玄之指南。可謂具矣。道流其棄此書。復誰適從。僕謂鋟諸梓以傳不朽。而學者依之進修。毋乃達于禪源之捷徑乎。請之師。師勃然興色曰。止止。此乃一時信口吐出底之寢語也。若留之紙墨。恐瞎卻後昆。速投乎爐中。勿揚家醜。固請不可。暨辭竊藏之簏中。歸家急命鋟鐫。所以不遑校正也。閱此書者。莫討魚魯之參差。唯爲參學之標準。是祈云爾。

荆叢毒藥卷第九終

和哉首座歲首韻

坐卻白雲三五僧。就中清苦首鬚鬢。解纏萬事淡於水。守蠟九旬潔似氷。
迎歲經營無白米。約春春睡有青燈。常憐吾子好嘉遁。不顧利名是俊鷹。

遊金龍寺主人有詩卽和

顏回陋巷一瓢飲。曹植詞場七步奇。兩處拈拋瀟灑灑。青松孰若百花枝。

人平不語水不流。或泣或嘔有所由。老不言詩三十歲。見桃錄出凝吟眸。
見桃已自入吾廬。燒盡膏油坐破蒲。取一部寄大唐國。大唐亦恐賞音無。
若人欲見見桃錄。先須參決趙州無。次透南泉遷化話。乍如掌上弄明珠。
冬日書懷

凍損吟身百餘衆。林下誰不苦冰霜。庵羅園裡春消息。先入雪山問暗香。

送靈嶽座元并引

寬保辛酉春。予在甲之富春日。景雲山主靈嶽驗長老來謁。予問曰。生
從何處來。死何處去。驗默然。今歲寬保壬戌佛生日前。買船於藤川奔
流。再來謁。予復問。生從何處來。死何處去。驗豎一指。予曰。未在。更道。驗
曰。生從何處來。死何處去。予愛此老有所契。書一偈。以贐歸袖。

慨念虛生浪死灾。寥寥默坐幾年回。莫言佛法無靈驗。齒豁頭童眼始開。

不知在龍山者。竝爲收歸此錄中乎。將謂美玉漏玉人手者乎。梁爾裁書報梵言。以見桃錄成。莫怠繕寫矣。且莫謂滄海浩渺。嘗一滴知其鹹酸。國師宗旨。見桃錄足而已。夫蹄涔而爲足者。蜺蝦之望也。滄海而爲狹者。鯤鯨之量也。古畢波窟中以華嚴不爲足。終有半滿頓漸教。以此告彼矣。予老懶。口不言詩者三十歲。知予才醜陋。然今打村偈何哉。娼母有故笑。西施有故笑。無鹽有故泣。楊妃有故泣。當其笑與泣。豈顧傍觀哉。如予詩者爲娼母笑者歟。

將謂海東無法眼。見桃禍孽上桑枝。圓演文靜顯愚呆。束集大成休國師。富文字般若三昧。法窟爪牙究七宗。五百年間出知識。我正法海底神龍。一喝一雷心欲顛。龍華枝上見桃篇。自愧老去無定力。惱亂葛藤不得眠。紫野春光漸凋萎。華圓誰計有此枝。見桃篇上龍華會。彌勒下生八刻遲。

言隻字。杳隔霄壤。傍有龍山徒梵禪人。予卽告曰。吾國幸有此老和尚。不辱東海日多懸識。此錄也。禪門第一無比眞實也。與碧巖虛堂竝行無乏。可謂日多大光明也。願爲報恩。繕寫一部。以壽此書。他後得同志人。壽梓亦可也。吾門盛事何事如之哉。梵歡踊然諾矣。熟想。予自壯歲以來。入府者大凡幾回乎。怡悅曾無類者。回者歸路見人。則先言此矣。近頃臘八前有梁禪人者。本嶠海福和尚徒。而向隨予登龍山者也。袖一帙來曰。是亦本光國師錄。名曰見桃錄。卽華園龍華和尚撰也。予如夜途拾玉炬。焚香拜披。宗風高玄旨密。機鋒峻看讀博。文彩美詞偈逸。掌上洞焉。而目前煥乎。嗚呼。如此書。海東禪門眉目也。若無龍華擇法眼。空歸蠹魚腹中。終成烏有。縱有龍華法眼。向無此老。豈有此盛事。龍華於宗門。謂管樂功乎。所怪者稱駿州大龍山語錄者。纔三四版而已。

大驚畏。散筵後有僧。歸來問予曰。掀翻臨濟三關。超過長沙七步。何哉。所謂長沙七步。予以手揶揄曰。非是爾境界。怪哉。是爲誰人語耶。僧曰。此是臨濟開山大休國師入院山門法語也。予不覺起。肅爾燒香。三拜曰。紫野國師。華塢開祖。二尊戟化後。將謂祖庭全荒涼。何計二百年後有此老和尚。如語梅生液。似掌一巒。知全鼎味。惜哉。未見全鼎。幸而今歲小春仲浣。爲官事入府之次。上龍山。拜閱國師錄。果然與向一巒氣味。毫釐無差舛。滴滴皆毒也。如鴟鳥尾。如老狼牙。文字有陶朱猗頓富。筆力有項籍趙雲勇。奇怪有費長張果術。幽豔有王昭太真度。雖慈明垂語真淨小參靈源普說息耕上堂妙喜長書。無多讓。肌膚不覺粟粟焉。拊膝嘆不知所措。時席上有蜀錦方丈餘者。聞後奈良上皇所賜國師也。光彩奪目。驚魂。予指曰。雖這箇花錦。知貴不知價底。比國師片

悼順首座

蒼龍潭裏蒼龍子。不是螺蚌蝦蜆倫。其志誓窮禪海底。來休陋巷斗升漚。
我心如養彩鸞子。彼性竊生赤鯉鱗。喜見緇田苗欲秀。恨逢煩暑火神瞋。
厭懶翁定裏驚怖。隱自家病中苦辛。我不能看君若子。君常見我宛如親。
聞君危急存亡逼。星夜與禱上下神。上下盍慳梁棟質。暫時化作地中人。
艸廬求友三十歲。從此無心守要津。涼動帳帷人不睡。蛩吟牖戶感情頻。
萬松悲韻遙盈耳。林下擊摧掌上珍。

拜閱大休國師語錄并引

寬延改元戊辰仲冬五莫。於駿府大龍山臨濟禪寺。有圓滿本光國師
二百年忌大會齋。予保社雲衲數十輩。赴齋會之次。請評唱息耕百則
毒偈。堂頭關宗和尚三止四請。遂上法王座。機關峭峻。辯才無礙。衆心

賀快巖座元轉職

半生清苦數千里。參決東山暗號令。法窟齒牙太孤絕。勿將隻字當人情。

與處士

文殊大士來問疾。凜有相如反璧形。欽慣丈方居士默。黃鸝聲裡可趨庭。

哭巖上座

三年辛苦已栽梅。雪裡陰陰通信來。堪恨春風多所思。等閒拗折半開枝。

玄極首座來吾闡提窟中。饑凍隊裡清苦既有年矣。秋風乍惹尊

鱸情作詩送行

法窟齒牙非髓皮。未拈出鬼哭神悲。三年辛苦親參決。來再扶斯無轉知。

和佛生日韻

雖棄恩違孝子傳。出家成道度人天。毘藍苑裡破謔語。唯有韶陽子細圓。

有從上未曾見未曾聞底大歡喜。今歲享保癸巳秋。鄉書責遲。西風拽袂之日。來乞送別語。我不會詩。不會禪。且至衲衣下事。驛車店茶盡爲君發起。我何言哉。只爲離愁動。不覺把平生肝膽。一掀掀出者歟。

的也歸時求一語。予言開口隔天涯。重推筆硯舒唐紙。墜葉影中皺兩眉。無外宗寒居士十三回忌。

折骨還爺肉是母。歸來撥轉甘露門。從頭一返開筵說。家豕戴鞋立晚村。送蜀上座。

稻荷華表大難難。嶮若禹門三級鬼。月中竊去超光影。點額自愧歸去來。謹奉酬正受老人覆蔭。

新冤舊恨鴈爲行。自愧證龜河上桑。今煮父羊一盂供。幽蘭忽失深谿芳。

風光一萬八千日。脫體老松巖下人。堂上句兒鳴毒箭。眼華飛散二三輪。

和祖忌韻

自愧空侍君子傍。遺言今勝一條痕。提攜教諭知多少。幾責小蠶添綠蘩。
有僧上來曰。我今快會牛過窻櫺話來。我若發一問。和東山老人
及和尚。飲氣吞聲。予曰。試舉看。僧曰。拈出不透過底鼻巴。予抱腹
大笑。僧不憤。予曰。爾他後真正會去。今日舉話慚惶滿面無藏身
處。卽打偈曰。

以火試珠金。以石話頭試。爾掠虛禪。牛窻櫺話投無眼。鸚對煎茶貓見錢。
送帶上座歸鄉

清苦三年最有功。唯愁往往半途窮。靜中閑處親參決。回復東山已墜風。
濃陽的禪人侍。予入裘葛。有可貴操履。有可愛志氣。勉旃而不忘。

水貴只不_レ乏良友。石氏仁術名家。中氏風流奇士也。石氏憐予泉石舊
痾。勞_二弟子。遠送許多奇石。中氏壯之。自來作假山。勝景如湧。佳趣可掬。
予竊謂。縱有中氏心術妙。無石氏賜。空拱手立庭際。且有石氏賜。無中
氏心術。令珠玉空在艸莽間。是寔二難兼竝也。又謂。縱有二公惠。非予
艸廬二三弟兄勸力。予與石氏又何爲哉。縱有諸公恩惠。天不賜予以
清平時。豈暇見此勝槩乎。此又爲四美備也。於此賦詩以謝諸公勞。

千尋飛瀑心先白。百尺幽松眼轉蒼。華嶽嶮占驪嶺左。廬山秀聳九疑傍。
人間再見黃初起。挾木立巖如策羊。望底自哈支遁子。乞錢築室役詩腸。
風微樹送瑟琴響。雨洒石添虎豹章。洞口銀沙千歲雪。溪間苔色四時霜。
皺眉坐盡艸廬裡。詩上難移只夕陽。

和松巖和尚五十回忌香偈韻

示僧

學道人拋下話頭。若農夫不耘田疇。欲得十分秋成果。轉悟轉參僧趙州。

和忠上座歲首韻

朋自遠方滿四鄰。依稀田字甲由申。勉旃諸子謹臻底。一日計先在早辰。

哭薰上座

東山水行親參決。透法身機甚活哉。殿閣淒涼人不見。薰風依舊自南來。

暮春日。佛日和尙辱過草廬。有尊偈。謹和代莊司氏憲英

禪遊無拘束。來問野人家。蒲席雖無耳。瓦爐幸有茶。奴尋三徑菜。女獻兩莖花。此意不容比。虛舟過海涯。

謝中井當溫作假山并引

予生枯薄。而人事拙於鳩。操履鈍於鼃。雖性愛泉石。行無高山。望無流

元無痕跡。包塵刹。思議盡時八字開。舒捲虛凝太孤絕。歛聽緇素滿庭階。

和牛禪人韻

了然大道閒無事。惹得紛紛眼裏埃。轉悟轉參牛上座。趙州頭上有青灰。

送道果禪人省父

展紙道書詩。果禪歸省時。爲求親切句。咬筆暗皺眉。

答道果首座來書

近江藻裡錦鱗子。撥轉龍門掌萬危。佛海毒波任君弄。不施涓滴是真施。

平田和尚云。十二年來毫髮無疑惑。其氣字痛快戲書一偈以寄。

平田淺草塵中塵。可惜爪牙終不全。生也同床虎頭角。不同床死憤咬涎。

題鳳凰紙鳶

紙皮蒿骨紅絲命。五彩靈禽舞大陽。不用養汝求竹實。清風一陣滿枯腸。

大地撮來無寸土。唯斯一片破蒲團。若人坐此法王座。拔卻懶無量病根。

香積飯

我家一頓香積飯。喫者必到法成就。人人爛咬待消化。如嬰兒含乳不放。

和長興祖忌韻

欲和高韻忘韻礎。夜半高聲問小空。空云調高和人少。韻礎三重第一東。

偶成

觀察世間塵勞事。縱天子有不任情。可貴自性本有月。未撥雲霧萬事成。

雲嶽

元文己未秋。應請於秋氏。提唱雲門庵主書。半月餘。有鄰翁聽受。日不廢。爲老耳不聽來。則逼机案。向其散筵日。親乞法號。授以雲嶽慈門上座稱。是卽秋氏昌長老爺也。

同牀生也。不同死。我憐蒲柳君歸幽。如今老去懷前事。共是汾陽碗脫丘。
合侍巾瓶觸瞋拳。力微轉處未曾幽。眞前慚乏報恩句。不似應庵拜虎丘。
代義三侍者

播州捍西縣拜大燈國師遺蹤

聖跡僅殘有草堂。并華今猶浸寒光。老僧應究明己事。一把茅亭折脚鐺。
和宰相小倉公所寄韻

爲寇昔嘗膽伏薪。況超業海萬波濱。若人辨見道眞僞。日午向南看北辰。
或人問。死後斷滅乎。不斷滅乎。予云。卽今問著底是斷乎。是常乎。
又示偈。

夢裏明明有六趣。了時無一點精魂。善星纔起斷常見。生入泥犁永劫昏。
示肝禪人

自得老人不詳其姓名。寓鷹嶽南麓林下。或耕後圃。或樵前溪。且善文墨。點畫古雅。有人請而授與紙筆。則書。忘日蚤莫。自曰。我是蒼龍潭裏潛鱗也。人稱其能自得。道自得老人。今歲七十有五。骨格轉勇壯也。予書一詩以賀壽云爾。

難得古稀壽。五年加七旬。添籌皆仰德。賀臘悉歸仁。松樹聳千歲。龜齡伴萬春。法身豈比世。正體丈夫人。

登雲峯寺

雲峯入夢歷多年。人世壯觀忽極巔。練洗塵根三級浪。王扶目力十洲天。大悲聖像荻紋古。法性神旗金字連。晴信威風今何在。行基昔此度無緣。

和清楚祖忌韻

形影相偕四十年。昔曾共問百城幽。君今旣入南方去。元是松梅竹一丘。

寄懷舊友

蓮華微妙法。遙脫五千書。麤細不萌處。朕兆未發初。忘機皆恰好。開口盡齟齬。列聖缺演說。百靈叵捲舒。難難難易易。密密密密。渠渠能育衆邪種。或成方福畬。從來無物我。慎莫執親疎。塵刹大圓鏡。毫釐其舍諸。都盧眞實相。聲色是何歟。只斷平常智。直臻理外居。爲令知此地。曾設鹿牛車。癡愛一避之。心身滿十虛。恒河沙數佛。到此得無餘。生滅非生滅。合離同一如。

七賢尼先予之甲陽。其前日請予於其廬。遠茶近餅。甚勞道情。予感其親切。卒唱村偈以謝。嗚呼。尼也。爾愛其耳。我愛我口。呵呵。

道業如途隨進隣。況看東壁打西壁。從來未得透過時。諸法如銀山鐵壁。纔從一回透過來。自己還似銀山鐵壁。須知最後有重關。天曉賊人猶截壁。

鑊湯爐炭百千丈。攪作建溪一椀春。驚覺無量曠劫夢。抱腸大笑捧爐神。

題富士山圖手寫

寫得老胡眞面目。杳寄自性堂上人。不信舊臘端午作。鞭起芻羊問木人。

題三國圖

須彌南畔兩三洲。一撮撮來古紙頭。欲知可中無限事。是非得失或憂愁。

送佛燈和尚之英巖

明日德人去。我懷乍寂寥。氣虹千仞瀑。心印十圍腰。龍潛九年穩。鳳翔一夜喬。行程應無恙。瑞靄送行轡。

盆石

子質偏宜仁者筵。片塊石上翠微連。神遊豈假謝公屐。老病免思支遁錢。彌留縱恣居帝釋。楞伽甚嶮住金仙。此峯雖小攀緣絕。天下高山輸一鞭。

人傑地靈品物和。譬如琴瑟應宮商。結來曠劫惡因果。馬面竝羅丈六堂。
圓覺堂頭劫運和尚。予昔日一見甚器重。一別三十年。寥而無消息。
今歲寬保癸亥夏。經歷數十程嶮峻。辱照顧艸廬。予平素未嘗
伸窮相手祇揖等閒人。是故江湖無賴閒漢。竊議道。鵲林者裡以
不亂許可人。爲宗風。殊不知。是予痼疾也。竝把著數段因緣。觸忤
者累日。全無凝滯。不堪歡踊。賦一絕以謝來訪。

奪命神符法窟牙。乾坤失色碎天闌。半生清苦親參決。永爲信陽九虎關。

松月吟 依禪月大師韻

松濤洗出仲秋月。月影畫成地上松。松下風來看泄月。月中兔走有過松。
松枝曾掛幾年月。月色殊佳吾舍松。松汝有心留此月。月還每夜問斯松。

哭興巖玄隆居士

閒神驚走群妖哭。暗裏任佗窮鬼悲。此道今人棄如土。超宗慧命似懸絲。
少林華果看荒落。可貴師孤力孜孜。

送純上座

雪峯三度登投子。又聽九回到洞山。少室巾瓶二十歲。莫辭兩彩喫辛艱。

送團禪人

團禪歸寧時。展紙道書詩。我有送行句。途中能護持。

和龍潭和尚所寄韻并引

寬保壬戌秋。龍潭和尚鞭扶宗願輪。展越格法筵。予亦率衆入保社。微
類息耕在鷺峯時者乎。徒衆千指。盡是舊參英豪也。其準繩規模。乍見
前代高風。衆心大悅可矣。堂頭怡悅之餘。作詩辱扶起予陋懶。予亦攀
韻礎。

鼻息齁齁放心臥。君特不睡多所思。翌晨偕入月江深。次見一乘唯有握。師叔相見欣滿面。薺刺銀線互伸眉。提攜宛如舊相識。清話且嘗法愛滋。出寺肩輿辭不許。徒行師獨暫不離。如救君子嶮忠士。似護爺孃駕孝兒。列刹諸尊迎鴈列。非是尊我皆因師。行行入谷村庵室。庵裡騷忙揚午炊。相喚相呼馳老幼。百尺長橋渡嶮崖。千村父老迎相賀。載欣載走影參差。山頂華鯨乍相報。寺前海衆盡威儀。肅然入寺非人世。人傑地靈神物裨。祥雲常宿御嶽樹。瑞靄永籠金井漪。西南八葉千秋雪。東北一頭百尺獅。虎首燕頤迎如父。龍蟠鳳逸立如籬。千般規度皆瀟洒。四事美供全不虧。吹法螺兮打法鼓。濺法雨兮行法施。一會森嚴依誰力。夜寢早起忘倦疲。斯心若在三王侯。側位極入臣驚四維。此志若輔爺孃老。富重天爵無休期。錯今輔此秃奴漢。德厚義深總相遺。總相遺矣寔可惡。唯有齒牙過九疑。

會去何愁不克詮。禪門宜默不宜喧。參臻明暗雙雙日。不備聖人立檻前。

哭愚首座

寒山子矣行太早。惟對惟機齊對機。風捲枯葉蘆荻暮。紅爐焰裏雪花飛。

和桂林堂上歲首韻

乍聞平安胸霧披。新書還呵解封遲。顧予踈懶涌慚汗。每感厚情先淚垂。
籃坂幾嘗風雪嶮。羽城況把法幢移。就中腸斷泥雪裡。十里夜途迎我時。
積雪沒脛轎不進。半途日亦落崦嵫。互呼互答聲爲力。氣索心疲我僕飢。
堅凍嚙鞋黑暗谷。層氷挾路劒樹枝。遙看星火從西北。明滅昇降走復踟。
不是魍魎卽山鬼。或惶或怪立相窺。誰量桂林堂上主。迎我親踐此嶮危。
竹杖芒鞋手松火。一夫後負火炬資。隔溪一見互相喜。新舊遶圍淚滴頤。
立談未盡復指北。自挑松火相追隨。夜深漸入吉田宿。寄宿預占鹽屋氏。

具。預使幹僕昇達彼地也。予顰蹙曰。長途擔去。如勞疲何。剝落小
除去輕。雖不耻。佗華嚴大恐彼雲峰矣。於此解縛檢責。似不可省
除者也。

束縛戲場竿木具。遙勞人力寔當慚。行程若見文正子。道不阿師講錄擔。

和桂林堂上重五韻

二十四番失信來。臨斯荒落待誰哉。客床昔有褰股刺。密室今無捉耳迴。
妖藥怪葩特寵立。嬌紅艷紫極娟開。千年桃核若通笑。苦葉毒花見老來。
重五偈含截鐵機。和將桃李報珠璣。我詩全缺明朝體。莫附桂林專使歸。
壽信剝度

山河大地長壽信。名此道心地戒珠。祖祖相傳無瑕類。毫釐繫念墮三塗。
送仙館泰禪歸寧

瑞光

優曇鉢藥歷驢年。寂照東方萬八千。西院昔時餘兩錯。至今一箭過西天。

江國

萬頃冷煙籠毒浪。憲章分曉定封疆。探玄珠取擊摧了。一片靈光呵不祥。

本光自觀

百尺竿頭腸九回。虛空消殞鐵山摧。可中無涅槃生死。東海波斯咬爛柴。

哭陽春和尚

醜惡一雙怒眼光。別離骨肉凜吹霜。夜來何事淚如雨。佛法南方折棟梁。

謝石井居士營高廣座

四圍十笏龐翁室。新設方方三尺床。八萬四千由緒那。君看缺少幾何強。

寬保辛酉孟春十七日午後庫間開騷。問之裏予赴甲陽請之間。

有鶴齡龜筭。保陶朱富。閱倚頓財。寄蜉蝣於天地。非有道士所榮也。所貴者居士。卽今聽法底心。是名西竺大神仙。此謂南極老人星。居士要見直下看。柳綠花紅。總是何物。爲天地母。爲萬物祖。雖劫火洞然。毫末俱盡。寥廓虛凝。堂堂巍巍。超越生死。透過遷流。充塞大千。不爲廣。收歸微塵。不爲狹。寔非所謂不老不死。不去不來。底大神仙哉。以此言祝延居士長壽如何。居士微微笑。卽打一偈云。

八十年光三萬日。分明露出本來人。紅桃白李黃鸝舌。福壽無量一老身。

送義貫居士

夢入浪華吟骨瘦。雲橫箱嶺旅魂愁。曉霜吹錦千村樹。夜露擎珠百艸頭。

壽山

鬢白混沌未判前。嵯峨萬仞鎖雲煙。大虛空彼家兒子。佛尙不看佗絕巔。

元文丁巳夏。余自南豆歸。籬半乍見雪花如蓋者二三輪。且驚且怪。熟思玄德老人春初所贈木蓮華也。

高原陸地有蓮華。綠樹陰中似雪皚。一掃炎塵甚有力。任佗梅藥苦寒柯。歲晚玄德老翁和予佛成道之韻見寄。再步前

韻。以述間濶之情。

常憶北村一放翁。清閒自有古人風。何愁多日缺相見。如對笑顏尺素中。

壽玄隆居士八十一并引

松氏者彌之老爺興嚴玄隆居士。久歸仰真乘。宜室家。宜鄉黨。雖不學不修。自有正心誠意之彝。今歲元文己未春。世壽既八旬。親戚盡來賀。就予請一偈。予云。王制曰。八十常珍。八十杖朝。八十月告存。且杜工部稱七十爲古稀。況既及八旬哉。誠可敬。雖可敬。如何終歸無常變遷。縱

兩三間室半升鐺。一枕松濤洗斗肝。但愛白鷗求睡靜。非夫赤蠖欲伸蟠。
機輪膽冷日光黑。筆刃風腥鯨海丹。久浴梅檀林下澤。穿抽吾滿苑伊蘭。

其八

此曲神仙聞不得。諸君可鏤骨銘肝。南泉長沙及眞淨。彈驅睡龍死水蟠。
中有韶陽音韻峻。曾傳日域自眞丹。息耕鋤下靈苗在。橫嶽圓覺啞幽蘭。

其九

趣殊守異膽肝楚。同樂同愁楚越肝。我見君拋法王印。能驚世上利名蟠。
出家者睡清閒室。欲鍊金仙不死丹。丹熟壽量難思議。威音古佛是金蘭。

冬日訪黃河和尚有詩卽和

數里踏冰霜。來嘗養老糖。石泉招隱會。曉日披雲望。圍坐接柴火。竝眠晒
大陽。有時笑顏快。相促入詞場。

竹筯二三升折脚。布囊一兩粒還丹。詩成机上鮮紅錦。師是僧中蘇若蘭。

其四

欲識此師安立處。似跛鼈奪嶺猿肝。跨三級鯉魚攸化。覆九淵蛟龍所蟠。瞻望老牛眠少室。近傍俊鶻過眞丹。曇華何怪照塵世。紅火爐中有秀蘭。

其五

金剛窟北潛龍在。蛟鰐齒牙狼虎肝。機電拔翻心上楔。怒雷熱殺爪中蟠。辯吹鯨海千尋浪。詩吐狐涎萬斛丹。體裁枯白無人愛。黃檗口頭咬紫蘭。

其六

曾聞風艸辨來者。十年況看義忠肝。招回佛日日光潛。驚動金龍龍臥蟠。禪慕虎丘兼象骨。孝効慧寂與燕丹。聯芳竊羨斯人在。佗時多子蕙孫蘭。

其七

處纔見尖室茅茨。而不得到室徑路。往而復還。還而復往。躊躇少經時。心竊有慚。嗟。心交四十歲。行程里許。而不知其所居。是隱室之所以爲隱乎。將陋巷之所以爲陋乎。胸中之一奇。不可言矣。少焉有一僧相引入室。其清貧枯淡。寔拔俗骨。賓主相見。不覺一笑。入夜師有偈。卽和。

百鍊清閒折脚鐺。何觀烹鳳髓龍肝。拈拋笏室千鈞擔。占斷艸廬初九蟠。清話驚魂咬猪口。新詩換骨透瓶丹。人間莫怪斯人在。樹有大椿草有蘭。

其二

坐金剛窟三十載。放跛貓兒驅鼠肝。虎視風微林葉震。龍眠晝穩老松蟠。攪行奪市鈍侯黑。粗食菜羹富范丹。解印歸來茅舍裡。池塘艸裏一莖蘭。

其三

清話常令人骨淨。假山滴漣客心肝。頤神蝸屋狹寥廓。獻壽龍松嶺屈蟠。

尾陽產。成華洛有_レ爺。帝京與_二仙館_一。兩夢一窻紗。豹隱_二南山霧_一。求_二斑似筍芽_一。
士甘_二西嶺蕨_一。避利若_二金枷_一。吾聽學_二正法_一。須先隱_二生涯_一。可尊肥遁士。一鉢一
袈裟。壽與_二大虛等_一。容_二八表如椰_一。龍天常護念。水火不能遮。洪水昔微禹。人
其爲_二蜺蝦_一。禹能救_二此厄_一。無奈愛_二河遐_一。可恐愛_二河浪_一。智愚涉_二沒楂_一。沈究奈落
底。或縛_二閻羅衙_一。長夜死_二生海_一。漂沈歷_二恒沙_一。如何脫_二斯患_一。巧妙有些些。君看
衣中物。誰非老釋迦。人人釋迦老。枉錯落_二兔罝_一。何物爲_二此災_一。利名貪愛蛇。
弟兄何猛利。早識_二拔狼牙_一。拔狼牙有道。見_二心性無瑕_一。見_二無瑕性徹_一。身似_二一
片霞。悟_二之成四智_一。失_二之入八邪_一。慰而雨中感。搔_二吾好肉痂_一。

訪佛日老人并引

享保乙卯仲春初。佛日老人抱衣孟。遁居前村隱僻之處。予老懶欲賀
不果。杪春之杪。偶得_二令辰_一。拽_二杖訪之_一。漸望_二流鶯稀傳櫻花頻飛綠樹陰_一。

初到時休唯二子托鉢不歸。而隣翁者賀氏慈高文也。

鎖鑰竊相探。入此深林廬。爐無埋養火。牀有讀殘書。金磬野煙曲。民村籬竹疎。鄰翁過後舍。先乞淡茶餘。

用前韻記林泉庵舊遊

昔年仲夏日。相共入茲廬。詩做佳無記。和還唱不書。探涼憐樹密。驅暑悅籬疎。又憶湯川水。麵盤駭睡餘。

梅雨連日懷哉成兩禪人遁居清苦

黃梅連日雨。雨脚突稻麻。溪吼蛟龍怒。浪肥海若奢。濕薪咽裂簣。舊竈冷聚蝸。水勢拔橋柱。泥唇吞大車。挑起赤榴火。摘摧紫栗花。遙憐雙布衲。閒睡爛趺跏。雖起搖瓢鉢。缺訊午飯家。盡是著力處。休禱霽咨嗟。諸方叢社裏。四事盡歡嘉。何意兩三輩。好嘗此苦瓜。雲煙寄無便。竊撚一封茶。哉也

用前韻寄雲山和尚

心王治六國。見此太平民。四水歸南海。衆星朝北辰。寰區常廓索。風致日鮮新。歡喜無量室。長生不死人。何幸雙樸櫟。髻亂志相親。同守兮同樂。如相頭買巾。行偕歸亦伴。似一轂推輪。常愁君多病。竊訟上下神。近看微健實。如還合浦珍。

用前韻酬哉上座

哉也東歸日。如虧二稅民。來逢予不在。旅店帶星辰。夜半再敲戶。感瞻撥志新。起探爐底火。談及本來人。因苦演情實。娑禪余亦親。相離三四載。來再展炊巾。拶到要緊處。忽旋生機輪。勉旃哉莫怠。常抖擻精神。擊碎頷中物。沕淵潛自珍。

和哉禪人林泉庵韻

予輩累歲果何爲。

應請于賀氏亭

賀氏好忠直。又聞能愛民。昨敲林下戶。清話暫經時。苦述北堂志。招以蕎麥新。豈吾不來謝。況使屈佳人。入此清間室。先見母子親。竹筐紅柿實。玉版白棉巾。書冊四三笈。菊花一二輪。劍光閒鬼走。畫軸見精神。莫道無供給。君心勝八珍。

用前韻告庵中二三弟兄

閒田耕破後。始是覺王民。向北指南斗。向南見北辰。嘉禾隨日熟。粳米逐時新。今日見聞主。直是無位人。從來無修證。何處有疎親。堦下一雙履。腰間半片巾。因參究此意。乍脫四生輪。若無透關眼。永成附木神。不應容易去。擊碎髻中珍。

海濤不驚還不風。如虎或如騏。籬下豈堪駐。東量桑樹崖。鶴望千里遠。鷺步鼻吟悲。爲慰野禽輩。約予黃口兒。舊巢看厥棄。便羽必令知。處處有舊巢。招靈禽不宜。清閒雖可愛。竹實缺其資。彼豈無情實。默如畫出鴟。鷹欲擊先潛。螻因屈能擒。古來成大器。要密豈愁遲。脩竹三竿影。醴泉一掬池。願求此二物。何日見來儀。水得堤防密。能蘇荒旱菑。樹經培養久。恣獻棟梁姿。不聞大梅老。見彼忠國師。昔年賢達士。見勢位如羈。佛得白毫相。因尊隱遁士。君不見白雲端古佛。領衆承天時。寶覺嘆之道。非是林下禧。果以知命歲。可惜覺華萎。況有利名鬼。常窺人肺脾。多看春濕穀。若畫餅救飢。糠粃飛滿席。稗穉躍打眉。不待熟還餽。二稅又歸誰。衆有此其額。徒流兩腋脂。蛩吟燈影瘦。月上涌涼颼。飛鴻落隻鯉。若獲列熊羆。親聞鶉居處。寄斯鵲舌詞。走拋文字久。況又可言詩。願育垂天翅。慰吾倦翼垂。已哉如

構小僧堂數十日。善終者少孰無初。丹豐後產澄丹後。如有舊因能弼余。
捧鉢先鋒冰雪裏。蹈碓殿後水薪餘。泥盤乍擲磨盤轉。粟粒多加麥粒茹。
擔泥過鄺顏如鐵。把槌走棟足如狙。屐摧鞋破襪無當。襟薄袂穿裳沒絮。
巨艱細辛終不避。淨緣鄙事其捐諸。夜間擁葉豎梁骨。破曉拂霜摘菜蔬。
終沒一食酬勞苦。曾無隻字及詩書。瞋拳怒眼家常飯。老屋折牀平日居。
恨老無看公等末。勉旃誓莫爲聲譽。終身道業如今日。佗日果是方福畬。

和退耕和尚韻并引

退耕遁和尚東行次。見訪予草廬。別後寥而無消息。仲秋十五。乍領佳
音。開封見古詩一篇。舒卷三四。不覺攀韻礎以待再顧。是非逞薄技。愛
敬閒居美志者乎。

有鳥辭喬木。來休枳棘枝。六音慚燕雀。五彩映蓬茨。啄盡禪河底。搏乾教

光輝通徹泥犁獄。及照破彼二鐵圍。爾休勉旃能參決。人身一失萬劫違。
不_レ受_二牛_一羊_一猪_一狗_一身。何幸今被_二八_一福衣。此幸二回不可得。勤休莫見別人非。
檻邊月靜蛩聲滑。天際風微林葉揮。樂不可過林下子。新涼先入野人扉。

僧堂造立後謝澄丹二子勤勞并引

元文丙辰秋。因諸友諄請。構小僧堂。一丁纔響後。數員弟兄無少長。艱
辛疲勞。寔不可演。各勦力。頗將落成。昨有一僧來謁。是生平所來往者
也。少焉辭。予曰。來日去矣。宿扶衆煩務。其僧佯爲留而潛去。予謂是賢
者乎。將是不肖者乎。怪哉。恐暫時勞矣。於是熟顧諸君數十日間。千辛
萬苦。宜哉。間有不堪者。只如澄丹二子。終始不屈。末限轉勇壯也。彼
豈金石之質哉。胡爲其到茲哉。勉旃。二子。嗟。二子此舉。能終始者。此亦
二子永年之初而已。

若人要握佛心印。了卽今聽法底玄。或有青州布衫話。參究必出金剛圈。
周昨辭赴海東日。展唐紙請座右篇。予言予亦敗將數。敗將豈開兵事筵。
周言只書其敗底。前車轉覆後車堅。皺眉書了數十句。書了又惶譏者囁。
古爲人言不顧首。爲二子豈避謗緣。老去今非逞文術。只祈不辱不傳傳。
慧休歸寧久不歸。聞不歸爲久患風疾。於是作詩以代瞋拳。

去日約以自恣日。節半仲秋猶未歸。聞說秋初患風疾。此秋風疾免人稀。
近來飲食復常否。待病早痊醫所譏。見子形枯如鶴瘦。風前只恐與雲飛。
願神無越懶瓚拙。治病先惶扁鵲威。非使子貪玄武壽。佗時要見白牛肥。
白牛近頃牧純否。纔涉根塵如鼠饑。萬事任心多怠惰。病身還好盡玄微。
身中八萬戶毛病。直下五千軸大機。此事豈入窮子手。丈夫疑破鐵牛機。
三賢四果都拋擲。果滿薩雲非我悌。我豈亂論分外事。人人些子有光輝。

俊哲驚魂豪傑畏。王侯戴足仰神仙。賢勵其行成其志。愚恣其欲德如鐫。
松柏風霜凋落後。梅花冰雪苦寒前。誰不濟北蔭涼樹。盡斯曹源一滴泉。
古人今人無兩種。只因養全與不全。木養久獻棟梁質。水亦能養流澤懸。
一寸苗吞千尺綠。半升水籠萬頃煙。道情莫錯替世念。世念輕微道念專。
世上終無不食口。人間豈有不掛肩。清閑士壽量亦永。枯淡人看自性妍。
囊裡縱有千金備。溝中終見萬斛船。情波影靜靈臺碎。定水力微業石穿。
看受盡泥犁苦者。皆因愛自身甚偏。菩提元無依住處。此言非俄著行纏。
在家成道張無盡。食祿究禪楊大年。卽此見聞非他物。金仙言此髻中瑣。
不離當處親薦取。眞覺道之火裡蓮。離受人身方袍質。況宗趣最上乘禪。
爾心似鏡天然廓。爾性如珠不用研。常把佛祖遺言讀。必敬若侍佛祖邊。
得閒挾一枝香坐。一坐萬行六度圓。拂土無車前殺帖。如麻有蒲上磨顛。

參禪隨日黃連苦。名利逐時白蜜鮮。求彼如趨炎渴鹿。執此似抱葉寒蟬。
志勝氣者名爲力。氣勝志則起憍謾。志士如眞珠入火。丈夫似隻箭離絃。
爾才非礫不可擲。爾質非鞋不可捐。常憐二不甚醜拙。密願爲人天福田。
聞二子近同住院。半歡半惜半相憐。恃怙放爾出家日。豈願教爾護米錢。
君還昔年剃染頃。心潛約不劣先賢。出家成道成何道。九族生天生何天。
多知多解未稱智。以惶苦報爲達焉。聞說爲僧不通理。償債負鞍含鐵還。
智者見施如毒箭。古人恐利似深淵。梁武昔在金陵日。常愛雲光假勢權。
光死終成一頭牛。駕車行泣口咬涎。誌公師面呵之曰。爾盍今言率不率。
憤起精神休自棄。況又光景過逝川。檀信聚祝擎錢穀。奈馬牛竊撚鐵鞭。
莫言吾言於茶苦。執撓只在順風先。豬頭野鬼身金色。百萬臭虫涌口咽。
彼昔五百戒尊者。因恣口業受此癩。古人纔展住山席。被益素縑幾萬千。

狂浪擊岸林葉震。回飈驅霧海雲輕。囂囂直向南方去。四海碧光自此生。

九月十三夜游莊氏宅

不尋清景上高崖。九月十三莊氏期。隔雨未看婦女面。挑燈閒讀樂天詩。
新蕎截玉八珍盡。點滴收聲一鏡披。起涉庭階骨還淨。土峯氷雪月晴時。

永昌新主人請座右篇書類古詩者一篇以上

賀壽周二禪人住院

我見彼過嶮路人。徐行且謹故無蹟。又見彼涉坦途者。散步且恣故喫蹟。
嶮崖斷岸是非嶮。嶮在利名安逸阡。坦不平坦十字路。定中枯淡無心惰。
因憶艱辛玉爾志。又知富貴種爾愆。近來住院錯人夥。住院可恐寔可虔。
林下人初可貴志。把茅蓋頭貪如煎。賢愚一夜何神速。枳橘隔江乍變遷。
求能終始竊屈指。起指不倒倒亦然。同參見爾俄吐舌。僮僕相君密豎拳。

堂中一四句伽陀。如劈梅檀片片香。吟玩卻斯耐腸斷。和綿暗裏嚼砒霜。
和蠻水和尙七回忌韻

舜禹得之執厥中。楚秦逢此失威風。門前幸有出身句。短棹斜過雪一峰。
歲首喜禪恕禪人遠來

道情莫錯當交情。愛子遠衝冰雪來。甌裏全無珍膳備。苦言還有苦茶飴。
常憐早住乏師友。況受業歸林下苔。住山誤人今古在。出家水亦信施堆。
終身遮莫無人信。切齒常惶招衆哈。熱鐵鎖纏滿身上。豈追聲色污靈臺。
電光縱可貯囊裡。一失人身再不回。飽暖是非林下幸。苦寒卻好養人才。
挿香常莫怠禪誦。志倦起除堂舍埃。必罷甘成鄙賤士。此心直是棟梁材。

藍壺在寺東半里許

將謂藍壺湛若藍。心肝似鐵見相驚。百千斛雪同時撒。數萬箇雷特地鳴。

應快俊老人需

俊老有靈骨。祖高野大師。親窮三密奧。近探五家師。幾入蒼龍窟。嘗彼頷下危。昨來松下寺。責予不書詩。熟憶吾詩做。遠過三大時。群妖驚號哭。神鬼恐分離。或如張娑耳。又齊李母眉。欲書附歸袖。秃筆凍如錐。

和祖忌韻

毘廬藏裡無痕迹。豈入山前檀越家。黃金骨鎖二三十。剔起眉毛飛眼華。

和黃河和尚歲首韻

新春歡見新般若。奪解奪量知智無。三四吟終何所似。水田空立舊僧都。

和性山和尚二十五回忌韻

凡成佛事有千般。或以梵音或寶香。衲僧屋裡報恩句。任手撮來海底霜。

又

柳綠禪衣霞彩單。紅還紫往沒多般。可中東帝龍眠穩。著意見時卻不看。

和祖忌韻

稽首盡乾坤面目。掛真一地軸溪藤。山川草木無間隔。當處湛然不夜燈。

和不二和尚歲首韻

不是南陽諸葛廬。煎茶少似玉川爐。古臨濟氣自無跡。老虎丘眠卻有餘。

送機禪人歸濃陽

展紙道書詩。禪機歸國時。吾詩成既久。巧妙奪賢知。神鬼走號哭。衲僧暗皺眉。奪人性命落。疾石火難追。可枕山履水。莫貪程蹈危。霜寒行袖重。天
鰲凍雲遲。

和祖忌韻

三三兩兩眉締雪。百草頭邊一老僧。蘭子蕙孫知幾許。春風吹起續傳燈。

各被苔蘚龍蛇老。互有奇紋如弟兄。萬父汗肌不動石。少長生謹護峰霜。
新加健父七八輩。唾手怒肩勢欲擎。岸崩舷傾多顛伏。志倦氣疲不得揚。
莊亭率僕僮多少。關老驅隣近數生。勦力上船不自在。沉復勝境到青楊。
佳人只爲老仁術。驅石馳巖如牛羊。特有一封勝錦繡。關中吟弄骨還清。
投吾假使以珠玉。林下以之豈爲榮。泉石膏肓是痼疾。天星十五價連城。

掃除

無柄帚頭兔角塵。動搖大地失渾身。紅爐煨出清風影。紫線穿來飛瀑珉。
一兩聲禽山色深。二三片葉客情新。孤雲爾報九疑道。昨夜太華土半鈞。

慧忠侍者剃髮

圓融常照是名慧。觸處純真是道忠。約爾始終如實地。文華詞藻不期公。

和均上座歲首韻

蚤辨點茶湯。親提廚下鑊。或挑堂上燭。還剪菜根霜。饗此踈慵客。弔師大寂鄉。斯心誠可愛。不學鷺鶩翔。

示鐵上座再來

如敬而遠十年華。幾見搔癢痒隔轡。自喜者回沒城府。二淋毒海惡風波。常愛賓州鈍鐵公。爲柴火未發通紅。再投曠劫無明焰。爛卻渾身始是功。入大梅山梅半開。空華豈道百花魁。幸惟徹骨苦寒節。有待清香穿鼻來。

謝玄德老人惠奇石

自興促飯鷄鳴丑。暗裏驅人擇力强。只恐急流惱篙師。況還怪石不尋常。又思必爲水神奪。珍玩豈無河伯望。劈篋預占擔取備。逢人言舸到必迎。使奴竊立蘆荻曲。乍報江頭緬櫓聲。載悅載奔忘蹈舞。相呼相顧履頭輕。忘人先問石無恙。璞玉滿船見相驚。豎若神仙威不猛。橫如虎豹臥膨脝。

荊叢毒藥

卷第九

偈頌

侍者 禪恕集

宿龍雲寺_一

欲點臥龍湯。曉探折脚鑊。魚皁禪誦室。鴉過古村霜。寒氣雖十倍。清閒勝_二我鄉。主人敬愛客。座上赤鱗翔。

用前韻呈雲山和尚_一

內觀勝仙湯。近擲煎藥鑊。弱強與君異。二共滿頭霜。交會幾多日。久遊夢幻鄉。相偕何所覓。紙上鳳鸞翔。

用前韻謝淳上座營齋_一

剔揭鞭骨如隣虛。何出生死渤。大梵梵輔臺。五衰終沈沒。若了鞭底心。四智乍煥發。可貴自心源。爲出世船筏。縱無量罪障。了心立地竭。非是欺誑論。萬古不易碣。

從鞭自先骨。盡了鞭底心。可貴鞭底物。直是古佛心。僧昔坐塚上。坐對枯蓬月。夜深動悲風。見鬼鞭朽骨。怨恨積如狼。雙眼怒似鶻。不知何爲心。終夜鞭不歇。僧行畏問言。爾本誰家卒。彼有何冤讎。何故而辛罰。鬼如恨如慚。啼泣且告曰。我元富貴人。耽色擇輭滑。事親不孝慈。見人如株橛。不知有幽冥。心似貪求羯。只因愛自身。今見此顛蹶。久遊劒樹林。常處黑暗窟。可恨舊爛骸。害吾過斧鉞。此恨無休期。每夜斯鞭咄。語終淚血紅。苦咽便嘔噦。僧亦號泣離。行將數十笏。見一古墳傍。有天拜枯骨。雜佩響琳琅。寶薰氣芬薜。頭上七寶鈿。脚頭錦繡襪。五雲滿丘陵。光彩篩林樾。僧復再拜訊。尊儀何輕忽。何事親瞻禮。臭骨孰櫓櫓。想以吾卑微。何幸得來謁。天曰子來前。豈我亂爲屈。我元窮家兒。常不飽糠粃。因積小善根。生忉利金闕。前身今在茲。來拜報毫髮。語了入煙雲。慘淡吟蛩蟄。可惜鬼兼天。其僧盡

有雙臂大張。雙眸指虛碧者。郭索而在蘆葦之間。拭目熟視。彭蟹先生也。予曰。吁。壯哉。子質大凡。物謙下則泰也。憍抗則否也。蓋夫仰望青蓮目。目不暫捨者。靈山八萬徒也。仰窺萬機。身陷不義。到今義士欲食其肉者。大漢王莽也。仰眠春暄。擬捉彼蛺蝶者。花下貓兒也。仰視雲霄。獨立物表者。衲僧嶮墮者也。今爾六跪二螯。仰公然者。何謂哉。彭蟹子曰。走亦有端由。豈徒事哉。雖然。大異彼三四者。撰者也。予則肅容曰。必有其事。願聞其要。蟹子搖容低聲告曰。實者。我不知。胡爲事。但常如此而已。曰。然則所以爲子性乎。蟹子終橫趨。而云不知。不知。入蘆花淺水邊去。

遠山歸鳥圖

壁間水墨甚幽邃。應是歸禽占舊枝。雲外斜連蒼蠅翼。煙中淡掃美人眉。

野鬼鞭骨圖

此事窮民大得力。悉皆欲蘇活。馱驢載馬來。盡分施米穀。如繼堤二子。塵中希有士。繼若微堤勇。豈成此大義。堤亦微繼富。何行此慈善。昔有一鰥僧。相者見驚曰。鰥僧嗟已哉。只得七日活。鰥懊懊不樂。泣行辭父母。中路有細流。群蟻流赴江。鰥見折蘆葦。爲橋度群蟻。相者見嘆曰。爾修何德行。今有福壽相。必多救物命。鰥語以蟻事。師亦聞相悅。果成有德僧。壽到九十歲。救彼小虫命。遁此必死厄。況多少人類。二子其壽乎。願答此德行。同共圓種智。予隨喜不足。畫示多少人。

牧童

牯牛何處得。爾亦誰家兒。蹄健吟身瘦。力強貫索危。老僧教爾牧牛法。捉則逸兮放則隨叱。

鰥圖

庶而窮人臣頂。和而著唐人冠。淮陰才子房智。靜海福姜維肝。頒金帛賑諸侯。遣將士伏三韓。彼三條石橋柱。秀吉名書欄干。

梁田蛻岩

貫通儒釋道。講演禮智仁。彼柿本翁後。石城有此人。

世繼氏賑窮民圖

繼氏名政幸。參禪常勇猛。修萬善不倦。菩薩行無飽。去年來明石。破予兩重關。聞予隻手聲。能止一切音。雖未上予堂。證據入予室。如來真骨身。得分粒七顆盛。金玉寶塔。附圓慈歸袖。寄予雲門山。爲法城鎮護。遠近皆隨喜。來往如蟻列。寶曆壬申春。積雪二三丈。鞍馬到小原。民村三十區。凍餒不颺煙。既經六七日。政幸聞此事。心大悲歎曰。縱傾盡資財。一生甞艱辛。誓救此必死。何忍居見之。家屬堤行盛。扶繼氏美志。涉雪八九里。處處告。

救彼弟急。毒戰一場。前關平在。後是周倉。昭烈帝弟。羽字雲長。

鍾馗

聞結美人髮。象王繁不趨。今把鼻毛拽。失嚴威者誰。拾魍魎食鬼。名道鳩鍾馗。昔入玄宗夢。取鑷定貴妃。寔恐妖艷色。鬼神還可羈。

坐禪鍾馗

見畫跏趺坐。鬼神恐遁藏。況鍾馗大臣。豎起鐵脊梁。

西行

昔佐藤兵衛憲清。出家後自道西行。可憐鳴起澤秋晚。打失身心空有名。

問與松西行

背卻法堂著艸鞋。德山應訪瀉山回。或人言否僧圓位。非欠問與松繪哉。

豐臣太閣

江海茫茫無人會。衲僧屋後半編歌。隔年垢襪不藏指。見得分明定到家。
三教聖人。教則失真。不教不學。錯認識神。

神農

民庶化育。彼結繩時。鞭艸知藥。斲木作犁。令吾火食異禽獸。効德仁人多
學醫。

莊周

棗顏銀髮。垂拱默然。非是方丈老。應是南華仙。眞非眞。是何處在。胡蝶歸
來夢始圓。

關羽

勇皮仁髓。忠膽義腸。力楚項籍。智漢子房。赤兔一丈。嘶裂城隍。青龍八尺。
并吞虎狼。西蜀黎首。懷如爺孃。北魏奸賊。恐過刀鎗。事其兄婦。貞松衝霜。

昔入東光荆棘叢。共嘗大巧老婆乳。後傾青龍毒波浪。活捉瑞巖主人公。伊是阿誰。幻夢庵子。郁文靈親。前住當山百如老人。

龍泉大天和尙

泉澤峯子。覺仰天爺。幾運步於錦華。惹五千七千蔓葛。曾應請於黃檗。輔三百五百戒筵。代大士坐毘盧藏。與道宣入那伽定。初喫獨湛噀拳。魂飛魄散。後拋無文鐵印。鬼哭神驚。是龍泉中興祖師大天志源老和尙。

正受老人

道果親求正受眞。畫成數紙隔楚秦。書經塵劫寫難得。破釜著鞋過孟津。三教一面圖

三面一頭老骨樞。斯人而各有斯痾。聃尊往古丘當處。調御獨誇未現過。勗力推關應拔串。知劈核豈患枝芽。縱三子者撰甚妙。捏目玩吟空裏花。

樹。囂。師大笑而已。予常作等閒看。謂佗是一員老和尚。豈無者般見地。哉。佗是一員善知識。豈無者般奇特哉矣。後來西走見數員大善知識。始駭除卻一箇正受。佗是當時無雙大宗匠焉。遙望東低頭合掌。今對掛真願前事。老淚連落。強力書矣。

前住當山頂門亞和尚。貞亮高雅。含蓄溫純。正覺山頭。十二時鞭撻生獐。驢腮馬面。菩提樹下。四十載吐吞鹹酸毒霧臭煙。真風將墜地。師特咬牙。禪苑漸就荒。他常攢額。昔入石院破爐鞴裏。拾得東山鈍鋤刀。後報澤水毒乳冤家。結成華園塗毒果。淨名室內。驚覺五百員默照坐。正宗贊會。判殺數十肩老古錐。掛真今既畫虎作狸。宜哉。縱僧繇亦不繪成。亦可也。亦可也。唯願千載之下。孫枝子葉得師爪牙者不絕。惟禱惟祈。

瑞巖百如和尚

相似。參上座要徹底似。回顧自視似不似。

佛日雲山和尚

道標高古。氣宇清閒。西航海撞著古月黑光。擊碎佛心印。東還家透脫玄沙道底。拗折法窟牙。從是惱害諸方枯木裏禪徒。或時描貌近隣曲畧上諸老。心交四十歲。別淚千萬行。其徒一兩肩。來請題畫像。真是普光堂頭定中遊戲。贊卽沙羅樹下睡裏狂言。贊語未成先春睡。夢中相對笑顏親。覺來老淚滿衣袖。七月廿二當午時。

菩提樹頂門和尚

正覺山主攜頂門亞和尚挂真來。請予贊辭。予歡喜不辭。何哉。予昔謁正受之後。來往師輪下者蓋三五年於茲矣。深受法愛。一日隨師行。師急回顧曰。佗時穿鑿去。松蔭一株高。予言下卽言。千歲栽培了。菩提長

扣毘耶丈方戶。博覽強記。吾不如爾。百拙千醜。應須還吾。蒼龍潭底。常隨祖山傍。奪卻領下物。淵龍室內。訂正無文錄。運出衣內珍。吾愛立蓋代功。莫言五十年夢。況選他實錄。示潛行於后昆。命梓親印施。挑孤燈於澆末。彼是誰。誰是彼。前住方廣陽舜秀禪師。

和陽春和尚壽影贊

鼇背之參上座。需丈方之惟肖。辭澁不聽。轉辭轉需。歸來展唐紙。雖師不曾爪開面門。無地下筆。予舉體肥重。恨當時不能打筋斗。越塗糊以塞需。師有贊辭。和雅高古。寔可貴。吟玩數次。終至背諷。背諷而不足。寫以授二三子。授而不足。自和高韻。和而不足。書以附便。是又第二重醜拙乎。呵呵。

熟思師相似。無物可說似。況舐筆求似。始知其不似。若知不似似。何物不

處去。之子果遺命。印施龍寶毒爪牙。報答他深恩。其類有汗焉。鼓動鵲林老鴉鳴。家醜向外舉。大寂定中伏乞首肯。雜毒海裡無風起波。掛眞堂堂五十六醜面皮。佛祖不悅見。堂中孜孜。四百箇龍蛇蝎。外魔須扣頭。老淚數行。應堂頭需。破文章聊當贊辭。

接取東桂和尚

寂定巖子。孟首座爺。正法山頭。入列聖荆棘叢。掀翻南浦毒浪。富春山裏。補老僧破法席。飲噉東山家常。溫良恭謙。見人如父兄。仁慈忠恕。聞者願師友。前住當山東桂珉和尚。

淵龍陽舜和尚

哲人既去。七星落。禪苑從茲轉寂寥。天德主人來請贊。展眞夜雨打芭蕉。忠玉泉爺說默隱子。初生尾藤氏室。父遠江藤家武臣。共參亞頂門禪。幾

握土爲金。

大徹法眼禪師

寶曆第五乙亥春。予龍津講維摩時。濃東梅龍雄和尚。遠馳專使需贊辭。開眞紫袍可奪目。高德傳聞溢口碑。讚之如兔邊挾角。誇之似龜背栽髭。曹源國清及龍福。派分六處伊是誰。三住西京妙心寺。大徹法眼老禪師。

遠州龍翔開祖

開闢龍翔列聖叢。嗔拳熱喝立下風。莫言曾睡關山月。元是華嚴方廣中。
碓叟和尚

宇棟禪兒。恕萬英父。金剛山頂。搖拽息耕蔓葛藤。瑞雲堆頭。拈弄密庵破沙盆。接待四來衣。架飯袋。絆倒江湖馬。領驢腮。初親結眉於蒼龍潭中。一見如舊相識。中共應請於東淵波底。約勝會於此山。勝會今旣成。其人何

驚走四海豪英。秣足利高原。嘗濃陽淡水。把鞭追隨者二三載。未曾窺佗半月程。同櫪喫乳者三四人。未曾留鳳毛一莖。莫言無超影追風種。大地山河他怒眼睛。

慈恩湖峰和尚

激酬佛祖慈恩厚。拗折大梅孤頂枝。吸乾體道玄源毒。打出松南英傑兒。手中電拂握煙坐。肩上田衣綴錦垂。非智非愚是何物。道湖峰宗佐禪師。

源立藍水和尙

華圃君楚。錦屏爾岷。千花百花。佳氣滿襟。秀蘭禪子。一杓二杓。惡毒洒面。陽水南親。打出非青非黃者一兩人。欺謾尋芳尋翠者幾許箇。萬波同澤。新染蒼龍半片鱗。一磐中分。密印千江一輪月。寒泉瞪目不看底。古澗喫著乍喪身。今拜掛眞於白水涯。奇哉爲兔栽角。曾窺操履於白華頂。似則

些子法窟爪牙在焉。何故。如常照國師者。旣在師輪下。喪身失命。向後見息耕於鷺峰。得東山下宗旨。師若有彼奪命神符。豈漏泄到鷺峰哉。今當綴鄙贊。使僧讀師傳。讀到最後示寂偈。便言來時空索索。去也赤條條。更要問端的。天台有石橋。予見中間欠闕一字子。不覺吐舌。寒毛咸卓豎。從前疑咒乍斃。卽合掌嘆曰。寔如師者。大宋一代龍門也。宜哉得其人甚多也。東海二十四番毒華。橫抽七枝指東者特師乎。書以當贊辭。

大應國師

竊偷愚虛堂家產。奪卻超宗峰膽魂。東海日多孫鼻祖。玄濟北十八世孫。傳來二十四流內。獨續東山左邊怨。稽首南浦紹明老。生緣安部手越村。

瑞雲馬翁和尚

非塞翁馬。非巢父牛。四十載蹈殺五湖雲衲。非汾陽獅。非紹隆虎。數千里

百丈

少林九代祖。八十餘員中。道骨鬼嫌見。神威花失紅。忘卻鼻頭痛。錯認耳底聾。立成多少煩規則。絆倒後昆此者翁。

松源

古人刻苦光明必盛大。不信看取箇老漢。何以爲驗。開口不在舌頭上。

無準

寶曆壬申秋。應請於南豆賀茂郡萬法山主命。評唱圓滿常照國師語錄。一會徒衆三千指。諸方碩德宗匠影響見。贊助法會者大凡三十肩。其餘緇素日向數千指。堂上挂佛鑑範禪師佛光元禪師二師聖像。佛光國師贊辭。依堂頭需向旣書畢。見請無準贊辭。亦并書。予常恠此老漢三十年。意竊謂如師大宋第一高德。梵行清淨殊勝一老翁而已。唯所惜欠少這

雖擔起莊上杵。肚裏無一粒禾。最苦黃梅夜半。泥牛驟入狂波。

德山

拆佛殿兮咬豬狗。肚皮荆棘見參天。賣油饑婆目成後。掛牌渡兒吹毒焰。
龍潭水底欠三尺。象骨室中隔八千。同條生也同條死。野鬼張眉數紙錢。

臨濟

子不孝僧不律。逢客揮臆拳。看人漫喝咄。堂堂骨相冷秋霜。可惜斯人有
斯疾。

識神認得爲真人。塗殺自家面目真。就中狼藉閒家具。三玄三要四料賓。

巖頭

并吞德山鑑。欺誑雪峯存。商略末後句。煩多少後昆。就中最苦蘆葦裏。逢
婆艷言暗斷魂。

出一叢林入一叢。叢叢各有少林風。在龍翔昨輕淡掃。弘法山中碧目翁。
全體體露。錯見半身。半身全體。布衫七斤。
香至王子。般若多兒。形模極醜。凡桃俗梨。

碧目衝開天。愧淨紫髯輕觸日。吞輝林家不玩斯間夢。煨芋殘餘補紙衣。
日教中人。敬老胡眞。少室延嶺。秋光一輪。

鈴懸碧目。戟戟紫髯。非佛非祖。不神不仙。挫六宗哲。出五派賢。

隻履達磨

見性成佛。蔓上添枝。紫髯碧目。彼是阿誰。分鞋兩處。赤脚阿師。

神光斷臂圖

斷臂換眼。好肉上瘡。缺齒胡子。可字神光。

六祖

稱言八幡大菩薩。靈應如虛谷應聲。

天神

若人供養北野神。有勝饌茶菓香湯。正直元是神全體。以慈悲爲其心腸。仁恕勝彼數千燭。孝弟超他百味牀。不奢不貪注連潔。不怠不貧大寶藏。愛人人敬寬廣社。克己己康爲神牆。辭讓謙遜無上塔。室家和樂爲常禳。勤愼二柱華表矗。怨親平等寶劍光。朝夙起三復此語。此是君家菅丞相。

渡唐天神

入唐吸盡龍淵底。歸去今成螭國神。本地南無觀自在。分身百億剎塵塵。達磨

體露堂堂胡種族。虛凝寥廓無邊疆。幾人擬欲對此老。徹曉苦吟曲木牀。或言粲然今在掌。甚憐二隔數尋牆。不可畫兮不可贊。彩鳳豈啻腐鼠腸。

外現辯財天女。內祕觀音大慈。縱江海變遷去。度生願無休期。

稽首大辯財尊天。卽觀音薩埵示現。畢竟人人本具性。離自性別無福德。性海寬廣斯言大。勤修德行卽是辯。孝弟仁恕以爲財。不奢不貪是稱尊。心上清閒此上天。勸君第一要見性。此外更求福德神。卽是世間閒妄想。

大黑

人人本具底眞性。萬德圓成無我他。心佛衆生同一質。名之道摩訶迦羅。忠恕帽裁得圓。義禮履束以穿。儉約槌揮右手。仁智囊聳左肩。是名潔白君子。武門大黑尊天。

八幡

仲哀天皇聖太子。神功皇后卽其孃。降誕三韓軍營裡。武內宿禰護襁褓。後卽位大蘇黎首。民皆尊應神天皇。今垂跡於巖清水。鎮護王法到無疆。

兜率內院教主。紅塵堆裏風狂。高提起團扇子。看忘卻大布囊。幡腹膨無一物。是真福壽無量。

布囊一睡。鼻息如雷。聞得分曉。閣門大開。

聖德太子

効周公補袞職。征守屋蹈薄冰。夢神遊衡山寺。奪八軸頓大乘。還茶毒扶桑國。放五千爛葛藤。莫言用明帝子。彼三生藏老僧。

辯財天

人人具足箇箇圓。常勵爾行供養焉。朝早起先梳螻髮。紡績掃洒莫怠捐。誰家軟弱免饑凍。何處急家不出錢。可貴今生清苦志。盡成來世善因緣。孝順自有孝子迹。貞節効彼列女傳。大道唯歸身心潔。雖兒女子學先賢。若人常如是履踐。次第見自性煥然。夕晚寢三復此語。此外更無辯財天。

鮮艸伏風。括戒定慧。融心佛衆。靈驗妙應。淡煙過櫺。落花啼鳥。觸處遇公。巍巍德相。寥寥太空。

維摩詰

爾時文殊法王子。爲衆問維摩詰言。我等各自既說了。如何是不二法門。

豐干

豐干凭虎眠。無量壽後身。問彼無量壽。還是誰後身。

寒山

人請寒山贊。余等閒點頭。今及還畫軸。咬筆凝雙眸。

拾得

對坐佛盤食。鞭撻土地神。因甚而快活。見鵬上承塵。

布袋

張臂各爭讀。記者十數員。次附金剛經。讀得七八箇。重出妙法華。擇最初記持。雖爭進競讀。非輒可誦得。有搔首欠伸。有掩卷大息。有拋經悲泣。有斷望退走。特有馬氏郎。不日得記誦。盡禮親迎請。室家唱萬歲。當洞房挑燭。娘子罹重痼。不久乍物故。島中盡悲傷。各觀世無常。執經讀誦多。或時有梵僧。攜錫下空中。到彼墳墓處。卓錫有挑出。黃金鎖子骨。光明照四遠。僧高聲告曰。此大慈靈骨。爾等宜瞻禮。努力出惡趣。言了懸錫頭。荷飛空中去。大慈善巧力。寔三十二應。女身得度者。卽現婦女身。

虛空藏

一切衆生心。虛空同一相。所求玆滿足。故道虛空藏。

不動

烈焰堆中。現忿怒躬。蹈斷佛界。躍翻魔宮。點破苦厄。曉日吞雲。指揮神鬼。

不隔纖塵。失掌中玉。仰佗桂輪。桂輪掌玉。掌玉桂輪。願同共入薩波若者。
箇溪藤一見人。

艸座觀音

打坐青艸座。提起翠柳瓶。彼是誰家子。彼是誰家子。竹動新涼金影碎。松
擎纖月露華青。

馬郎婦

海島有民居。名道金沙灘。雖老幼群處。不知有佛法。都無信因果。況來生
苦趣。一日有老嫗。攜少婢娟來。顏如桃李花。態度甚閒雅。不知何處人。言
來求配偶。島民皆爭請。如渴驢見泉。嫗正色制言。胡爲其騷囁。娘子只一
身。諸君不知數。非分身千百。何塞公等需。若習普門品。一夜得熟讀。其人
必匹配。請試各誦之。婆探紅錦囊。出經次第附。婆爲教授師。終夜教不倦。

向東追金畢。哺。嚮稽首。大聖文殊。

五臺山獨坐。國清寺顛狂。他無許多技。有些子所長。芥中劈白石。海底掬青霜。雖論三處夏。元臥十虛牀。若人欲尊重。放手盡情量。情量空卻處。儼然見妙相。妙相非所見。非見是聖鄉。咦。狗舐熱油鑪。

觀音

卽現宰官身。或現長者身。問君未現日。何處藏全身。

楊柳觀音

搖止啼金葉。垂無鉤釣絲。折當貫魚索。綰添送客詩。莫言楊柳是觀音。猶有白李與紅桃。

觀音大士十六羅漢諸天同圖

二八應真。敬自在身。許多天衆。及俱群鱗。大士說偈。親轉法輪。爾等群類。

像猶在壁間。唯低頭一別矣。昨桂林和尚遠馳專使見訪。予暑中健否。人事終使更推出彼三軸云。爲贊辭三佛越嶮涉炎。逐到此間者也。師今得道無剪爪之暇廢書。而明朝附予歸袖焉。於此挑燈火。忍煩暑書。背後大汗。書了看讀一過。字形荒疎。偈句醜拙。不覺通身如洗。其斯謂之慚汗乎。親寫得三千佛名。束成三佛甚分明。當來過現不可得。驚得毘盧出荒艸。可貴寫千佛底人。杳超越古佛三身。縱安著百千名字。若擬此人總不親。千佛有名一佛中。祇今何處度群蒙。崔顥題後荒黃鶴。頻憶長沙岑大蟲。

文殊

去劫七佛師範。靈山八萬參頭。幼孩垂翠楊髮。獅子凝紫電眸。橫拈真如意寶。忘卻金剛利矛。欲知他真面目。人人具箇箇周。

稽首。大聖文殊清淨法身畫圖。若就紙頭見。鑿井尋白雲衢。又離筆端覓。

作佛形像經曰。佛告于填王言。若當來世有作佛形像。功德無量不可稱量。天上人中受諸快樂。身體常作紫磨金色。若生人中。常生帝王大臣長者賢善家子。又純圓獨妙經曰。綵畫作佛像百福莊嚴相。自作若使人作。皆已成佛道。乃至童子戲若艸木及筆或以指爪甲而畫作佛像。如是諸人等漸漸積功德。具足大悲心。皆已成佛道。是盡廣長舌所詮不可容思議之論也。寬保初。予赴請於羽城富春日。壁間掛三佛陀。筆法古高。爲良畫。祇淡墨拂出者。熟看寫過。現未三千佛聖號。細字以繪成者也。每一軀一千佛寶號嚴然焉。嗚呼。累歲月勤學。巧妙者可微及乎。到其信根鄭重。誰不建降旗哉。予嘆嗟之餘。不覺合掌低頭。桂林主人云。是近頃妙樂禪水老人從禪餘遊戲三昧力幻出者。而先師入寺旬餘。爲贊辭待師久矣。予隨喜而然諾。雖諾。講錄之餘。接賓對衆。剪爪之暇亦不得。散筵日。雖佛

荊叢毒藥

卷第八

贊

侍者 禪恕集

出山佛

琢破大圓鏡。活埋黑暗昏。一片瘦稜骨。驚兒過雪村。

十三佛

海天負壽大姉。令良晝守信寫十三聖容。面貌端正。威儀森嚴。衆心悅可。萬德具足。卽乞余贊辭。

大絃颯爽十三徽。曲曲一如休萬機。譬鑄黃金成百器。觸時音韻不相違。

寫三千佛名作三佛像

重躬移居浪華。專事商業。豪族數十家興。皆濕其澤。無不以稱其垂蔭之德。後稱曰木田院月桂秋圓居士。永爲家門高祖。予竊謂。嗚呼。如善氏者。能知時運。教德行於子孫。可謂智鑑高明善士也。田氏其願之。大凡古今豪家貴門。其爲從何興起哉。上敬神佛。下救窮困。惟德惟勤。其斯無不爲之本焉。汝之宗祖。能務其本。而汝之子弟。今濕其末。若誇其末。不紹其本。家門一世衰矣。如吾子。宿有靈骨。常歸仰三寶。近入老僧室。參禪清苦。有些子所得。勉旃。吾子莫得小爲足。轉了轉參。轉悟轉舉。深徹法之淵源。永劫鞭四弘誓願輪。利濟一切群生流類。是名菩提心。爲菩薩大行。有人縱學盡三界祕密。行盡萬善。若無菩提心。終落魔道。是故雲門大師曰。願鑑。
咦。

人。常遊冥界。轉願輪。大慈外現十王位。內秘意生菩薩身。

木田院碑

積金遺子孫。子孫無能護。積書遺子孫。子孫無能讀。不如積陰德於冥冥中。以遺子孫長久之計也。攝浪華府木田種重。今歲丁宗祖百年遠辰。豫設齋筵。造碑乞銘。愿其田氏者。遠出自鎮守府將軍滿仲源公。在攝之多田鄉。二百餘歲而後。承久之間。源公九世重長。屬征夷將軍賴經之旗下。大有軍功。任美濃守。領木田庄。仍以爲氏。子孫繼紹至義且。又出濃州歸多田鄉。寄寓鹽川家矣。當應仁文明之亂。義且有大功。射退攝河近阿之群寇。其子重正共立奇功。然列國互亂。上下皆苦。嫡孫善氏告其子弟曰。時哉。爾輩其歸休。古曰。危邦不入。亂邦不居。寔哉。自從處危困。其子孫。何如居安。積陰德於冥冥中乎。於是結廬於本鄉祖宮之傍。以玉其言。彥孫

原夫駿東青野邑光明庵者。古老口碑曰。元是願王大寶場。而閻羅大山平等都市王等十大王聖像。隨而現在。西東數村所歸仰。寔駿東無雙寶區也。悲哉。中古有大水災。老螺劈巉巖。高山白浪漲。西東五六里田園。乍化瀰漫江海。海若爭趨。河伯瞋吼。推倒堤塘。漂流民屋。不擇佛場神區。當此時。可惜光明靈窟。俄摧落。數尊聖容。終爲水神獲。何幸哉。獨大士尊容。經三餘里。留跡於隣驛吉原邑。今於彼地。稱青野地藏者是也。可悲光明庵者。基趾僅殘。空有名矣。近頃光明庵主紹源首座。爲慈父智嶽宗本庵主慈母安室妙休大姉冥福追修。願傾資財。再造立諸尊靈容。寔志願廣大而力量小也。是故傍祈神佛冥助。誓充光明眞言百萬遍功課。常暗誦而不廢。希有哉。今茲寶曆丙子夏。忽然聖像成矣。寔眞言功力所致歟。今當夷則十六僧自恣佳辰。請予點眼安座。予則打一偈曰。利濟三塗受苦

三脚蝦蟆著鐵鞋。一香一色一如來。法身大病有三種。二種靈光昏兩回。
二光三種甚嶮確。看來堪笑又堪哀。瑠璃光聚爲君發。紫栗黃柑吠如雷。
觀音寺入佛塔婆銘

寶曆乙亥季秋日。妙智山頭鼓法雷。屈請秋葉山中主。驚補陀巖畔眠回。
大士高野山開祖。禪寂定中彫刻來。近頃松氏賢處士。營辦佛龕擲錢財。
西東同志信男女。傍築一字小石臺。其志仰二尊神德。爲遁彼回祿悲哀。
松氏長隨喜此舉。迎彼神影照舊苔。老幼奔波親瞻禮。誦十句經叫善哉。
願二尊鎮坐此處。永救病難與火災。次冀詣此靈場者。同共成無上菩提。
同安座

上首大悲救苦者。左邊秋葉嶺頭神。君臣不二水波合。攘斥八難護窮民。
十王安座供養塔銘

溫純自有善人質。貞亮可侍君子邊。骨肉頑囂情最深。況其人如玉可憐。
老惜幼惜疎亦惜。遠憎近憎親轉憎。松家慟哭堪腸斷。奉佛請僧設齋筵。
甘露普灑水陸會。其餘衆善勤拳拳。西林有寺久頽廢。昔掛觀音妙智扁。
松栢悴聞鴟鴞叫。榛荆鎖看兔狐眠。松家亡父樞居士。興復志萌茲有年。
統能感先人美志。刈榛平土古基全。中締一字小禪窟。再請補陀古老仙。
大士端嚴殊絕相。傳言高野大師鐫。僧廚北構甚蕭索。令住袈裟一兩肩。
是統非紹亡父志。欲救亡弟六趣儼。後來住此庵中者。持誦禪宴其願焉。
道業願次第成熟。本然四智一時圓。專禱玄樞老居士。眞巖是性泉下賢。
願報答此善根力。坐摧自性紫金蓮。又祈善逝世間解。及十方之方福田。
特大慈施無畏者。松家瓜瓞永綿綿。元文第一仲冬日。松蔭老夫親祝延。

大龍寺藥師塔婆銘

美。供養數員。繙苦修水陸會。其供具寔孜。願十方賢聖。特大覺本師。依此小善力。護法諸神祇。及十方鬼類。苦趣永遠離。彼納經施者。再成菩提資。且田氏貽厥。永世其受禱。以此數般事。卒言書石碑。卽享保乙卯中秋三五時。沙羅林布衲隨喜記此詞。

觀音寺僧堂梁牌銘

元文元年丙辰仲冬。植松氏季統。追修亡父瞥峰玄樞居士及亡弟眞巖。是性信士冥福。次開妙智山觀音禪寺之古基。造立小僧堂及小僧廚。其入佛安座之日。述一伽陀以記始末。吾昔密看孝子傳。誠情所感徹旻天。錦囊紫石及金釜。冰魚雪筍或甘泉。惟是資暫時幻質。比彼冥福隔天淵。植松氏子字季統。宜弟宜爺好簡編。今歲元文丙辰夏。其爺旣化北邙煙。同還杪夏下浣日。其弟者英謝世緣。謝世緣因何太速。春秋二十無餘員。

擊摧生死萬重關。劍輪魚渡小川岸。金口聲從祥瑞山。促此勝緣知是孰。
深澤氏子字正寬。

三明禪寺經塚銘

三明嶺上寺。山號剛嶽。而傳道古巨刹。封疆不記涯。山下有舊塚。怪松老
猶欹。享保十九曆。歲其宿甲寅。暴風起東北。飛壤拔樹枝。塚崩樹乍倒。其
擲如虎貔。塚中有大甕。小甕圍如兒。中如筒六箇。銅鑰以作之。器器虛索
索。全無片塵遺。不知何爲物。老幼聚驚疑。熟視銅鑰器。文字數行貽。納經
施者字。每器記如斯。妙法經百部。建久甲寅春。貞宗藤散位。其室又藤氏
源橘及伴紀。姓名各不卑。嗚呼古諸士。善信何如茲。感其誠信厚。誰不爲
傷悲。建久甲寅納享保甲寅披。建久到享保。甲寅九度移。銅器留在寺。甕
民各爭持。基良田氏父。是一鄉舊耆。愁其器隕沒。再聚納古基。追憶前人

振錫營辨齋儀來飯一堂。修水陸會。予見其孝心。自書塔銘曰。蛩吟古砌。月昇始。鴉立舊巢。葉落時。莫道僧中吳起在。三年盡力率屠兒。

自淨院殿行輝寂明大居士塔銘

惟時寬保第二壬戌仲秋十五莫。當江州府君中將藤直定卿二十二代宗祖自淨院殿行輝寂明大居士六百五十霜遠辰。龍潭堂上爲追修居士冥福。資培府君祿壽。結半百聖制。供養千指海衆。禪坐誦經。準繩規矩。寔叢林近來盛事。茲造立一基本浮屠。銘云。行輝六百五十年。自淨其心。護遠孫。木塔稜層三萬丈。衲僧千指坐禪園。

小川養田寺半鐘銘

檀越深澤正寬與近隣諸友共鑄小鐘。以備瑞泉夜禪晝誦。且請銘辭於老僧。卽合掌祝曰。二龍含珠。半身現。銅鐵形模。腹空閒。哮破無明長夜闇。

衆無別。金銀銅一如。論彼耳功德。盡是爾緒餘。

半鐘銘

不是心。不是物。不因緣生。不化工作。離婁不見其形。師曠不聞其聲。其斯此曰半鐘。以半擬之。則體包十虛。以全配之。卻無痕跡。寔爲法王庫內大器者也。今歲享保甲辰春。命其良冶子。旣而成。掛著予東堂左角。洪音妙唱。隨扣擊無缺。予卽合掌祝曰。未鑄成。始錚錚錚錚。旣鑄成後。錚錚錚錚。就中最苦。錚錚錚錚。

鏡心智性禪尼率屠婆銘

豐陽虔禪人。孜孜參究者有年于此。雖在清關下。行程隔數里。如在予膝下也。元文丁巳秋。聞萱草凋枯。哀嘆過度。傾鉢囊來。供養予西東社友二次。今年己未秋。逢彼三周忌景。駿豆間歲大凶。而菜色充野。之頃。擎鉢

銘

鐘銘

北豆長崎村長昌禪院者。一鄉寶區。而瑠璃光聚之嚴場也。河水廻轉。群山獻奇。今歲丁亥秋。新懸一鐘。住持竹院座元乞予銘辭。蓋夫鐘西方之聲。而秋收也。宜哉。衆功德收歸此一器。予隨喜不辭。作銘以祝遠遠。未鑄成。初音吞十虛。非是商羽。無缺無餘。

同

大哉金口說。超越海藏書。吼破千生暗。鑿開萬德畬。聽官纔動著。乍墮聲色墟。且反照聞處。洪音滿十虛。一音微妙法。鵲噪是何歟。百八不生曲。鴉鳴其舍諸。萬靈鎮保護。千佛更讚譽。震裂群魔窟。擊碎情識居。曾警逋客酒。或化劍輪魚。諸行兮具足。衆病兮悉除。右顧吞氷鏡。左邊吐日車。心佛

目爲之奪。心爲之蕩。予則側身而千嗟打膝而百嘆。鈞也出一小箋曰。二師有尊命。使師細評。予肅爾敬。凜乎惶。且告曰。嗚呼。渴望人渴望人。彼人者。海東巨膊。而弄大旗手也。予所仰望終世者也。所愛敬占憐者也。嗚呼。寵遇之厚何至此也。予聞之。代大匠而斷者必傷手焉。不如於汶上歟。鈞也稽首曰。未可也。未可也。師且作巖下兒。莫顧黔上驢。予則再拜而判。朱勾冠上者。兔絲而攀玉樹者也。鄙辭履下者。礪礪而擎璠璣者也。

謂衲僧能殺石衲僧能活石者哉。想夫能仁氏徒恩不捨土石。師盍有一句輝我。予曰。嗚呼。我知之。元曆中喫三浦一箭者。非爾哉。道士低頭笑。予朗吟未了。終不見其處。

應禪人需書帖尾

僕賤劣之材。鄙微之質。加以禿毫澁墨。至彼騰蛟起鳳。勢回鸞驚蛇。妙絕望於其間者也。然輕昏亂楮國者。應公諄諄之需耳。蓋嘗見玉人。自非勞力於頑石之間久者。不能獲夜光。公若欲到文墨妙處。其思焉。

聯句跋

享保辛丑杪秋夜。月白風清。時淨刹主人大中老人白碧竝對坐。光光映徹。乍成奇紋。鈞也侍側。密上紙上來。其始對則如朝陽排煙霞。似秋蟾離雲霧。有飄然者。有仙乎者。如入群玉府。似立瓊枝林。虎變龍騰。玉走金鳴。

跋

大中海衆盆山題詠跋

一軸中有漢魏之質。有唐宋之文。山林幽邃。泉石佳趣。王龍標所祕。賈島佛所舐者也。予則豎吟橫吟。手不暫捨。彷彿纔春睡。夢一道士。蜩髮鰓目。垢衣落魄。飄然柴立。其聲如求如訟。如羨如憤。且告曰。衲僧能殺石活石。予曰。可得聞耶。道士乃指机上小石峯曰。此山秀麗也。走昔同鳳輦從田於周王。大華嶮九疑秀驪山美廬岳奇徧無不經歷。今此小頑。質兼衆體。麗奪鬼工。所以數員雲衲纔皺眉。則美玉傾盆。精金出鑛。於此光彩煥發。聲價十倍。雖是非情塊石。可人則泰也。走中憤恨凝結。化爲數仞毒石。無貴無賤。子禽于獸。殺之又殺。爛骸徧野。自謂。雖神鬼不可觸忤。何計得老衲一杖。而七支八裂。終不留點塵。雖是非情塊石。賊物則否也。非是走所

輩指以師矣。昔八尺鵠且寄言於九萬里之鵬。師何煩辭焉。予曰。嗟使狗
吠發於獅皮。使鵠舌和於鳳鳴者。子乎。於是東楚者八九。擬批者一篇。以
約一笑於田山雲堂下云。

石泰山。名之假也。夫拳石本無情。泰山亦無情。人豈固有妄假情。是故一拳石卽有不可說不可說妙玄門。不住庵主無喜色。先生請益。庵主卽執拳石。按盆中置座正位。坐而默然。先生卽點頭。拳石亦點頭。庵主卽作舞。所謂長壽曲也。無來先生本無來庵主不暫住。唯這盆中石玲瓏古今可翫。因使四賓賦盆石詩一章。且并錄焉。媧氏補天。後隕星化作山。谷盤思卜築。峯轉好躋攀。片地蓬瀛境。一株清濁間。無心人對坐。床角起雲閒。享保壬寅夏。大中鐵維那。出一卷軸曰。堂頭和尚命雲衆作盆石詩。且使師判焉。予曰。吁。子來前。夫鳳凰林。衆鳥吞聲。獅子野。群獸失氣。況田山膏腴之地。而禾苗各近秋成。僕放懶。徒日日瞳睡。目如膠。終不歷隻字。從前憶持記取者。忘於十之八九。是所謂緇田稗穉也。彼辨糲糠於箕下。擇美稼於莊上。則非我任。我不甜焉。鐵曰。鳳林不乏鳳。獅野豈無獅。翔乎躑乎。我

黃石去。紫電隙影碧海一漚沫耳。豈足恃乎。有一人。先無極。不見所生起。後太虛。不見終焉地。巍巍焉堂堂乎。劫火焦四禪。不管。毘嵐摧八極。不知。常昭昭目前。永亭亭物表。是名玄元皇帝。是爲久視真人。雖上下神祇。無不歸仰。卽今居士送賓迎客。謝賀請祝。抱孫弄兒底心是也。了知則不轉。肉身之慧眼頓煥發。而爲長生不死神仙。打失則變遷生死之凡骨。有北洲長壽之快樂。終不免淪墜。居士試推究看。怎麼見聞覺知底。是何物。鬧處靜處一切處。推究不怠。有七十年來未曾見底大歡喜。是換骨頤神父子不傳之妙術也。書以賀古稀長壽。應場氏需云。祝祝。

大中海衆盆山題詠序

無來先生袖一拳石來。呈不住庵主曰。夫泰山一拳石之大也。一拳石泰山之小也。此小者。不異彼大者。彼大亦同此小。而大小同異。見之妄也。拳

可究處。無手脚可著。無情解可加。此時不生退倦。單單參究。一旦廓然落節。有三十年來未曾見未曾聞底大歡喜。人間天上善果。豈如之哉。其他衆善萬行。大丈夫兒。豈足顧哉。谷氏曰。願書之以贐予東歸。乃書以送之。

賀久保田宗蘊居士古稀序

芙蓉峰南麓舊市場之住久保田宗蘊居士。志氣貞正。寔一鄉之善士也。今歲元文辛酉歲。逢古稀佳辰。其鄉黨朋友于詩于文。有詞藻傾神者。有手澤驚目者。軸將見牛腰。特以不得予一辭爲缺矣。託鄰邑長場氏茂貞者。乞之諄諄焉。是又彼親戚。予曰。使居士賀之。祝之育之。養之。壽算八旬可得乎。場氏曰。不怠得之不難矣。予曰。育之。養之。令壽量九旬可得乎。場氏曰。十之八九者難得而已。予曰。育之。養之。令保百齡可得乎。場氏曰。九旬且難言。況百齡乎。予曰。然。縱使居士八百星霜千歲壽域如赤松去。齊

眞正參玄上士一箇兩箇。專一令究明己事足而已。是其本志也。予竊謂。嗚呼。如藤侯。大聰利人也。宿有靈骨。扶宗志願盛大者乎。林下士若感君之本志。提折脚鎚。咬野菜莖。密參潛修。忽乎究決大事。則莫謂一把茅亭。雄壓殿堂。鏤金莊嚴奪眼底。諸方閒伽藍。百千億倍乎。遙知藤侯知見超。出常情之外也。又聞。府君生平操履潔白。持戒禪誦。其精進勇銳。寔火中蓮也。遙祈。府君更前一步。谷氏曰。可得聞哉。予曰。佛言。人有二十難。富貴好道難。人各具四智正因。誰無好道底。唯入道最難。若人不能入得道。同體不二。縱一食卯齋去。六時行導去。感得天華亂墜。異香薰徹。總是生死大兆。豈足取哉。有一句子。截生死纖根。如倚天長劍。摧無明窠窟。如萬斤鐵鎚。僧問趙州。萬法歸一。一歸何處。州曰。我在青州作一領布衫。重七斤。此話極有靈驗。若人提撕此話。鬧處靜處。行住坐臥。豎究橫究。究究到無。

憲漏室。豈爲他事哉。夫人志於學。而不於此。則未足稱學焉。勵行而不於此。則未足稱行焉。當此時。四端自不待養。而能仁能義。識量自寬大。智鑑自高明。縱佐大國事。從天下政。亦無大過。豈不快哉。莊氏若見稻家。以此言告之。莊氏稽首曰。我豈堪敢記持此言。以報彼。願記之。固辭不聽。遂不顧寡陋。記以祝延稻家遠大云爾。

送三谷胤美之武陵序

明代開國武臣前石見守秀用流裔遠州路伊井谷府君近藤用純。自稱爲元海齋。天資忠貞仁恕。歸仰宗乘有年于茲矣。隔伊井西東里許。構兩宇草廬。東稱元海。西爲大通。其風致清絕。各安置補陀大士聖容。其宰臣三谷胤美佐其志矣。寬保壬戌秋。予在萬松日。應谷氏請。遊彼勝場三宿二宿。谷氏言曰。主君藤氏。占草廬於此地。非他後令彼名藍亘利也。只放

不然。古不言乎。人性上不可加一物。且夫四端者。備中而臨期。且生之心也。若以四物別白養之。混黑令充之。塊塊乎胸臆之間。而大爲疾矣。如予林下士。學雖乏聖經。試論之。大凡無貴無賤。人類及昆蟲。各各有本具底靈德。非仁非義。非凡非聖。而能仁能義。能凡能聖。爲四端母。爲萬法祖。衆聖名不得。百靈形不得。金仙稱之名。一大事因緣。宣尼稱之爲上天之載。李聃稱之爲希夷大道。孟軻稱之道浩然之氣。莊周稱之道赤水神珠。雖常昭昭在心目間。溺人欲之私。牽舊習之情。久而不還。彼惻隱羞惡者。雖陰陰有生其間。如閃電拂。如淡霞浮。全不得力。雖欲能仁能義。不可得矣。若人欲養仁義。令充之。十二時辰三四威儀。拈拋想念。擲下情量。心上快明去。胸裏清高去。方寸自然了了分明。透脫聲色。貫通物我。覺知自家從來非仁非義。非凡非聖底一團靈光焉。此之謂止於至善矣。顏子陋巷。原

原夫官途寔貽福於後嗣之大路。而又寔貽其禍於後嗣之場地也。雖在官途。德行惟修。子孫豈不受其福。雖在私室。貪戾惟積。子孫豈不受其禍哉。往往在官。忠恕惟勤。子孫益盛大者。傳記所載。不暇枚舉。若人在官。仁心養之。令充。忠恕行之。令佐。恩及黎民。澤被草木。民自爲堯舜民。其民既爲堯舜民。其君豈不爲堯舜君哉。然則自然上契佛理。通神明。下宜衆庶。佐邦國。於是乎。百靈擁護。善神呵禁。何德不積。何福不至。于私于官。只由其行善不善而已。古之明君曰。千端萬事。以仁爲本。宜哉。君玉葉永世萬年。嗚呼。仁乎仁乎。王侯之寶而社稷之命也。王侯若不仁乎。其國其久哉。士庶若不仁乎。其家其久哉。憲英曰。養仁之道。可得聞哉。惻隱羞惡辭讓是非四者。四德本根也。養而令充。則可到聖賢地位矣。養之如何。四端欲同時養之。混同而不分。若謂偏養之者。一日於惻隱。一日於羞惡乎。予曰。

訟西訴終不見漏稻氏手。東指官府者。南豆大治十年於此矣。今歲戊午之春。應召於東府。乘輿未轄。鞍馬未秣。市邑失色。老幼帶淚。悲善人卒遠去。嘆仁者再難見。嗚呼。如時國者。實謂國器乎。可惜。勞力於一境邊國之間矣。先託言於予舊友莊氏子憲英者。請驢一言。予言。願夫子於稻氏。心交六七歲。生平舉措。日用施爲。審知之焉。實當世奇士也。我其何言。憲英曰。稻氏嘗云。大凡士大夫在官途。挾勢權者。往往有不可貽厥者。吾常恐不貽福於後嗣。亦只庶幾寡其過焉。是故善言恐聞之晚。善行恐學之鮮矣。予言。稻家之需寔佳。稻家之志寔可敬。且夫善言者聞非難。守之大難。善行者學非難。行之大難。雖林下人。所以嗟悼者也。近世薄人劣。聞達惟求。利用惟計。往往有殘忍刻剝民欲食其肉者。有貪歛凶暴民欲尿其背者。未曾見寄心者般事者。然在官途。貽禍於後嗣者夥矣。此論尙未精密。

嗟。澆季哉。淳朴之風一洗。而質繇徒走利如蜜蜂。纏花似寒蟬。抱葉有志人。誰爲之不嗟悼乎。鷹嶽南林。熒熒老和尚者。新豐餘韻。調古曲高。常傷狂瀾不廻。嘆古道難再。嘆不足。教以古道。教不足。自書水月論。筆又詞鋒。換轉有力。照破邪正。秦鏡失輝。透過明暗。趙璧吞光。雖一軸不足千言。還丹一粒。不可比驢馱藥者也。有志人誰爲之不左袒乎。嗚呼。公論哉。人人具水乎。箇箇圓月乎。到彼修證懺摩事。則識者辨焉。

送稻瀨時國歸武陵序

昔寇恂治潁川歸。潁川民老幼攀車轂號泣。請借留一年。昔伯周治合浦歸。合浦民強弱遮道路。恨棄隔萬里。大丈夫兒不治民則已。若一日治之。豈不庶幾乎。濃陽產稻瀨時國。享保已酉來治南豆。一片忠烈肝膽。仁恕肺腑。導之以仁。撫之以義。越狼戾之民。恐如斧鉞。淳朴之庶。慕如父母。東

送惟融之海西序

人生禍福非所以一旦而致者。苟讒諂面諛鼠偷狼貪。爵祿日增。褒賞月高。海市蜃樓。實不足取。是盡賤劣不肖之士所榮者。而男兒所不欲者也。一朝奸計已盡。偷算乍敗。則寥寥宇宙間。無所容七尺躬矣。若夫忠膽義腸。飲貞亮而臥。食純素而坐。以不欲無施。當難忍能行。則雖無食鼎富。無汗背慚。雖無衣輕榮。無噬臍悔。是大丈夫傑出萬夫者懷也。況道德仁義以正直弼焉。顧夫旨酒亂爾行。莫以涓滴洒口頭。博奕奪爾志。莫以一指觸卑器。多言來爾禍。莫以三寸演是非。花柳陷爾身。莫以瞬視照妖姿。雖毫芒侵之。則永與予違矣。他日莫欺予不明。縱幸而欺得。奈彼上天何。奈彼百靈何。此行非暫時別。故書送焉。

水月論序

逢希聞希者佛法也。雖今既受。今既聞。空慕夢幻名利。不懲苦聚惡種。茫
茫而終。再歸嶮難三途之舊里。寔可惜。寔可悲。其信與不信。纔一念子而
霄壤趣異。昇降途杳。古我本師大覺調御。擲金輪寶位。下萬乘貴階。求出
離要道焉。吾輩塵芥微軀。鄙賤殘質。豈堪執哉。豈足云哉。譬有神仙齒算。
守八萬壽域。空華遮眼。野馬過隙。況吾輩蜉蝣難保命。水泡難堪身哉。佛
法中以信因果。忍苦報。爲智慧。以了己心。見自性。爲賢聖。是非欺誑之語
戲論之說。真正朴實頭論也。且夫非道廢從前功果。止從前進趣。於進趣
間持誦時。抱孫處。弄子頃。時時點檢。且復每旦讀此序。一返讀了誦來。忽
然輟出真正見徹底信根。勝行取他八萬箇細行。豈不痛快哉。非是弄筆
硯逞文術。今見公少發信根。不堪歡喜。不覺叨叨而已。嗚呼。叨叨。爲資培
公新發信根也。其願焉。

他心_一頃_了。知人人本具底心上無_一一點生死。無_一一點無明。廣大圓明。高間
虛凝。全無能所。全無滲漏。是名清淨漏盡通。當證得漏盡_一頃。自界他界。佛
界魔界。十方淨刹六趣穢土。一見見徹。如見掌果。是名清淨天眼通。及煥_一
發天眼_一頃。廣大劫來輪轉昇沈之蹤。塵點劫後往復遷流之事。昭昭焉如
對寶鏡。是名清淨宿命智通。當辨成宿命_一頃。聲聞聲菩薩聲。佛聲神聲波
旬聲。有情聲無情聲。餓鬼聲修羅聲畜生聲。啼哭歡喜怒罵稱讚世間所
有高聲低聲一聞聞取。全無餘韻。是名清淨天耳通。當淵發天耳_一頃。喫粥
喫飯。運動施爲。是非修得底。非學得底。徹_了了人人本具底活三昧。是名清
淨神境通。當此時百千法門。無量妙義。世間所有功德聚。世間所有寶莊
嚴。盡具足自心上。無毫髮欠闕。非眞覺所謂六度萬行體中圓者乎。人間
天上善果何勝之。三乘四果歡喜。豈過之哉。嗚呼。其得難受難者人身也。

者也。大凡人情於親戚朋友。及其語言一室之內。飲噉一宴之間。有陳雷盟管鮑陸。當其薤露風悲。輓歌聲苦。若少慘然。日往月累。則寥無記。忌日亦忘。雖骨肉親考妣愛。亦然。是人情之常也。如綾氏寔佳。如綾氏寔其篤矣。予竊謂綾氏此舉雖佳。未盡善。雖篤未爲至焉。蓋試論之。大凡人各有四智正因。具三明智鏡。名之大事因緣。謂之正法眼藏。了之則爲萬德佛祖。失之則爲衆苦異類。高明尊貴塵刹之間。全無有倫比。卽今追慕親戚愛念朋友底心是也。要了知彼尊貴辨得高明。十二時辰三四威儀。單單點檢。何物恁麼運動。何物恁麼談論。是肝膽肺脾耶。是青黃赤白耶。盡一生必定決定可了知。頻頻點檢。檢去點來。辨得一日二日。雖廢寢食。確乎要透脫底。勇猛信根。此心纔憤起。則不日打發去。當其打發頃。自心他心親戚心。佛心。神心。衆生心。一見見透。全無疑惑。是名清淨他心通。當見透

護肩輿。來迎緇素。褰裳相隨。水勢半股。各咬牙皺。顙兢兢而過。予竊謂。此河胡爲無板橋耶。三四日後。訪東隣實相練若。復過彼河水。與僿告予曰。此河滯礙者。一月動二三次。數見顛溺患。執死亡者。間亦有之。予重思念。夫修道路。架津梁。爲善緣中要德行中最。遠近緇素合力。豈其難哉。積小累歲月。必見彼落成之日。謀善與衆。是又利濟之善巧乎。於此裁化緣小簿。此間所得施利四十緡。竝村偈以附大通自耕元海圓通四庵主。是亦千里一步大山一簣乎。竹橋纔架。小溪濱。勝寶塔周剎剎塵。忍聽春霖秋雨日。此河動害路行人。

過去牒序

享保乙卯仲秋之日。綾氏隱士袖一小冊。來請爲之序。卽所謂點鬼簿者也。鬼簿者胡爲物哉。記其親戚朋友前往後去者幽名。而備香華之蚤莫。

園霜寒。行無良友。退無明師。唯杖遺言。履往行爲。夜途玉炬。爲迷津船筏。公亦日進月進。忘自忘他。忘凡忘聖。到忘忘忘亦忘。思想盡情塵盡。則雖千言萬語。盡是還丹一粒也。若又自憶持相似語言。誇口辯。恃俊敏。培人我列嶽。沾高抗劍樹。則雖隻字。渺茫雜毒海岸也。千妖百怪識破。則不成仇。知雜毒則甘露也。知甘露則雜毒也。其顧焉。處士喟然曰。願記之。予不辭。記以冠卷首。

谷津矢島新橋化緣簿序

寬保第二壬戌秋。予應請于萬松之命。經過埃店三日程。跋涉嶮峻四十里。漸而投宿於六島寶珠勝藍。翌晨徒步過三方廣原。原上有老松。是彼行旅蔭涼樹也。萬松和尚自迎接而居行廚。設茶果。寵遇過度。少焉肩輿直指西北。漸近山下。有河水曰矢島。琅琅向東南流。健夫七八輩分左右。

荊叢毒藥

卷第七

侍者 禪恕集

序

雜毒海序

白雲端和尚曰。予多識前言往行。遂成我志。舊友僊處士壯此語。而終裁一小冊以備之。且乞題字。予則名之爲雜毒海。處士愕然曰。可得聞乎。予曰。西竺金仙。自觸著此冷焰。後南印北印。膽裂心摧者。知幾箇乎。就中碧瞳胡種其尤者也。及傳到赤縣。有一馬。有瞎驢。日光玉潔。其應緣步驟之間。纔出片言。如大火聚。吐隻字。如熱鐵橛。雷震颺捲。越有生知者。有困知者。有入室者。有升堂者。于竺于支。星散碁布。其後世澆人劣。叢社秋深。禪

荆叢毒藥 卷第六 終

可知矣。雖然。法幢堅剛。鉗鎚妙密。百規千矩。嚴然不替。是亦吾輩所不堪。
歡喜。這回仁禪客回步。聊附薄儀。以伸生芻之鄙誠者也。伏乞叱留。維時
小春。佳菊收芳。新梅擎玉。爲道自重自玉。

上臨濟和尚以賀團首座住明王

惟時孟夏。山藤獻紫。溪榴擎緋。伏審山門鎮靜。猊座安祥。歡喜歡喜。法門盛事。何如焉。弊廬無異變。常步菜園。或涉麥畝。恬如過日而已。者回明王隱處老師。垂青仍承。團兄住院。百事寧清。喜躍不少。是偏猊座下海容寬。洪陂量廣博之所致也。仁恕之美何如此哉。只恨途程嶮峻。久不拜光儀。伏冀爲人天自玉。

上濃陽靈松新命和尚

兩楹入夢。三千英豪失色。四株帶白。八萬賢聖吞聲。伏審先師萬休和尚。去歲杪夏十九。冀戢化。嗚呼。夜途玉炬乍收光。迷津船筏已藏壑。吾輩舊恩新慈。雖爲卒詣閣下。可陪葬儀之素。山川數日程途路。嶮峻不少。空望暮雲悲傷而已。多罪多罪。座下雖爲百鍊心肝。千鈞志機。哀嘆沈鬱。不蔡

下敏達。豈不顧之哉。是無佗。唯執端於虎丘。效由於毘耶者。而吾輩增渴仰者三也。今猊下神龍。而惜雨露於大旱者也。何不顧苗而欲秀者哉。伏冀垂鏡燭。回音若不得然諾語。佗日直到山下。拗折拄杖。不敢望他方。伏請憐察之。筆墨實難盡鄙誠。臨楮不堪肅肅之情。辰下膏雨良寒良暖。爲法門自珍藏。誠恐誠惶。頓首頓首。

答聖壽會上閭入二甘露門

杪秋初六。烏華翰到達。辱見勸發講經事。蓋夫首楞嚴經者。諸佛頂顙之祕訣。而自不宗說兼備之宗匠。難輒下觜牙。況僕稗穉之質焉。誠知不堪其任也。且亦常住枯白。無由容稠衆。因是致書以欲辭焉。西東各刹。各執公論。忝見激勵教諭。遠境華書。列刹美議。不可辭澁。以故敬應高望。冀各垂道顧。左提右攜。補焉翼焉。余亦盡驚鈍而已。臨楮不堪感激之情。再拜。

從瞎驢背上消一喝後。濟北消息長斷。江西佳趣將藏。嗚乎。大哉。三聖老人拾起佗野狐涎。而爲一帙。其願志厚重者乎。雖然。語脈峻峻然。實難咬嚼。吾輩每對卷。蹙蹙焉馳懷於師刹竿下而已。今旣得惟時惟衆兼備。伏冀聞大獅子吼。佗日到且過時。莫把葉縣杓頭惟幸。誠恐誠惶。頓首頓首。

同

發羽未幾。乍領回鱗。盥執薰。謹開緘。文理密察。如直審教示於猊下。是吾輩增渴仰者一也。師之朴實。辭以福智之事。是示辭讓於後昆之鴻圖也。嗚乎。扶宗之願何如此哉。是吾輩增渴仰者二也。今旣南畛日暄。西疇將事。辭以耘耕之事。大凡智師琛師諸老宿。侵至寒忘盛暑。拽犁拽杷。以汗道容者。當方來備之光矩。而吾輩所不敢辭勞也。願盡鴛態。以不惱知事之懷焉。猊下令名。惟動惟止。垂度於將來。今以彼辭此。吾輩又依誰哉。猊

教。列衆駭然。空吐舌而已。雖然。就銀鹿口頭。恭審猊下震良。歡喜何加之。猊下博愛。何棄擲百餘衆丹心。如土塊哉。較是辛辣門風。不敢爲今時。按下雲頭乎。於是列衆所渴仰益確乎。且亦侍者寮中有投東野軍禪衲書。曰。吾翁老大。故不堪塞衆望矣。大凡息耕老師書者。字字列祖骨髓。而非得高臘大宗匠。爭敢盡玄微。所以衆手所指。一歸猊下者也。豈執諸方春濕穀喫飯者哉。殊是法門將傾頽時也。猊下若辭以衰老。是貞臣而不顧國危者乎。伏以。三尺觜不乏罵倒江湖。一條藤以足打倒祖佛。願提起向上鎚子。打破興聖淨慈葛藤窟矣。回音縱不得然諾之語。得勤寶經散筵日。直詣刹竿下。燒卻行纏笠子。不敢望西東焉。盈尺白楮兒。難具吐露情實。伏冀照鑑憐察。命都寺維那。宜計此焉。誠恐誠惶。頓首頓首。

寶泰碧巖會裏徒等上法雲和尚

法王庫內大器矣。就中把衲僧向上巴鼻。投艸裏者百餘首。格律森嚴。意味幽深。宛如攀萬丈生鐵壁。今時學流。短索而窺千尺井者。轉不堪枯渴之情。空使和珠在頑石之中也。伏以。猊座權衡佛祖。龜鑑宗乘。實無愧衲子也。何不顧此荒蕪。而默默到今日哉。願淋大法雨。再回二林春色。長留十刹遺音。豈惜取三尺眉毛。捨百餘衆哀求哉。惟是法門興廢。一歸猊座者也。伏冀憐憫鄙誠。卒賜回辭。然則百餘衆內分十之一。預到山下。奴子勞輔之。知事命聞之。莫顧寮舍不便。我輩願解包於牛欄。掛錫浴室。炊爨若缺人。我輩盡鴛鴦。冀賜憐察。一燈若分萬燈餘光。則豈不快哉。惟辰雨添石榴焰。煙籠燕麥綠。爲法門自保重。誠恐誠惶。頓首敬白。

同

昨初六莫晚陰。回封忽爾落僧堂前。及各執香穗謹開緘。全不見隻字慈

答欽谷兩禪客

嚮附雷禪人歸袖。被傳與不思議經勸發之華書。竝清衆之名簿。感荷感荷。顧夫驥步非跛驢之態。鳳鳴豈老鴉之任哉。而不捨予寡陋。忝見提攜。成禪者。是諸公探道志厚。扶宗願大之所致歟。嗚呼。予非君子。而涉艱難者。諸公所聞知者也。打住八年。而嘗萬苦鑿開枯井。十有二年。而喫千辛。蓋卻破屋。內無補闕之徒。外無有力之檀。且復探殺胸懷。更無一事對諸公。可吐出。況於彼不二法門耶。顧千般考萬狀。無可堪塞高望。臨楮慚汗。侵肌。傷淚滿眼。維時西東列刹。不乏明師。伏冀諸公放予一生安閒。千萬惟祈。不布。

寶泰碧巖會裡衆徒等謹上清泰和尚以乞評唱息耕錄

息耕錄者。辨正邪之古鑑。刺祖佛之寶刀。殺氣直衝人。靈照常射膽。實爲

來陽輔教勝會。龍天勦力。盡旣成辦矣。是法門近世盛事。寔謂佛日推排。雲霧乍輾出東奧乎。星夜炷香望東柴立底間復多乎。所恨。挨店半月程。不能陪勝會。聞大法施。空憎身材肥重。嗔途路嶮峻而已。者回幸見大桂。新命轉職歸轡。是又有來春趨謁之素。所以附麗水二滴。聊演隨喜寸丹。伏乞叱留。惟時二寒。爲人天自珍自重。恐惶不布。

謝龍泉隱老師惠石牛

一頭水牯牛。擺尾面前突出。不向雲煙。不戀芳艸。純哉純哉。鞭撻不進步。呼喚不回頭。頭角未全。遼天鼻孔。的的分明。石鞏無地加鞭。庖丁無所挾刃。寔可以南泉舌震大潑牙戰。又聞。自山前檀越家跳出。左脇下文字。又作麼生。從是不須繩索。日日相見。終日圓陀陀孤迥迥。林下盛事。何事如此哉。物外恩榮。不知所謝。歡躍不覺發牧童之村歌。不布。

聚法財。而後成辦大器。播揚大教。挑起法燭。利濟群有。相續慧命。報答佛祖莫大深恩。是又叢社古實也。顧夫吾子隱林下。究明己事之日長。予在破屋與衲子談笑之日短。蚤莫屈指待吾子歸而已。老僧行脚後。遊方亦一任。儻肥遁亦一任。儻豈其晚哉。若又効顰於雪竇之暹東山之覺。忘卻本根。違負老僧鄙懷。縱爾佗後埋伏深山廣野空谷幽洞裏。歷盡三十五年。長養磨礱去。半箇癡漢亦不能攝取得。近頃聞西京受業久罹重痾。殆不圖朝夕。是又不可棄置之大義也。此書到日。必拭西歸杖子。莫遲擬千萬期面謁日。餘附在新命三寸上。不布。

上瑞鳳和尚

春初。甲陽碩禪者歸袖。辱尊書竝兩種恩惠。玆審猊座法幢堅剛。福履康寧。歡踊歡踊。走幸無病患。與二三諸友。徒日日談笑送過殘陰而已。遙聞。

五七年遁竄陰僻處。任心長養去。是吾子本志也。是亦大錯了。如吾子。今苗而欲秀之日也。何爲死守枯禪。癡坐陋巷。灰心泯智去。槁木死灰去。錯了一生了。可謂其大早計哉。恐惹未嫁綴襁褓未嫁買杵臼底笑乎。寔可惜矣。吾聞求友須勝己。古上士纔攜烏藤遊方。擇參而可決學而可窮底俊邁上流。常隨逐炙親。今時則不然。爲智眼不高明。望頭禿齒豁底無賴賤人後塵。徒西東底。間復不爲少。寔可笑。昔圓覺大師天然聖知。尙且侍師者四十霜。船子楊岐諸聖待藥山慈明戢化。而後潛遁。大寂之八十子。東山之三佛陀。亦各然。昔洪寂音離師早。自謂奪卻寶峯青氎。後來妙喜呵之言。有到有未到。悅兜率離師早。自謂擊碎黃龍玄珠。向後清素激之。乃知有舍有堂奧。竊謂吾子亦有二師患。未可知。何故。我終不爲人抖擻屎腸在。夫眞正參玄上士爲他日大行眞法施。混交衆中。緘默下版。聞未聞。

大暑。金石流土。山焦爲法保重。千萬惟祈。不具。

與航侍者

者回大桂新命來過。見投贈二書。三四披閱。茲審。吾子瞻撥無恙。少慰老懷。此間依舊寒淡。住庵舊參布衲子。到今一箇亦不分離。既向七十餘員。忠譯愚極。徹沙霖魯諸子及澄桃二子。門與證。有如無。隆興則進無退。盡是鎖鐵百鍊心肝。甘枯淡凌苦寒。震艮孜孜。全無怠倦。春初以來。添得老成抱道上士七八輩。相共聚頭清話。是又四方精英。而有厚重寬大。有謙遜慈忍。有忠勇俊傑。有聰叡博雅。老僧晚景怡悅。不可復加。但特缺爾耳。吾子亦得輔教散筵日。必回步來。佐予老懶。常怪吾子遠驅馳千里異鄉。半箇良友亦不得。半點利益亦無。徒棄擲陰塵。是何意哉。人將言。涉獵佳景。資養口腹。尋覓終焉地。瞻禮神佛場。果不出此四者。寔大可怪。又聞三

箇方便者。請束拋擲。佗方世界。只所願聞。因地一聲驚動。余破屋頓足相待也。祝祝。時惟梅雨。氣候不可人。爲道保重。頓首不布。

答桂林和尚書

煩暑長途。全禪人來過。辱尊翰。竝兩種恩惠。不知所謝。玆審山中寧靜。閣下安康。不堪怡悅之至。山野幸無病惱。是亦莫役道情。惟幸。且三千佛之贊辭。隨命塗糊了。慚愧慚愧。重五尊偈。吟玩數次。不覺和高韻。但賤體拙裁。是故不備高覽。被授贈貴書。情實溢楮面。感激之餘。圭復手不暫捨。讀到象骨勘座主一件。或悅或怪。且驚且疑。所恨者。山野辭澁。不能片言以盡之。只期秋來。互開懷抱。一決而已。近來間有任彩。迸出底杜撰。是亦三四十年来一變底弊風也。閣下純實鄭重。雖非擬此部屬看待。此事實不容易。玄沙於靈雲。昭覺於佛燈。古德亦所大愼也。餘事附全之宣說。卽辰

如劈金鎖於病猿。踈山矮師叔亦久墮在此窠臼。頭出頭沒。不合被懶安古藤縛殺。忽如脫杻枷。徑山杲罵天初坐在者裏。困倦勞疲者數年。一朝見自南毒風吹倒。打失從前礙膺底釘楔。息耕老師初在運庵會裏。一日庵舉斬猫兒話。師下一轉語曰。大地載不起。庵微微笑。雖然者裏未穩在。其後見壽塔因緣四歲。一日錯撞著大嶺古佛迸出底毒焰。家國喪亡。將從前透過底話頭。再打一看。大與從前所見不同。寔可貴。後來坐斷十刹。如眠艸廬。吐出片言。如獅子乳。如鴟鳥尾。喝走衲子。如惡虎驅跛羊。似饑鵬搏跛兔。佗若死在大地載不起底見地。何得異今時。何幸哉。我祖宗門下有此換骨靈方焉。其中有到死不能醫治者。龍牙遁公天平猗公是也。書中被示諭。以直截徑要方便急。附便羽。我者裏無半點方便書。以塗糊師面門。若隨命打屎尿去。有佗日大罵我去。師亦禪床角頭有毫髮許似。

句哉。只放一句惡毒話頭。單單究明者也。有真正參禪宿挾靈骨底衲子。不雜舊見。不添情解。豎咬橫參。到理盡詞窮處。憤然乍落節。語言亦得。文字亦得。橫行四海如獅子遊行。纔觸著。電轉雷激。棺木裏瞪眼底野鬼。閒鬼夢曾卜度。佗涯際得麼。古宗匠聞一句子語。則雖隔萬里。或大展作禮。或燒香供養。衲子亦不遠千里。不屑萬苦。所以道。一句隨佗語。千山走衲僧。而今時無眼禿奴徒。一束束爲文字。爲葛藤。是何心哉。悲夫。法苑衰廢。祖庭荒涼。無甚於今矣。師特當此末運。憤起精神。咬定牙關。誓欲徹見衲僧皺眉底大事。寔可貴。嗚呼。謂火裏優鉢乎。必有靈驗。得法窟爪牙。豈其久哉。至禱至禱。此事如黑雲鎖斷萬仞龍門。似金翅劈開千尋鯨海。甚不容易。寔大丈夫能事。而庸常士不可企及者也。古翠巖眞公監院則公。罹今時一等重痾。死亦不果。生亦不果。及見法眼慈明二大士。被一箴箴殺。

依釋迦法。不假達磨禪。全無缺少。有何所求。是似則似矣。如何。長沙所謂認得識神底窮鬼。祖師呼之爲深山古廟裏無轉智大王。與古人拈拋利名忘卻軀命。專一參究者。膏壤杳殊也。他時異日有箇翻鐵面皮爺。亦不知底漢子。把箇如熱鐵橛似毒栗蓬底話頭。拋向面前曰。是甚底道理。是恰如世壯士提大刀來劈面卽揮。爲文字亦不得。爲語言亦不得。如何得回避去。纔擬議。則喪身失命。當此時。吞亦不下。吐亦不下。瞋亦不瞋。果泣亦不泣。果眼漆突口匾擔。無半點氣息。動頭亦不得。平生向僻地裏說得底高談大口。不能毫髮使得。譬如病馬負重擔子。經苦熱長途。慚汗愧汗。通身如洗。怎麼稱佛祖兒孫哉。佗日領西東英雄參徒。如何差排去乎。是唯認得不動不搖底賴耶邊際。爲自面目故也。若真正明得佛祖心。豈其恐佛祖語話哉。從上本色宗匠。阿那箇爲令衲子苦經義科段勞文字章。

魁夏十二莫寶墨。昨十二晚陰。瑣然落机上。薰閱數次。宛如對光儀。歡喜歡喜。所恐酬答遲澁。莫茅塞道情否。非是予緩怠所致。但道祖爲崇而已。如諭。杪春上浣。雖辱照顧。弊廬枯白陋室。麤儀薄禮。到今每思念。背後必有汗也。茲審高履輕快。不堪喜躍之至。殘軀少惱。日步菜圃。遶茄圃。兀爾過日而已。莫勞道情則是幸。遙知閣下以佛祖透不過底一著子。震艮究明。宛如生冤家。掛在胸間。食息不放過。歡喜無量。法門幸甚。何事如此哉。今時諸方被一片湛寂死水裏浸殺。一生擬議不來底去。半生半死底去。於此一段大事因緣。棄擲不管顧。譬如商賈見犁鋤。有般底道莫看話頭。話頭是埋沒自性之泥土。莫顧文字。文字是縛殺己靈之葛藤也。我者裡不好文字。不取話頭。只單單使爾休去歇去。是真正直示底樣子也。人人本具底自性。本來圓明。本來自在。呼鷺不爲鴉。呼天不爲地。火暖水冷。不

上英巖和尚

一道白光籠西竺。東周嘆德人出興。半片赤履留北魏。南梁浸入主衣襟。
伏以。法泉大和尚。戢化於東野之英巖。西駿數十指小刹。各執香穗哀嘆
悲傷。嗚呼。哲人感人也何如此哉。自玉輿一指東後。吾輩伸首望回鸞。蓋
三年于茲焉。何計。今見此顛覆屋梁乍摧。蔭樹俄倒。玉立百千丈英巖。苔
紋失色。粟散六十州扶桑禪苑自荒。閣下鍊金胸懷。截鐵氣宇。爲之九回
十回。豈埃蔡哉。吾輩不卒趨階下陪哀奠。東關數日程。五里一嶮。十里一
峻。空望雲煙哀吟而已。所貴。法泉大和尚。法眼天朗。量陂海廣。不冷卻爐
輔者殆四十年。末後爆出一箇萬鈞金彈子。西東參徒渴走。大小檀信歸
崇。是所謂舜子而舜也者歟。時惟仲冬。氣候不可人。爲法門尊重。

答桂林聯芳和尚

甘酸一時了知焉。參玄上士亦如是。向自心上參究。一氣進不退。則自性
佗性衆生性。佛性神性菩薩性。餓鬼性修羅性畜生性。煩惱性菩提性。有
爲性無爲性畢竟性。乍於一念子徹了。而不留毫芒。豈不快哉。就中一件
有腸斷底事。謂之玄旨。祖祖相傳。綿綿不絕。縱令透過金剛圈。踏斷荆棘
林底了事漢子。而未見真正導師。則不夢見之在。何故。從上諸聖如神龍
握夜光。不使鼃鼃魚鼃之輩容易覩破也。或如老龍行雲雨。千態萬狀不
使蝦蜺螺蚌之類妄知涯際。南泉長沙黃檗首山慈明韶石眞淨息耕大
應圓覺諸老是也。我今非誇口辨逞胸臆。三十年前。吾正受老漢所以平
生嗟悼之緒餘也。予雖常銘肺腑。徹心腸。恐人不信。默止者久矣。如居士
及二三諸友。常以不見正受老人爲憾。是故臨楮不覺葛藤。葛藤了。慚汗
與感汗。竝洒滿背。只乞電覽後附丙丁童使伊永珍藏。呵呵。

處欲自辨眞僞如何。須就兩處識破。於動靜二境。心無向背否。於佛祖隱顯語句。透得無凝滯不。既是了悟佛祖心。豈不了佛祖語。白參玄上士。透得底。親近眞正導師。追隨久參上流。時時請益。日日琢磨。精盡玄微。深徹淵源。未透底士。提起一箇無義味話。或參究聽法底人。靜處鬧處。行住坐臥。參究底人在何處。卽今尋覓底心。是何物。舉起處。心行處滅。參究處。言語道斷。豎參橫參。到參參無可參處。如攀鐵板障。如咬木札羹。如捉翠煙。如撚紅霞。伎盡詞窮。理亦窮。此時不生退屈。不加了知。單單參究。有能所共泯。冷暖自知。底大歡喜。參禪只要一氣進。若如隔日瘡去。永劫不能打發。吾鄉近海濱。僅數百步。譬有一人。以未曾知海水甘酸爲愁。欲自行嘗之。百步而歸。五十步而卻回。何時辨得彼苦鹹。雖信甲飛濃人。一氣進不退。則不日到海濱。纔染一指端。舐之。月支眞丹南濱北溟世間所有海水。

有外不見諸法眞實相。徒認取見聞覺知底識神。每見人說相似語言。曰。譬如寶鏡臨臺。胡漢到對時。箇箇不失妍醜。驪珠和盤。黃白來映處。物物不留痕跡。不假修治。不歷功勳。自謂眞正休罷底衲子矣。聞人潛究密參。抱腹大笑。嗟。似則似。如何金圈未透。棘林猶深。認賊爲子。是故長沙大師云。學道之人不知眞。唯爲從前認識神。無量劫來生死本。癡人呼爲本來人。如則監院未見法眼。眞點胸未參黃龍時是也。敕列如王子天然貴胤。全不假功勳。天生位尊貴。萬邦唱昇平。日執與思晉。譬如光武與肅宗。雖勤回復王業。缺四夷來貢。是故武備未能忘也。見彼牽奚。譬如王莽祿山。妄自稱帝王。終不能全富貴焉。是故南堂靜和尚云。見性須如見掌上。了分明而一一田地穩密矣。寔可愼也。是故言明自己不明目前。猶是半提。明目前不明自己。又是半提。更須知有全提底時節。又云。學道人自所

轉。斯道一鎚卽成底當家上乘種艸。只欠見一回真正導師親證據而已。二者有一人。瞎參鈍工力將充。乍依佛言祖語。或值善緣投入。是謂日執。日執之言入也。日執之人有到有未到。於高山白浪起井底紅塵揚等法身邊際語路。洞明不疑。到祖師向上大事如聾如啞。雖寂定打坐處真理開明實相現前。纔值塵緣觸煩務。則當處打失。動靜矛盾。明暗隔礙。智常向背。立處偏枯也。三者有一人。潛行密修久而乍得善知識提攜。漸而信得及。謂之思晉。思晉之言信也。思晉之人。雖自性離生滅眞身絕去來等本具大理信受而不疑惑。於祖師門下事。不能夢曾見。無力利佗。自救亦不了也。蓋日執與思晉。古人是爲頓悟漸修人。有十牛長養五位寶規。爲此等人施設矣。不怠則敕列亦可期也。四者有一等。聞人說光影邊事。信受而到死不放。謂之牽奚。牽奚之言欺也。牽奚之人。內不徹自性圓妙本

嗟其性海渺茫。佛道寬宏。或有貪聲名。務利達。禪道佛法。到死總不顧者。
或有耽著詩文。愛纏華酒。泥犁在目前。都不觀者。或有誇一智。恃半解。全
不知廉耻。不信因果者。或有圖多衆。鬧熱。務寺門繁興。鬧鬧騷騷。老死而
後休者。擬者般輩。如彼依言教。打發依提。攜休罷。寔火中蓮也。彼因宿昔
許多善緣。而然。豈容易哉。豈小事哉。寔可敬。寔可貴矣。且夫本色參禪人。
不打發。卽止。既是打發。及其打發。豈有二致哉。不休罷。卽止。既是休罷。及
其休罷。豈有兩種哉。蓋到其入理淺深。得力強弱。非無少同異焉。原夫於
打發與休罷之間。有四種點檢。試論之。有一人。有實參。月深真修。日久。而
理智盡情解。泯伎喪詞窮。身心共枯竭。冷冷湫湫。地忽然打脫。如鳳離金
網。鶴脫籠。嶮崖撒手。絕後再蘇者。謂之敕列。敕列之言。徹也。敕列之人。透
色透聲。見性如見掌上。古人是爲漸修頓悟人。於祖師最後因緣。一撥卽

爲矣。惜哉。此僧宿有靈骨。參究力充。大有獲大死一番去。看他古人爲人甚親切。道吾又云。生亦不道。死亦不道。僧云。爲甚麼不道。吾云。不道不道。是非惜法。實惜人也。縱又不惜法。不惜人。佛祖不傳妙道。如何說與。若有人謂我能說法。令人入得。須知此人非參究底人。此人非真正導師。其真與不真。閣而不論。爾等誓莫入者般隊裏矣。參禪須真正著實去。爾還喚少室曹溪。檍嶠象骨。道吾諸聖。爲死獨獼得麼。爾還喚神光南嶽。濟北玄沙。香巖諸老。爲啞羊兒得麼。古賓主相見間。不必無言論往來。大氏不出呈解。請益探拔。驗主編辟。察辨間。豈其如今時精粗不分。玉石不知。打頭截腋出羽。洒許多不淨潔。塗糊佗面門者哉。牧云。往往有依佛祖言教打發者。或有依善友提攜休罷者。不知以此等人。擬北洲世智之難處。投焦芽敗種之部類。爲永斷望於佛法者歟。救之如何。佛法豈無善巧哉。予云。

食共廢。不打發。乃號哭下山。雖下不相救。若其似今時。打許多屎尿去。果於山下喫躡有省。是宛如賣瓜翁收瓜子。待其氣味芬芸侵瓜田。不持寸刃。只提笊籬入。是非又其枝蔓。爪其根蒂收之者。見彼自辭蒂莖轉轉在。地上者。收拾之而已。不見謝三郎栽培底臭爛瓜。喫了喪身者。知幾多哉。象骨昔日纔動刀子。甚廢此好事。香嚴和尚在瀉山多年。全不得打發。泣辭瀉山。山總不顧。及行住庵。拋瓦落節。終沐浴著衣。望瀉山炷香展拜云。不貴先師道德。唯貴先師昔日不爲我說破。又有一尊宿。僧頻頻上來乞法要。師總不顧。一日僧窺隙。上來抱師。走山後就屏處。令師安坐。大展三拜云。和尚大悲大悲。願爲我說法要。令我立地入得。師又不顧。僧卽忿恨激發。怒眼洒血。終起拗折大樹枝。憤然白視云。和尚爾不肯爲我傾盡肝膽。子細說破。驚地打殺。擲著岸下。走佗方去。師云。打殺任爾打殺。說卽不

言成禪之。苦吟者八年。始下一轉語。嗚呼。祖是前面八十度善知識。而方其救人之際。巧妙絕倫也。盡當時使他直下歡喜矣。蓋夫鎮州鐵非柴火可紅爛乎。將江南橘必待青霜而恣氣味者歟。將良農之家。慚春濕穀爲飯者歟。且夫未透底士。莫愁入理之遲。只愁純工不相續。已透底士。莫愁人不尊信。只愁全純難得。昔濟北在檠嶠三年。陳尊宿許可之曰。行業純一也。必成蔭涼。他既博窮經論。精探毘尼。今人學未。到博宏。毘尼曾不精粹。徒認得見聞。覺知識情。扼腕橫行。錯了一生。爾見陸州明眼宗師。分明證據云。行業純一也。於純乎。一乎。正信之士。一生精鍊難得者是也。然則他非是大蟲。而有兩翼者哉。謂之非器乎。然三度上來。三度喫痛棒而已。於此涕泣辭。雖辭不相救。剩及再來。卽言。大愚饒舌。待見來。痛與三頓。眞正導師。通上孤危。一掃四海。今其誰在哉。玄沙大師參雪峯。苦修精鍊。寢

怎麼去。默照邪師恣主張。黃楊木徒袒左邊。然則佛心最上宗趣永拂土。
祖庭孤危真風全墜地。予曰。嗟吁。子來前。大凡學者要窮而後通。天地於
物亦然。冬威不嚴。則春化不振。彼冬威之嚴也。百卉傷悴。衆竹摧裂。彼春
化之行也。千紅競發。萬紫爭嬌。是故言。欲伸者先屈。欲與者先奪。古初祖
圓覺大師遁居少室。日唯堆堆默坐。神光有博達之才。懷英豪之氣。侍立
三年。精鍊苦吟。知幾多。今時學道士。飽暖輒弱。如豪家富人長子。去底輩。
誰敢竝銜。嚴寒夜柴立半庭。冰雪沒腰。不屈。自非金石質。木偶足。殆不可
忍矣。況北魏寒威拆綿之地。徹骨清苦。寔可知也。參禪到此。不淚痕下滴。
願其人必懈怠焉。危立徹曉。祖終不出隻手。提攜之。乃到自斷左臂。後來
希叟曇公贊之曰。西天此土。示衲僧樣。寔公論也。第六代祖建立法幢於
曹溪日。南岳讓和尚來參。祖云。什麼物。怎麼來。讓茫然無措。祖亦不出片

去。嗟吁。使翩翩可飛騰者爲遲遲腹行之醜蟲。是可惡矣。西域有一精舍。衆僧各精練。有一奴。在竈上執爨次。終入大定。凝然坐。堂上尊者命維那保護。三日而起。終開法眼。發宿命。上來見尊者。告其所證。中間尊者自掩其耳曰。止止。以降者吾所未曾證得也。說盡則恐妨礙吾悟門。可貴古人辨道甚不容易。是故。古人曰。譬如過蠱毒之鄉。須一氣走過。水亦莫受。佗一滴不見。雲門大師云。行路有爲。爾說禪底。酌沸熱屎。驀面洒將去。謹報參玄上士。寧可永劫沈淪。通身紅爛底時節。莫假佗別人力。言未終。牧再拜稽首云。我師大慈大悲。今有此教示。我輩豈可容思議。雖然。非無少疑。古宗匠向劍刃上求人。譬如金翅鳥王劈鯨海。直活捉蛟龍。衲子亦如赤梢鯉魚。泝桃浪。驀觸著雷火。於是。或有言下省者。或有喝下休者。若其師者箇箇死。獨獼去。其徒者箇箇啞羊兒去。處處選佛場。盡作死棺材。若果

者爲一生擬議不來底之漢。禪門衰弊叢社荒涼。一由之。往往有具正信底上士。潛究密行。進修功積。純工力充。則情念漸止。伎倆旣窮。如入金剛圈。如坐琉璃瓶。進不得。退不得。癡癡呆呆。和參究底心。一時打失。氣息亦將絕。特不知。是龜紋將爆底時節。鸞殼將脫底時節。佛法將得人底好消息。可惜。大好善知識。乍起婦仁之心。恣婆禪之情。終提攜教諭說種種道理。推智解窠臼。搜情量窟宅。乃以冬瓜印子。一印印定云。爾亦如是。我亦如是。能護持焉。嗟。其護持任爾護持。如何命根不斷。祖庭猶隔天涯。是如甚愛之。而其實害之。學人不知毒。甜許多狐涎。搖尾歡喜。掉頭踴躍。終成一生半醒半醉底道人。佛手亦不能醫他矣。古有愚夫。聞馬蛭自晒炎日。化爲青蜓。飛揚可愛。煩暑之日。愚夫自行。擇馬蛭老大者。擲地晒之。目不暫捨。蛭在地上。反復悶亂。背後乍裂。化爲百足馬虻。如怨如怒。而搖瞋牙。

十拄杖。擯出寺門。危哉。禍還及居士而已。何量。居士如斯聳峻也。如彼嘗仙桃。淡紅柔肉。擇其能熟者。劈之。則肉核分明分。粲然奇紋。芬乎氣味。寔可貴矣。見雞母暖卵。殼中既熟。五相完具。則陰陰啐。待啐。纔一啄。則雛兒乍躍出。飲啄俯仰。寔可愛。若不待啐而啄之。窠裡一場狼藉。寔可笑。又如產婦時期未充。父母計其萬全。預使醫保護之。庸醫輩貪奇驗。務速効。衆味責之。則或胎解。或逆誕。母子不得全。又如患瘡疾。纔一二發而急救之。則瘡毒必遺。反發異病。故諺有之。曰。中醫雖無益不害。下醫非營無益。卻害。以不招爲賢矣。予嘗在濃陽日。於陰僻處。見新蟬離殼。頭首漸出手脚。次第脫。末後左翼貼殼者。二三分滯著。不能蛻。予不忍棄去。爪其皮殼。放之。可悲。予所添力。拳縮不舒。飛揚爲之不快。予則慚汗滿肌而已。於此深慨念。今時爲人宗師。爲人下力處。甚不諦當。可惜。將有神俊才具。棟梁質。

澆末千歲下。乍豁開此大寶庫也。於是欲急屈請二三帙留以爲末代點眼藥。因命小徒祖忠禪者拜趨閣下。縷縷附在忠不爛。惟時漸寒。爲人天自玉。誠惶不布。

寄石井居士

牧侍者歸寧之次。因病投居士之膝下。且假居士丈方之室。以爲禪宴之處。癡坐者旬餘。可謂勤焉。二三同侶相聚議云。牧之此舉。寔能算也。必得力歸矣。予竊謂已哉。牧是非良策。憶夫居士仁人也。見彼困倦懊惱。必出隻手相救。救則著骨貼皮。入處不痛快。智常向背。果一生作半生半死底窮鬼子。寔可惜矣。昨十二莫晚陰。乍報牧卻回。予竊袖一條黑蛇坐。少焉牧茫茫呈舊面來。予云。居士有何言句。牧云。居士不出片言救予。淚點下如雨。予不覺失笑云。歡喜歡喜。爾若在彼會半點禪來。奪下衣孟。痛與三

荊叢毒藥

卷第六

侍者 禪恕集

書

上月桂和尚

霜灑林野。佳橘添黃。寒徹人衣。甘栗含紫。伏以。閣下法幢堅剛。鉗鎚妙密。雖未領教。示德音盈耳根。歡喜無量。茲審貴山先德老禪佛。願海深宏。慈雲廣博。而把圓覺祖師語錄。被印施遠大。嗚呼。叢林萬古盛事。可謂轄針車於霧海。挑玉炬於夜途哉。近頃有衲子抱一帙以西者。令其留住。謹披閱一兩卷。南嶽氣血。俄然蘇活人間。東山真風。粲乎煥發机上。從上疑惑一見頓解。平生悲塞三嘆乍空。老淚滴襟。怡悅溢懷。誰知吾大東扶桑裏。

士。利無邊群生。佛祖亦挾手不得底一鎚古鑑居士。豈不痛快哉。居士微
微而笑。書以爲道號說云爾。

淨刹。佛界魔界。生死涅槃。總是他鑑中影像。而無一毫髮許出鑑外。是故。因者此名含藏識。果者此謂大圓鏡智。向此鏡面切磋琢磨拂拭淨盡。有閱三生六十劫艱酸者。此道二乘聲聞部屬。或有向此鏡面打頭下得一鎚。透根徹底見透大圓鏡光。任手拈來。任懷撒向。利濟鏡中一切影像含識。得歷塵沙劫不退倦者。此爲大乘圓頓菩薩。寧爲之莫爲彼矣。居士曰。作麼生是一鎚。予卽合掌曰。僧問趙州。萬法歸一。一歸何處。州曰。我在青州作一領布衫。重七斤。此語極有靈驗。截生死根元。如倚天長劍摧無明窠臼。過萬斤鎚子。若人單單向自鑑面拈起如上鎚子。朝打三千。暮打八百。千打萬打。百萬打。振力打著。不生退困。不假七日功。生死涅槃。煩惱菩提。一鎚擊碎。得虛空消殞。鐵山摧底大歡喜。此爲絕後再蘇底好消息。忽然蘇息來。百千法門無量妙義。總在彼鎚子上。任心擔荷。將去遊無量刹。

大光古岸之稱。亦一場慚惶。豈不快哉。居士低頭去。乃記以贈。是亦一場慚惶也云爾。

一 鎚古鑑居士說

北豆安久邑處士秋山與兵衛術友。久歸重心宗。來往予艸廬者殆三十年。雖參而不徹。學而不歇。其清閒高古。如吉凶榮辱八風七邪總不能勞撓他者。在富貴自在室。只是清閒高古。隨予遊南豆虎杖幽邃者九旬。又只是清閒高古。其後伴甲陽羽城桂林法窟九旬。與衆俱嘗艱辛。又只是清閒高古。如得失是非總相忘。大凡雖水邊林下二三十歲打坐辨道底抱道衲子。大所不及也。今歲寬保癸亥春。自來請道號。予乃以一鎚古鑑居士稱。術友曰。可得聞哉。予徐徐而告曰。大凡一切有情四生含識各有二一面古鑑。照五彩無亂。映萬物無乏。山河大地。萬象森羅。天堂地獄。穢土

居士一日扣予室。再拜云。先辱賜大光古岸之稱。頑賤野夫。內乏定慧正因。外無到彼潛行。恐有名實相違乎。予言。善哉問。居士怎麼咨詢底心。是卽諸佛骨髓。而列祖命根也。是名一大事因緣。是稱正法眼藏。是頓入速至直路。珍御寶聚堂奧也。居士試反覆推究看。怎麼咨詢底心是何物。坐時推究。立時推究。鬧處靜處。行住坐臥。豎究橫究。究究到無所可究。平生心意識情都不行。身心自如。坐瑠璃瓶裏。能所共忘。和推究底心。一時打失。此時不生驚怖。單單推究。忽爾如擲摧冰盤。似推倒玉樓。十方法界無一點痕迹。內外廓落。起居洞然。七十年來。未曾見未曾聞。底大歡喜。其時轉振起精神。密密推究。自理事不二。聖凡一如。無此岸可捨。無彼岸可求。無定慧可修習。無名實可矛盾。依舊眼橫鼻直。無事高閒底一老翁。佛祖無所插手。到此時。鵝林恁麼說話。一場慚惶。居士思議名實。亦一場慚惶。

老仙所以爲仙。全不缺少一絲毫。痛快妙明。言思道絕。只肯與不肯。成千里隔而已。爾直下辨得。一箇背心。自心卽是。若人何用向佗問覓焉。客復愕然。予云。佗日爲吾子。又賦愕然居士號乎。客低頭笑。竝書以祝延遠大云爾。

大光古岸居士道號說

北豆安久邑隱士秋山總左衛門重昌。天資貞亮。志氣閒雅。世駿豆豪家。根盤歷數百年。而不凋枯。龍幹虬枝。森乎發越。是必有道人之後也。初重昌受學於淵上甫和尚。中遇予。如有舊因。近期私第者。蓋三年于此矣。予耽林下閒不果。今歲享保乙巳春。感夢幻於飛華。覺迅速於墜葉。懇求法號者數次。予又不果。孝子常英自來哀責。予見其精信。不能棄置。終稱之以大光古岸居士。蓋本於摩訶般若波羅蜜。云大智慧到彼岸之義也。

享保丁酉歲晚。剃染乞法號。因稱實際榮心大姉。經曰。實際理地不受一塵。是諸佛所護念者也。彌英曰。實際說可得聞哉。余乃答以一偈。嗚呼。大哉。實際寬宏。虛凝寥廓。絕點純精。貫通萬有。含包四生。頭頭顯露。物物圓成。拈拋章相。超越假名。咦。鼈兒追走飛禽跡。兎角龜毛領下生。

老仙號說

享保癸丑年。西風吹葦鱸之日。總州忠禪人告於歸寧。且爲師乞賦老仙號。予爲有舊好不辭。而又不果。忠責亦如嬰兒求於母。予乃打一偈云。大極已前白兩鬢。古皇亦未見全身。鳩禽衣羽狼牙杖。不好活人但殺人。時有客愕然而云。今時實有若人哉。予云。有矣。實其有之也。人人盡是若人也。大凡宗師家出片言。須諦當。吐隻字。須著實。若不然。盡是放誕論。欺誑作。彼書題胡餅上。與狗又不喫也。吾子試就自本有上看。老仙所以爲老。

檀越渡邊氏平左衛門久親。天資純實。而歸仰眞乘。世豪家而一鄉善士也。家產累世而不凋枯。寔所謂積善家歟。嚮信受大雄自徹居士幽稱竝三歸金文。且有密行。晨夕課誦。雖寒暑不廢。稱揚聖號者。日以萬指期。有篆盤煙縷。經歲不消者。今歲享保丁酉小春十三日。恬然去。快哉。積善所薰。終無半點病累。嗚呼。如久親者。塵累中清信之徒者歟。嗣子弼英。乞爲法號說。余卽書一伽陀。以述大雄之意。夫大雄者。非情解量。列祖命脈金口名相。阿誰缺少。全不覆藏。朝雲暮雨。秋露春陽。一團白玉。三尺青霜。眉毛不惜。略提大綱。欲知端的。天地玄黃。

實際榮心大姉道號說

渡邊氏弼英慈母。氣稟善順。姿志貞亮。能整治資產。且宜室家。歸重宗乘。勤求正因。香華誦呪。實如法。弼英勇義好善者。皆提攜教諭之力也。今歲

說

大隱說

古曰。小隱隱於山。大隱隱於市。我熟思之。是膚淺皮薄之言。非論之精密者也。嗚呼。隱乎隱乎。寔難得寔難辨者隱也。且夫被荷杖藜負瓢攜卷柴立巖上。甘吟樹下。內無道德可貴。外無才器可取。是徒銜隱欺流輩底癡奴。縱擔鋤握蕨。妄自稱隱者。于市于山。總是困寒餓夫。寔可笑。何足稱隱士。吾聞隱也者。所以韜德晦光者也。彼所韜德所晦光。且在何處哉。我聞南方有真隱。非市非山。據非相山。潛無聲谷。入不朽林。結無住室。頻走不思議市。常鬻無所有薪。巢由不能儔。夷齊不見迹。因何如此。彼常不於三界現心意識。不起滅定現諸威儀。其斯之云大隱乎。

大雄自徹居士道號說

度臥餓虎頷下。爲鹿王身救衆獸野火。擲命護胎肝鹿母。況是暫時譏責
哉。智論曰。五百種惡口。罵佛佛無異色。五百種善語。讚佛佛無喜態。願譏
訾疥癬小疵也。奈何生死長夜重痾。忘重痾恐疥癬。謂智乎。謂不智乎。勉
旃。期而所期。樂而所樂。古有武夫。諫其主曰。大功者不顧細事。大丈夫兒
其擇焉。

斷。東魯言曰。君子懷刑。小人懷惠。夫君子仕君。謹慎精密。夙興夜寢。恨其力不足。愁其力不充。黜罰惟恐。刑法惟懷。是所以天爵不遠也。小人反之。讒諂阿諛。面前惟勤。背後惟怠。果寸功。則期恩惠於大。不得則且冒且怨。是所以人禍不遠也。上士修道亦然。潛行密用。照顧古人道行清苦。慚惶今時進修怯弱。震畏孜孜。而無求功果於非時。志念總在遠大。是所以得力不遠也。庸流反之。纔守數十枝香穗。打三四月閒坐。則道參玄無功。打坐無驗。搔首呻吟憂惱。道情輕薄。胡爲其如此耶。是所以出離難得。荒退不遠也。熟顧生死流浪受苦。歷盡塵劫。無有休期。上界歡樂有餘。無暇求出離。特有人界苦樂相參。禍福相半。進修亦在我。退惰亦在我。出離時到。更待何時哉。公今憚譏謗。恐譴責。不能結般若正緣。何日挑法身慧日。寧與恐害慧命。孰若忍受成大義。昔十力調御師爲半偈投夜叉口中。行初

臨危檐。而目不_レ眴。心不_レ懼者。此工匠之勇也。入_ニ深泉。刺_ニ蛟龍。抱_ニ鼃鼃。而出者。此漁父之勇也。臨戰先登。曝骨流血。不辭者。此武士之勇也。居廣廷。作色端言。以犯君之嚴顏。前雖有_ニ乘軒之賞。未爲_レ之動。後雖有_ニ斧鑕之誅。未爲_レ之懼者。此忠臣之勇也。我謂。恩愛難斷。能斷除。財利難棄。能棄擲。聲名難離。能離卻。舊習難忘。能忘卻。拈拋萬緣。辨道惟勤。是出家者之勇也。話頭難究。能究明。祖關難透。能透過。清苦難忍。能堪忍。枯淡難守。能死守。成就大器。常行大法。施擬永劫。不困退。挑慧日於常夜者。是參玄衲子之勇也。蓋事莫大乎生死。功莫盛乎出離。不知生自何來。是謂生大。不知死何處去。是謂死大。若人徹見生。了卻死。徹見死了。卻生。生大如火聚。死大如金剛圈。所以道。生死事大。無常迅速。此語極難信難解。是彼易見難入底大事也。學道士莫愁得悟遲。唯愁純工難得。莫愁入理難。常求相續不

終到無置五尺身處。其中間欲伏霜。又投河水者。知幾回哉。嗟吁。不忍棄者命也。難堪執者死也。於茲。厚面皮。忍垢辱。東行武陵。欲行托生於武陵舊故。無錢取百里長途。風餐露宿艱辛。思念胸膈痛如裂。剩武陵舊好。向聞知予從前志行。總不顧。冷茶亦不與。處處皆然。技盡計窮。再又指京師。窮餓煎逼。既向九死。陳蔡厄首陽窮。束歸僕一身。不食三日。果躡死溝壑乎。救之不見寸策。熟思。僕死生者。惟在此店上。餐必喫杖子。避杖子必死。自避執死亡。喫杖子續生命。而爲在此。何量。今到此極。吾亦父母子也。相責何甚急。嗟時乎。命乎。男子二十五。無病死杖下。欲救之仁人。且無所期。皆違。所賴皆背。胡餅三十枚。顧非賤軀命。涕泣伏復如初。里人亦含淚搔首去。嗟。餓夫爲救頃刻電影軀命。忍受多少杖楚。吾子爲資永劫法身慧命。忍受暫時譏責。忍受惟一。而成功霄壤也。亦不佳哉。臣軌曰。夫登高棟

子少緇破囊。公公而告曰。買油糍精底二三十枚。店婦愛破囊重。放孔方五兄。可打一枚者。二三十和盤托出。夫卽踞店牀架兩臂於膝上。裂食餐如吞。再噉而輒盡一枚。立空滿盤。其面猶似不足者。而然破囊顧左右。勃如而突出。其走如脫兔。店婦且追且叫曰。賊奴。爾打鬚鬚一盤了。半錢亦不報。欲走何處遁哉。於此里人三四輩代店婦走追。其疾如風。夫知其不免。放身伏市上。里人竝圍且罵且鞭。夫亦抱破囊不放。里人振力奪囊。開之裏面皆石也。里人轉怒。或鞭或責。譬如餓鬼趣衆生。且免得饑渴乍墮泥犁。夫卽起托兩手於地上。號哭告曰。諸君且停鞭撻。聞吾片言。吾聞獸窮則賖。鳥窮則啄。人窮則僞。信哉。我元長安豪家之子也。不學仁義之道。不受孝弟之教。華柳惟慕。飲宴惟務。見父母如冤讎。見親戚如奴隸。見錢財如河水。見絹帛如泥沙。大厦將倒。父母踈惡。訟官俄擯出。誰謂宇宙廣。

奇計攻之。予卽潛安久。邑古鑑居士隱處。不好戰。林泉休建先鋒旌旗。率弱兵挑之。予固守不出。高林居士備二陣。驅老弱步卒相罵相欺。予見兵甲不利。陣勢無備。進兵相驅者數里。純果爲先驅。庾鑑爲後軍。終落林泉機籌。休在中軍。徹與澄爲裨。爾與林爲補。忠譯機諾及霖機諸士在外待北。予旣陷重圍。不能震衝。進退惟谷。終爲林氏見獲。林設玉饌。張大饗。待以上賓禮。且把川老頌。註金剛般若請評唱。予曰。敗將不說兵事。辭讓不聽。遂據款結案者一場。時有一男子來謁曰。西東緇素得聞未聞。如大旱得膏雨。如予憚凶友譏訾。恐邪黨譴責。不能恣陪勝會。窺隙詣來。其恐如偷矣。予曰。有其事。大凡事有急緩。業有前後。雖人殊事異。太類有之。昨有一夫。卽當破墮。衰髮被風裏蓬。瘦顏低霜後菜。懸鶉在肩。股肱皆露。破笠在頭。耳朶雙見。臂掛破囊。可盛二三緡。落魄而自東來。入驛末茶店。卸笠

慰撫云。嗚呼。如二子寔佳。如二子者。夫謂之堯舜之民乎。天下若一箇箇如二子。則我君亦堯舜君也。且貧人汝且行。行報汝同侶。他日宜計之。官又別出兩金五片。以褒賞傭夫。嗚呼。吾聞之。不臨難不見忠臣志。不臨財不知義士心。信哉。嗚呼。

難波老夫

昔浪華有一老夫。妙技於珠炮。從學者數十人。一日與弟子七八輩過街市。時有一尊者。是亦領徒衆來。弟子各低頭。老夫曰。彼胡爲者哉。弟子曰。某住山智深德高。世人稱如佛。老夫回顧睨視曰。遮莫智深德高。我囊中一顆鐵團子。飛到心肺間。啼哭亦無暇。弟子竊笑。彼固癡云。

店上餓夫

延享甲子冬。舊參住庵諸子。窺予北豆歸程。數伏兵於長澤林泉樹陰。設

心安。且願聞賢兄姓名。令吾妻子蚤莫唱賢者令名。以報厚恩。夫曰。吾若隨吾子心。受吾子金。吾子心安乎。吾若背吾心。受吾子金。吾心非石。吾其安哉。吾是東道貧人。窮巷餓夫。有何姓名。告行路人哉。家有近七旬老爺。垂三十野婦。及頑童三四歲。借肩於行旅。盡力於傭作。雖有朝夕煙間絕。甘清潔。忍飢寒。到今日。縱令飢倒道路。無道受行路人金。汚吾妻子腸胃者哉。況上天視我如掌果哉。金是吾子金也。我且一見之而已。若以一見各分之。田園聚落山林竹木。以一見各分之可哉。遂去不復與言。貧人亦泣。隨傭夫後。涉川到城下。入彼傭夫家。見老爺在甕牖下。有箕踞織蒲鞋。又見一婦在寒爐傍。綴縵樓。貧人卽束手扣頭。告其始末。且乞受其所分。老爺少顧視。又織恬然。似初不聞者。婦起皺眉。捉貧人手。推出之於戶外。貧人在戶外啼泣立。行旅及近隣爲之垂淚。貧人終告此於官。官召二子。

七八通而已。夫曰莫愁。我持到此。出金囊附之。貧人拜伏頂受。淚點連落如數珠顆切而飛。且告曰。大凡物在室家打失。且再得之難。況於東道競渡人馬絡繹哉。縱吾疾走歸尋。如何再得見哉。雖然不忍捨去。若歸尋不得。投彼川水溺死而已。有何顏得見妻子面乎。吾心既一決於此。何量觸賢人清潔眸。再入吾手。嗚呼。賢兄所授者非金。老夫命也。願分囊中半。贈之以報厚恩十分一矣。夫曰否。吾若有得吾子片金心。豈懷金囊逐到此哉。大人行矣。莫再言。吾亦歸渡頭。盡力於行旅。育吾妻子而已。既拂袖。貧人泣握傭夫手。號泣告曰。賢兄請且留聞吾片言。吾南紀邊鄉細民。而寄身於房州海濱。網魚爲資業者也。布囊所盛者。吾同朋三十輩各集所艱辛。附予貽紀妻子也。亦包彼黃絹者。吾主人量。而是亦託予贈南紀者也。吾主人仁人也。資財亦不乏。以此事告之。亦不甚責吾。願受此黃絹。令吾

數千。或跨健夫頸。或捉壯夫手。嘗萬苦越。喫千辛過。老幼號呼。貴踐混蹈。時有一人。腰包破壞。形模牢落。與渡子論。傭賃高下。乍不憤脫衣包束戴之獨涉。喫盡危嶮。遂著西岸。少焉傭夫到前。論賃子處。於小窠裡。見革囊可受青蚨五緡者。提起甚重。探之裏面。皆金也。竊謂是必前貧人所遺忘歟。彼既與予爭孔方五口。輕萬死渡川者也。而今若微此物。彼必發狂乎。彼果癩死道路乎。寔可憐也。直涉川走三四里。遂到宇津谷麓。果逢貧人袒左肩。杖右手。且泣且咽。勃率下磴者。傭夫曰。此曉獨涉川以西者。非汝哉。貧人曰。然。傭夫云。今復周章。走指東何哉。貧人曰。遺落一小物。故走耳。又走如初。夫乃逐拽袂告曰。必有其事。遺失者是何。言若符契。盡附與汝。貧人曰。吾遺忘者一革囊也。夫曰。裏面何所有。貧人曰。吾囊中盛兩金百五十。五十包綠絹黃裏。方尺餘者。百則入小囊。黃巾以縫之。其外有鄉書

河上捷疾鬼。竊偷一齒遁。韋將軍涉長空。奪持來。天童山中。蒙古軍欲牽諸卒奪。昌月堂抱寶塔竄巖穴。八蠻異國亦知夜途玉炬。六臂鬼神亦尊苦海慈航。昔年阿育王八萬四千寶塔。普分施闍浮提內。中頃大隋帝三十六所勝藍。各安置一寶塔婆。擇諸州靈場。役多少鬼神。豐聰皇子三世禮寶塔中。南嶽三生藏。九郎盛長三寸奪龍領下。東海蘭相如。日域七所名山。各所秘珍分身。寄附吾無量壽禪寺。永照山塢。價擲千金。七寶靈塔親圖多聞持國等善神。纔容一榻。蜂蝸草廬。忽爲豆甲遠信駿勝刹。營辨此盛事。知是誰。京高倉住世繼政幸。

阿部川義夫

元文戊午之秋。霖雨連日。諸川漲噴。東道行旅爲之見留礙者。或五日或十日。小大皆苦。駿府中西里許有川。曰阿部。待其水勢之衰。侵曉競渡者。

是誰。東嶺庵主諱圓慈。

無量壽禪寺舍利塔記

原夫。山城州洛陽高倉住世繼氏政幸。賦性純善。志氣貞亮。參禪常懷勇銳志。好修習菩薩行願。以多年所凝精誠。親勸請扶桑七所名藍。重重藏祕。來底如來眞身舍利。今歲寶曆壬申冬。分粒七星寄附吾雲門山無量壽禪寺。永世爲山門鎮護。予老來怡悅不可加矣。茲擇冬至之後五日。自來展開塔戶。普使近遠縉素親瞻禮。次講遣教金文。以當法施者三日。其展筵辭曰。七粒如來眞骨身。光明寂照。利群倫。雲門山頂親安著。鎮護永看五社神。夫以如來金剛法身分粒。德貫三有。光吞六輪。昔沙羅樹現四枯辰。大龜尊者得最尊卍字胸。以擬佛心印。初舍利羅入日域。日照神君親託神巫告。我亦常所禮瞻。祥光常動淺間山。瑞靄永籠雞足嶺。跋提

香滿室。天光照屋。故天子遙聞。不忍棄置。大駕遠指海東。萬里嶮危。爺孃驚恐。以爲患難。玉貌且隱。舍北一處石窟。俄燒綿實。與鱸魚。揚葬煙於近遠。乍使龍袖與錦衣。滴淚痕於丘岐。赫妃不久入芙蓉空峒。鄉民敬爲淺間大士。翁愛蒼鷹。孃養白狗。故今有愛鷹狗飼二祠。年代深遠。徒空有口碑。近頃掘土。見箇白石塔。傳言此地。中有無量壽寺。應是淺間大士內秘所爲。今又新稱無量壽雲門庵。吾黨共是因紫野國師後。志願廣大悲力乏。回復時至。爭奈勢微。元祿初。獨園老興廢前村。結一把茅。延享末。快龍師願復舊趾。留百金資。石井居士繼其志。定其謀。郡杉二氏隨他遺命。能盡其力。寶曆壬申佛生日。得草廬纔成。并竈竝備。使雲門少敷演開榛儀。予乃合掌祝曰。皇基鞏固。佛日增輝。山門鎮靜。火災不興。次冀後來住此山者。常鞭不退願輪。挂奪命神符。磨法窟爪牙。普利一切。今堪此附托。知

比來請轉全藏。如何轉半藏爲。試問轉全藏底作麼生。若是見得徹。大事了畢。根塵透徹。若又縑素不分明。入寺來推寶輪一推焉。於是合掌祝曰。願依此功德力。國家安寧。人民豐樂。山門清淨。檀信富壽。及十方世界一切苦衆生共成無上道。同轉正法輪。十方三世一切諸佛諸尊菩薩摩訶薩摩訶般若波羅蜜。

無量壽禪寺草創記

寺名雲門。赫夜仙妃誕育聖跡。彼竹取翁居處。山號神興。淺間大士本迹不二。故無量壽舊基。人間勝場。海內靈地。昔景行帝統御日。篁中見夜夜放光輝。彼竹取翁截裂之。竹節裏得箇小仙女。爺孃大歡喜。親愛育。天作麗質。祥光滿肌。及其成大。見人癡心如醉。龍領下誰奪一顆珠。高官人將捐軀命。燕巢裡豈有九穴貝。貴公子暗皺兩眉。天使遙來窺。且驚且疑。異

自野瀨出池田者。一日大凡兩度也。願三度以一度寄之。馬主亦同夢。互相尋把手哀嘆悲號。終以白馬施與僧矣。昔若州有新婦。詣郡古寺。轉輪藏一遍。唱先妣法號。夢望空中。一片五雲輕載寶車。中有天人。光赫奪目。寶薰遍野。婦合掌怖伏曰。頑賤野婦。何幸得拜尊儀。天曰。爾不知耶。我是爾阿母也。因爾先苦唱我法號。一轉輪藏功德力。今忝受忉利生。恨不能生。兜率值慈氏法會。我生前以金葉二十片藏爾室艮隅柱下久矣。願以之修補層龕瓦縫。我必生兜率焉。又月堂昌禪師住育王之日。賊兵侵境。入寺欲奪舍利。徒衆悉遁隱。師亦就山後設一窖。懷舍利怖伏。賊兵徧搜索不得。怒欲放火山門。時輪藏自回轉。轟轟輾轉。呼號奮發。賊軍恐走散。嗚呼。輪藏所在。賢聖常圍遶。龍天鎮保護。此故有者般靈驗。寔可隨喜。趙州和尚因有一婆。送錢請轉藏經。師受施利了。卻下禪牀遶一匝。婆聞云。

長者南豆豪家。而有鼎食之富。纔出分甜餘。五時經卷乍圓。寶輪亦隨涌出。且附膏腴地。出數石者。以備修補資也。佛言。人有二十難。富貴而好道難。如貴長則漏金口。懸識者歟。實可貴。道部住總左衛門光祐。美二氏善業。莊嚴豐聰王子彫刻辯財世間尊。安置輪前。奇哉。辯財卽是觀自在分身。千百億可作傳大士。可作維摩詰。實可敬矣。古雙林大士權輿輪藏之日。親祝願云。登我堂門者。生生世世不失人身。發菩提心。若一推藏輪者。與持誦諸經論功德無異矣。然則十方助緣施者及拽石搬土緇素當來善果。豈可疑哉。堂頭英堂和尚遠馳專使。見請記始末。予隨喜餘。不顧寡陋。記其十分之一焉。且有一兩件事。書附楮末。以告善信諸君。天和頃。攝州僧爲營辦大藏徧行化隣邑。夢有白馬。涕泣告曰。和尚慈悲願令余加施者一數。僧笑云。見爾通身皮毛。不見寸楮之貯。不知以何施與我。馬云。

山歸一禪寺。大宋一山寧禪師開榛賣場也。賢聖同聚。古山帶萬丈瑞靄。龍天鎮護老松。籠千秋祥煙。今歲享保癸丑冬。六千七百經卷漸圓。一柱八面層龕全成。蓋大器之成也。非所以一旦致者。檀越大石七郎左衛門重道能其始。依田佐次兵衛貴長能其終矣。重道者。隣邑峰輪產。而朴實純善士也。願飛華嘆世榮難保。蹈墜葉感人生不久。自謂吾豆國雖偏小。佛場不乏。神區亦足。願喜捨龐老資產。以經營善慧寶輪。夢一老翁風標古雅。徐徐告曰。詣富貴野。必得勦力人。既而詣。果逢一僧。告以終始。僧亦爲有所感。同志盡力。行化州郡。遂請梵經四千軸。以附法山。實享保第四己亥歲也。可謂勤也。彼稱一僧者。今堂山普門院鐵外和尚是也。重道。剃染名無門張盡居士。不久而卒。其後星霜遷轉。空換十二裘葛。去歲享保壬子秋。田氏貴長自嘆曰。經卷未全。其人既去。我其續前人美志歟。蓋貴

不知包妊患。縱隔村邑數里。吾鄉女子在產室者。子母必平穩也。近頃吾鄉父老相聚議曰。佳境與神驗。挾泰之難也。堂宇與尊像。折枝之易也。以予爲一鄉長。喧報之。予曰。大凡洪鐘成。必依良冶力。佛事亦爾乎。恨今時乏明師。於此。父老相共。以師期焉。師宜顧之。今日予來謁者。偏爲之也。師縱棄擲吾黨哀求。奈何大士定中教諭。師亦不甚拒之。曰。爾言誠佳。吾行見彼勝藍。遂爲吾終焉處矣。加氏作禮而去。僕時在師傍。命令記之。記以待彼落成時云爾。

歸一禪寺經藏記

老胡五十年波瀾。還於一念子圓成。何假劈一微塵之了解。列聖數萬言。高論纔伸一指頭回轉。豈容遶木繩牀之造作。轉輪聖王有金輪寶。摧伏萬邦凶暴臣。破有法王有大輪藏。輾破群生結使賊。夫南豆那賀郡萬法。

爲師圓乎。師曰是何道哉。加氏曰。師所神遊者。吾鄉東南秀七尾山也。此山者。信長公開榛寶區。而願王薩埵聖迹也。公有阿瞞才。兼淮陰術。西竝伊近。東卷駿遠。占美濃膏腴。據金華嶮岨。氣貫八荒。勢吞九夷。誠一世之雄也。偶公室有產難。扁倉皺眉。華陀搔首。卜者曰。雖上下神祇。無所挾手。自非大士慈忍力。子母不得全矣。惟夫願王大士者。苦趣慈航。而妙應絕倫也。且當城東十里。有七出奇峰。是大士將來應現勝場。於是處莊嚴道場并聖像。不特今日。雖曰將來。其山四垂。必無產難。試以是祈之。公欣然執卜者言。纔祈之。則胞胎乍解。子母輕快也。滿城爲之合掌。稱揚寶號。感嘆神驗。公亦不覺淚下。於此。使符直發。指東纔十餘里。果得吾鄉七尾山。不幾尊像如日現。玉殿如雲涌。爾來靈驗妙感。不暇枚舉。爾後日深月杳。雖蘭殿摧斷。聖容隱竄。基趾僅存。而神助者不朽如初。吾鄉西東數村都

予一笑而已。

濃州七尾山帶解地藏記

嗚呼。大哉。大士悲傷接引。願王無量應現。原夫七尾山燈明院者。願王薩埵道場。而風致殊絕梵剎也。鄉民口碑曰。開創者則織田信長公也。僕享保初。遊方謁濃東聾堂老師。師者華塢十七枝之英。而德行純素。毘尼嚴精。且有密行。雖苦寒煩暑不廢。且自非金石質不可輒駢矣。今歲丙申杪秋日。定中遊一區勝場。七岑秀列。秋光如見金蓮。望中間平坦處。古殿深沈。願王大士端嚴殊絕靈像在。且前面安一燈。其承膏油者土器經七八寸也。師乃瞻禮尊重。感汗滿肌。恍惚間有客來推柴扉。覺來村南室原住加地小兵衛爲定者也。師曰。吾今有好相。得好瑞夢。爲爾見攪殺。加氏曰。可得聞乎。師則告以定中事。加氏撫掌嘆曰。也太奇也太奇。余今日來者

人至誠所感。駿陽濃陽豈有二哉。然則或書成不二亦得也。議者喟然去。於是書以贈之。

遊仙石記

佛日寬上座袖一怪石來云。此物近現金剛窟裡。今欲爲銘字。妨師春睡。予云。吾子何求。鳳鳴於山鴉。責竿伎於跛鼈哉。寬云。嚮不二老師名之爲遊仙石。不知爲神仙來此石上遊者歟。且爲神仙化怪石遊人間者歟。吟玩此怪石。則室內忽化神仙之境。不知以金剛主人爲衲衣仙人之謂歟。予云。不然。大凡仙有四種。有神仙者。有陽仙者。有天仙者。有地仙者。此皆勤勞之作。精神之功。而縱閱三千壽算。領八萬歲時。如閃電拂似石火照。功盡勢落。則爲牛領蟲。爲驢背蟲。老師必不取此四者。息耕云。石潤非玉。儻見所以非玉而石潤。其時始見遊仙石。寬敏黠。再拜云。謹謝師之銘字。

竝矣。其後星霜旋轉。世薄人疎。神居爲野火焚燒。聖像亦隨灰滅矣。夫以。雖佛身寥廓全無變遷。或有藍園悅。或有雙樹恨者。盡是大聖慈化之常也。然則彼聖容。昔顯駿富。今隱濃富。亦不_レ宜哉。今歲丙申夏。有客來告。居士曰。富士峰從一回罹回祿來。靈像捨吾輩。知幾年。曉猿悲宿鶴恨。今居士正有令男子。各豪富且康者。非應神僧懸識者哉。若果然。何不續彼前人美志。胡爲不顧此荒蕪。而默默到今日哉。居士欣然嘆曰。公言然。嗚呼。起予者公也。居士以客言纔促之。則令孫欽之。令子營之。尊像聖容。嚴然再顯。惟黎惟庶。欣欣走肅肅進。且懇禱海內平穩。且哀求將來攝取。溪聲山色。忽有悅也。議者曰。夫如富士峯。廣高卓拔。出類離倫。故或書爲不二。而今又以此山輕名富士峰可耶。余曰。子所見者。只巖巒層高。煙雪秀麗而已。若夫見無量壽尊。願海深廣。光明普照。或書成普慈。亦得也。且彼前

且默禱。吾今既衰朽。精神亦隨困倦。唯所愁不能向後再詣此靈場。願得此山下一松枝。以移吾鄉。松枝若不凋枯。則爲神不捨我之證。且悲且訟之間。恍惚就睡。夢一神僧。形容凜凜。威儀森森。飄然玉立。而告曰。從有吾山來。丹誠赤心。無類爾者。爾今既衰邁。其不能再來者。余亦知焉。雖然。執從前志願。必莫唐捐。至心纔情。則功業亦隨而泯沒。爾若去到濃陽日。當爾所居之良隅。有一座山。風致必類我山。爾歸掃彼地。移此聖容。竝彼松枝。瞻禮尊重不怠。則兒孫必安康。人其敬愛也。乃如有授與也。覺來。無量壽尊一寸八分金像。粲然在掌。載歡喜載踊躍。歸來欣求靈場。果得此山。乃營一字聖居。安置彼尊容。任神僧教諭。山名富士峰。栽松枝於上頭。今望彼巖巒。百尺翠光。鬱鬱月高雲靜。千秋飛韻。蒼蒼龍吟蛟噴者。皆其胤也。而後鄉民盡隨喜。或尊重。或讚嘆。越妙應如影。靈驗如響者。蓋有年于

濃州富士山記

至道之極。昏昏默默。至道之精。杳杳冥冥。昏冥纔動。兩儀斯在。清虛者名爲高天。凝結者名爲厚土。厚土裏有大塊。名爲富士峰。勢雄壓三州。德鎮護扶桑。高廣一由旬。冰雪稜稜如斷白壁。層巔七八葉銀英。粲粲如擎玉蓮。其神爲淺間大士。是淨刹無量壽尊之垂跡。而威嚴密切也。若欲攀躋彼絕顛者。擇煩暑最煩日。著三冬衣。齋百里糧。齋戒沐浴。不經旬餘。則不能也。若纔有染汚。怪巖乍瞋。列嶽俄憤。空洞吐毒霧。斷崖飛臭煙。迴飈咽雪霰。馳怒雷。吹冰雹。轉甚者。失爾所在。故一回登臨者。且稀。況於三登九到者哉。茲有濃東賀茂郡山上處士鹿野善兵衛者。剃染號德元居士。蹈貞亮行。敷純素臥。其志氣高古。且歸重宗乘。彼六七世祖父特激起精誓。每歲登瞻者殆累五十裘葛。其末期攀仰時。侵苦寒。忘積雪。終夜在神前。

之厚。嘗不違吾懷。上天譏之。百靈見之。何所辭之有。二子肅肅乎告曰。憶夫家君關世務日。所修飾造添之佛場神區。知幾許哉。就中巖瀧山者。滿願大士道場。而風致殊絕也。其初頽廢日。狼虎眠人緣絕。藤蔓纏蘭殿摧。澗泉爲之咽。山鳥爲之恨。嗚呼。時哉。家君纔出隻手。大士微妙聖像。儼然照層巒。寶篋無上靈塔。森乎聳煙嵐。家君之於功業。可謂大也。雖然。後人誰類家君志。然則千歲下。珠殿再爲狐兔棲。佳境終爲細民畜。必矣。願就彼林麓。結一把茅齋。以爲家君神遊處。使一僧處任於香華。附膏腴地出二石者。以助彼分衛。則爲寶場成鎮護。且爲將來成正因。是一舉而見功於兩處者也。到彼營齋納牌之事。吾輩二子任也。豈足勞家君嚴念哉。居士欣然曰。二子言誠佳。誠合吾懷。二子願速致之。於是。不日而茅齋成。乃書以爲茅齋記。

荊叢毒藥

卷第五

侍者 禪恕集

記

巖瀧山茅齋記

茅齋者。濃東山上產德元居士所經營也。居士性素朴而有量。陂常歸重真乘。愛育鄉黨。有兩鍾愛。各濃東豪家。而氣稟善順也。今歲丙申春。居士有疾矣。一日告二子曰。吾既春秋近百齡。身心垂九死。共世營於子輩。漸不可久也。茲算予分甜餘。納牌於南紀密乘寶區。以扶未萌正因。可乎。二子曰。可也。未盡善也。居士曰。然則請大刹海衆經營齋筵。可乎。二子曰。可也。未盡善也。居士曰。然則如何可乎。二子低頭不答。居士曰。爾二子。孝心

角奴。奴舉頭。予曰。莫謂生歸。我見爾如殘燼木。奴茫然。予高聲一咄。奴又茫然。

室亦曰。若人欲成就佛道。先須見性。何故。兒童不慣見車馬。爭入蘆花深處藏。

黑火辯

元文年中。鄰驛失火。予馳二僧與老僕角奴。歸來大息曰。嗟呼。可畏可惡者其火乎。八百戶人屋。立地爲焦土。寔可惡矣。雖然大可愛者亦有之。予曰。何哉。爾所謂大可愛者。奴曰。熟顧彼若暗中黑火而燃走如彼迅速。則大損人物。雖我輩得生歸耶。幸而有火光輝。小火如菽麥者。亦暗中熒熒而如星宿。彼實有心乎。予竊謂。嗟。角奴言。寔可三思。生死無常黑火。其迅速如風。晝夜燒賊。片時不休廢。老幼尊卑。縑素賢愚。無一箇不罹此災。而叫救火底亦無。且其報應因果理。目前照照。雖小罪寔如星火熒熒。可畏。世間多少人。明亦不畏。暗猶不避。不久盡成焦土。寔可悲。予乃高聲叫曰。

經願成。有情非情同時成道。同得作佛。是此經骨髓。而唯有一乘無二亦無三之本根也。請師願爲證據。予曰。是卽是。可惜許。唯是缺四地一下在。此言弄泥團底情識凡解矣。此義者。經中難透祕訣。難信玄願。而世尊大悲善巧一著也。佛祖常用此訣。接上上機。庸常下士不能會夢見。是故調御曾言。我弟子大阿羅漢不能解此義。唯有大菩薩衆應解此義矣。信哉。此義者。末代弘經要路。濁世護法金湯也。吾子若了此義。頓超越四果三賢漸次。直到大菩薩衆寶處。且如參玄上士。一見卽知落處。若又向爾死冊子上言玄義。又如何文句。又如何荆溪章安。又如何。驢年亦無透過分。何故。謗斯經故。獲罪如是。爾若真正欲了此意。先須見得法華眞面目。要見法華眞面目。急須見徹自家本有眞性。見得本有性。立了知此義。直下見法華眞面目。是故。涅槃經曰。菩薩人眼見佛性。又曰。如來目見佛性。少

是默然而坐。是今時麼。是那邊麼。枯坐冥默麼。觀照智海麼。靈山者且置。卽今現坐道場堂頭老漢及諸四衆。是動靜麼。是凡愚麼。是賢聖麼。見得分曉。許爾親徹了五十小劫。纔了五十小劫。乍見默然而坐。正與麼時。天堂地獄是默然。佛刹魔界亦默然。五十小劫何足怪矣。若不然。夢曾得見法華大乘了義經麼。經中復言。讚佛如是時間經五十小劫。何哉。如是時者。此是經中節角祕處。五十小劫卽是如是時。如是時。直是五十小劫。於是色聲等五塵。色受等五蘊。五大五行束以爲五十小劫。正眼看來。全是不出卽今當念一刹那。問。然則千生萬劫千百億劫。總是不出當念一刹那。而特擇指五十小劫者何哉。言一切諸法不出色聲等五塵。一切含識不出色受等五蘊。故假且言五十小劫而已。畢竟不可數之數。不可量之量。言語道斷。心行所滅。一切賢聖放身捨命一刹那也。於此讚佛事畢。弘

讚佛半日是足焉。何煩用佗五十小劫爲哉。古邯鄲市上半熟富貴。槐安國裏一睡榮耀。延片時爲半百歲時。況如來十力所爲。延半日爲五十小劫。寔有其事。促五十小劫爲半日。頃有何憑據。以何爲驗。譬茲有一人。衆苦交煎故。以娑婆半日爲地獄五十小劫。如來大悲乍救濟之。言促五十小劫爲半日是可也。言如來延促自在力亦可也。設無根五十小劫言促爲半日。有人必言。此是浮圖氏固癖之妄談也。近世往往儒人及神家者。流聞者般說話。不能盡其玄微。動輕忽聖言曰。老佛無義荒唐野語。其高過大學無用。不足信焉。寔宜也。吾輩佛兒孫。雖片言隻字。信受奉行。而不能無疑。況其餘無智闡提部屬。謗法罪累必水墮泥墮。自非高明上士。校讎明白去。將有大害于佛法。寔可恐矣。予亦非無小了解。請試舉之。經中分明說。釋迦牟尼佛默然而坐。及諸四衆亦皆然。是此品眼目。試言。既

小劫者何哉。大可怪焉。天台疏曰。如世人者。苦則以短爲長。樂則以長爲短。表重法志云耳。文句記曰。於五十小劫。令如半日。此明如來不可思議延促事。顯如來自在力者也。如上判釋甚不諦當。可謂胡亂註解也。如來延促自在力者。且置。既是八年間那處著彼五十小劫矣。且如波羅奈國人民毘舍離城衆生者。被彼五十小劫歲時變遷。枯骨亦無。特有靈鷲山法華會上人。依如來不思議神力故。如半日頃。安穩現在受法樂。故忘劫數。永是可也。言如來神力延促事亦可也。如何則是八年中間事。靈鷲亦半日頃。波羅奈亦半日頃。毘舍離亦半日頃。五十小劫何處在。人將言。延者甚任佛延。要且無五十小劫矣。熟顧佛是無事人也。見現神力則大有利益於衆生。而後不得止。終現神力。既今現神力延半日。爲五十小劫。其中間八萬箇裏。那箇獲大善利耶。若其無利益。唯是一場兒戲而已。唯言

故。虛空夜半咬_二嚙_一牙。

從地涌出品五十小劫辯

法華經第五從地涌出品曰。是諸菩薩摩訶薩從地涌出。以諸菩薩種種讚法而讚於佛。如是時間經五十小劫。是時釋迦牟尼佛默然而坐。及諸四衆亦皆默然。或人曰。吾聞如來者不誑語者不異語者也。廣長舌所說。梵釋傾冠。吾輩非所以可容思議者。雖然有_二大可怪者_一。請試論之。經曰。諸菩薩以種種讚法而讚於佛。如是時間經五十小劫。蓋劫者年代長遠義也。有拂石劫芥子劫等說。而況五十小劫乎。且經中所謂讚佛經五十小劫者。不知指何佛麼。若吾本師大覺調御。則法華涅槃俱是八年說也。夫如來者。聖壽八十。既見沙羅雙樹悲風。阿難亦八十而於恒河中流分身化去。其餘八萬賢聖。各不充百歲。蓋燼滅了也。然讚聖壽八十佛。經五十

薩說大乘經。名妙法蓮華教菩薩法。佛所護念。六十小劫不起于座。時會聽者亦坐一處。六十小劫身心不動。聽佛所說。謂如食頃。是時衆中無有一人若身若心而生懈倦。此是經中祕訣。而難信難解難透難入底之切處也。如仙苑草舍行人。且置。雖別圓根熟機。或疑或輕蔑。何故。大凡人有老幼強弱。有壽夭賢愚。六十小劫不食不寢。不生懈倦。如一塊石去底。終不可有之。儒人及神家者指爲浮圖氏妄談。不亦宜哉。者般甚深妙義。雖非可妄交情解。蓋試判之。六十小劫者。則指色聲香味觸等六塵者也。大凡世間所有諸法。出六塵底。毫釐亦無。燈明如來說法華時。水鳥樹林同時說得。同時聽。百千萬劫一彈指頃。全不可有懈倦。卽今目前是什麼。誰知金剛經所謂濕胎卵化四生。我皆令入無餘涅槃。同一模範而圓人所入法華三昧也。莫謂般若是熟蘇漸終。法華醍醐圓中時味。非大違哉。何

惜一箇億字。恁麼鬧騷哉。今日看來。大可貴矣。經中又曰。又同一姓。姓頗羅墮。徐註曰。本行集翻名重幢。讀到此疑。兜俄張眼。何故。若是幢字。則大反經意。作幢字可也。必三寫烏焉矣。於此把諸子抱來底妙經數十卷。普點檢。作幢字底一紙亦無。予竊謂。任他人書作幢字。吾決定改作幢字。判之。如何。幢子是一身樞要。沉重幢聖者相哉。頗羅墮此重幢。必表諸佛權實二智乎。何故。智是衆生眼目。況二智諸佛命脈。此判誰得怪焉。又恐非有幡蓋供佛等舊因而得幢姓者耶。若果然則自惹杜撰謗。唯恨不得三藏譯語好法師。於此疑兜俄低頭。時有一僧。袖小箋來。曰。是甲陽東光和尚別考。朱字以書之。箋曰。本行集經第四十。迦葉三兄弟品頗羅墮。此曰重幢。徐註傳寫大錯也。予一見如拾玉炬於夜途。於此疑兜再展眉。又顧生公披新渡涅槃經矣。經中又曰。是時日月燈明佛從三昧起。因妙光菩

明如來。淨名此道須彌燈王佛。十方諸佛三世如來皆如是。宜哉。二萬億佛皆同一字號。豈二萬億而已哉。千百萬億恒河沙數佛亦爾也。問。然則非不可數之數不可量之量耶。而止稱二萬億者何哉。言。善哉。問。大凡二是萬物有也。如兩儀分有天地。有陰陽。四象八卦六十四卦次第現成也。君臣父子夫婦昆弟老幼尊卑智愚巧拙動靜苦樂我佗彼此是非媚媿憎愛親疎明暗色空有無得失長短起居壽夭貧富昇降興奪。響於聲影於形。一塵纔起。則二法必成。貫接萬法。不漏纖毫者其二呼。是故經中往往言。縱橫正當二十由旬。正法住世二十中劫。像法亦住二十中劫。須知。二是萬物大數焉。然中古三藏法師恐嫌大數。削億字。寔可笑。吾聞豐聰皇子所持經。南嶽大師法華懺法各有億字。太子昔憂日域前渡經缺此億字。定中入唐土衡山寺搜索將來。予曾謂。六萬九千餘字葛藤。太子何

了解斷除諸細惑。故稱除疑意。第八。賴耶點檢見來。空廓虛凝無一點形貌。纔觸發則馳妙用於六處。恰似虛谷傳響。故名響意。如上無形虛谷裏有爲法無爲法衆生法十界十如百界千如一切法。盡含畜無遺。乍一轉則直是唯有一乘法。故稱之名法意。問。既是七八識各非無所分。始終帶一箇意字。來者何哉。言前五及七八。各雖似有區別。意賊潛爲己遊戲來往窟宅。處處皆常似有意。故受意字稱。元是不變真如家緣空華父母。隨緣出生底。無生八子也。或言八識心王。淨名此名無動世界湛湛黑暗無明深坑。流轉衆生前。化玻璃業鏡。成閻羅鐵札。皆是彼。行人專修乍撥轉得出。則元是一枚大圓鏡智。末那乍平等性智。六意卽妙觀察智。前五卻成所作智。總是大圓鏡中具足妙用也。三千世界恒沙佛刹天堂地獄鬼國魔宮。盡是圓鏡光中所現影像也。徹照一切無遺毫芒。名之爲日月燈。

兄擇法眼。判云。八子者。謂賴耶末那及眼耳鼻等八識乎。日月燈明。第九清淨識。此曰根本實智。或此曰大圓鏡智。德藏者。卽後得權智也。行者單單進修。不困退。則思想泯絕。情念掃盡。心源湛寂。不動不搖。如大虛純清絕點。此名第八分際。賴耶含藏識。來爲先鋒。去爲殿後底。生死根本。含包一切善惡法者是也。此裏微微遷流。陰陰憶持底。是名第七傳送末那識。於此有出沒五處。取捨萬緣。疾如風。速如雷。鬧鬧騷騷。片時不休罷者。此稱第六意識。眼能見色。不辨媚醜。鼻能嗅香。不知薰臭。耳能聞聲。不分美惡。身能受觸。不擇輭滑。名之道前五識。五八者無分別。而六七有了知。前五雖無了知。各有所能。故名有意。無一點邪想。故稱善意。六意者。有善惡多少轉處。故名無量意。行者一念大心發得。則善巧方便。終到實處。亦是彼。故名實意。第七。末那傳送辨遺言。慕往行常資成道業。故名增意。諦信

八萬四千種煩惱。口廣千由旬者。指身三口四等十惡者也。日月者。卽人自家本有智光。阿字不生慧日乎。佛言。羅睺無吞日月。羅睺支節戰動。流白汗。若人專修久遠實成古佛。纔出頭。則羅睺及八萬四千眷屬俄喪。盡渾身。豈白汗而已哉。可惜。人人不能打。出自己本有古佛。現坐道場被障蔽。慧日底知多少。此謂之生死長劫日蝕。

八王子辯

妙法蓮華經序品曰。其最後佛未出家時。有八王子。一名有意等。徐註曰。昔佛八子。今佛一子。一與八赴緣。別有表耳。一者。一道清淨。八者。八正道也。予讀到此。意竊謂。此判未精密。天台大師云。文文下皆可。有觀心。顧如此。八子經中大義也。豈無觀解。先賢所欽。非可容易著手脚。雖然。略有管見。臨講演。不忍默止。聊述鄙判。以供養二三兄弟家。非呈大方。取捨任諸。

增一阿含等說也。雖然。於世曰日蝕。掩月亦爾語。未見天台大師十五回入毘盧大藏。暗記來敷演。豈不有觀解。恨不聞大師高論。蓋有之。筆記日遺失者歟。原夫佛有三種說。所謂法說。譬說。因緣說是也。此義者。卽譬說也。舉世間幻化事。以顯實相真實之義。爾等羝羊眼。狐狸智。徒見世間幻化事。不能了實相真實之義。妄自輕忽聖言。一墮泥犁。永無出期。寔可憐矣。近頃講經次。把文句讀。讀到文句第二。曰。羅睺此曰障持。畜生種也。障日月者也。身長八萬四千由旬。口廣千由旬也。始知指根本無明爲羅睺阿修羅。何故。阿修羅本有多少神力。戰勝。則乍現大身。狹碧空。淺蒼海。戰敗。則潛身現小身。率八萬四千部屬。乍入藕絲孔中竄。須知彼身量以大。小長短難思議。如河沙無數。似塵劫無量。然止稱八萬四千由旬。何哉。是正以帝釋擬八識心王。以羅睺比根本無明。八萬四千由旬者。無明窟裏

朔月蝕多在月望。熟顧天兵因何歲歲執三四度之敗哉。且又限朔與望敗走者何哉。每歲戰敗。則日必蝕。月蝕則戰必敗者。不知此戰自何歲時起。戰休知何日哉。恐百千萬劫其無休期乎。且如曆學者流者胡爲者哉。謂五通神仙乎。爲三佛陀乎。蓋勝敗者。兵家亦不可期者也。然見十七萬八千五百里上頭天仙否泰。如指掌果。計修羅掌中五十由旬日月宮觀指掌所障礙。不失分毫。自西自東自北。定其盈昃方隅。印刊曆箋。以放世。無分釐之差謬。曆者言曰。縱雖東向後數十年支干。同時考之。決不失毫芒。大凡日月星辰陰陽造化。超出吾指頭底。半箇亦無。大凡火可冷水可熱。絲毫不可有過謬者。吾神算妙術也。豈不痛快哉。比彼浮圖胡亂所說。寔霄壤也。於此吾輩不能出片言祗對。空搔首攢顙而已。如師於此一事爲如何。答云。有其事。予亦始疑此義久矣。此義者。起世經觀佛三昧經

發清淨圓明。寔無等比。或此言第九清淨識。死守此處。以爲足者。爲小果二乘緣覺辟支佛。可恐窠臼。名之爲有餘相似涅槃。於此正位。不取於證。鞭四弘願輪。永劫進修不退。利益一切。成就四智。長養三身。終成辦大事者。爲圓頓菩薩眞正佛子。

羅睺阿修羅障弊日月辯

延享丙寅春。應白水請講法華一會。一日有僧入室作禮曰。徐註妙法蓮華經一之十紙註曰。羅睺此曰障持。卽障持日月也。舉手障日。世曰日蝕。掩月亦然。予常於此有疑惑久矣。近頃神家者流及儒人聚頭嘲弄曰。如佛者所謂日蝕說。寔有其事。闕而不論。佛者言曰。如阿修羅與天帝釋戰時。天兵戰敗。大敗走。則阿修羅鬼王大得力。卓立海中。虜日月。乍令暗。日月之蝕皆彼所爲也。此說大可怪者也。蓋見日月有蝕。大凡日蝕必在月

間。無間斷者。是也。第八賴耶含藏識。或道無分別識。暗鈍昏愚。茫茫蕩蕩。如死水湛寂。收入過去憂悲愛惡一切塵勞等事。無遺。執持喜怒苦樂種種染淨等法。無失。行者單單進修。乍打破此暗窟。則大圓鏡光乍煥發。成就四智。圓證三身。是故或道如來藏識在冥府。化稱淨玻璃鏡者。亦是。彼學者須於此無分別識上。毫釐不退單單參究。切求一轉。著大疑團。謂既是賴耶無分別識。無一點思想。無一點情念。正與麼時。生自何處來。死何處去。或向忽然念起處。卽究者箇一念子。卻何處起。或取趙州無字洞山麻三斤等一則。專一舉揚去。則工夫次第成熟。行不知行。坐不知坐。空蕩蕩虛豁豁。如浸殺萬里層水裏。似坐瑠璃瓶裏。不生恐怖。前進不退。則忽然如擲摧冰盤。似推倒玉樓。十方世界。天堂地獄。和自身心。一時打破了。言此八識田中。下一刀底時節。十方無虛空。大地無寸土。大圓鏡光乍煥

淨名經第八入不二法門品。現見菩薩曰。盡與不盡爲二法。若究竟盡若不盡。皆是無盡相。註。什公以盡執二乘見惑頓斷之義。以不盡取思惑難斷之義。肇公以盡爲有相虛僞之法。以不盡爲無爲實相之義。點檢見來。二註共似未諦當者。若以盡爲菩薩法空無相理智。以不盡爲二乘我空偏真理有餘相似涅槃如何。非於究竟盡三字義味貫通者哉。

八識辯

大凡人各具八識。所謂前五識六識七識八識是也。前五識者指眼耳鼻舌身等五根者也。各有領受色聲香等五塵之所能。無分辨他好醜美惡之所知。第六意識或云受生命終識。來爲先鋒。去爲殿後。故攀緣三細。具有六麤。出入五根。潛遁八識。隱顯出沒。縱橫捲舒。佛手亦不能制者。第六意識也。所以言皮毛從此得。作佛亦依他。第七摩那轉送識陰。陰六八之

得徹處乎。以劫初梵輔梵衆等分爲七識。將其據什麼經也。見後面又義曰應爲七使也。如無顯然標據者。七識義未盡善。住字判亦未痛快。是故略述管見。以充法施。取捨一任諸君而已。所謂七識住者。道外道空定二乘滅定乎。彼旣欲得此定時。向八識賴耶湛寂處進修。常恐走去六識造作處。雖免馳六所。未得道果。不能收歸賴耶自體。依舊只住在末那七識分際。經多少劫數。此謂七識住。間空滅共非是邪定耶。下文比之高原陸地。而指爲佛種者什麼。曰。行者定中。忽然心地開明。智光煥發。則劈一微塵見毘盧全身。魔佛一如。邪正同時。濕胎卵化。有情非情。一絲毫許無不佛種底物。如高原陸地譬喻。此經體不二用彈呵。驅小向大。是故有者般說而已。一切衆生悉有佛性。豈其有不佛種底耶。呵呵。

現見菩薩曰盡不盡辯

乘所居。實報莊嚴土。菩薩所居。常寂光土。唯佛所居矣。箋所謂經歷四十二位者。華嚴所立四十二位。斷盡四十二品無明。證四十二品中道。非是圓佛果而唯佛所居常寂光土哉。然經中云。是時彼佛與諸菩薩方共坐食。有諸天子皆號香嚴。是非唯佛所居常寂光土明矣。此經初自佛國品至法供養品。始終彈呵二乘偏小。發揮菩薩大機。然則經所謂過四十二恒河沙國者。過四諦十二因緣二乘所居。方便有餘土。指大乘菩薩所居實報莊嚴土也。所以如何。經云。彼土無有聲聞辟支佛名。唯有清淨大菩薩衆。佛爲說法。由之見。則四十二恒河沙。四諦十二因緣乎。識者辨焉。

七識住辯

淨名經第七佛道品曰。七識住爲種。什曰。初禪中除劫初梵王及劫初諸小梵。自後合爲第一識住云云。竊顧。什公此註似未曾諦當者。恐有未見

須知。慧心院僧都曰。無差別平等。不順佛法。惡平等故。無平等差別。不順佛法。惡差別故。因甚麼如此。唯可自怡悅。不堪持贈君。

香積佛品四十二恒河沙國土辯

淨名經香積佛品曰。上方界分度如四十二恒河沙佛土。有國名衆香。大凡經中說一恒河沙二恒河沙三恒河沙乃至三十六恒河沙四十二恒河沙等。大略非思量底數不可思議底算也。而三十六乃至四十二等立其大數。大半有表據。予講到此。欲得其證。閱二三抄書。至四十二恒河沙事。有初不著手脚者。有疑不決者。時有一僧。出一小箋云。有其事。永明大師親記焉。箋云。宗鏡錄二十五云。香積去此有四十二恒河沙世界。卽經歷四十二心地法門也。願夫永明大師智鑑高明。識量寬宏。吾輩非可容思議於其間。雖然。非無少疑。吾聞淨穢同居土。凡聖同居方便。有餘土。二

得把百千無量寶座收歸一微塵裏亦得。信與不信。在行人得力強弱。智見淺深耳。遠則至遠之遠。氣索魂蕩。近則至近之近。能所共泯。法華曰。諸佛以法空爲座。智論云。佛所坐若牀若地皆名獅子座。如獅子四足獸中獨步無畏。伏一切。佛國品云。諸佛刹土如虛空。卽是法空座。豈如世間資生具造作彫琢以爲珍者耶。經云。菩薩卽自變形爲四萬二千由旬坐獅子座。略疏云。上明佛身具足八萬四千由旬。今菩薩在因讓果減半。是又未盡善。一切衆生八萬四千種煩惱。直下諸佛眞法身。雖菩薩旣了知此意。且依四種願行。具自佗二行。故言四萬二千歟。如上管解非是好鑿說。古曹溪大師者。以西方十萬八千土爲十惡八邪。濟北以十劫坐道場爲十波羅蜜。古德有以擎油二十五里爲二十五有。吾今非效顰于諸聖。且補略疏闕典而已。問。然則一向廢事執理乎。曰。不然。理外無事。事外無理。

萬四千箇煩惱業苦直下燈王微妙瑞相好也。於此寶座亦八萬四千由旬。世界亦八萬四千由旬。白毫亦八萬四千由旬。供具亦八萬四千由旬也。問言。大圓鏡中煩惱菩提淨界穢土一團佛身者。我得不疑。單執八萬四千煩惱舉示佛身者何哉。曰。佛身者。美最上者也。煩惱者。醜最下者也。此經宗不二理。露平等慧。故舉劣下煩惱示至妙佛身者也。經曰。舍利弗。告維摩詰言。此座高廣。吾不能昇。蓋夫二乘總空盡煩惱。而後欲見佛身。何量。八萬四千煩惱舉體直下諸佛紫磨金真身莊嚴聚寶座也。非所以劣機可了知。宜哉。不能昇矣。維摩詰云。唯舍利弗爲須彌燈王如來作禮。乃可得坐。又經不言乎。佛今現在。燈王佛卽今在何處。莫錯向東方斫額三十六恒河沙國土。非人人具箇箇圓卽今聽法無依道人麼。文殊大士所謂佛今現在此之謂也。若是纔一見。譬一微塵現出百千無量寶座亦

又品物資始之方。故爲萬物本根。六七收歸八本根之義明矣。六識既返照。歸向賴耶八識自體。則頓超過三細六麤等邊際。思想盡情念收。寥寥無一點過患。是卽歸入心源湛寂不動不搖底。如來藏裏者。而向所謂度三十六恒河沙世界。名須彌相世界者也。是今時諸方往往錯稱自己本分家山。名本有圓成佛心者。殊不知。是長沙所謂無量劫來生死大兆。而臨濟亦所怖畏。湛湛黑暗深坑。真正辨道上士。到此不爲悟。到此不爲足。直下進不退。則不久一機頓淵發。名之爲八識田中下一刀底時節。何計。第八賴耶含藏識乍變化。大圓鏡智。第七摩那爲平等性智。第六意識爲妙觀察智。眼等前五識乍變爲成所作智。始信。三身四智體中圓。人間天上善果豈如之哉。當此時。艸木國土有情。非情。天堂地獄佛界魔種。盡是大圓鏡中一團靈光耳也。非是彼須彌燈王如來何麼。燈王佛光所照。八

中忽然發明經中微妙玄願。煥然現前。歡喜無量。待天明招諸子告之。然如聾如啞者。間又有之。是故書以授。唯願諸子亦與予歡喜等。若人子細觀照。熟讀此鄙判。必定決定得大歡喜。若其一回歡喜去。淨名經中多少玄微。粲然如見掌果。以予寡陋之判。莫必卑棄。任佗道鵠林老爲兒嚼飯。蓋試論之。學者若欲了知此意。先須向八識田中。下一刀去。下得一刀來。分明見須彌燈王如來。若不然。到死不能得果決。所謂度三十六恒河沙國土者。度與六度之度同。度脫義也。有超過義。三十六者。指八識田中三細與六麤也。三細者何哉。業相轉相現相。是第八賴耶識所現法也。了知則如空華。六麤者何哉。智相相續相執取相計名字相起業相業繫苦相。是第七摩訶識所具法。而了知則如空華。行者定中單單參究。則情念次第空寂。而漸歸入自心源。是道向東方去。蓋東方震而木也。於時春也。是

麤漏無用語欺誑我哉。還恐等間立荒唐過量數。惹彼晦庵所謂高過大學無用等謗者歟。將又別有深理乎。若夫果有深理。則從上來終一箇無別揭之底何哉。原夫自此經入眞丹以來。觸多少大智人手。譯經之師亦不庸常。後漢有嚴佛調。吳有支謙。西晉有竺法護及竺叔蘭。唐有玄奘。如隋朝智者大師。每夏講之。感得梵僧來預聽次。東晉有祇多密。如姚秦時義學英豪八百箇同共入逍遙園。如彼童壽學窮三藏。眼空五天。高明者有生肇。博達者有叡融。至經中巨細理路。雖蜎飛無遺。然於者般玄旨。寥無判斷也何歟。特至大宋長水子璿大師。作略疏判之。疏曰。佛身長八萬四千由旬。表八萬四千諸波羅蜜所成圓滿報身。其座高八萬四千由旬。表八萬四千眞空無畏之相。愚謂此判未盡善。如不思議品。此經大綱至三十六恒河沙說。此經命脈也。平生如有物挾齒牙間。大疑久矣。近頃定

千萬億國。何等佛土。有好上妙功德。成就獅子之座。文殊師利言。居士東方度三十六恒河沙國。有世界名須彌相。其佛號須彌燈。今現在。彼佛身長八萬四千由旬云云。夫此義者。經中最上微妙譬喻。旨趣深遠也。宜哉。古人亦往往差過了也。此教內眼目。而當經骨髓也。專指示不二深理。杳超過思議區域。學者子細熟讀。著實觀察。乍豁開平等大慧正眼。予卯歲時。始把此經看讀一遍。大有疑惑。經曰。度三十六恒河沙國土。有世界名須彌相。予竊謂。怪哉。是何百萬億土分際哉。我聞如彼恒河者。周匝四十里。其沙不知何十萬億斛哉。況其沙細密如麵。雖斗升砂數。不可容易數盡。況地方四十里哉。鬼神亦不能算。況二恒河沙乃至三十六恒河沙乎。須知。是不可量。不可數數焉。既是不可量不可數。然又立三十六大數者何歟。豈其立無益算數惑亂行者者耶。況夫文殊者七佛師範。豈爲出

間。千回百匝。盡神變搜索不得。於此行者大歡踊云。天下既定矣。特不知彼魔種入歡喜細念裏潛伏。全不損一毛。細念者何謂哉。所謂心識微細流注難斷思惑也。然則非彼部衆入思惑難斷如藕絲裏而隱者。既入思惑微細藕絲而隱。宜哉。不能攻而退也。古仰山問潞山曰。心識微細流注。無來幾年。山云。七年。是亦盡藕絲說話也。爲之如何。祖師有善巧一著。截生死纖根。如倚天長劍。摧妄情舊窠。過萬鈞鎚子。僧問趙州。狗子還有佛性也否。州曰。無。此話極有靈驗。學者若欲到真正安樂田地。謹爛咬此話。豎咬橫咬嚼。一朝乍咬斷命根。絕後再蘇。從上多少說話。唯是滿面慚惶而已。勉旃諸子。莫待老來淚痕數行滴頷焉。至禱。

須彌燈王如來辯

淨名經第六不思議品云。維摩詰問文殊師利言。仁者遊於無量阿僧祇

隱得十成。天眼所照。盡大千界。如掌上琉璃顆。何殘纖毫。若又如三春始仲冬。後荷錢亦未浮時。無所藏身。彼卽敗走。牢落終到覺。天兵斧鉞乎。吾大怪久之。近頃定中。忽爾省覺此事。不堪歡喜。記以授二三子。顧夫此義經中微妙譬喻。而辨道大有益。蓋試論之。譬茲有辨道上士。單單端身靜坐。則身心寂滅。萬法虛凝。湛然廓落。自如一片長空。忽然情念纔紛起。則如雲霧包大虛。似波浪吞巨嶽。谷吼山噴。臭煙吐冰雹。毒霧籠電雷。是則阿修羅大戰勝之時也。乍現大身。淺蒼海狹碧空。動寶殿。叫喚怒號。騰日月。顛狂憤悶。靈臺爲之震動。丹府爲之碎裂。當此時。行者忽省覺。舉起本參話頭。或向自己本有。則如沸沸湯釜內。洒一杓冷水。性海湛寂。心源虛靈。是則帝釋天王大戰勝時也。四王各得處。諸天互歡樂。帝網重重。光光映徹。主伴無盡。正與麼時。彼八萬四千魔軍。一箇不留痕跡。上下四維之

荊叢毒藥

卷第四

藕絲孔中辯

侍者 禪恕集

藕絲孔中

臨濟慧照禪師云。如阿修羅與天帝釋戰時。戰敗。領八萬四千眷屬入藕絲孔中藏。故不能攻而退也。是本經中說也。予常謂阿修羅有者般大神通。彼既戰敗走時。豈特尋藕絲孔中藏耶。蟭螟眼裏。蚊虻鼻孔。一微塵裏。針鋒頭上。隨處自在藏身。縱隣虛內包容八萬四千部屬。不爲狹。而特指藕絲孔中何哉。且夫帝釋既戰勝。諸天大得力。則多聞廣目疾如石火。增長持國速如颺風。有何暇得尋蓮池折荷莖。拔卻藕絲而後隱身哉。縱亦

荆叢毒藥卷第三終

四世宗祖在高麗國數立奇勳。今千萬英兒孫領蓮池城。永布仁德。其源
深則其流必遠。其父嚴則其子必賢。久扣趙州無字關。立地吸盡西江波
浪。近顧鵲林小蝸廬。談笑探殺東山家風。昨掃茶筵迎玉輿。今含老淚
香穗。且喜故園金玉朶。有棟梁質。養棠蔭才。又聞幕下股肱良。有仁智能
具忠烈氣。山野卽今有送行一著。回首士峯千歲雪。曉光望照半邊紅。

字幽稱。昔乞片言於大光老人。維時仲秋下浣。擊碎生死輪。拔翻菩提樹。丙丁童子有送行。一著墜葉。雖憐疎雨感。黃梁爭似暮雲親。

玄室祖門首座秉炬

門也閉蓬門。老僧暗斷魂。爲人嚴鎖鑰。是佛祖兒孫。

獅巖宗活上座秉炬

吸盡曹源狼毒泉。特來嚼我舊青氈。翻身一擲眼頭活。百億毛頭缺半斤。

實際榮心大姊秉炬

露擎纖月百千點。窻告落紅一兩聲。八十年光一場夢。聞盡沙鷄到天明。

送大智院殿靈輿赴西海

憶三高駕照禪園。何計靈輿迎寺門。莫謂既今隔江海。山河大地一靈根。夫以。大智院殿前攝州刺史洞然元明大居士。仁慈忠恕。溫良恭謙。其三

秋。渡氏某甲。辨營一社。使兩夫舁遠送之。松氏隆居士。隨喜設齋。誦經山野勤之神是三神。敬者亦三箇。束爲一奇。便書一偈云。秋葉如金梅藥玉。竹生島主共一牀。三神一社一三社。自在神通護法場。

地藏點眼

右手鑽鐵錫。摧六趣苦輪。左掌眞如意。照三途迷津。大慈悲喜捨。千百億分身。

善種道積上座秉炬

善不積不足爲名。德不養不足潤身。德不養兮善不積。木婆伸手折枯薪。夫以善種道積上座。賦性純眞。身形古朴。其是此謂義皇上徒。組貞亮以爲巾。豈將別有無懷氏民。束純素以爲履。世壽八十四老翁。久聞一鄉善士。信受一千斤大法。豈非多少勝因。一瓣香塵今借隻手於闡提老漢。四

唯願依此功德力。秋家枝葉永隆榮。

實相庵十王再興點眼

欲結天堂常樂果。莊嚴地界冥官司。中央萬德金蓮座。大士願王苦界師。
第一秦廣初江二。卽不動釋迦牟尼。其餘冠蓋皆如是。垂迹本因同體慈。
業鏡一臺隱還現。幽魂多少恨親遲。卽惟第八賴耶識。會則大圓鏡智披。
栽此善因知是孰。信尼永壽親寄之。伏願因此善勳力。存者安康冥出離。
疾疫水旱都不聽。五風十雨大堯時。一禮一瞻隨喜者。永成無上菩提基。

虛空藏點眼

撥轉虛空雜寶藏。展開塵刹大圓光。崖前松樹籠煙影。籬上梅花隔歲香。

鎮守廟再營供養

我山自古請三神。爲鎮護其廟敗落。空積土石敬之殆二十年。今歲庚申

衲子輩或禪坐。或清話。如初無人時。其辰粥午齋。指揮婢奴。而眞成營辦者。友重弼父志也。溪蘋海蔬。手寄厨下者。親戚良朋。隨喜佳人微志者也。感賞聲滿席。嘆嗟響溢階者。老幼聽受而不可堪歡喜者也。不圖五濁世中。見希有勝會。不覺淹留將終月。近其散筵日。友重莊嚴金仙氏聖容一軀。設齋請點眼。予卽合掌打一偈曰。

元文己未仲秋日。來應秋氏術友請。多少苾芻追鐵錫。竊容各是護法城。雲門庵主有消息。再拜各請予細評。強力叨叨三四板。滿堂緇素發眞誠。見眞誠。豈忍捐去。爲此淹留一月程。親戚良朋珍簞狹。尊卑老幼堵砌盈。室家悅走忘勞倦。嗣子友重助父情。時捧一軀金仙子。禮瞻相好甚端正。報道者回點眼去。爲不點毫不誦經。我有微妙大神咒。面前拋向利群生。風來殿閣新涼涌。雨過池塘秋水清。乃至從頭鬧浩浩。盡是迦文雙眼睛。

釋迦點眼

元文丁巳春。予應南豆虎杖之請。其歸程宿北豆安久邑秋氏術友之亭。秋氏親戚肅拜而請法要。予辭以長途疲倦事。而哀求不聽。予曰。秋冬間必來淹留。必塞諸君之高望。於此自丁巳秋冬至巳未秋初。使書來責大凡數次。仲秋既望日。術友之息秋氏友重。自來三請。予不能固辭。竹輿而仲夜竊指東南。是恐煩暑行也。其從者兩三輩。鐵也爲先鋒。純與航者爲殿後。各懷鉢囊。唧枚步。經歷三四里。朝光上樹杪。頃離肩輿。入秋家門。室家走迎。歡喜滿面。不待使。而來欣者。休里許。而夏安居也。其餘忠沙魯訥輩。不招相呼相顧。騷鬧而相逐。來隨者未及齋時。乍及十數輩。各與秋氏子弟竝圍一笑。旣而羅拜。請評唱大慧禪師書。予亦不辭。而叨叨一日兩次。蓋日午與夜陰也。其餘者。齁齁高枕雷睡而已。術友者。日日恬如而與。

今歲享保丁酉秋。遊歷宿河西岡部驛古井氏宅。宅安置觀音大士聖像二尊。彫刻妙相好美。寔殊特者也。柳氏卽瞻禮尊重。目不暫捨。井氏曰。吾見彼行旅。侵朝霧往。盡日勢憩。貪程務速。雖穗松佳趣。士峰秀麗。目如膠。沉於佛場神區乎。善哉。吾子善順。寔爲塵纏中歸依三寶人歟。光祐曰。頑賤野父。內無聞慧。外乏正緣。願分一尊。驢予回步。然則恭敬供養。尊重讚歎。以助未萌正因。且免將來苦輪而已。井氏曰。我聞之。瞻禮尊重如在。則萬德具足大士也。拋擲邪視如木偶。則一握樗散爛木也。吾子其思焉。宇宙無雙日。二尊豈竝化哉。卽取一尊授與。柳氏乃如獲。夜光於簾外。似奪驪珠於頷下。載歡喜載踊躍。歸來請予點眼安座。予便執香穗瞻禮。端嚴殊絕靈像也。書一偈以祝遠大云爾。大悲手眼。何用點開。檐間疎雨。籬上寒梅。

小佛事

豆州稻取清光院鎮守辯財天

月桂山頭寺清光院裡禪。撥瞻嘗萬苦。住院默如淵。夢白蛇數過。享保乙巳年。或人賀之曰。不是小因緣。衆願成就兆。祥瑞寔顯然。請爲山鎮護。稱辯財尊天。縑素聞此事。歡喜各拳拳。欲營辦叢社。相攸寺左邊。今歲丁巳歲。予憩杖山巔。列刹有嚴命。謹開碧巖筵。暇日請予曰。書伽陀一篇。魁夏乙巳月廿二辛巳前。卽執筆祝曰。願諸方福田護法辯財女及十五諸賢。常呵不祥。禁山門永安全。且住此山者。得福壽共圓。伏冀諸檀信家門各綿延。

觀音點眼

檀越椰木氏亦左衛門光祐。志意貞亮。身心和雅。能愛育親戚。且宜鄉黨。

僧樣子歟。蓋其富與貴。是人之所以欲也。往往爲之危其身。害其德。在家塵累中人。有棄擲而不顧者。故圖片岡聖容。以賀入院。

應天龍長老需

大凡物無不有初。能有終鮮矣。林下人初其志氣可愛。其操履可貴。到把茅蓋頭。寒溫任心。名利石蜜甘。參禪黃檗苦。日弛月廢。終爲一隊蟲豸。向老滿肚一場愁也。屈指求能初全終者。倒指不可起。起指不可倒。予亦其中人也。寔住山可愼。可恐一件也。近聞公歸休海南。且喜且惜。蓋夫參禪非會了。休悟了。拋者。轉會轉參。轉悟轉提。是云未了公案。莫以塵務頻煩。蹂躪莫好恬靜處。枯坐。鬧處靜處。行住坐臥。單單保重。那裡是打失處。那裡是不打失處。是先輩參禪底樣子也。今公使敗將說兵事。似少可慚愧者。然彼轉覆先車。爲後車鎮護歟。

而繫萬斛之船。兩腋暗拭汗。既而畏告實以附託之事。實曰。熟顧師舊恩。親慈。縱師命予往南蠻夷之境。住羅刹鬼之國。豈辭命哉。況於彼高部之舊趾哉。予不覺合掌謝之。是所以悅豫者也。豈以榮辱貧富容其間哉。昔靈祐禪師隨百丈命。往住大滙三十年。其凍餒貧枯。不揚炊煙動累日。後來容千五百衆不乏。方會禪師石霜示寂之後。竊住楊岐。單丁二十年。自曰。楊岐乍住屋壁踈。滿牀悉撒雪眞珠。縮卻項暗嗟吁。因憶古人樹下居。後來法道大行。且其雖非以予可擬他賢聖。初住此破院。艱枯二十年。上漏下濕。窮神夜嘯。飢蟲咬腸。今老去顧前事。肝膽共冷。如吾初祖達磨大師。非香至國之王子哉。遠辭西天來住魏之少室。稱其徒者。纔三五輩。飢寒不言可知。後遙來片岡山下伏。王子豐聰自行訪之。破笠壞蓑一箇窮乞而已。然希叟曇公贊之曰。西天此土。示衲僧樣。將其以凍餒窮餓爲衲。

法語

與宗實首座

舊參宗實首座。依南龍和尚之遺命。近董高部之席。兄弟中。願首座從頭佐之。其親姻寔過骨肉。昨兩箇相促入予室。予大悅相賀。予常隨惠三侍者。慘然告曰。如宗實首座。實叢林英豪。吾黨耄楚也。兄弟皆謂。不久出世。掛錫於名藍。卸包於勝利。以大利林下。何計。今住此舊院。其艱辛枯淡。萊蕪攢額。原憲掉頭。爲有才棄艸澤者歟。將謂無罪謫海島者歟。聞者落淚。見者皺眉。住庵諸子。大失力曰。師棄此人。如土塊。過草芥矣。有不憤者。有嗟悼者。師獨以怡悅。吾輩大怪焉。師以爲足乎。予曰。嗟。有其事。吾所以悅可者。異二三子之撰。去年辛未夏。南龍和尚末後有遺言。託予求實。予竊謂。危哉。實若不許諾。無附託之驗乎。然則奈大乘數世之法系。何似一髮。

中七狂八顛。如火裡蓮花。逢火色香轉鮮明。入鄺垂手他受用。所謂在途中。不離家舍。離家舍不在途中。是凡是聖。魔外不能辨他。佛祖不得挾手。舉心擬向。兔角龜毛。過別山者。裡猶不許是爲穩坐地。是故言。宛然自有冲天氣。畢竟如何。須知更有兼中到一位。

兼中到。不落有無誰敢和。人人盡欲出常流。折合還歸炭裡坐。

師著語曰。德雲閑古錘。幾下妙峯頂。傭他癡聖人。擔雪其填井。

學者若欲透得洞山兼中到一位。先須參此頌。

白馬入蘆花。銀碗盛雪。此謂寶鏡三昧。涅槃經所謂如來目見佛性是也。入得此三昧時。大白牛兒推不去。平等性智現出目前。所謂唯有一乘中道實相第一義諦是也。學者若又到此田地以爲足。則依然在菩薩頂墮深坑。何故。不知菩薩威儀。不了佛國土因緣也。祖師爲救此患難。更設正中來一位。

正中來。無中有路出塵埃。但能不觸當今諱也。勝前朝斷舌才。

此一位。上乘菩薩不住所證之果地。無功用海中煥發無緣大慈。乘四弘清淨大誓。鞭上求菩提下化衆生法輪。所謂向去中卻來。卻來中向去也。更須知有明暗雙雙底時節。是故。且設兼中至一位。

兼中至。兩刃交鋒不須避。好手還同火裡蓮。宛然自有冲天氣。

此一位。有力量菩薩撥轉明暗不二法輪。紅塵堆裡灰頭土面。聲色隊

正位取證底大癡人也。假有明了平等眞智。不能煥發萬法無礙妙智。是故在寂靜無爲空間隱處。雖內外玲瓏了了分明。觀照纔涉動搖騷鬧憎愛差別塵緣。則無半點力。衆苦逼迫。爲救此重痼。假且立偏中正一位。

偏中正。失曉老婆逢古鏡。分明覲面更無眞。爭奈迷頭還認影。

行者若住著正中偏一位。則智常向背。見處偏枯也。是故上根菩薩常坐臥動中種種差別塵境上。悉把目前老幼尊卑堂閣廊廡草木山川之萬法。以爲自己本來眞正清淨面目。如對明鏡見自面目。於一切處如此觀照。累歲月。則自然彼皆爲我家一枚寶鏡。我亦爲彼家一枚寶鏡。永平曰。運自己證萬法迷也。萬法來證自己悟也。是此謂也。於此。心身脫落。脫落心身。如兩鏡相照。中心無一點影像。心境一如。物我不二。

正功勳。非但證四智。三身亦體中圓焉。不見大乘莊嚴論曰。轉八識成四智。束四智具三身。是故曹溪大師有偈曰。自性具三身。發明成四智。又曰。清淨法身。徧之性圓滿報身。徧之智百億化身。徧之行。

洞山良价和尚五位頌

正中偏。三更初夜月明前。莫怪相逢不相識。隱隱猶懷舊日妍。

正中偏一位者。指大死一番因地。一下見道入理之正位也。真正行者。密參功積。潛修力充。忽然打發。則虛空消殞。鐵山摧上。無片瓦蓋頭。下無寸土立足。無煩惱。無菩提。無生死。無涅槃。一片虛凝。無聲無臭。如澄潭無底。似大虛絕跡。往往認得此一位。以爲大事了畢。以謂佛道成辦。死守無放。其是此道死水裡禪。爲棺木裡守屍鬼。任使耽著經三十四年。不能出獨覺自了小果窩。所以言。機不離位。墮在毒海。此卽佛所云。

訣。予八九年來欲激勵我同火諸子參究此大事。往往爲他家宗要而不顧。其中間唯得一箇半箇而已。寔可嘆矣。且不見道。法門無量誓願學。況是佛道大綱。參禪要路者哉。正受老人曰。祖師始施設五位。大意者令學者證得四智之大慈善巧也。大不同教家義論。所謂四智者。大圓鏡智。平等性智。妙觀察智。成所作智是也。道流直饒三學精鍊重多劫。未證得四智。不許稱真佛子。道流真正參究。打破八識賴耶暗窟時。大圓鏡智之寶光立地煥發。卻怪大圓鏡光黑如漆。此道正中偏一位。於此證一分大圓鏡智。更入偏中正一位。修寶鏡三昧多時。果證得一分平等性智。始入理事無礙法界境界。行者於此未爲足。親入正中來。依兼中至圓證妙觀察智。成所作智等四智。最後到兼中到一位。折合還歸炭裡坐。不知何謂。精金萬鍛不再鑛。唯恐得小爲足。可貴。五位偏

修。大有利益。莫爲非洞上知識口授疑惑。須知正受專參。究洞山頌。而後判斷將來。勿爲非洞上知識口授輕忽矣。回互疊變之義。衆說繁絮。就中永覺行策二師之判。人之所論也。䷵重離六爻。取二三四爻。䷢爲正中偏。取三四五爻。䷢爲偏中正。卽見大過卦。取大過二三四爻。䷛爲正中來。於此疊而爲三之判。蓋似盡善。到于變盡成五。全未盡善。後入正受室傳之。方以爲足。雖爲足。猶恨諸師未及全判偏正回互之義。似回互兩字棄擲總不顧者。於此疑兇重舉頭。寬延改元戊辰夏。定中忽爾煥發。偏正回互祕奧。如見掌上。疑兇乍斃。不堪歡喜。欲把手口授。自愧絞老婆臭乳。染汚衲子口頭。諸子若欲究此淵源。須密密體究。老僧辛苦。既是三十年。諸子勿作容易看。若夫不合得破家散宅。必莫以爲足。誓透得七八九荆棘叢。既透得荆棘叢。亦莫以爲足。誓究五位祕

荒蕪。以無智昏愚。稱向上直指禪。以寶鏡三昧五位偏正等無上大法。財爲老屋裡破古器。總不顧。恰似瞽者拋擲杖子。言閒具。自蹟墜小果見泥裡。到死不能出離。殊不知五位是驀過正位雜毒海之舟航。輾破二空堅牢獄之寶輪。不知進修要路。不諳者般祕訣。是故陷溺聲聞辟支死水裡。蹟沒焦芽敗種黑暗坑。遂至佛手難救。予四十年前在正受室內。嘗所信受。將當法施。得真正參玄大死一番底上士。宜須密付。非爲中下機。所以設者。謹勿輕忽矣。嗚夫教海浩渺。法門無量。其中間有祕授有口訣。未曾見如五位之壞亂者。重離煩評。疊變鑿說。枝上添枝。蔓上結蔓。畢竟不知五位者爲何爲法理。所以施設者也。於此卻令學者轉增迷悶。似雖驚子慶喜亦難了別者。嗚又我祖出此荒唐之語。虛累後昆者乎。我怪之久矣。及入正受室。從上疑咒乍斃矣。學者依之進

荊叢毒藥

卷第三

洞上五位偏正口訣

侍者 禪恕集

洞上五位偏正

寶鏡三昧曰。重離六爻。偏正回互。疊而爲三。變盡成五。



重離之象

寶鏡三昧。不知誰人之所述。石頭和尚藥山和尚及雲巖和尚。祖祖相傳。密室相承。未嘗容易漏泄之者也。傳至洞山和尚。始著五位階漸。每位安著一偈。以提佛道大綱。可謂夜途玉炬。迷津船筏。悲哉。近代禪苑

舉。烏龍長老訪馮濟川說話次。云。昔有官人問泗州大聖。師何姓。聖云姓何。官云。住何國。聖云。住何國。此意如何。龍云。大聖本不姓何。亦不是何國人。乃隨緣化度耳。馮笑曰。大聖決定姓何住何國。如是往返數次。遂致書于大慧。乞斷此公案。大慧云。有六十棒。將三十棒打大聖。不合道姓何。三十打濟川。不合道大聖決定姓何。若是烏龍長老教自領出去。

師曰。有六十棒。三十與妙喜。三十與烏龍。何故。何姓何國。甚分明。甚新鮮。大聖如老龍。拋出額下珠。濟川似龍子。弄美玉。妙喜與烏龍。猶夜明簾外珠。癡人按劍立。可惜許。

得底。雖然。若令山野頌之。必賞他保福道底。何故。長慶保福雖同是沒量宗師。此中關繫卻重保福矣。若就二老語路論精粗。長慶盡機之一句精密光前也。保福我瞎之一句。又是精密絕後也。山野從前提唱太蹉過了。今日與麼告報。復是蹉過了。

舉。長慶有時云。寧說阿羅漢有三毒。不說如來有二種語。不道如來無語。只是無二種語。保福云。作麼生是二種語。慶云。聾人爭得聞。保福云。情知爾向第二頭道。慶云。作麼生是如來語。保福云。喫茶去。

師曰。二大老商量。恰似二龍爭珠。無勝敗無優劣。長慶徹底唱出。豈得無些子微妙風調哉。切忌渾崙會去。如評與下語。且請束之高閣。我滅後。以此如來無二種語供養我。勝百千無量供養。此語如是最尊也。雪竇愛此語而頌。縱評中賞喫茶去。我愛如來無二種語。

爲什麼不具眼。福云。施者受者二俱瞎漢。長慶云。盡其機來還成瞎否。福云。道我瞎得麼。

師曰。此則百則肯綮。萬古標榜。絕類離倫。極難透難解語脈精密些子妙訣。今古絕知音。長慶保福可謂雪峯門下跨竈英雄也。雪竇頌得全體提起。不露鋒鋦。如評與下語。跛鼈逐神驥。可謂遠之遠矣。雪竇頌。節角誦訛。甚深微妙。自有碧巖以來。未嘗不驀面蹉過也。又如懸業鏡。纔近傍則心肝五臟一點檢了。毫髮謾他不得。須知祖師門下大事。諸佛不傳妙訣。總歸于此頌。

盡機不成瞎。按牛頭喫草。四七二三諸祖師。寶器持來成過咎。過咎深無處尋。天上人間同陸沈。師曰。第一句。雪竇愛長慶道底。丹霞與僧束之高閣。須知有些子仔細。第二句。又是雪竇陷人黑火坑。掃土今古無活

待良公道。怎麼則知過必改。以兩手在額頭上。冷眼覷良公。若不然。但道蒼天蒼天。則良公將謂甚麼。而不省。卻道。更待何時。喪身失命。亦不知。故道。放箭之徒。莫葬鹵。欽山太葬鹵。故道。天下學者放箭之輩。必莫葬鹵。雪竇一代龍門。讚嘆良公答處。眼目正哉。第三句。雪竇老漢有出身一路。良公答處。絕妙好辭。讚嘆有分。第四句。和上頭句。有出身一路。奇哉。此二句。如是與良公酬唱。未爲足在。第五句。讚初問頭。第六句。良云。怎麼則知過必改。是則分明的。縱回首且擬議。卻一段風光似畫圖。君不見者。泛指之言也。末句。欽山爾七棒八棒一百五十棒。他也不管。看初問處。早射殺欽山了也。

舉。丹霞問僧。甚處來。僧云。山下來。霞云。喫飯了也未。僧云。喫飯了。霞云。將飯來與汝喫。底人還具眼麼。僧無語。長慶問保福。將飯與人喫。報恩有分。

山云。且來闍黎。師曰。縱來奈此漢何。

良回首。師曰。又好。

山把住云。一鏃破三關。卽且止。試與欽山發箭看。師曰。不知前箭深。

良擬議。師曰。大丈夫漢。一把柳絲收不得。和風搭在玉欄干。

山打七棒云。且聽這漢疑三十年。師曰。屈棒屈棒。

雪竇頌曰。與君放出關中主。放箭之徒莫莽鹵。取箇眼兮耳必聾。捨箇耳兮目雙瞽。可憐一鏃破三關。的的分明箭後路。君不見。玄沙有言兮大丈夫。先天爲心祖。

師曰。此頌最難透過。山僧當日誤會了。向老始覺分明。

聽老僧辨析。第一句。讚嘆良公恁麼。則知過必改。此語如滴油箭。如火聚。聽者驚落膽魂。欽山此一箭。見射透了也。不知第二句。欽山當時

破老僧亦誤看過來者。大凡三十年。今老去憶前事。慚汗滴腋。感淚滿襟。可笑。諸方講錄阿師。作等閒會去。胡亂評唱將去。以爲足。宜哉。佛果亦祕重。最初不下手脚。今若令老僧仔細判評去。縱塗糊二三十紙去。盡不得。爾輩若其親得見得徹去。容爾面見雪竇老人。若不然。臭瞎禿破凡夫。何故。堪對暮雲歸未合。遠山無限碧層層。

舉。良禪客問欽山。一鑊破三關時如何。師曰。此一問。如千鈞之弩。非太宗匠。大難酬對。欽山道什麼。又曰。撓鉤搭索。

山曰。放出關中主看。師曰。果然。

良云。怎麼則知過必改。師曰。驚群動衆。一千五百人善知識之語也。

山云。更待何時。師曰。其曲彌高。其和彌寡。

良云。好箭放不著所在。便出。師曰。果然。又曰。是是。

祖師西來意。濟云。與我過蒲團來。牙取蒲團過與臨濟。濟接得便打。牙云。打卽任打。要且無祖師西來意。

師拈曰。後來雪竇明覺大師有頌曰。龍牙山裏龍無眼。死水何曾振古風。往往言以死水瞎龍鼻之。殊不知。一手擡一手搦。何故。龍牙是瞎卻娘生眼去底一枚真正破瞎龍。不見天堂不見地獄。山河大地總不見。縱見臨濟翠微。如陽焰飜。似野馬浮。佛祖亦下手脚不得。是卽是。可惜。頭角森森好瞎龍。向此湛湛死水裡沒溺去。何故。既是兩箇老凍膿。以祖師真正受用。兩手分付來。恰似老婆絞臭乳。洒小兒滿口將去。可惜。瞎龍兒。沈浮死水裡。夢曾見不得。雪竇曰。盧公付了。亦何憑。坐倚休將繼祖燈。堪對暮雲歸未合。遠山無限碧層層。後頌極黃絹幼婦。百則頌中最妙最玄最第一也。是故明眼衲僧天下老和尚總是見不得。覷不

兒母呵呵。

舉黃檗示衆云。汝等諸人盡是啗酒糟漢。恁麼行脚。何處有今日。還知大唐國裡無禪師麼。時有僧出云。只如諸方匡徒領衆。又作麼生。檗云。不道無禪只是無師。

師曰。黃檗恁麼告報。鳩鳥落水。吞者皆死。可謂作家宗匠。殺人不眨眼。山僧二十年錯會。汝等莫作容易會。須知大唐國裏。但一箇大善知識。前後際斷。獨步宇宙。見得分明。饒汝惺惺漢。又拈曰。黃檗大師綴五羊皮。以擬千狐腋。者僧雖有信。越才如何。兩處不見功。以何爲驗。力拔山兮氣蓋世。時不利兮雖不逝。雖不逝兮可奈何。虞兮虞兮奈若何。

舉龍牙問翠微。如何是祖師西來意。微云。與我過禪板來。牙過禪板與翠微。微接得便打。牙云。打卽任打。要且無祖師西來意。牙又問臨濟。如何是

迢迢飛禽跡。作麼生寫出。是實非金鎖玄路。縱到恁麼境界。雲門面前。草茸茸煙羃羃。師曰。埋沒荒艸裏。任他汝擲下所見。拈拋妙用來。不覺收歸寂滅。無功舊家舍。是卽非彼。

空生巖畔花狼藉。師曰。宜哉。入得以來。屈托底舊家舍。難爲踢翻。看來。護惜空寂底虛空神而已。是故道。

彈指堪悲舜若多。師曰。蓋彈指者驚覺之義也。驚覺不起。攢額堪悲。多少虛空神。如何耽著不出。於此雪竇作家宗師。大有轉處。寔巧妙也。作麼生是轉處。卽言。

莫動著動著三十棒。師曰。譬有狼戾小兒。號泣不止。其母種種提攜教諭不聽。於是其母憤然目視云。汝勤號泣。自朝至暮。纔少怠則不與飯喫。迨出屋令汝不安不樂矣。汝諸人欲知雪竇三十棒底意。問取彼小

去卻一拈得七。師云。上頭二句。與雲門示衆如錦機無背面。一提提起

無餘蘊。

上下四維無等匹。師曰。是似讚嘆雲門示衆及上頭句。不覺下注脚了也。且夫等匹者。倫類之義也。這箇示衆。非今時。非那邊。非向上。非向下。非正。非偏。非尊貴。非功勳。如倚天長劍。是故能斷人情解。破人窠臼。智鑑失光。言詞道絕。可謂絕類離倫者也。大凡自有佛法以來。多少人不住本分。墮修證。不向向上坐。向下不入。偏歸正。不執靜。追動。不見無所住底人。不得無所見底人。欲救此重病。故雲門大師有此示衆。雪竇他家兒孫。能知他要妙處。故頌得分明也。縱無如上禍患。折合坐在無爲無作妙用上。作麼生是無作妙用。

徐行蹋斷流水聲。縱觀寫出飛禽跡。師曰。琅琅流水聲。如何蹋斷。答曰。

若是具眼漢。直下有如嘗醍醐在矣。

舉。德山到潯山。挾複子於法堂上。從東過西。從西過東。顧視云。無無。便出。雪竇著語云。勘破了也。

師曰。若道雪竇勘破他。坐斷本分正位。狐峯頂上。遙隔天涯去在。須知。此語自有雲門下甚深祕訣焉。山僧昔年著語云。鼠輩淨土。猫兒一聲。今日看來。又隔天涯去在。不覺慚汗浹背。報汝諸人。參禪更須仔細。

舉。雲門垂語云。十五日已前。不問汝。十五日已後。道將一句來。自代云。日是好日。

師曰。此語極是難透過。須知是他具出人底手脚。且有出人底妙用。是故雪竇云。吾愛韶陽新定機。一生與人抽釘拔楔。作麼生是他出人底妙處。請看取雪竇遺言。

舉古

舉。趙州示衆云。至道無難。唯嫌揀擇。纔有語言。是揀擇。是明白。老僧不在明白裏。是汝還護惜也無。時有僧問。既不在明白裏。護惜箇什麼。州云。我亦不知。僧云。和尚既不知。爲什麼。卻道不在明白裏。州云。問事卽得。禮拜了退。

師曰。這箇話頭。換骨靈方。末後牢關。趙州肝膽心腸都吐盡。佛果當時誤吠虛。天下滔滔者雷同。實殊不知。大蹉過了。州云。我亦不知。轉身自在。阿轆轤地。如何下觜。須知一則關鍵。但在趙州。而假且出這僧問端也。這僧未夢見趙州在。佛果卻道。這僧有奇特處。試道。那處是奇特之處。雪竇親知他落處故。拈弄曰。至道無難。言端語端。只箇四字。令他公案圓成。趙州本色。這老頭得分明。若欲計二老身量。擔子亦須折却。

廓落虛空無缺餘。瓦駒戴卯入胡蘆。風鳴老屋怒寒鬼。霜鎖舊巢泣夜狐。

東山阿誰

我今歸家否。歸莫我爲我。我若未歸家。須以我爲我。

倩女離魂

王宙歸來見張鎰。室家載喜載相趨。篷窗攜幼辭舟楫。閨閣整衣出帳幃。離魂那箇是真底。赤水玄珠吐紫煙。突然和盤無背觸。幾人按劍立堦前。張翁衫破且短。王婦裙狹又膩。箇箇醉秋社。喧晚來各自取次。

竹動新涼金影碎。松擎纖月露華蒼。箇中蕭索長安客。追憶佳人不得忘。

趙州勘破婆子

張家兒女牙根堅。咬破胡桃柔於片。李母愛之重扶益。藥鹽一點腫紅顰。

雪片片不落別處。時有全禪客云。落在什麼處。士打一掌。雪寶別云。初問處。但握雪團便打。

雪寶千尋黑火坑。陷人無數無人知。先墜西蜀慶藏主。道握雪團等幾時。雲門示衆云。藥病相治。盡大地是藥。那箇是自己。

藥病誰相治。求火如求水。苦瓜與甜瓜。昨日愁滿地。

玄沙三種病人

釣絲絞水謝郎舟。明眼衲僧暗結愁。白紙無端書六字。此僧昨日自巖頭。

趙州三轉語

眞佛屋裡坐。病猿咬金鎖。賺殺金色僧。塔前分半座。

東山牛過窻櫺

明眼衲僧難透過。牛過窻櫺盡蹉過。四蹄頭角總過了。唯恨尾巴不得過。

頌古

清淨行者不入涅槃

閒蟻爭引青蛭翼。新燕竝休楊柳枝。山婦攜籃多菜色。村童偷籜折踈籬。

深山佛法

深林漏月寒猿叫。舊巢受風宿鶴鳴。煙靄輕浮補岸闕。藤蔓倒掛引薪行。

大通智勝佛十劫坐道場

十劫大通坐道場。波斯著履睡同床。涅槃生死火中雪。心佛衆生海底霜。

大極皺眉過別剎。虛空吐舌往他方。楊妃夜半紅顰腫。驚得三郎令斷腸。

南泉一株花

竹竿挂紅布。張翁問齒癢。莫言不敢道。母去三子寒。

龐居士辭藥山。山命十人禪客。相送至門首。居士指空中雪云。好

透漢徹泉。快活脫洒。人間天上善果。不可加焉。猶未爲足。勉進不退。爛咬
法窟爪牙。嚼破奪命神符。常修習菩薩大行。聚大法財。行大法施。大利益
人天。名之爲正福德人。寔可貴。今南松主人住正福山。精修正福。潛行密
用。無人知。近頃忽乎踏斷隻手無生音。啞卻一切言辭海。猶未爲足。請予
舉揚宗乘。古言。邪人說正法。正法爲邪法。正人說邪法。邪法爲正法。且言。
是正是邪乎。粥後徐徐涉廊廡。小船無數過前川。

後身雄略過良平。百萬鐵騎。膽冷股戰。武備壓孫吳。四海英豪。盡豎降旗。洋嶼十三人惡冤。付衣應庵華姪處。衡梅十七年艱辛。好召熱屎潑將來。玆延壽主席老人久甘先聖毒涎。常愁眞風已墜。寶曆丙子秋。擬請予評唱彼雜毒葛藤。宜範促之忘危亡。林泉弼之盡筋力。予亦感其志。秉麈踞床。謹白西東影響諸老及滿堂參玄勇士。誓鞭扶宗願輪。莫敢鄙棄予拙訥。

評唱龍峯國師語錄普說

若人要見龍峯國師錄。先須參究踈山壽塔。愿夫法有大小。福有邪正。假使窮軒冕榮兼石崇富。而內乏般若因緣。外缺教諭師友。徒恣憍奢耽貪愛。則來生必墮三塗惡趣。受俱胝恒沙苦患。所以言癡福三世之冤也。若又宿有靈骨。不顧軀命。精鍊苦修。則一朝蹈翻生死業海。見性如見掌上。

總不顧。善惡取捨。總拋擲著。一切不行。是言無爲。爾不知麼。人人本具性。不求修證。不假妙悟。本來圓明。本來自在。喫茶喫飯。屙屎放尿。此外更求什麼。此是至道無難直示。冥契唯嫌揀擇。名之爲絕學無爲間道人。由此眞風拂土盡。禪苑透根荒。錯錯。大地載不起底大錯。不夢見眞覺在。是名剃頭外道。是道方袍波旬。爾若似者般見解。永劫不能破生死魔網。永墮黑暗深坑。謹白參玄上士。鑑智銘。何處是如惡虎牙。眞覺歌。依什麼如巴虵喉。豎咬橫參。一回白汗流。始知鵠林不欺謾。爾珍重。

徑山雜毒海開筵普說

法窟齒牙奪命符。法王庫內大法財。庸常徒夢見不得。獨待實參。刻苦人。夫以大慧普覺禪師。老東山孫。顏_レ已庵父。初在南堂室。百鍊千鍛。實如喪考妣。後入佛果門。千了百當。似龍領雲雨。莫言妙喜菴主宰元。是雲峰悅

死殘喘。打_二大法鼓。登_二大法座。打_二多少叨叨。那處是難透底祕處。莫道_二鵲林
老去說禪。無_二孔竅。此是山野代佛揚化底。出世本懷也。若人見得著。必見_二
靈山未散會。所以言。前日風雨裡。故人從此去。以何爲驗。經曰。謗斯經故
獲罪如是。久立。大衆。伏惟珍重。又有一偈。葛藤窟裡瞎老漢。把_二著葛藤不
避_レ難。八萬人天蹉過了。蓮華經裡虎狼關。

四部錄開筵普說

夫鑑智銘真覺歌。如_二金剛杵。如_二塗毒鼓。如_二惡虎牙。如_二巴蛇喉。設使識兼_二三
藏。量_二括八荒。茫乎不能測其涯際。就中如_二證道之祕韻。今時往往錯會底。
多_二於在庾之粟粒。如_二曲朶木牀上多衆圍遶老凍膿。動聚_二十雙五隻瞎徒。
公然教諭曰。我亦絕學無爲。爾亦絕學無爲。夫絕學者。不_レ依文字。不_レ把_二葛
藤。不_レ要_二透過。不知_二宗旨。唯一向無智昏愚去。是言絕學。無爲者。世出世間

無一點仁恕。雖燒人屋。殺人子。盜奪錢財。到賑己身。不作半月用。如鹽者。寔是泥犁人也。先窺大人使金於東都。碎肺腑。設此鄙計。何量還罹賢君奇計焉。大凡取人財者。主若西。賊必東。主若東。賊必西也。然今看賢駕指東。奴亦東走。過暗堠八九者何哉。賊奴心竊謂。事若得成是可也。若不得成。再浴賢君仁海恩波。是鹽所以以大人不擬庸流也。若不然。鹽豈走東爲哉。果如鹽豫所知。大凡鹽所經歷。奧羽東肥筑西。于士于農。于工于商。不躡入鹽邪計者。半箇亦無。特有賢君。還倒捉鹽。推此坑塹。寔膽冷股戰。所恨草賊萬死殘軀。不伸頸死大人馬足下焉。嗟。不死何待哉。是鹽大所慚愧者也。囊挂次驛亭柱。以進反矣。願賜向所寄小金。是鹽前日所欺得別人淚血也。豈污大人仁德手脚哉。欽冀藤氏大人眉壽等。南極老星。祿算增北辰高輝。鹽頓首。死罪死罪。恐懼作禮。奉寄呈藤大人鞍下。鵠林半

卒皆驚顫。士特自若而飲噉畢。微笑卽發。纔歷三四堠。有一夫從東來。呈短書札。走過。士一見了。微笑卽行。行到驛亭。囊子挂著在亭柱。士卽出金一封接囊。微笑又行。從者皆怪。到晚陰開囊。裡面皆石也。諸卒羅拜問其端由。士卽開懷出一書札示之。是彼一夫走來寄呈馬上底短書也。其詞曰。草賊小鹽某甲。死罪死罪。恐懼作禮。謹奉寄呈賢君藤大人鞍下。伏惟草賊鹽奴。舐貧窶母乳。長頑愚父手。母貧窶常不厭糟糠。雖不厭終寸絲不犯他物。父頑愚全不知一丁。雖不知常甘貞潔饑。雖鹽身財近六尺耳。目不劣萬夫。所恨賦性凶惡。而拙夷齊廉跖躄。與侯黑親交。與侯白友好。不知父母死生者。蓋十年於此矣。穿倉庫底。截廩庾壁。穴室樞戶。驅人牛馬。喉所受肩所懸。皆是他人淚血也。刀俎期鹽終。鴉犬遲鹽肉。常坐臥萬死中。僅偷一生。朝而待夕。束一身不爲生者久矣。身上無一滴生血。心中

敷演諸佛出世本志。豈小緣哉。茲有一段難入底祕訣。山野二十年前燈下讀譬喻品。見得徹。不覺流出一身白汗。底大義也。久默斯要。不務速說。此日不惜眉毛。運出以充法施。三藏行人縱見得著。如聾如啞。還驚走。通別機雖信受不疑。不能分明見得透。特有圓頓上乘菩薩。如吞醍醐。長者寶聚。不求乍入手。寬保初。有一士人。江州彥根武臣藤氏某甲也。裏兩金五百。東使武陵。從者三五輩。路歷尾濃間。有一夫交從者且走且行。寄宿亦俱。其謹慎周密態度。越流輩。士亦甚愛之。一日出兩金五片告士人曰。幸而扈從賢君之後塵。遁長途危嶮恐怖。吾是濃陽邊境細民子也。家兄在武陵。重痾累月。父母令小奴迎之。金者其糧也。願加賢君履袋傍。以安枕蚤莫。到武陵必賜之矣。士微笑納革囊。出則提之出。入則提之入。乘則乃言。革囊好在耶。下則乃言。革囊好在耶。一朝乍失。夫所在。革囊亦無。諸

田地毫釐亦不放。點滴亦不施。是故未透底諸子憤起精神。立大志。坐人跡不到峯頭。隱塵緣杜絕幽谷。十日五日。絕寢食忘凍餒呻吟者。往往有之。若夫慣今時講錄諸師。註解義解。爲鑽腋出羽妨他悟門。瀰漫罪累無所容懺悔。不見彼漁人。惟蜺惟蝦。任手拾來。加鉤頭投巨浸。纔得錦鱗時。鉤餌則棄。予教亦然。垂絲千尺挂文字影艸。擲話頭鉤餌。以待彼吞舟巨口者也。全鉤是毒藥。過彼任公子五十臭牯。見者喪聞者死。見東海赤梢鯉咬著喪身失命去鉤餌則棄。諸方要以文字譏刺以葛藤謗倒底錯錯癡人屎夜塘。謹白參玄上士。未透底士放下文字。擲卻葛藤。參箇一則因緣。作家不啐啄。啐啄同時失。久立大衆。伏以珍重。

妙法蓮華經展筵普說

惟時延享第三丙寅春。白水山主鞭曠劫扶宗願輪。設無遮法會。命山野

鎗短兵使得痛快。則許爾破茗蒂亦足殺人矣。參玄上士亦然。蹈翻祖師難透重關。坐臥荆棘叢裡。游泳雜毒海裡底。豈破茗蒂云哉。咳唾亦倚天。長劍油餇亦可。胡餅亦可。武亦殺人。庫亦殺人。若其認眼橫鼻直底死見解。來道茗蒂亦可。可惜許。腰截股段。命根早落在別人手而已。莫道四海今平於鏡。爾所謂喚奴不爲婢底。傷賊祖庭之先鋒。爾所謂執捉運奔活達自在。是卽侵害古風之利器。選佛場中不祥莫甚於此矣。不信爾試道。子旣啐。母未啄。是第幾機。恐目瞪口呿。執捉亦捉不得。運奔亦奔不著。恁麼而道活達自在可哉。我叢社裡。垢辱無大此。何不祥過之。爲救者般過患。祖師留此奪命神符。遺此法窟爪牙。今西東七十餘員兄弟。棄擲諸方。飽暖叢社。不顧莊麗堂宇。特來隱老屋廢舍裡。兀兀而精鍊苦學。予亦要庇益他道念。玩弄葛藤。打叨叨。恰似炙手欲救饑凍者。雖然。到節角難透。

普說

評唱大慧禪師武庫普說

寬保癸亥春。師評唱大慧禪師武庫日。有暫到僧。卽問。作家不啐啄。啐啄同時失。是說什麼道理。師曰。子欲啐不啐。母卽啄。須知缺對機。僧卽禮拜。師曰。啐。僧卽喝。師曰。覺。僧又問。武庫者何爲者也。我聞粟米謂之倉廩。兵器謂之庫。凶年飢歲。王開倉廩。以救民於凍餒間。討反國。王敕點三軍。開武庫。分堅甲利兵。以令征庶立奇功。若其衲僧門下。殺人不眨眼底漢子。則得一柄破苕箒足而已。豈積聚許多鈍刀折戟。以爲備者哉。又聞。兵不祥器也。不得止則用矣。箇箇盡是眼橫鼻直。喚奴不爲婢。執捉運奔。活達自在。有何所愁。要多少間家具。況不聞古宗匠講說。古人間言語。塗糊學者面門耶。是又大可怪者也。師曰。嗟。子來前。夫人懷信越才。有關張能。長

裡蚯蚓。若不_レ以爲足。孜孜而晝夜自刻責。鞭_二四弘誓願輪_一。修佛國土因緣。學菩薩威儀。聚_二大法財_一。行大法施。歷永劫不休罷。大利濟群生。以報答佛祖深恩。則寔法王股肱建忠。稱之謂_二四美備敷_一。勉_レ施的莫錯_二一生_一。祝佛誕生示衆曰。挑_レ起大燈。賀誕辰。藤川乍化葛藤川。貴留斯奪命神符。驚得枯禪袒_二左肩_一。

法華開卷示衆曰。萬松峯頂千秋蔭。開敷乘時妙法蓮。獨妙純圓無向背。靈山一會乍儼然。

默照野鬼閒神。

應大福山主請。示衆曰。昔慈明和尚在汾陽日。忘河東苦寒。夜坐不睡。睡魔來逼。則言。古人刻苦。光明必盛大也。我輩何人哉。生無益於時。死不知於人乎。以錐自刺其股矣。寔千載美談。末世明規也。予寶曆丁丑春。應於信興禪甲南松兩刹之請。途中宿南部邑大福山建忠古刹。主人者。予輪下舊參破菴主。辨的首座也。盡力接待矣。翌晨展唐紙肅容曰。願留一語。照山門。且箴錐後昆。予固辭不聽。卒舐筆書曰。乾坤之內。宇宙之間。有大寶。得之則雖船脚車夫奴隸僕御輩。爲大福德智慧人矣。失之則雖王侯卿士豪家富人子。爲下劣貧賤無智凡愚。今的得此大寶聚。而住大福山。可謂二難並焉。雖然以爲足。素食安眠。目視雲霄。正位取證。空過一生。了。則只是一箇二乘小果之癡奴。佛比此於疥癩野干。殃掘呵之爲爛泥。

五祖曰。一人發眞歸源。十方虛空。壑著磻著。崇福則不然。一人發眞歸源。十方虛空。只在毫端。且道。古人是同是別。大衆試辨看。鵠林則不然。一人發眞歸源。十方虛空。實可笑殺。且道。古人是同是別。大衆試辨看。

少林忌拈香曰。塚間七十瞎驢兒。寒苦未遜腰雪師。欲綴香辭充水艸。今朝著襪尙攢眉。

臘八示衆曰。世尊昔在雪山坐。雷劈太虛水倒流。出定前涯人叫走。報言震殺一頭牛。

端午上堂曰。舉長慶云。總似今日。老胡有望大應拈云。家富小兒驕。保福云。總似今日。老胡絕望。大應拈云。國清才子貴。祖師各爲慈悲故。有落草之談。鵠林則不然。總似今日。迦葉必覆藏。何故。佛種從緣起。卓拄杖下座。少林忌拈香曰。播揚少室毒狼涎。妙喜界中惱害人。失命喪身今孰在。多

石等諸氏十數輩。戮志定計。終成辨此一會。既而西東高明碩德諸老十餘員。江湖英豪頭角破衲二百餘。各抽精誠。格律森嚴。晨參夜坐。欲寢食共廢。予亦毫釐不相假。瞋拳痛棒。如狹路見冤家。見者膽戰。聞者淚浮。鬼神亦可合掌。當此澆末魔強法衰時。不圖見此盛事。願當山鎮護御靈神君竊垂擁護。睥者歟。維時孟夏二十九。逢祖師忌辰。影響諸老命予重舉揚宗乘。莫言似醉後添多盃。

舉。大應國師虛堂忌拈香曰。建長與這老和尚相隨多年。面面相覩。眼眼相照。所以一年一度燒一炷香。點一甕茶。不作楊岐女人拜。蘿蔔從來出鎮州。伏以。祖師正好供養。血滴滴地。唯恨露柱掉頭不悅。何故。天下之車莫不由轍。而言車之功。轍不與焉。

五月且上堂曰。舉。大應國師上堂曰。一人發真歸源。十方虛空悉皆消殞。

知行者。有_レ如喪考妣者。果徹大道淵源。馬大師南泉長沙趙州巖頭雪峯。韶陽慈明五祖眞淨。各刻苦精鍊。運出吾弟子。大阿羅漢。不能解此義。唯有大菩薩衆。解此義底大事。就中徑山息耕愚公老師。其尤者也。初在運菴所。了畢大事。不以爲足。參疎山壽塔。因緣四年。初成就大器。眞正宗師。一代龍門也。何幸哉。吾東海鼻祖南浦紹明國師。跨鯨海入大宋。遍參知識。千辛萬苦。末後撞著此雜毒老漢。拔卻此法窟爪牙。來惱害吾東海兒孫。其辛參刻苦。光明盛大。實海內無雙。果然結毒華於紫野。垂惡果於華園。雪江毒浪。分四支惡水。大休眞風。吐見桃奇薰。可悲。三寫烏焉。六耳魚魯。百餘年來。婆禪如蜂起。默照如蟻群。遂使眞風拂土泯滅。故常道惡婆禪。唯害而已也。當山高林主人。恐此荒蕪久焉。今歲寶曆丙子冬。當大應國師四百五十遠辰。請予評唱。乃祖錄。正草柴深青鹽梨原長鈴河川柳。

少林忌拈香曰。小春十月入桃源。時遇老胡攜履還。馬蛭鳴牙呵北斗。蚯蚓含鐵過前川。

維摩經開卷示衆曰。設爾入得不二門。無菩提心墮魔民。若人欲到法成就。須鞭四弘大願輪。

佛涅槃示衆曰。昨問丈室老人疾。今惹梅檀一抹煙。三面兩頭無向背。謝郎夜刻釣魚船。

營碓房示衆曰。凡僧厨爲參玄僧建立。魔風吹祖燈。臘八聚頭三十歲。良工莫惹五湖憎。

大應忌拈香曰。昔慈明和尚在汾陽日。忘河東苦寒。夜坐不睡。睡魔來逼。則曰。古人刻苦光明必盛大也。吾輩何人哉。生而無益於時。死而不知於人。以錐自刺其股。寔可貴矣。古人參禪。見佛祖言教。如生冤家去。有行不

出。百億須彌毛骨寒。

人天眼目開卷示衆曰。瞎卻人天雙眼目。波斯夜半落空谷。歸來譚語無人量。各袒左邊訪背觸。夫以人天眼目祕訣。佛海狂浪。禪苑毒華。昔晦崑老人親輯編。顧孫思子。近鼇背老漢間註解。逐惡隨邪。斃疑兇於千載。當來揚家醜於五家衰末。三玄三要。淨地上拋土撒屎。五位君臣。澆末代匡徒導衆。開示轉位就功之大事。震殺認賊爲子之鈍根。法眼爲殿後。臨濟爲先鋒。豈其容優劣於其際。雲門爲天子。馮仰爲公卿。須知非宗風無高下。常恨顧鑑喫。時人盡錯會。爲報六相義。須親切參究。從頭五派祕訣。盡可究明至要也。澆季末代法滅盡之效驗。諸方盡言。不參話頭。不知文字。唯一向無念無心去。是向上禪。爾不知麼。佛言。法門無量誓願學。佛道無上誓願成。

來惱害巨福瑞鹿兩刹衲子。倒語顛言。今屈請常照國師三會金文。瞎評
盲判。謂金鳳且宿龍巢。似飢鵬臆搏瞎狐。維時小春二十五。莫當開祖忌
辰。命予預供一瓣。乃拈香曰。咄。者爛木楔。投種子於陰陽不到園。擎芽甲
於鬼神不測地。根柢鬱密貫透閻羅大城。一一礮盤。枝柯陰森。穿破帝釋
天宮重重珠網。卽今任手劈破。將來爇向此無煙火。報答開祖多少舊冤。
餘薰穿殺張婆右鼻孔。觸摧李母左耳根。大寂定中卻有首肯麼。良久曰。
肯卽甚肯。唯是一肯一不肯。何故。豫讓吞炭伏橋下。范丹求魚驅釜中。以
何爲驗。國將亡則問之神。國將興則問之民。

臘八示衆曰。雪山當面勢崔嵬。寒殺虛空絕點埃。金色胡兒心未死。歸來
醉後添多盃。

五祖錄開卷示衆曰。毒鼓倒懸五祖山。木人石女裂心肝。法雲堆裡重拈

衛門政淨設水陸齋會。供養現座道場觀音薩埵及延命願王大士。齋半
千龍象衆。以欲資倍前玉林菴主天巖禪桂座元大寂定中福智二嚴。且
命山野拈出一穗兜樓雲。其志寔可貴也。乃打村偈云。三界紫磨金妙相。
六輪明行足全身。此中無生死涅槃。更喚什麼作冤親。伏以。天巖禪桂座
元。禪心海淨。自性天旻。因供佛齋僧功。三十年凶夢乍覺。答誦經諷呪德。
十二因迷雲立泯。擊碎流轉常沒苦輪。坐臥法喜禪悅林苑。永游泳菩薩
行願海。速成就四智三身。高豎起佛祖大法幢。常救濟四生六凡。此日法
筵施者抽多生信根。願依聞薰力。二大士及天巖禪師。海鑑施者親切誠
情。永護田氏種族。他孫枝子葉衆病悉除。福壽延長。結華實於億萬春。
歸一開山忌拈香曰。辭大元來入扶桑。狂瀾毒浪幾艱辛。何量潛遁此南
豆。萬法山頭待墮薪。夫以。當山開祖妙慈弘濟大師。日域帝師。大元人傑。

金龍白鴿。定中預侍繩牀下。怪眷妖屬。夜半竊著布行纏。鹿山開堂時。白鹿多來賀山門下。巨福火浴頃。玄珠正包括盡乾坤。東海二十四番塗毒華。就中結奪命惡果者。九佛光十一大應。

佛光忌拈香曰。寶曆壬申秋。應萬法山主請。評唱圓滿常照國師語錄。一會。時維杪秋初三。當國師忌辰。東山覃老千林鈞老二師。戮志設大齋會。使滿堂乍入香積國裡。衆心大悅可。剩傭老僧一雙窮相手。燒一片破木屑。予隨喜之餘。不敢辭命。是寔謂代大匠斲者必傷手乎。乃打村偈云。白鹿開榛白鹿皮。毛頭百億毒華披。拈來拔卻法山頂。失命喪身又有誰。少林忌拈香曰。評三會錄。歷三月。如福鹿山歸一山。昨期萬里西來祖。今送半千龍象還。

依田氏設水陸會。拈香曰。維時寶曆壬申小春五莫。大檀越依田佐次右

座把鋤尋筍芽。

碧巖錄開卷示衆曰。沕而淵潛老南龍。遺命疲蛟行雨風。自愧無力蘇荒旱。寒雲不解吐奇峯。

少林忌拈香曰。東海二十番舊冤。西天九萬里風煙。遺音而今墜如土。金鎖多看添病猿。

佛光錄開筵示衆曰。字字彌天荆棘叢。是東山下舊家風。片言無所著評唱。纔側聽官眼亦聾。夫以佛光圓滿常照國師。範佛鑑兒。日佛國父。明州鄞縣英產。誕生各見祥光。許氏伯濟寧馨。睟盤擇取梵典。觀音大士夢告佳男子。北磻和尚愛爲好嫁奴。龍淵室中拔卻永劫生死根軸。鷲峯菴裡打失從前悟解了知。勘破東山暗號密令。體得西來人心直指。摧伏權怪石魔業於含輝亭上。氣宇如王。願許平元帥幣。請於眞如室中。軀命爲法。

摩羅。如何翻錦機。青霜紫電。游季潭。何處下瞎註。羊角龍光。昭明太子拗折爲三十二分。善慧大士激揚歸尺頭一擊。莫道能獨獠不知字。硯池幾淬他鋒鋌。誰言川狄三知劍人。伽陀多鈍刀截骨。拈來爲少林無孔笛。愧多惹丹山彩鳳凰。初心瞎知識。鄭衛亂雅。尋劍刻舷。侵鋒傷手。鈇刀爲利。到處龍天汗其額。破家醜向外揚。未離寶匣。可貴梵釋傾而冠。惡業障截兩段。願答此法施功勳。東二三西四七。鎮呵禁岡城不祥。四菩薩八金剛。永衛護富山法窟。得之者賢聖佛祖。失之者毛道凡夫。聊爲祝開筵彈鐔賦古劍銘一章。

四部錄開卷示衆曰。千尺井頭雜毒泉。逼入怒氣吐寒煙。佛魔未飲枯肝膽。四部衆中在孰邊。

佛生日示衆曰。一手指天一手地。分明捏目强生花。弟兄拾翠葺華宇。典

荆叢毒藥

卷第二

侍者 禪恕集

金剛經開筵示衆曰。維時寬延第四歲。舍辛未孟正仲浣。應請于岡城諸老宿嚴命。評唱川老金剛祕訣一場。恰似死蝦蟆而夢上龍闕。大張蛙口。恣打蛙鳴者。不知己分之所致乎。將又爲瞎狸任足入惡虎隊裡。不知危亡者乎。剩綴野語一章。以當開筵拙上加醜。鄙上添賤者也。慚汗與恐膏竝濺滿背。金剛王寶露堂堂。魔佛膽摧萬里霜。梅蘚恐寒黃鳥啞。柳塘春動綠絲長。豈容煥華知。非是干鎔做。夫以金剛露刃劍光射九極。氣貫八荒。和氏璧隋侯珠。擬則如利刀華甜瓜。大阿鋒龍泉刃。觸則似霜露面大陽。金仙曠劫磨礱。舍衛國鬻餽遍野。善吉多生鍊鍛。給孤園鮮血漲浪鳩。

荆叢毒藥卷第一終

撻鰐魚暴立阡陌諷詠甘棠篇。已哉鵠林止陷困鮎點額鱗族。老螺蛤睡
猶未覺到處開鮑魚肆。瞎譚語說蝦蟆禪。盲龜浮乍相逢。何心行。撻鼉背
毛間伎倆張螯蟹臂。者般涸轍死臭鮒。自家亦有甚不憐。幸依和修吉摩
那斯成禪。乍變苦鹹海水。灑膏雨於荒旱。願培優婆塞優婆夷。正信再廻
已墜宗風。留慧日於澆年。專祈答此功勳力。實祚延長國脉隆興。君臣
和樂民庶安全。山門鎮靜。海衆勇猛。上下壽算等彼巨鼇背上仙。
龍谷開山一百年遠忌拈香曰。一隊四千指馬頰。百年三萬日全身。眞風
好在毒龍谷。猶擲兩文付匠人。

覺舊參髻丈夫。

息耕錄開筵示衆曰。惟時寬延第三庚午冬。應請于石城龍谷精藍。評唱
息耕十會語錄。恰似責鳳鳴於鴉口。求龍吟於蚯蚓。人天衆前惶汗如炙。
穀。且打碗鳴。以擬他弄引。是又鴛態而學驥步者歟。轉不堪恐懼之至。痛
鞭跛鼈入龍谷。命自養源鼈背傳報此恩波。無涓滴。莫嗤擔水鬻河邊。夫
以息耕葛藤椿。辨邪正鸞鏡。刺佛魔龍泉。海若擎送南浦雲。蠻譖惱亂東
海種。罪禍笑大地載不起。初撥轉巖頭古帆。因緣匠石幾隕落盡眉鬚。中
擊碎踈山壽塔柱礎。蜺螺蚌怪小鯉吞大鯉。鼃鼃恨一錢當兩錢。鮫人
悲哭。馮夷遁惶。十刹逆浪。邪氣徹底。沙竭膽摧。難陀股戰。三轉語句。毒焰
逼天。長鯨腮咬法窟鐵牙。蒲牢音吐奪命祕韻。石城八千家祥靄。各追慕
東魯七十子恭謙。瑞嶺五百口錦鱗。互吸盡西江三萬丈煙浪。入禪海。鞭

百年前盡_レ紫_レ萼。怪葩妖蘂使人愁。維時寬延第三庚午仲秋初二。奇遇遠江路大坂邑金剛山貞永禪寺開榛南溟殊鵬禪師四百五十遠辰。堂頭祐山和尚印刊龍寶語錄。命予評唱。以充法施。其供佛齋僧之日。且假手於山野。拈起一穗兜樓婆。山野亦不敢辭。是所以客聞主宰歟。拈起香曰。箇爛木樛。根盤徹紅蓮大紅蓮源底。枝柯衝非想非非相天外。誰知元非廬陵米。幾曾化漢州薑。或如明妃眉。還似太真唇。未挿金爐已前。毒氣薰徹三千刹。纔觸著則剝盡三賢皮肉。斬斷四果腸胃。圓覺開祖佛光無學禪師昔在靈隱鷲峯庵裡。不合撞著塞斷鼻根圓通。無學以是傳之於高峯。高峯以之傳之於玉峯。玉峯傳之於南溟開祖。四七二三。只這是以甚麼爲驗。竹動新涼金影碎。松擎纖月露花蒼。

少林忌拈香曰。前月狂風捲八區。老松失臂立荒蕪。黃金骨髓無間隔。殊

子三隱證龜三隱詩。

少林忌拈香曰。巨靈二日展開山。自有乳峯萬丈形。石髓苔皮稜如玉。西行搔首立中庭。

楞嚴經開卷示衆曰。首楞嚴金文非權非實。明行足所說。無臭無聲攢上菩提樹華英。稱載薩波若雜寶。秋蟾離海照徹阿難陀曠劫無明。曉鳥過霜蕩盡摩登伽深重愛本。房相無所挾縱橫筆。波刺何邊安華梵名。十種妙門。兔邊栽角。千朶萬朶。五五圓證。龍背生毛。三莖四莖。謹白滿堂兄弟家。須向心行處滅處行。莫待他家唇皮鼓動。

少林忌拈香曰。金佛入爐無變色。乍傳飯後憩亭長。西來佛矣西來祖。相見名同時賓主彰。

南溟和尚四百五十遠忌拈香曰。南溟萬里毒膏油。挑起大燈充舊燐。四

是桃花貪結實。令人錯恨五更風。

深達妙相信女小歛忌。拈香曰。駿州富士郡有處士名通玄。其室磨貞潔。以爲錮。組純素以爲帶。曾就予請觀世晉大士像。久禮拜恭敬。且從夫參趙州無字玄。常潛行密用。今歲延享丁卯夏罹重痾。掩卻粧鏡。當其小歛忌景。展齋筵於鵲林法華會上。供養一堂。以乞舉揚宗乘。

舉。道吾與漸源至一家弔慰。源拍棺云。生耶死耶。吾云。生也不道。死也不道。源云。爲什麼不道。吾曰。不道不道。回至中路。源云。快與某甲道。若不道打和尚去也。吾云。打卽任打。道卽不道。源卽打。師曰。二老商略。一箇似巖頭笑底。一箇似玄沙道底。何故。看取下文。文君旣去蕙帳空。泣使相如哺兩兒。人間愛別看過了。眼記病牀禮太慈。

寒山詩開卷示衆曰。丘胤有心挿一枝。又攜寒拾入茅茨。入堂句子無多。

若六百軸金文。轉讀而供神。神必哀愍而永除此災患。豈居而見其亡者哉。今歲延享丁卯春。密告近鄰諸老。諸老大隨喜云。是現當勝因也。於是請鄰刹泰嶺經函。以展此勝筵。伏冀十方三世一切三寶及護法諸神祇。天龍八部衆南方火德星君火部聖衆等。特請大聖不動至尊。扶桑大祖。天照神君。富嶽愛鷹秋葉北野。俱照臨此劣會。永掃除一鄉禍患。鄉人亦美予寸付。他後勸力必請此經。請之每歲刻孟正廿四莫。以開此神會。此卽予生平懷素也。諸老有嚴命。乘此勝因。願舉宗門一段因緣。以供養人天。予不能辭。且叨叨。莫謂萬山不願衆勞倦。

舉趙州因有一婆子。令人送錢財。至請師轉藏經。州受施利了。便下禪牀。轉一匝。乃云。傳語婆。轉藏經已竟。人回舉似婆。婆云。比來請轉全藏。如何。只爲轉半藏。師曰。點檢見來。趙州如老龍潛古井。婆似飢鷹窺肉。何故。自

雨。三賢四果盡悲驚。因聞法華三周說。到信解品換眼睛。常愁吾黨暗教意。如世盲驢任足行。見性抛教片輪轂。教欠見性解語鸚。爲報江湖參玄客。永鞭願輪利群萌。追慕白崖禪教達。莫忘紫野折腳鐺。

臘八示衆曰。開開騷騷當坐禪。講經接客或啗眠。今朝忘卻燒香偈。齋後爲供妙法蓮。

得萬山新開般若祭會。上堂曰。神德昭昭雖昭昭。人不敬之則不能發其光驗。人禍數數雖數數。神救護之則得除滅其禍患。是故言。神依人敬信以增威嚴。人依神光德以添嘉運。原夫南閩浮提浮島驛境近海濱。狂風鎮吹。畢方得力。火災數起。五歲一焰。十歲一火。鄉民憂苦。兄弟妻子離散。惟夫我輩物外閒人。安逸而在叢社內者。非盡是鄉人力麼。食其力者。而豈不愁其患哉。蓋愁之久矣。雖久。外乏藥巴之術。內闕圓爾之德。所賴殷

寒山詩講了。示衆曰。拋下寒山無柄筭。一痕隻履篋兒町。相芳艸白牛眠。續。又滴痛腸。一乘經。

法華經開筵。示衆曰。若人欲成就佛道。先須要見性分明。見性得如見掌上。還辨東山暗號令。趙州那處勸婆子。興化因何打克兄。陳操高樓別行腳。黃龍牀下栽菜莖。乾峯三種病根深。韶石一關度衆盲。竟日交肩我何似。栢樹枝頭睡賊兵。此等因緣親見徹。謹讀法華與淨名。見性不窮二經意。不覺墮二空深坑。我法二空誠可恐。住茲名小果緣聲。時人見性以爲足。此是餘二大化城。聞二乘名常輕賤。不知身繫彼兩楹。滿慈身子劫賓那。慶喜大龜解空生。見道豈輸今時智。眼空五印萬人英。彼只爲正位取證。方等部時破執情。鴛掘呵比蚯蚓智。佛說疥癩野干精。維摩大士努彈責。咬牙切齒眼如鈴。魂飛魄散聲緣菩。氣索如蠅投熱羹。二乘淚痕灑如

戰不勝。罰錢五貫設饌飯一堂。仍須出院。師曰。見諸方往往商略此因緣。與知趙州勘破婆。不知婆於趙州。見僧打著烏臼。不見烏臼於僧者。無異。何故。一不做二不休。久立大衆。伏惟珍重。

少林忌拈香曰。富蔬廚下菜刀瘦。燒葉爐頭火箸忙。些真正供著無處。碧眼胡僧暗斷腸。

佛涅槃示衆曰。法華未半說涅槃。毒藥醍醐同一家。三止四請扶律談。黃鸝雨霽罵桃花。

寒山詩開卷示衆曰。天台山裏葛藤椿。再引枝蔓到寶林。絆殺參玄瞻撥士。添釘加楔臭婆心。

少林忌拈香曰。昨弔龍雲堆裏訃。今懸熊耳峯頭眞。西來意兩手分付。各待飯終茶禮辰。

因緣。忽然破墮牢落。窺予萬松歸程。半路迎演所見。予一見。怒罵轉加。攢
額入搔頭去者。蓋三年於茲。乍撞著東山下左邊底。予猶不爲喜。他亦不
爲足。其憤志確乎不可拔。傍以激勵後昆。觸破晚輩爲至要。今歲延享第
二乙丑歲。垂先考貞庵仙甫上座七周忌景。搜索空囊。辦齋具。曰。不要誦
經。不假諷呪。和尚大慈願舉宗乘。金圈栗蓬供養多少。住庵寒士於片言
下。予竊謂梓州廣道者。透得興化打克賓維那因緣。當夜夢其母報曰。吾
子悟道故。我今生天。承受慈氏菩薩。徑山妙喜老深賞嘆曰。信及般若功
德。寔不可思議也。顧人死而有知。仙甫上座冥中超脫歡喜。豈可疑哉。是
故不棄置他厚望。是又懸重賞待勇夫之謂乎。

舉興化弊禪師。一日謂克賓維那云。汝不久爲唱導之師。賓云。我不入這
保社。化云。爾會了不入。不會了不入。云。總不與麼。化便打云。克賓維那法

莖山菜一蘿蘋。

臘八示衆曰。莫言三歲兒還解。行得八十翁亦艱。騰蘭縱賢。蹉過了。雪山上萬重關。

譯上座爲先考設齋。上堂曰。胡蘆不可懸。懸則笑。南瞎龍初眼目迷梨笑。轉轉。甜瓜不可印。印則嗔。則院主曾得力。莽鹵嗔憤憤。豐人譯上座。初入何某叢舍。有大得力處。於此欲折拄杖。一掃東海。元文第五庚申春。戴破笠。拽大藤。抗然入我闡提窟。宛如老鶴入鷄群。見人拭目。予一見。言論往來。輕輕推將去。機輪澁不轉。大失初步。予曰。聞名不如見面。熱喝瞋呵。毫釐不假。終拗折拄杖。不舉目望東。晨謁暮參。懔懔低頭出去。瞠目含淚。走。行常嗔。澄散聖亂許可人。恨誠青峯輕證據我。寢食共廢。凍餒皆忘。壬戌秋。予赴請於萬松。兄弟皆隨。譯孤困屈不行。仲冬。依舊終日舉乾峯三種。

遁睡前村福壽老院。願海則老增深廣也。今西東數村緇素。勇義進善者。皆此老提攜教諭力也。桂林堂頭。續得此老扶宗大志。拳拳忘軀命者十歲。這回翼自得文室生平懷素。命予評唱。不思議解脫經者一會。遠邑近里各孜孜。而大義既成辨。顧復惟非老師從前風靡餘波。而什麼耶。於此。予亦炷香展拜。欲稱揚先人餘烈。拈香曰。者木札羹。不假造化工。不勞剪伐力。無量劫來沈沒黑暗海裏。山野四十年前向鴉臭破蒲團上無明黑火坑裏。忽然摸索著。東拈西弄。驚殺佛界。震裂魔宮。誰辨其蹤由。卽今熱向爐中。貫穿老師大寂定中。遼天鼻孔。十方常住三寶龍天護法濕胎卵化有情非情。誰不受斯恩力。毒焰薰徹臭蘭室。東甲人今夢亦芳。師道三年大煥發。庵羅園裏一絲香。

少林忌拈香曰。年年十月上旬五。跛鼈奔波追野鶉。瘦骨稜層胡種族。數

示衆曰。一日移來一日葺。九間老屋數員僧。喫辛酸盡骨還瘦。叵耐息耕爛葛藤。

臘八示衆曰。扣擊無門萬重關。丈夫掉臂出家山。出家山有何消息。拔卻人斑添虎斑。

佛涅槃示衆曰。朋自遠方卻自慚。庫間纔入兩三三。昨聞多少空回步。泣向西東數破庵。

桂林蘭室和尚三回忌。拈香曰。惟時延享乙丑魁夏念九。向前住富春蘭室郁和尚三回忌景。補處桂林堂頭。以杪春上巳日。預展開齋筵於毘耶城中。日出卯。雲門胡餅滿肚不告玉饌於香積國裡。輪當午。金牛飯桶一堂。其誦經諷呪次。假手於山野。拈起一瓣。惟老師初在桂林者二十霜。鉗鎚妙密。法幢孤危。爐韞密埋伏萬石毒焰。笏室鎮膏轄永劫願輪。中雖潛

衲子不能理會老僧說話。寔可憂。今夏松山一千指破方袍。不知佛祖威儀。不會佛祖說話。燕頷馬面。鰐目虎頭。盡是舊參上士。今當聖制時。親乞一語。千回百匝。搜殺枯腸。更不見隻字。可塗糊諸君面門者。何故。昨與悟庵和尚陪上方後。到實相蘭若。堂上一見如舊相識。璉珉二上座薦數品珍羞。愛敬客。剩請留宿。翌晨起來。驟雨轉車軸。谿流怒吼。渡頭各掛禁渡牌。待其水勢落。入夜歸隱寮。歸來舊友七八輩聚頭清話。向更深。且擁被坐。侍者吹木屑驅蚊子。翠煙滿蒸。氣息亦欲絕。於此衲被蒙頭避煙臥。不覺一睡一宵。莫謂鵠林老打失鼻孔。說禪慵懶。不聞道。夜行莫蹈白。非水多是石。

少林忌拈香曰。愛畫老胡凡數千。到今不掃出。誠宜纔伸唐紙敗真卻。兄弟二三知不知。

乘菩薩之事乎。終始一念也。今昔一時也。因果一佛也。凡聖一性也。十方一刹也。三界一體也。正像末一法也。初中後一際也。當處現前不涉情解。師曰。是卽是。點檢看來。大小張天覺。擔惜一枚二三斤胡餅。到死不能免。饑餒。鵠林卽不然。夫華嚴之爲教也。非所以特爲一乘菩薩者。三乘五性。濕胎卵化。誰不受其恩力。始終二念也。今昔三時也。因果五佛。聖凡四性。十方是八刹。三界元九體。正像末非一法。初中後豈一際哉。若人見徹了分明。許爾向一微塵裏。照融華嚴法界。任手倒用橫拈。如巨魚遊大壑。似老龍行雲雨。痛快脫洒。何故如此。白鷺下田。千點雪。黃鸝上樹。一枝花。佛涅槃示衆曰。龍藏七千餘經卷。利羅八石五眞珠。面前撒向任君見。麥圃日喧添綠鬚。

萬松山結制上堂。舉五祖演和尚示衆曰。不憂諸莊旱損。堂中百餘員布。

禪定畢。眞實護持。莫打失。元三拜了。又三拜。涕泣而出。此是洞家祕訣也。吾昔在泉之蔭。涼聞之洞家耆舊。得靈驗。雖間多。不容易爲人說。以待信心衲子。今冬每聞諸子艱辛刻苦。無不撒身上萬斛戰粟。只恨庫間不能分斗升粒米。所以不惜眉毛。說準洞山菓卓者也。若言闡提老漢年老失卻鼻孔。冒洞裏千年死水來浸殺多少英雄。老僧不免握左拳咬指頭。何故賣牛好矣。賣被好矣。冬至今冬在月中。卓拄杖下座。

臘八示衆曰。雪山當面勢崔嵬。大白牛兒吼若雷。東海孫何長處在。濕薪吹上滿巾灰。

正旦示衆曰。鳥後曉鐘春告來。人魁百卉笑顏開。東皇此日龍眠穩。爐上淡茶籬外梅。

護法論講了示衆。舉壽陽方山昭化院記曰。夫華嚴之爲教也。其佛與一

冬夜小參曰。永平道元禪師。寶慶元年七月二日。隨全法師乘商舶遙入炎宋。見天童山如淨禪師。禮三拜曰。遠方小人宿福慶幸。而得投和尚法席。願大慈大悲開示至要淨炷香合掌曰。我此禪宗從的的相承以來。以不離禪堂爲本根。以只管打坐爲眞修。今諸方往往雖專長坐不臥。不逢明師。不聞入定正路。故無異外道坐禪。縱歷永劫。如何得入諸佛大定。元卽禮三拜曰。願大慈大悲指示入定正路。淨炷香合掌曰。元子。坐禪時須置心於左掌上。元卽禮三拜而出。元一日入室三拜曰。依和尚尊命。置心於左掌上。今兩手俱打失。無置心處。淨炷香合掌曰。元子。須令心充汝全身。莫令三百六十骨節八萬四千毛竅一處空虛。元一日入室三拜曰。依和尚尊命。置心於全身。今心身共脫落。如日輪照耀長空。輪相亦不見。此時淨炷香合掌微笑曰。元子。無量劫來生死流轉。今日始入眞箇無漏大

串貫通無鼻巴。

佛生日示衆曰。轉使主人多恐懼。二尊竝化入華堂。傾屎腸盡無香字。家醜再還向外揚。

桂林和尚到上堂。舉五祖演禪師示衆云。諸莊旱損我總不憂。只憂禪家無眼。今夏百餘人。室中舉箇狗子無佛性話。無一箇會得。此可爲憂。師曰。東山老人暗地裡放無煙黑火。欲焦爛多少衲僧命根。大可恐。鵲林卽不然。何管無人會。老僧說話底。今歲蝗蟲入西東境。但恨我住庵七十箇饑衲子。擎空鉢歸來。抱膝暗嗟吁。卓拄杖云。苦中樂樂中苦。且喜桂林蔭涼樹。前村聞說大秋成。又卓一下下座。

少林忌拈香曰。風捲怒濤田苑荒。分離吾野鬼閒神。心肝挾鐵二十輩。共嚼菜莖嘗苦辛。

及一應了圓居士。吾聞因齋慶讚。古佛遺蹤也。是故。予亦放一枚毒油糍。且準點心。莫道觸破。餓飢腸。若咬得破。知甘酸。必消萬劫飢渴。

舉。希叟紹曇老人。惹得多少老骨。搥推此萬丈葛藤窟。初起齷齪。終到永明智覺。中間七十餘員。東土二三管帶。六與一。西天四七。總不照顧。寔知曇公。雖了卻三八九。未明四七一。以何爲驗。孔夫子不言乎。夷狄之有君。不如諸夏之亡也。卓拄杖云。紹。

頂門和尚十三回忌。法孫竺上座設齋。示衆曰。無影樹林。瀟灑絕。不萌枝上。豈榮枯。十年夜雨。頂門眼。遺孽愛看未發株。

單嶺和尚三十三回忌。拈香曰。白鶴林間。無影樹。經三十歲。沒枯榮。其枝柯非棟梁質。擎綠獻花三四莖。

佛涅槃示衆曰。清淨本然。舍利羅。光明寂照。遍河沙。涅槃前矣。涅槃後。一

我曉睡午眠。和廣慧西四七東二三。皆觸他鐵牙劍齒。奪衲僧知見。妨學者悟門。久在他歌吹海中。談玄吐妙。今來栗棘室內。餐佛賞魔。直下被山野捉住。低聲告曰。我有五字四句陀羅尼。說供養四海五湖龍衆衆。大凡聞吾呪者。道情堅剛。福壽無量。卽說呪曰。師卽擊魚鼓二十聲。囂囂囂囂囂囂囂囂囂囂囂囂囂囂囂囂囂囂囂囂囂囂囂囂囂囂。

臘八示衆曰。有斗是名黑暗光。奪人性命。過砒霜。瞿曇夜半錯撞著。百億須彌空斷腸。

陀山和尚忌拈香曰。胸中紫電人難測。頭上青灰字可書。非佛非儒非老列。追尋擲筆馬相如。

謝野氏買麵供養正宗贊會衆。上堂曰。大久保筑州刺史家臣野氏重常和麵費役多少信心。齋我窮巷七十箇饑衲子。以爲前任成道甫闡長老。

平生微志也。獐獐髻髻吒吒呀呀。縱奪任手。殺活入神者。是又懶任也。我若遊蓮華藏世界。或歸一微塵裏。從我遊者。特其懶乎。向後能隨逐。隨逐補我罅漏筭。

謝檀越野氏寄附魚鼓。示衆曰。昔迦葉佛之時。有一僧。不隨親言與師命。閻浮提之內。無兩箇。不分煩惱與菩提。死成北溟魚。嗥如南海鰐。背上有毒樹。風波全身如摧。海頭見師過。怒號欲覆其船。眼光如突。似射。殺聲如怨。似訟。師憐爲說種種法要。拔彼業果根蘖。彼死忽現本形。謝師教諭深恩。報言。伐吾背上樹枝。必斲爲師堂中法器。卽命良工。子現此奇怪形。今隨進修徒。常成禪誦。雙頭兩口。雖含一顆美玉。全身巨喉。大吐萬頃毒焰。檀越野氏。重常隻手。奪驪龍頷下物。參徒相僧。慧鶚半肩。擔納僧耳底雷。形雖似茄瓠。肥膨膨。聲如彼雷霆。吼殷殷。煩神鼎。朝三千暮八百。幾礙

佛生日示衆曰。吾家無面目童子。夫此言斯黑漆陀。骨格端正甚有力。舉心擬向過新羅。

少林忌拈香曰。斷臂賊終不繼父業。缺齒胡常忌觸爺名。欸嫌賊夥券貴印明。酒雪鮮血透徹九淵深源底。裂石毒焰換卻千佛雙眼睛。鬼握白馬骨晚窺而暗室。賊鷺黃雀珠。曉睡我空城。笑金袋小。擔麻束輜。所以泗州大聖昨跨疲牛背上。夙遶楊州市上。尋油糞店東走三四里。西走半日程。呵呵呵。咄咄咄。紅淚數行狂客夢。寒村羌笛引哀情。

舉洞山曉聰禪師因僧問。泗州大聖爲什麼向楊州出現。山曰。君子愛財。取之有道。謹白參玄衲子。還與洞山相見分在麼。各自吐露一轉來。卽卓拄杖云。新到木上座。伏聽所分。厚重如山。寬大如海。包容四海衲子。歷三祇劫不倦。與四魔軍遊不屈。大作夢中佛事。廣度如化含識者。卽是山野。

林五箇產津梁。

臘八示衆曰。我有雪山眞祕訣。恐人不信。匿多時。今朝拈出爲君說。莫當人情能護持。

碧巖錄開卷示衆曰。百則葛藤。喚起提婆達阿鼻紫焰苦叫。三處品藻。迸撒伽婆蹉曠劫赤心憤嗔。佛果射工含熱沙。明覺饑鵬恐跛兔。妙喜炬火厚夜塘水。赤鯉旣過西天。張煒錢財刻渡口。青霜遙射北斗。非是玄沙三種。豈擬乾峯二光。昔永平錯繕謄。白山密染神助筆。今謾應羽城請。大平遮莫作文誅。顏丙老有前言。執白富山清衆。叵耐參天舊葛藤。惱亂四海五湖僧。分明紙上張公子。盡力高聲喚不謦。

佛涅槃示衆曰。棺外雙趺千輻輪。大龜眼裏一堆塵。沙羅林下無枝葉。洗面腰間探淨巾。

臘八示衆曰。入得以來不出山。更無一字落入間。乘喧昨望南溟水。千點沙鷗帶虎斑。

息耕錄開筵示衆曰。欲會息耕雜毒禪。參疎山壽塔因緣。可憐十利斷貫索。擲著一錢打兩錢。

佛涅槃示衆曰。涅槃後有大人相。涅槃前又作麼生。頭陀昨日兩驛裡。使四百僧鴈列行。

佛生日示衆曰。顏若楊妃賜浴時。纖毫不隔只斯斯。君看堂上阿羅漢。三箇證龜爲鼈兒。

金剛經開卷示衆曰。荻三偈頌正三室。被位百餘數十名。分曉金剛眞般若。飛樓涌殿索締成。

達磨忌拈香曰。無容僧備設僧堂。似乞兒締饗宴牀。河北六人成大器。少

戶壓李家藩。

天順和尚五十年忌。單嶺和尚二十五回忌。拈香曰。白頭子矣。黑頭爺。午夜雙照兩鏡華。二十五聲春漏速。朝來拭目對煙霞。

佛涅槃示衆曰。兔邊挾角涅槃門。龜背生毛兩足尊。何怪向南見北斗。指東齋後步西園。

碧巖錄開卷示衆曰。葛藤窠百則狐涎。布衲子千指俊賢。峯頂不看一莖菜。抽釘拔楔舊青氈。

佛生日示衆曰。老鴉暫息鳳凰枝。宗乘豈堪挾臭觜。啐啄同時湯一杓。躍摧金卵紫金翅。

達磨忌拈香曰。吾家不掛老胡眞。懶惰亦齊風標辛。墜葉雖憐疎雨感。黃梁爭若暮雲親。

怒破衲蟣蟲多。數步菜園灰頭奴。說蘿蔔根莖大。佐設陷井待貓賊。窺我小華奴。獄扣竈釜恨汁器。各寫人面具。稱其徒者。鰐目蝟刺。不顧靈鷲遺屬。鷹爪鼻觜。不知百丈清規。常借逃舍敗廳。老屋廢寺休。楮皮爲衣。瓢鉢爲命。或入舊塚破廟朽社古龕隱。野鬼爲友。閒神爲儔。所說禪。里語村歌。怒罵呵咄。普化伎倆。庫間常嚼青菜。不憐雲水家五十肩。洞山菓臺市上。幸有黃柑。不放孔方兄兩三輩。莫言小參。冬夜無巴鼻。狐飯明朝占一堂。舉五祖演和尚示衆曰。但只喫菓子。誰管樹曲朶。後來息耕老師拈曰。者無厭生老翁。得與麼不知來處。報恩菓子貴賤價數高低也。要諸人一一知得。師曰。兩箇惡情。一箇似東山遶破碓。遶巖頭啓意。一箇似趙州勘老婆。輸雪峯輓毬。何故。點檢看來。不致播俎於大夫。

臘八示衆曰。北風振力打荒村。老屋怒嘯勢欲奔。後舍茅埋前舍井。張翁

鐵船和尚十七回忌拈香曰。聖應七旬得授翁。鄒丘五十歷司空。有虞氏樂又何在。兩袖飽帆破曉風。

佛涅槃示衆曰。鬼哭神悲白鶴林。毒華苦葉晝陰陰。春來好在出身句。昨日使周郎思尋。

佛生日示衆曰。先太虛空不出生。渾沌氏父字亡名。腰間鼻孔甚寥廓。額下眉毛一兩莖。

達磨忌拈香曰。鑿面壁開修破屋。閤中拈出一封沈。匠人與爾兩三片。火裏轉鮮落葉金。

冬夜小參曰。群陰交煎。全無上下四維。全無半點暖氣。物窮則變。一卦六斷。乍見初爻潛來。葭灰煨出陝府鐵牛。律管吹倒迦葉刹竿。若張陣勢。鬪枯貧。賁育亦失其勇。且開懷抱。呈醜拙。盤特必傲其才。一鍋沸湯。吳老婆。

攜籃入菜園。

單嶺和尚十三回忌拈香曰。日域眞丹及月支。東風吹轉百花枝。眼前多少好春色。盡是先師醜面皮。

佛涅槃示衆曰。純陀無路捧香供。捷鬼沒門窺鐵牙。一微塵柳四維棺。膨脹青瘀附山鴉。

佛生日示衆曰。淨飯摩耶終不識。私仙無眼相身量。松杉影重夜來雨。滴盡麴塵流水黃。

達磨忌拈香曰。佛心天子休相思。天幸不能喪此文。半片枯皮吹菜葉。一痕隻履曳寒雲。

臘八示衆曰。碧波心裡十年燭。紅火爐頭半掬霜。大白牛兒推不去。風鳴老屋漏寒光。

達磨忌拈香曰。毒乳漲飛大乳峯。百千諸佛失綱宗。老胡當日久浸殺。父拙兒孫猶點胸。

明碩禪人爲母設齋。上堂曰。昔焰口鬼告阿難七日死限。世尊爲修此妙供。昔日撻連見阿母鬼趣苦果。世尊爲修此妙供。今越明碩禪人聞阿母還鄉計。設齋親修水陸供。充陳尊宿蒲鞋勞。其誦經諷呪之次。令山野舉揚宗乘。山野卽打一偈曰。撻連唱起開甘露。陳老織成破草鞋。阿難八十呪神力。子延壽算母雲臺。

舉。虛堂愚公禪師見淨慈。淨慈曰。爾所生父母。通身紅爛。在荆棘林中。爾還知麼。愚曰。好事不在忽忙。師曰。二大老用處甚妙密。點檢見來。淨慈巴蛇捉象吞。三年見枯骨。息耕破鏡懷塊乳。不久窺其母。

臘八示衆曰。百億毛頭白雪山。一毛頭上徹淵源。就中最苦冰霜裡。知事

上梅夜色清。

佛光錄到。示衆曰。初入龍淵底。嘗佛鑑雜毒狐涎。中跨鶯嶺巔。觸息耕倦。犢彈撲。驅鬼苦桃吐妖色。當門脩竹籠臭煙。玉鴿入衲被蒙頭眠。鶴岡忝馳神龍。金龍礙竹榻半熟夢。象骨亦不能圓。白鹿走妨開筵。可惜。不一箭射殺他一隊。黑蚯睡爛密室。可惡。恣一生惑亂他群賢。爛葛藤括地纏天。廢再出月桂老人辣手。短書笥嘗嶮喫。請迎勞不二庵主瘦肩。鵠林未繙卷帙。毒乳迸溢面前。雲巖開祖來也。留爲山門鎮護。

佛涅槃示衆曰。二千年外死金仙。臭骨爛骸空劫前。其子孫今泚其顙。紅桃雨過薄籠煙。

佛生日示衆曰。魂飛魄散鐵船碎。此是吾家佛誕生。兄弟二三四五六。曉雲壓翠雨中楨。

爾著羅綾衣。纏紫錦袍。總是依草附木精靈。地獄衆生。所以言。忽然逢之。則秦楚失其富。賁育失其勇。王侯失其貴。干莫失其利。乾坤失色。日月吞輝。作麼生是那一人。頭長三尺。足短一寸。頭枕天台。足踏南嶽。卽今在何處。昨夜投宿於螻螟眼裡。今朝向蚊虻鼻中喫茶。如何相見去。若人要參謁。是男形麼。是女身麼。青黃赤白麼。在內外中間麼。不一回相見。死不休。憤起大勇猛精神。鬧處靜處。行住坐臥。單單尋討。到伎盡詞窮。理亦窮處。忽乎撞著。此時初得。鳳離金網。鶴脫籠底。快活去。畢竟如何。珊瑚枕上兩行淚。半是思君半恨君。

達磨忌拈香曰。嗟君未到金陵日。寡婦掃眉坐綠氈。君旣到金陵城後。慈烏失母咽寒烟。

臘八示衆曰。大道寥寥無敗處。黃頭老漢卻何成。寒雲籠雪夕陽重。山月

如來百千無量惡處卻化唯心淨土。水鳥樹林念佛念法。宛如見掌上。如何得一回瞻禮去。汝若要見如上古佛。鬧處靜處。寤時寐時。單單尋討。既是唯心淨土。淨土有何莊嚴。既是己身彌陀。彌陀說何法。猛著精彩。問既是己身彌陀。具何相好。與上大夫言。閭閻如也。與下大夫言。侃侃如也。曰。此是非孔夫子生知安行底步驟麼。南村北村雨一犁。新婦餉姑翁哺兒。畢竟如何。遼來遼來。

九日上堂曰。王摩詰詩曰。遙知兄弟登高處。遍插茱萸少一人。此詩雖述遠別思鄉情。謂大似衲僧家說話。可悲。今時禪苑叢社中。欠少一人底不少。唯箇一人逢之。則刹那上妙覺。欠之則曠劫滯凡愚。調御雪山六年打坐。忽然逢之。乍成無上正覺。香嚴擊竹聲裡纔見此人。登諸祖階位。太原角聲。靈雲桃花。一切賢聖。古今佛祖。不見此人。則唯是一枚博地凡愚。縱

示憤怒於海面哉。原曰。嗟。子來進。夫寶明空海。全絕纖塵。憂思悲恐。談笑戲論。盡是無不諸佛大寂定中微妙不思議圓音。可惜。汝未聽隻手無生妙聲。作麼生是隻手無生妙聲。到江吳地盡。隔岸越山多。海神知貴不知價。何故向來錯作商人妻。商人重利輕別離。去年江陵賣茶去。畢竟如何。靜處蘇婆訶。

七夕小參曰。昔二星有皐永左遷銀河水濱。寔年代深遠也。譬如人間有罪永劫沈浮苦海也。二星之恨。一年一度少值遇悲嘆而已。苦海沈浮。叫喚紅蓮黑繩衆合。有刀山劍樹難。有洋銅鐵丸苦。救之無術。顧之無道。獨有己身彌陀。常如響影。相隨不離身。六趣衆生無半箇不具。有纔一回瞻禮。則鐵丸銅牀。洋銅沸屎。乍現清淨微妙供具。閻羅法王牛頭獄卒。乍化文殊普賢等聖衆。一切所有受苦罪業衆生。忽然現清淨微妙相好具足。

正旦示衆曰。皓潔衆心雪愧。蟠且濺朽樹結成花。春林豈久留可駐。又入滄溟揚素波。何故。其帝太皞。其神句芒。

上已上堂曰。今日三月三。老幼奔波河濱。互修禊事。此有一件傾來四溟海。難洗除底之大患。所謂生死大兆也。若人欲掃除此災害。須憤起大勇猛信心。一回見性如見掌上。作麼生是見性底事。姑蘇臺上烏棲時。吳王宮裡醉西施。何故。天視自民視。天聽自民聽。畢竟如何。山梁雌雉。時哉時哉。

佛生日示衆曰。太子周行七步言。吾歌能演法淵源。可令泥燕辨真僞。莫使蝸牛耕菜園。

端午上堂曰。今日重五日。浮樓船放華標。民皆祭三閭大夫。原之言曰。世人皆濁。我獨清。世人皆醉。我獨醒。漁父曰。既醒既清。胡爲捲狂浪。激怒濤。

荊叢毒藥

卷第一

侍者 禪恕集

冬至上堂曰。群陰剝盡。一陽來復。莫是衲僧家大死一番絕後。再蘇底好消息麼。可惜諸方往往知冷灰一爆。不覺跛鼈入甕裡去。若夫自非一回親觸著法窟真正毒爪牙。到死不能出得過。何故。劉公旣入漢中去。子房引眸燒棧道。以何爲驗。在屯之初九。

除夜小參曰。今歲今宵去。明年明日來。家家著新樣衣。戶戶期春神到。瓶挾帶根松。盤堆加葉橘。正與麼時。莫卻有不涉新舊底實處麼。曰。在。作麼生是不涉新舊底實處。氣霽風梳新柳髮。冰消波洗舊苔鬚。以何爲驗。卓拄杖一下曰。丘之禱久矣。

卷第五

記說

卷第六

書

卷第七

序跋銘

卷第八

贊

卷第九

偈頌

目錄終

荊叢毒藥

目錄

卷第一

示衆

卷第二

示衆 普說 頌古 舉古

卷第三

五位口訣 法語 小佛事

卷第四

辯

吊序毋年諸角荷云
賢曆戊寅秋八月

中納言菅原為成撰



男侍從為璞書



師之名久矣今閱是書篇之
荊棘字之毒藥而千載之
下學者一驚過此荊棘觸
著此毒藥則得圓應無
方脫洒自在矣是乃言
此文之所以不得已也

駭則白隱禪師道高一世
名重叢林其高遠如傳者
輯錄其平素接物唱酬之
語分卷為九名曰荆叢毒
藥曰者浪華居士元照持
命東人刊之市掌御禪

荊叢毒藥序

先聖之化物也物惑以化
何曾貴于言哉不得已而
後發言發言而後運文苟
化文之則不能以敷之久
遠焉此亦最不得已者也

第二卷目次終

息耕錄評唱剩語

(一六)

四四五—四五〇

口繪目次 (五頁)

- 一、白隱和尚筆『法具變妖之圖』(其一)……(京都 金臺寺藏)
- 二、白隱和尚筆『法具變妖之圖』(其二)……(京都 金臺寺藏)
- 三、白隱和尚筆『法具變妖之圖』(其三)……(京都 金臺寺藏)
- 四、白隱和尚筆『法具變妖之圖』(其四)……(京都 金臺寺藏)
- 五、白隱和尚筆『法具變妖之圖』(其五)……(京都 金臺寺藏)

卷第六 (一三三)

一六五

卷第七 (一三〇)

一九七

卷第八 (一六)

三七

卷第九 (一四〇)

二五五

荆叢毒藥拾遺

目錄 (一一二)

三〇三

本文 (一六二)

三〇五

息耕錄開筵普說

序 (一一四)

三六五

印施解 (一一六)

三六九

本文 (一一七)

三七五

白隱和尚全集 第二卷

目次

荆叢毒藥

序

(一四)

目

錄

(一五)

卷

第一

(一六)

卷

第二

(一八)

卷

第三

(二〇)

卷

第四

(二二)

卷

第五

(二四)

101

101

八

四

七

五

一


CHAPTER





藏寺臺命 都京) ..(五其) ..『圖之妖變具法』筆向和隱白





(藏寺臺金 都京)・(四其)・『圖之妖變具法』筆尚和隱白





(藏寺臺命都京)・(三其)・『圖之妖變具法』筆尚和隱白





(藏寺臺金 都京) ..(二其) ..『圖之妖變具法』筆尙和隱白





(藏寺臺金 都京)・(一其)・『圖之妖變具法』筆尙和隱白



BL
1416
H3
1935
V. 2

白隱和尚全集編纂會編

白隱和尚全集
第二卷

東京
龍吟社
版

BL Hakuin
1416 Hakuin-Oshō zenshū
H3
1935
v.2

East
Asiatic
Studies

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
